

150.5

Dakota

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
GUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

421

D154 (R)

B403ge

1842

WICOICAGE WOWAPI,

QA

ODOWAN WAKAN,

HEBERI IAPI ETANHAN KAGAPI.

PEJIHUTA WICAXTA, PSINCINCA, QA TAMAKOCE, OKAGAPI
KIN HENA EEPI.

THE BOOK

OF

GENESIS,

AND A PART OF THE

PSALMS,

IN THE DAKOTA LANGUAGE; TRANSLATED FROM THE ORIGINAL
HEBREW, BY THE MISSIONARIES OF THE A. B. C. F. M.,
AND MR. JOSEPH RENVILLE, SR.

Printed for the American Board of Commissioners for Foreign Missions.

CINCINNATI, OHIO:

KENDALL AND BARNARD, PRINTERS.

1842.

Wicoicage Wowapi kin he Wakantanka token wicaxta tokahe-
ya wicakage ça token iwicacage cin he oyaka. Hehan ix token
oranyanpi qa Wakantanka token owicakiran hena nakun ecen
oyaka. Hena taku kin owasin Wakantanka Mowis ecekcen
oyake xi; unkan ecen econ. Iye wicaxta wokcan kin heca; qa
Wakantanka taoyate tokaheya en itancan kin hee.

Mowis te cin iyohakam waniyetu opawinge topa hehan Dawid
icage ça Wakantanka taoyate kin en wicaxtayatapi yanka. Da-
wid, iye qa wicaxta wakan toktokeca odowan opawinge sanpa
wikcemna zaptan kagapi; qa hena Wowapi Wakan en un. He
etanhan wikcemna xakpe sam iyeya Dakota iapi kin eciyatan-
han okagapi. Hena dawapi kinhan ehanna wicaxta wakan to-
ken wacinyuzapi qa Wakantanka yatanpi, qa token ihduecetupi
kin sdoniyayapi kta.

Jehowa wakan undapi qa ceunkiyapi kin he ohinniyan onici-
yapi qa iye oie kin okarnir niyanpi nunwe.



WICOICAGE.

GENESIS,

IN THE DAKOTA LANGUAGE;

Translated from the Hebrew,

BY THOMAS S. WILLIAMSON, M. D.

WICOWOYAKE 1.

1. Otokahe ekta Wakantanka marpiya kin maka kin ahna kaga.

2. Unkan maka kin tanton xni, qa takudan ohnaka xni, qa otpaza oxbe kin akan wanke ça, Wakantanka taniya kin mini yata ohnihdeya un.

3. Unkan Wakantanka, Ojanjan kta eya. Unkan ojanjan.

4. Unkan ojanjan wanke cin, he Wakantanka waxte e wanhake ça, Wakantanka ojanjan kin otpaze cin kiei yukinukan ehna.

5. Qa Wakantanka ojanjan kin, Anpetu eciya, otpaze cin ix, Hanyetu eciya. Unkan ortayetu, qa ohanranna he anpetu tokaheya kin hee.

6. Unkan, Okotonyan wanke kte, mini kin okitahedan, qa mini kin mini kin yukinukan kte, Wakantanka eya.

7. Unkan okotonyan kin Wa-

kantanka kage ça, mini okotonyan kuyatanhan kin, qa mini okotonyan akantanhan kin kiei yukinukan. Unkan ecetu.

8. Unkan okotonyan kin he Wakantanka, Marpiya eciya. Unkan ortayetu, qa ohanranna anpetu icinonpa kin hee.

9. Unkan Wakantanka heya, Marpiya kin ihukuya mini wanke cin icunonpa kawitaya kte, ça taku puze cin taninyan wanke kte, eya. Unkan ecetu.

10. Unkan taku puze cin he Wakantanka, Maka eciye, ça mini kiwitaya kin he, Miniwanca eciya, qa he Wakantanka waxte e wanhake.

11. Hehan Wakantanka heya, Maka kin wato icarye kte, peji kin he su icar ye kte, waskuyeca can kin he waskuyeca icar ye kte, waskuyeca mahen su yuke kte, ocaje otoiyo hi su kin icar ye kta, eya. Unkan ecetu.

12. Maka kin wato aicaga, peji kin ocaje otoiyo hi su aicage ça, can kin waskuyeca aicaga *waskuyeca* otoiyo hi mahen su kin yukan. Unkan he waxte e Wakantanka wanhdaka.

13. Unkan ortayetu, qa ohan-ranna he anpetu iciyamni kin hee.

14. Unkan Wakantanka heya, Marpiya okotonyan kin ekta taku iyoyanpa yuke kte, on anpetu hanyetu kici yukinukanyan un kte ça heon woyaka unpi kte, makoncage, anpetu, omaka, henakiya.

15. Qa marpiya okotonyan kin ekta hena iyoyanpa un kte, ça maka kin nakun iyoyam ye kte, eya. Unkan ecetu.

16. Wakantanka wiiyoyanpa nom tankinyanyan kaga, tuka uman iyotan tanka kin he anpetu kin kicage, ça uman aoptetu kin he hanyetu kin kicaga, wicarnpi nakun.

17. Hena marpiya okotonyan kin ekta Wakantanka ehna, maka kin iyojanjan kta e *hecon*.

18. Anpetu hanyetu ko ohin-niyan aunye wicakiya, qa ojan-jan kin otpaze cin kici yukinukanyan ounye kiya. Unkan he waxte e Wakantanka wanhdaka.

19. Unkan ortayetu, qa ohan-ranna he anpetu icitopa kin hee.

20. Unkan Wakantanka heya,

Mini kin taku niyake ota icar ye kta qa taku kinyan maka kin iwankam marpiya okotonyan kin ohna okinyanpi kte.

21. Hecen Wakantanka hogan tankinyanyan oicar ye, ça taku niyake, taku mini oicage cin ocaje hiyeye cin owasin, hena mini icar kiye, ça taku kinyan rupahu tonyan ocaje otoiyo hi. Unkan he Wakantanka waxte e wanhdaka.

22. Hena Wakantanka yawa-xte qa hecen ewicakiya, Icagapi qa ihduotapo qa miniwanca kin ojudan yakonpo, qa taku kinye cin maka akan ihduotapi kte.

23. Unkan ortayetu, qa ohan-ranna he anpetu icizaptan kin hee.

24. Hehan Wakantanka heya, Maka kin taku niyake oicage cin otakiya icar ye kte; woteca, watutka, wamanica, henakiya ocaje otoiyo hi, *eya*. Unkan ecetu.

25. Hecen wamanica ocaje otoiyo hi, woteca ocaje otoiyo hi, qa taku maka asdohan owasin ocaje otoiyo hi, henakiya Wakantanka wicakage, ça he waxte e Wakantanka wanhdaka.

26. Hehan Wakantanka hecen eya, Wicaxta unkagapi kinhan ounce iyecen iyeuncecap i kta, qa miniwanca ekta hogan oicage cin wicayuhe kte, marpi-

ya ekta taku kinye cin nakun, ya yeye cin owasin tanyan yuxtan-pi.

qa woteca qa maka kin ocowasin, qa watutka taku maka akan sdoan, ocaje owasin *aunye kta*.

27. Wakantanka eyaya iye iyececa wicaxta wan kaga, Wakantanka ounce iyececa kaga; wica winyan kici wicakaga.

28. Qa Wakantanka wicayawaxte qa, Icagapi, qa ihduotapo, qa maka kin ojudan içiyapo, qa denakiya wicayuha yaunpi kta, miniwanca ekta hogan oicage, ça marpiya ekta taku kinye cin, qa taku niyake maka axkanxkan oicage cin owasin, tawa wicayapo; ewicakiya.

29. Qa, Taku maka akan wacarya suton wojupi owasin içipi, can waskuyeca suton oicage cin owasin, hena nakun; hena woyute yayapi kta.

30. Tuka taku maka akan ni un kin, marpiya taku okinye cin, qa taku maka axkanxkan kin, taku niya un kin owasin, hena peji wato owasin woyute wicawaqu, Wakantanka ewicakiya. Unkan ecetu.

31. Unkan Wakantanka taku kage cin owasin wanhdaka; unkan iyotan waxte. Unkan ortayetu, qa ohanranna he anpetu icixakpe kin hee.

WICOWOYAKE 2.

1. Hecen marpiya kin maka kin iyahna, qa taku ohnaka hi-

2. Unkan anpetu icixakowin, Wakantanka tortani kage cin owasin ayuxtan, qa anpetu icixakowin kin en tortani kage ciquon etanhan okirpa.

3. Qa Wakantanka anpetu icixakowin kin he hdawaxte, qa hduwakan. Tortani Wakantanka kage cin owasin anpetu kin he en ayuxtan, qa okirpa, heon hduwakan.

4. Marpiya maka ko kagapi kin, Jehowa Wakantanka maka marpiya ko kage cin, anpetu kin he en, woicage oyakapi kin dena ee.

5. Can hiyeye cin owasin maka kin en he xni itokam, peji tinta oicage cin owasin uye xni itokam, Jehowa Wakantanka naharin maka kin amagaju ye xni, qa wicaxta maka kicanye kte cin wanica;

6. Qa maka kin etanhan po wankantkiya u, qa maka itohnake kin owancaya acuya.

7. Unkan Jehowa Wakantanka, maka mdu kin etanhan, wicaxta wan kage, ça poge ordoka ohna ipor iyeya he wiconi oniya qu.

8. Unkan Jehowa Wakantanka, Eden hēcīya wihinanpe cin ekta, wojupi wan kage ça wicaxta kin he en ehde.

9. Qa Jehowa Wakantanka can kin owasin tona owanyag waxte, qa woyute waxte aicage cin, maka kin etanhan icar ye, ça wojuپی kin cokaya, can wiconi wan kage ça, can wan taku waxte taku xica ko sdoneye kiye kta e *nakun en kaga*.

10. Unkan can wojuپی kin rpan ye kta e, watpa wan Eden etanhan uye ça hetanhan ointpa tom icaga.

11. Ointpa tokaheya kin Pixon eciyapi; he Cawila makece kin owancaya ohomniya.

12. Heciya maza ska zi yuke, ça maza ska zi makece kin he en iyeyapi kin, he waxte. Heciya Bedola, qa ir'e wicaxake iyececa.

13. Watpa inonpa Gixon eciyapi; he Kux makece kin ohna iyaya.

14. Qa watpa iyamni kin Cedeqel eciyapi; he Axur makece kin wiyohiyanpata kiya kaduza. Qa watpa itopa kin Yuperate hee.

15. Unkan Jehowa Wakan-tanka Adam icu, qa Eden wojuپی kin, he kicanye ça awanyake kta e, en ehde.

16. Qa Jehowa Wakantanka wicaxta kin hecen eciya, Can wojuپی kin owasin etanhan ica-kix içiye xni yate kta.

17. Tuka can wan, taku

waxte taku xica ko sdoneye kiye kte cin, de etanhan yate kte xni; anpetu wanji he en yate cinhan nişe kta.

18. Hehan Jehowa Wakan-tanka, Wicaxta kin de ix nana un kin hecen xica, wanji iye iyececa wecage kta, eya.

19. Wanna Jehowa Wakan-tanka, maka kin etanhan tinta wamanica owasin wicakaga, marpiya *etkiya* taku kinye cin ko owasin, qa Adam en u wicakiya; token cax wicaton kte cin sdoneye kta e heon. Unkan token Adam owasin cax wicaton, ecen taku ni un kin otoiyohi caje wicayatapi.

20. Hecen Adam woteca owasin cax wicakiton, marpiya e-ktakiya taku kinye cin ko owasin, tinta wamanica nakun owasin; tuka Adam ookiye iye iyececa wanjidan iyeyapi xni.

21. Unkan Jehowa Wakan-tanka woixtima tanka wan Adam ahinrpaye ya, unkan *Adam* ix-tima. Unkan Wakantanka cutuhu kin wanji yujon icu, qa conica kin ecen paohduta iyeya.

22. Qa Jehowa Wakantanka cutuhu kin, wicaxta etanhan icu qon on winyan wan kage, ça wicaxta kin en kai.

23. Unkan, Mihu kin etanhan de hu ye ça, micerpi kin etanhan cerpi ya. De wicaxta

kin etanhan icupi kin, heon de cin he Wakantanka sdonya he winorinca eciyapi kta, Adam etanhan heya ce.

24. He etanhan wicaxta atku- woyute waxte, owanyag waxte, ku hunku kici awicayuxtān, qa qa wicimdeza ksam wicaye kte tawicu kin e askam içiye kta, cin he, winorinca wanyake ça, hecen cerpi wanjipidan kta, waskuyeca kin icu, qa yute ça

25. He ehan Adam tawicu hihnaku kin qu, qa ix eya yuta. kici napin oge içiton xni yakonpi; tuka ixtecapi xni.

WICOWOYAKE 3.

1. Wanna wamanica hiyeye cin owasin Jehowa Wakantanka wicakage cin, wamduxka kin hecedan ksapa, qa wamduxka kin winyan kin heciya, Can wojupi kin wanji taku aicage cin yutapi xni po, Wakantanka eya he?

2. Unkan winyan kin wamduxka kin heciya, Eyaqex can wojupi waskuyeca aicage cin tona uncinpi kin hena untapi ce.

3. Tuka can wanjidan wojupi cokaya he cin, he taku aicage cin hecedan, Ihnuhan yatapi qa odutan pi kin, hecanonpi kinhan niṭapi kta ce, Wakantanka unkekiciyapi.

4. Unkan wamduxka kin winorinca kin hecen eciya, Niṭapi kte xni tuka heya ce;

5. Tohan yatapi kinhan nix eya ixta nimdezapi, qa Taku wakan iyenicecapi, taku waxte taku xica ko sdonyayapi kte

cin he Wakantanka sdonya he etanhan heya ce.

6. Unkan can kin waskuyeca woyute waxte, owanyag waxte, qa wicimdeza ksam wicaye kte cin he, winorinca wanyake ça, waskuyeca kin icu, qa yute ça hihnaku kin qu, qa ix eya yuta.

7. Qa hehan napin ixta indezapi, qa tancodan yakonpi kin, hehan sdonkiciyapi; qa witanxna ape heca kagegepi, qa on oge içitonpi.

8. Unkan anpetu kin wanna cusni hehan, Wakantanka itohnake kin etanhan, wojupi can kin ehna naiçirmanpi.

9. Hehan Jehowa Wakantanka Adam kipan, qa heciya, Tukten yaun he?

10. Unkan Adam ayupte ça, Niho kin nawaron, qa kowakipe ça namiçirbe, tancodan waun kin heon etanhan, eya.

11. Unkan tancodan yaun kin tuwe oniciyaka he? Can wanjidan etanhan yute xni cixi qon, hetanhan yata he? eya.

12. Unkan Adam heya, Winorinca mayaqu hee, qa mici un kin, iye can kin etanhan maqu, qa wata ce.

13. Unkan Jehowa Wakan- tanka winorinca qon heciya, Tokeca hecanon he? Unkan, Wamduxka kin mahnayeça wata ce, winorinca kin eya.

14. Unkan Jehowa Wakan-tanka wamduxka qon hecen eciya, Niye decanon, qa heon woteca watutka ko owasin, nix nana niyaxicapi. Itpi kin on maka kin asdohan yaun, qa tohan yani kin hehanyan, maka ece yate kta.

15. Qa detanhan nix winorin-ca kin kici tóka kiciya yaunpi kta, qa winorinca cihintku kin nicinca kici tóka kiciya yaunpi kta. He payata hdiyarpe niye kta, qa nix siyete en dartake kta.

16. Hehan winorinca kin heciya, Iyonicixice ça ihdunixake cin nina mduota kta. Iyokixin-ya cinca yaton, qa nihihna cantihayaye ça iye wowidag niye kta.

17. Qa hehan ix wicaxta kin hecen eciya, Nitawin kin token eniciye cin anayagoptan, qa can wan etanhan yute xni cixi qon, etanhan yate cin, heon niye on etanhan maka kin yaxicapi kta. Taku aicage cin on rtayani qa hecen yate kta, tohan yani kin hehanyan.

18. Wapepeka ece icar niciye kta, qa peji maka aicage cin yate kta.

19. Niite tenimni kin on aguyapi yahdute kta, maka inicu kte cin hehanyan. Maka kin etanhan inicagapi nakaex, maka mdu kin henica qa maka kin ekta icicawin yahde kta.

20. Hehan Adam iye tawicu kin, Ewe eya cax kiton; taku ni un kin owasin he ina yanpi kin heon etanhan.

21. Unkan Jehowa Wakan-tanka Adam tawicu kin kici wakhidaka okde wicakicage ça oge wicakicaton.

22. Qa Jehowa Wakantanka heya, Wicaxta kin wanna unkiye wanji he iyeuncecapi, taku waxte taku xica ko sdonya, heon ihnuhan nape yekiye ça wiconi can kin etanhan icu, qa yute ça owihanke wanin ni kte cin.

23. Heon Jehowa Wakantan-ka wicaxta kin Eden wojupi kin etanhan iyog iyeya; maka kin etanhan icage cin he kicanye kta e *iyog iyeya*.

24. Qa can wiconi canku kin awanyake kta e, Eden wojupi wiyohiyanpa tanhan Kerubim maza sagye ideya xkanxkan un ko ewicahde.

WICOWOYAKE 4.

1. Unkan Adam tawicu kin Ewe sdonya, unkan ihduxake ça cinca ton; Qain he ton, qa, Jehowa etanhan wicaxta wan mduha ce, eya.

2. Qa ake *ihduxake* ça sunkaku Abel ton. Unkan Abel wanuyanpi wiran wicakiya, qa Qain maka kin kicanyan.

3. He iyohakam anpetu ota, qehan Qain waskuyeca maka aicage cin hee Jehowa wakiyuxna.

4. Unkan Abel wanuyanpi tawa tokaheya tonpi wan, ihdi koya woxna. Unkan Jehowa Abel taku wakiyuxna kin ko, akicitonwan.

5. Qa Qain ee wakiyuxna ko akicikta xni. Unkan Qain can-teptanye ça itohnake tokeca.

6. Unkan Jehowa Qain heciya, He tokeca canniniye ça itohnake enicetu xni?

7. Tanyan ecanon kinhan ihaniktapi kte xni he? Tuka tanyan ecanon xni kinhan woar-tani tiyopa kin en yanka. Tuka niye qe cantiheniye kta qa nix wowidake yaye kta.

8. Unkan Qain sunkaku Abel okiye ça wojupi ekta napin ya-konpi qa najin hiyaye ça sunka-ku Abel kikte.

9. Unkan Jehowa Qain he-ciya, Nisunka Abel tukte e he? Unkan, Sdonwaye xni. Ecin misunka kin he awanhdag waun he? eya.

10. Unkan token yaran he? Nisunka we kin maka kin etan-han ho kin hiyohimayan.

11. Qa wanna maka kin koya anihduxica. He nisunka we kin ninape kin etanhan icu kta e i hdukawa.

12. Ake maka kin yakican-yan exta, taku ota icar niciye kte xni. Wicaxta kinihanxni-yan onuniyan yaun kta ce, eya.

13. Unkan Qain Jehowa he-ciya, Iyomakixica tanka qa owa-kihi mapica xni.

14. Anpetu kin dehan maka kin detanhan iyog iyemayaya, nitoye kin inarbe wakiye kta, wicaxta kinihanxniyan onuni-yan maka kin akan waun kta, qa tuwe kaxta iyemaye cinhan makte kta.

15. Tuka Jehowa heciya, Tuwe Qain kte kinhan, xako-win akihde woxice akipe kta. Qa Jehowa Qain wapetog ton, hecen on tuwe wanyaka exta, ktepi kte xni.

16. Unkan Qain Jehowa ito-ye kin etanhan inapa, wiyohi-yanpata makoce wan, Nod eci-yapi kin, he en ounyan.

17. Qa Qain tawicu kin sdon-ya, unkan ihduxake ça cinca wan ton, Henok hee. Unkan Qain otonwe wan kage ça He-nok eya cax kiton, cihintku caje kin iyecen.

18. Unkan Henok cinca wan kicitonpi, Irad hee. Unkan Irad Mecujael kicitonpi. Unkan Me-cujael Metuxael cinkxi ya. Un-kan Metuxael Lamek cinkxi ya.

19. Unkan Lamek winorinca nom wicayuzä. Tokaheya kin

Ada eciyapi, qa iyokihe Zila eciyapi.

20. Unkan Ada Jabel ton; he tona wakeya otipi, qa wanu-yanpi awanhdakapi kin, hena ateyapi.

21. Qa sunkaku Jubaleciyapi. Tona candowankiyapi cotanka ko, yahotaninpi kin, hena he ateyapi.

22. Unkan Zila he Tubal Qain ton. Taku maza zi on kagapi, qa maza sapa on kagapi ko o-wasin, iye onspe, qa kaga. Qa Tubal Qain tawinortin Nahama hee.

23. Unkan Lamek tawicu Ada Zila kici hewicakiya, Miho kin naronpo, Lamek tawicu kin mioie kin anagoptanpo. Wicaxta wan wakte, on kimihdaksa, on kiunimiçiya ce.

24. Qain xakowin akihde tokiçonpi kinhan, Lamek wikcemna xakowin sanpa xakowin tokiçonpi kta ce, *eya*.

25. Unkan ake Adam tawicu kin sdonya; unkan cinca wan ton, qa Wakantanka cinca tokeca wan maqu, Abel Qain kte qon hee kiya, eye ça Xet eya caxkiton.

26. Unkan Xet ix eya cinca wan kicitonpi, qa Enox eya caxkiton. Hehan tokaheya wicaxta kin Jehowa caje kin hoyeki-yapi.

WICOWOYAKE 5.

1. Adam wicowazi wowapi kin dee. Wakantanka Adam kage çehan, taku wakan iyecen icar kiya.

2. Wica winyan ko wicakage, ça wicayawaxte, qa wicakage çehan, Adam eya cax wicaton.

3. Unkan Adam waniyetu opawinge sanpa wikcemna yamni ni, qa cinca wan, iye ounce iyecen kicitonpi, qa Xet eya caxkiton.

4. Qa Xet tonpi kin he iyohakam, Adam waniyetu opawinge xahdogan ni, qa cinca wica winyan ko kicitonpi.

5. Hecen anpetu owasin Adam ni un kin, hena waniyetu opawinge napciwanka sanpa wikcemna yamni, hehan ça.

6. Unkan Xet waniyetu opawinge sanpa zaptan ni, qa Enox kicitonpi.

7. Qa Xet Enox tonpi kin iyo-hakam, waniyetu opawinge xahdogan sanpa xakowin ni, qa cinca wica winyan ko kicitonpi.

8. Hecen anpetu owasin Xet ni un kin, hena waniyetu opawinge sanpa ake nonpa, hehan ça.

9. Unkan Enox waniyetu wikcemna napciwanka ni, qa Qenan kicitonpi.

10. Qa Qenan tonpi kin iyo-hakam, Enox waniyetu opawin-

ge xahdogan sanpa wikcemna sanpa zaptan ni, qa cinca wica winyan ko kicitonpi.

11. Hecen anpetu owasin Enox ni un kin, hena waniyetu opawinge napciwanka sanpa zaptan, qā hehan ʔa.

12. Unkan Qenan waniyetu wikcemna xakowin ni, qa Mahalele kicitonpi.

13. Qa Qenan Mahalele tonpi kin iyohakam, waniyetu opawinge xahdogan sanpa wikcemna topa ni, qa cinca wica winyan ko kicitonpi.

14. Hecen anpetu owasin Qenan ni un kin, hena waniyetu opawinge napciwanka sanpa wikcemna, hehan ʔa.

15. Unkan Mahalele waniyetu wikcemna xakpe sanpa zaptan ni, qa Jered kicitonpi.

16. Qa Mahalele Jered tonpi kin iyohakam, waniyetu opawinge xahdogan sanpa wikcemna yamni ni, qa cinca wica winyan ko kicitonpi.

17. Hecen anpetu owasin Mahalele ni un kin, hena waniyetu opawinge xahdogan sanpa wikcemna napciwanka sanpa zaptan, hehan ʔa.

18. Unkan Jered waniyetu opawinge sanpa wikcemna xakpe sanpa nonpa ni, qa Henok kicitonpi.

19. Qa Jered Henok tonpi

kin iyohakam waniyetu opawinge xahdogan ni, qa cinca wica winyan ko kicitonpi.

20. Hecen anpetu owasin Jered ni un kin, hena waniyetu opawinge napciwanka sanpa wikcemna xakpe sanpa nonpa hehan ʔa.

21. Unkan Henok waniyetu wikcemna xakpe sanpa zaptan ni, qa Metuxela kicitonpi.

22. Qa Henok Metuxela tonpi kin iyohakam, waniyetu opawinge yamni Wakantanka opeya mani, qa cinca wica winyan ko kicitonpi.

23. Hecen Henok anpetu tawa owasin waniyetu opawinge yamni sanpa wikcemna xakpe sanpa zaptan.

24. Qa Henok Wakantanka opeya mani, qa *tanin* xni Wakantanka he ikikcu nakaex.

25. Unkan Metuxela waniyetu opawinge sanpa wikcemna xakowin sanpa xahdogan ni, qa Lemek kicitonpi.

26. Qa Lemek tonpi kin iyohakam, Metuxela waniyetu opawinge xakowin sanpa wikcemna xahdogan sanpa nonpa ni, qa cinca wica winyan ko kicitonpi.

27. Hecen anpetu owasin Metuxela ni un kin, hena waniyetu opawinge napciwanka sanpa wikcemna xakpe sanpa napciwanka, hehan ʔa.

28. Unkan Lemek waniyetu opawinge sanpa wikcemna xahdogan sanpa nonpa ni, qa cinca wan kicitonpi.

29. Qa Jehowa maka kin yaxice cin he nape on unkican-yanpi, qa rtaunnipi kin en unki-kiyapi kte cin dee ce, eye ça Nowa eya cax kiton.

30. Qa Lemek Nowa tonpi kin iyohakam waniyetu opawinge zaptan sanpa wikcemna xakowin sanpa zaptan ni, qa cinca wica winyan ko kicitonpi.

31. Hecen anpetu owasin Lemek ni un kin, hena waniyetu opawinge xakowin sanpa wikcemna xakowin sanpa xakowin, hehan ça.

32. Unkan Nowa wanna waniyetu opawinge zaptan, hehan Xem, Cam, qa Japet, kicitonpi.

WICOWOYAKE 6.

1. Unkan wicaxta maka akan ota ayapi, qa cunwintkupi kicitonpi.

2. Unkan Wakantanka cinkxi wicaye cin wicaxta cunwintkupi kin hena e waxte wanwicayakapi, qa tona cinpi kin hena etanhan, winorinca wicayuzapi.

3. Unkan Jehowa heya, Mitaniya owihanke wanin wicaxta kin en ounye kte xni; hena wartanipi kin heon wicacerpi kin

heca nakaex; tuka anpetu tawa kin, hena waniyetu opawinge sanpa wikeemna nonpa kta. .

4. Unkan anpetu kin hena icunhan, maka kin akan wazise yakonpi, qa Wakantanka cinkxi wicaye cin wicaxta cunwintkupi kin wicayuzapi, qa cinca kicitonpi kin, hena eepi, he iyohakam wicaxta waxakapi, wanakaja tanhan wicaxta waditakapi.

5. Unkan wicaxta maka akan wartanipi kin ota e, Jehowa wanyaka, anpetu osan wicocante oze okar otoiyohi eedan xica.

6. Unkan wicaxta maka akan icar wicaye cin heon, Jehowa iyopeiçiye ça cante iyokixin içiya.

7. Qa, Wicaxta icar wicawaye cin, maka itohnake kin etanhan wicawakahinte kta; wicaxta, qa woteca, qa watutka, qa taku marpiya ektakiya kinyan un kin, henakiya icar wicawaye cin heon, iyopemiçiye ce, Jehowa eya.

8. Qa Jehowa Nowa wanyake ça wacin en yuza.

9. Nowa wicoicage oyakapi kin dee. Nowa wicaxta oran owotanna, qa hecetu, wicoicage tawa kin hen, qa Nowa Wakantanka opeya mani.

10. Qa Nowa cinca yamni kicitonpi, Xem, Cam qa Japet.

11. Unkan Wakantanka ito-

kam maka rwin kin, qa maka nitawin, nicinca tawicupi kin, owancaya nina waboticapi. henana om.

12. Unkan Wakantanka maka sin, taku cerpi yukan hiyeye cin cacerpi owasin maka akan iye ocaje otoiyohi, nom nom mdoka tacankupi kin rwin kiyapi ce. wiye iyahnahna, en owicayahnae kta; ni wicayaye kta e niye kici wata kin en upi kta.

13. Unkan Wakantanka Nowa heciya, Taku cerpi yukan owasin, owihanke kin mitokamu ce maka kin ihang waye kta. 20. Taku kinye cin token ocaje, woteca token ocaje, wamanica maka akan unpi kin token ocaje, owasin ocaje otoiyohi nom mom niyake wica duhe kta e niye en upi kta.

14. Wazi can on wata wan icicaga wo. Mahentu kin oxkixkeya yakage kta, qa mahentanhan akapa tanhan ko, canxin apawinta wo. 21. Qa niye taku yutapi kin ocaje otoiyohi etanhan icu, qa mnayan wo; hecen taku yutapi anihduhe, ça woteca kin ix iyacinyan wicayakihduhe kta.

15. Qa hecen yakage kta. Wata ohanske cin wicixpa opawinge yamni, ohdakinyan kin wicixpa wikcemna zaptan, qa obosdatu kin wicixpa wikcemna yamni kta. 22. Unkan Nowa Wakantanka token eciye cin, owasin anagoptan, qa ecen econ.

16. Qa wata kin en ojanjan hdepi yakage kta, qa wankan-tuya wicixpa wanjidan en yahduxtan kta. Wata tiyopa kin cuwi kin ekta yakage kta, owanka inonpa, qa iyamni yakage kta.

17. Wanna miye maka akan minitan waye kta, heon taku cerpi yuke cin niyake iyeye cin owasin marpiya ihukuŷa, ihang waye kta. Taku maka akan un kin owasin ŷe kta.

18. Tuka wicoun mitawa kin niye en nici wahdusuta kta, wata kin en oyape kta nicinca om, 2. Woteca wakaxotexni ocaje otoiyohi mdoka wiye ahnahna xakowinwin iyacu kta, qa woteca waaxapapi kin, hena nom nom mdoka wiye iyacu kta.

3. Taku marpiya ektakiya kinye cin nakun xakowinwin,

mdoka wiye ahnahnä maka akan hanyetu wikcemna tom, hehan-
aicagapi e niyake wicaduhe kta. yan maka kin ahinheya.

4. Anpetu ixakowin kin, he- 13. Anpetu kin he en Nowa,
han maka kin amagaju waye kta, qa Xem, qa Cam, qa Japet, No-
qa taku wakage cin owasin ma- wa cinkxiwicaye cin; Nowa ta-
ka kin owancaya etanhan waka- wicu kin nakun, cinea tawicupi
hinte kta ce. yamni om, wata kin en hiyupi;

5. Unkan Nowa, Jehowa to- 14. Hena qa wamanica ocaje
ken eciye cin owasin ecen econ. owasin, woteca ocaje owasin,
6. Nowa tonpi kin ehantan- watutka tona maka asdohan unpi
han waniyetu opawinge xapke ocaje owasin, taku kinyan ocaje
hehan maka kin akan minitan. owasin, zitkadan owasin taku
7. Qa Nowa cinkxi wicaye xun yukan owasin,

kici, qa iye tawicu, cinkxiwicaye 15. Nom nom hipi, Nowa
cin tawicupi ko, hena owasin om ekta wata kin en, taku cerpi yuke
minitan mini kin itokapa tanhan cin woniya niyake yuke cin.

wata kin en opa. 16. Hena en hiyupi; mdoka
8. Woteca wakaxotexni, qa wiye ahnahnä taku cerpi yuke
woteca waaxapapi kin, taku kin- cin owasin etanhan, upi; Wa-
ye cin, taku maka asdohan unpi kantanka econ xi qon he iyecetu.
ko owasin. Unkan Jehowa tiyopa kin onata-
taka.

9. Nom nom mdoka wiye 17. Unkan anpetu wikcemna
ahnahnä Nowa en hipi; wata tom maka kin ahinheye ça, mi-
kin en, Wakantanka Nowa econ nitan tanka aya; unkan wata kin
xi qon he iyecen. okapon maka kin iwankam iyaya.

10. Unkan anpetu xakowin 18. Unkan mini kin waxagya
hehan maka kin akan minitan aye, ça maka kin akan nina ihdu-
aya. ota, unkan wata kin mini kin
aokapota.

11. Waniyetu opawinge xa- 19. Unkan mini kin nina rin
kpe hehanyan Nowa ni un kin, waxag ya, maka kin akan, heon
wi icinonpa, anpetu iake xako- re pajodan owasin, tona marpiya
win kin, hehan xbe tanka kin ihukuya un kin hena aminitan.
wakoniya hiyeye cin owasin
yuomdecapi, qa marpiya owan-
yeye hdepi kin owasin yuzamni
ehdepi.

12. Anpetu wikcemna tom, 20. Wicixpa ake zaptan iwan-
aminitan.

21. Unkan taku cerpi yuke cin owasin, taku maka axkan-xkan un kin, taku kinyan, qa woteka, wamanica, qa watutka tona maka kin akan sdohanpi kin owasin tapi wicaxta iyurpa nakun tapi.

22. Taku maka puze cin akan ni, qa taku poge on niya un kin, owasin tapi.

23. Unkan taku hiyeye cin maka akan un kin owasin kahintapi, wicaxta, woteka, watutka, marpiya zitkadan, owasin maka kin etanhan wicakahinta, qa Nowa ixnana tona wata kin ohna om unpi kin henana okaptapi.

24. Anpetu opawinge sanpa wikcemna zaptan mini kin maka kin akan waxag ya.

WICOWOYAKE 8.

1. Hehan Wakantanka Nowa kiksuye, ça wamanica woteka ko owasin, iye kici wata ohna yakonpi kin hena; qa Wakantanka tate wan maka kin akan iyayupte ya, qa mini ayuxtan.

2. Qa minirdoka owahinanpeye cin onatakapi, marpiya owanyeye kin hena koya, qa magaju marpiya etanhan ayuxtan.

3. Unkan mini kin maka kin etanhan kihdapi, anpetu opawinge sanpa wikcemna zaptan, hehan mini kin oyare aya.

4. Wi ixakowin, anpetu iake xakowin wi kin en, hehan wata kin re Ararat *eciyapi* en azi.

5. Unkan mini kin iyopta, qa oyare aya, wi iwikcemna kin hehanyan; wi iwikcemna kin anpetu tokaheya kin he en, re paha kin taninyan hiyeya.

6. Qa anpetu wikcemna tom henakeca, hehan Nowa wata kin owanyeye kage ciqon, he yurdoka.

7. Qa kangi wan ye xi, unkan iyaye ça ohnihdeya un, mini kin maka kin etanhan oyare kin, hehanyan.

8. Mini kin maka itohnake kin etanhan wanna pus aya, wanyake kta e wakiyedan wan nakun tankan ye xi.

9. Tuka wakiyedan kin tukten sicuha iyahe kte cin iyeye xni, mini kin maka kin owanceya akan un nakax; qa Nowa en wata kin ekta hdi; unkan nape kin kiyugate ça wata kin en iki-keu.

10. Qa ake anpetu xakowin ape, qa hehan ake wakiyedan wan wata kin etanhan ye xi.

11. Unkan irtayetu he ehan wakiyedan kin hdi, qa can wi-hdi warpe wan yapa hdi; unkan Nowa mini kin maka kin etanhan wanna pus aye cin sdonya.

12. Unkan ake anpetu xakowin tokeca ape, qa hehan waki-

yedan wan ye xi, unkan icimana hdi xni.

13. Nowa tonpi kin ehantanhan waniyetu opawinge xakpe qa itokaheya kin, wi tokaheya, qa anpetu tokaheya, hehan mini kin maka kin etanhan puza, unkan Nowa wata kin akarpe cigon yurdoke ça, maka itohnake kin wanna puza wanyake.

14. Wi inonpa kin, anpetu iake xakowin kin, hehan maka kin puza.

15. Unkan Wakantanka Nowa okiye ça,

16. Wata kin etanhan ya wo, niye, qa nicinca, qa nicinca tawicupi kin niye kici;

17. Taku niyake niye kici un kin ko owasin, taku cerpi yukan owasin, taku kinyan, woteca, watutka tona maka asdohan unpi kin, owasin nici iyayapi, qa maka akan cinca kagapi kte ça icagapi, qa ihduotapi kta ce, eciya.

18. Unkan Nowa tankan iya-ye ça, cinca nakun, tawicu, cinca tawicupi koya.

19. Taku niyake owasin, wamanica owasin, taku maka akan sdohan un kin owasin, ocaje otoiyohi wata kin etanhan inanpapi.

20. Unkan Nowa wahna woxnapi wan Jehowa kicage ça, woteca wakaxotexni otoiyohi etanhan, qa taku kinyan waka-

xotexni ocaje otoiyohi etanhan icu, qa wawicayuxna, qa rurnar wicaya, wahna woxnapi kin akan.

21. Unkan Jehowa waxtemna kin omna, qa Jehowa cante kin ekta heya, Wicaxta kin, heon maka kin ake mduxice kte xni; ehaex wicaxta kin, hokxiyoqopa kin ehantanhan, cante oze xica ece, tuka icimana taku niya un kin owasin ihang waye kte xni, hecamon qon iyecen.

22. Tohanyan maka kin wan-ke cin, hehanyan wojupi, qa co-yapi, qa sni, qa didita, mdoketu, qa waniyetu, anpetu, qa hanyetu, hena koya ayuxtanpi kte xni ce.

WICOWOYAKE 9.

1. Qa Wakantanka Nowa, cincawicaye cin ko, wicayawaxte qa, Icagapi, qa ihduotapi, qa maka kin owancaya ojudan yapo;

2. Qa taku maka axkanxkan, taku marpiya okinye cin ko owasin, maka watutka owasin, qa mini owanca hogan owasin, iton-nipapi, qa ikonipapi kta, hena owasin ninape kin en niçupi ce.

3. Taku niya, qa xkanxkan kin owasin woyute nitawapi kta; peji wato iyecen hena owasin ciçupi.

4. Tuka we, cerpi wiconi kin hee, yatapi kte xni.

5. Qa awicakehan we nitawapi kin, on yanipi kin awakite kta, wamanica otoiyo hi nape kin etanhan awakite kta wicaxta nape kin ko etanhan, otoiyo hi hunka wanjitku nape kin etanhan wicaxta wiconi kin awakite kta.

6. Wakantanka, iye ounce iyecen, wicaxta kin kaga; heon tuwe wicaxta weye cinhan, he wicaxta eciyatanhan weyapi kta.

7. Qa niyepi icagapi, qa maka kin owancaya oonyanpi, qa he ohna ihduotapo, ewicakiya.

8. Qa Wakantanka Nowa, cinca wicaye cin ko, owicakiye ça;

9. Ito mix mitawicoun nicipi sutaya wakage, ça nitokam cinca wicayaye cin hena koya.

10. Nakun taku niya un kin, niyepi om unpi kin, taku kinyan, woteca, qa maka wamanica owasin, tona niye om wata kin etanhan inayapapi kin, taku maka akan ni un kin owasin.

11. Niyepi om mitawicoun wakage ça, taku cerpi yukan owasin, minitan mini on icimana awihnuni waye kte xni, qa detanhan maka ihang ye kta on, icimana minitan kte xni, ewicakiya.

12. Qa, Wicoicage owasin, hehanyan niyepi en, qa taku ni un kin owasin en, wicoun wakage cin wowakta kin dee.

13. Mitinazipe kin marpiya xoka en ewehnake, ça he wicoun maka kin waqu kin, wowakta kin hee kta.

14. Qa tohan maka kin marpiya xoka wan ahanzi waye cinhan, marpiya xoka kin ekta mitinazipe kin tanin kta.

15. Qa mitawicoun weksuye kta, niyepi om, qa taku ni un kin owasin om, qa taku cerpi yuke cin owasin awihnuni kta e, detanhan icimana minitan kte xni.

16. Itazipa kin marpiya xoke cin en yanke kta, qa wicoun Wakantanka kici, qa taku maka akan niya un kin, taku cerpi yuke cin owasin om, ewihanke xniyan un kte cin, he weksuye kta e, itazipa kin wanwahdake kta ce, Wakantanka eya:

17. Qa, Taku cerpi yuke cin maka akan owasin, wicoun wicawaqu kin wowakta kin hee kta, Wakantanka Nowa eciya.

18. Unkan Nowa cinca wicaye cin, wata qon etanhan inanpapi kin deepi, Xem, qa Cam, qa Japet. Unkan Cam Kanan atukuku kin hee.

19. Hena yamni Nowa cinca kin eepi, qa hena etanhan maka kin owancaya enanakiya iyeyapi.

20. Unkan, Nowa maka kin kicanyan aye ça hastanhanka iyuwu hu hde.

21. Qa hetanhan mini xa ya-tke ça witko, qa wakeya ohna tancodan un.

22. Unkan Cam, Kanan atkuku kin hee, atkuku tancodan un kin, he wanhdake ça, cincu nom tankan yakonpi kin, owicakiyaka.

23. Unkan Xem Japet kici, xina wan icupi, qa napin hiyetepe kin akan chnakapi, qa ireyata manipi, qa ateyapi tancodan un kin akarpapi; itepi kin ireyata unpi, hecen ateyapi tancodan un kin wanhdakapi xni.

24. Unkan Nowa, mini xa kin etanhan kikta, qa cihintku hakakta kin, taku ecakicon qon sdotkiya.

25. Qa heya, Kanan yaxicapi kta. Wowidake wowidag yapi kta, cinye wicaye cin he yuhapi kta.

26. Jehowa Xem taku wakan tawa kin yawaxtepi nunwe. Kanan wowidake yuhapi kta.

27. Wakantanka Japet yuota kta, qa Xem tawakeya kin ohna Japet ounye kta, qa Kanan wowidake yuhapi kta.

28. Unkan Nowa, minitan qon iyohakam, waniyetu opawinge yamini sanpa wikcemna zaptan ni.

29. Hecen Nowa anpetu tawa owasin, waniyetu opawinge napciwanka sanpa wikcemna zaptan hehan ça.

WICOWOYAKE 10.

1. Nowa wicowazi kin dee. Nowa cinca kin, Xem, Cam, qa Japet; Unkan minitan qon iyohakam, hena cinca kicitonpi.

2. Japet cinca kin Gomer, qa Magog, qa Madai, qa Jawan, qa Tubal, qa Mexek qa Tiras.

3. Unkan Gomer cinca kin, Axkenas, qa Ripat, qa Togarma.

4. Unkan Jawan cinca kin, Elix, qa Tarxix, Kitim, qa Dodanim,

5. Hena Hetne wita tawapi kin wicakicipamnpi, makoce tawapi kin en, otoiyohi iapi kin, token wicowazi kin, hecen oyate kin en.

6. Cam cinca kin, Kux, qa Mizarim *Egypton* hee, Put, qa Kanan.

7. Unkan Kux cinca kin, Seba, qa Cawila, qa Sabta, qa Rahama, qa Sabteca. Unkan Rahama cinca kin Xeba, qa Dedan.

8. Unkan Kux cinca wan kicitonpi, Nimrod eciyapi, he maka akan waxaka aya.

9. Iye waatâyes'a Jehowa itokam waxake cin hee; heon etanhan, Waatâyes'a waxaka Jehowa itokam, Nimrod iyecen, eyapi kin.

10. Unkan wokiconze tawa tokaheya kin, Babel hee, qa Ereka, qa Akad, qa Kalne Xinar makoce kin en unpi.

11. Makoce kin he etanhan

iyaye ça Axur ekta, Niniwe kage ça Recobot otonwe Kala nakun;

12. Qa Niniwe Kala kici otahedan Resen otonwe tanka wan hee.

13. Unkan Mizarim *Egupton* hee cinca kicitonpi kin Ludim, qa Anamim, qa Lehabim, qa Naptucim,

14. Qa Partusim, qa Kasbu-cim, hetanhan Pilixtim, qa Kaptorim inanpapi.

15. Unkan Kanan cinca kicitonpi Zidon, he tokapa, qa Cet,

16. Qa Jebusi kin, qa Amori kin, qa Girgixi kin,

17. Qa Ciwi kin, qa Hareqi kin, qa Sini kin,

18. Qa Aradi kin qa Zemari kin, qa Camati kin; qa hehan Kanani wicowazi kin yuomden iyayapi.

19. Qa Kanani makoce tawapi kin dee, Zidon etanhan, Gerar ektakiya de cin Gaza etu, qa hetanhan Sodom, qa Gomora qa Adma qa Zeboim Lasa ekta.

20. Cam cinca wicaye cin hena eepi, wicowazipi kin iyececa, oyatepi tamakocepi kin en, iapi kin iyecen.

21. Unkan Japet tokapa kin sunkaku Xem, he cinca kicitonpi, Heber cinca wicaye cin owasin ateyapi kin hee.

22. Xem cinca wicaye cin,

Elam, qa Axur, qa Arpaxxad, qa Lud, qa Aram.

23. Unkan Aram cinca wicaye cin Uz, qa Cul, qa Geter, qa Max.

24. Unkan Arpaxxad Xela kicitonpi, qa Xela Heber kicitonpi.

25. Unkan Heber cinca nonpa kicitonpi; tokapa kin Peleg eciyapi, anpetu tawa kin en maka kin akipam icupi kin heon etanhan; qa sunkaku kin Joktan cajeyatapi.

26. Joktan cinca wicaye cin Almodad, qa Xelep, qa Catsarmawet, qa Jera.

27. Qa Hadoram, qa Uzal, qa Digela.

28. Qa Obal, qa Abimahel, qa Xeba.

29. Qa Opir, qa Cawila, qa Jobal, hena owasin Joktan cin kxi wicaya.

30. Mexa etanhan de cin, Seper re wan wiyohiyanpata wanke cin, hehanyan ounyanpi.

31. Xem cinca wicaye cin hena eepi; wicowazipi, qa wicoie hduhapi kin, iyecen oyatepi kin tamakocepi kin en ounyanpi.

32. Nowa cinca wicaye cin wicowazipi kin heepi, oyatepi kin en. Hena etanhan maka kin owancaya oyate enanakiya iyayapi minitan qon iyohakam.

WICOWOYAKE 11.

1. Hehan maka kin owancaya wicaiha wanjidan qa, iapi ko wanjidan.

2. Qa wiyohiyanpata ihdaka unpi, qa makoce wan, Xinar *eci*yapi, he en, omdaye wan iyeyapi, qa en eyakonpi.

3. Qa otoiyohi takodaku hekiciyapi, Ihopo, maka omdoton unkagapi, qa xpan unkiyapi kta ce, eyapi. Hecen inyan hee kiya maka omdoton kin he icupi, qa upxija hee kiya bitumen icupi.

4. Qa ake hekiciyapi, Ihopo, otonwe wanji unkagapi kte, qa nakun conkaxke wan, he ointpa kin marpiya iyahdeye kta, qa caje unkiagapi kte; heconkupi xni kinhan, maka kin owancaya omdecaheya unkiyayapi kta.

5. Unkan, Jehowa otonwe kin, inatake ko, Adam cinca wicaye cin kagapi kin wanyake kta e kun hiyu.

5. Qa, Ehaex oyate wanjidan, qa owasin iapi wanjidan yuhapi, qa de wanna econpi, qa detanhan taku kaga ecinpi kin, hduxtanpi kin hetanhan ayuxtanpi kte xni.

7. Iho, kun unyanpi, qa iapi kin icicahi unyanpi kta; kinhan iyakitedan iapi nakicironpi kte xni, Jehowa eya.

8. Qa hetanhan Jehowa, ma-

ka kin owancaya, yuomden ye wicaya; unkan otonwe kagapi qon ayuxtanpi.

9. He etanhan caje kin Babel eciyapi; hēciya Jehowa maka kin owasin iapi kin yuicicahi, qa hetanhan maka kin owancaya yuomden enanakiya ye wicaya.

10. Xem wicowazi *wowapi* kin dee. Xem waniyetu opawinge sanpa nonpa ni, qa hehan Arpakxad kicitonpi, minitan qon iyohakam waniyetu nonpa.

11. Xem Arpakxad tonpi kin iyohakam, waniyetu opawinge zaptan ni, qa cinca wica winyan ko kicitonpi.

12. Unkan Arpakxad waniyetu wikcemna yamni sanpa zaptan ni, qa Xela kicitonpi.

13. Qa Arpakxad, Xela tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

14. Unkan Xela waniyetu wikcemna yamni ni, qa hehan Heber kicitonpi.

15. Qa Xela Heber tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi,

16. Unkan Heber waniyetu wikcemna yamni sanpa topa ni, qa Peleg kicitonpi.

17. Qa Peleg tonpi kin iyo-hakam, Heber waniyetu opawinge tom sanpa wikcemna ya-

mni ni, qa cinca wica winyan ko kicitonpi. Nacor, qa Haran kicitonpi. Unkan Haran Lot kicitonpi.

18. Unkan Peleg waniyetu wickemna yamni ni, qa Reyu kicitonpi. 28. Unkan Haran, iye atkuku, Tera itokam, ʔa, Ur Kaxdim hēcīya, makoce en tonpi kin he en ʔa.

19. Qa Peleg, Reyu tonpi kin iyohakam, waniyetu opawinge nonpa sanpa napciwanka ni qa cinca wica winyan ko kicitonpi. 29. Unkan Aberam, qa Nacor winorinca yuzapi. Aberam tawicu caje kin Sari, qa Nacor tawicu caje kin Milka eciyapi. Haran he cunwintku iye Milka Iska ko ateyapi.

20. Unkan Reyu waniyetu wickemna yamni sanpa nonpa ni, qa Serug kicitonpi. 30. Tuka Sari cinca ton xni un, cinca wanica.

21. Qa Serug tonpi kin iyohakam, Reyu waniyetu opawinge nonpa sanpa xakowin ni, qa cinca wica winyan ko kicitonpi. 31. Unkan Tera iye cihintku Aberam ikikeu, qa Lot Haran he cihintku, iye takojatpaku, qa takoxku Sari iye cihintku Aberam tawicu kin hee. Hena om Ur Kaxdim etanham iyaya, Kanan makoce kin ekta ye kte, ʔa Caran ehan hipi qa hen hiyakonpi.

22. Unkan Serug waniyetu wickemna yamni ni, qa Nacor kicitonpi. 32. Qa Tera anpetu tawa kin waniyetu opawinge nonpa sanpa zaptan henakeca, qa Caran hen Tera ʔa.

23. Qa Nacor tonpi kin iyohakam, Serug waniyetu opawinge nonpa ni qa cinca wica winyan ko kicitonpi.

24. Unkan Nacor waniyetu wickemna nonpa sanpa napciwanka ni, qa Tera kicitonpi.

25. Qa Nacor Tera tonpi kin iyohakam, waniyetu opawinge sanpa wickemna sanpa napciwanka ni, qa cinca wica winyan ko kicitonpi.

26. Unkan Tera waniyetu wickemna xakowin ni, qa Aberam, qa Nacor, qa Haran kicitonpi.

27. Tera wicowazi *wowapi* kin dee. Tera iye Aberam,

WICOWOYAKE 12.

1. Unkan Jehowa Aberam heciya, Nita makoce kin etanhan iyaya wo, nitakuye etanhan, qa niyate ti kin etanhan, makoce wan wanyag ciciye kte cin he ekta ya wo.

2. Kinhan oyate tanka icar ciye, ʔa ciyawaxte, qa nicaje kin

tanka wakage kta; qa wowaxte yaun kta;

3. Qa tona niyawaxtepi kin hena wicamdawaxte, ya tuwe niyaxice cin he mdaxice kta, qa niye en wicowazi tona maka akan unpi kin owasin yawaxtepi kta ce.

4. Unkan Aberam iyaya, Jehowa eciye cigon he iyecen, qa Lot opa. Aberam wanna waniyetu wikcemna xakowin sanpa zaptan, Caran etanhan iyaye çehan.

5. Qa Aberam tawicu Sari ikikeu, qa iye cinu cihintku Lot nakun, qa taku içihdepi, taku tonpi kin owasin, wicanagi tona Caran en wicatonpi ko, qa unhdaka yapi, Kanan makoce kin ektakiya, qa Kanan makoce kin en hipi.

6. Qa Aberam makoce kin ehna ya, Xekem ounye cin etu, More utuhu kin en. Unkan ehan Kanani kin makoce kin en unpi.

7. Unkan Jehowa Aberam en tanin içiye ça, Wicowazi nitawa kin makoce kin de waqu kta ce, eciya. Unkan Aberam hen wahna woxapi wan, Jehowa tanin içiye cin he kiciga.

8. Qa hetanhan unhdaka ya Betel iwiyohipanpatanhan re wan wanke cin Betel wiyorpeyata, qa Hai wiyohiyanpata ota-

hedan en e wakeya, qa heci wahna woxnapi wan kage ça Jehowa caje kin hoyekiya.

9. Qa ake Aberam unhdaka itokar kiya ihdaka ya.

10. Unkan makoce kin he en wicaakiran, qa Aberam Egupta ekta apamahde ya, hen yanke kta makoce en un qon nina wicaakiran, nakaex.

11. Qa Egupta ekta wanna hi kte çehan, tawicu Sari heciya, Winorinca owanyag waxte hencia sdonwaya;

12. Qa Egupton kin wanniyakapi kinhan, De tawicu kin ee ce, eyapi, qa maktepi, qa niye niniyanpi kta.

13. Ceciya ce, tawinortin ciya keya wo; hecen tanyan waun kte ça, niye eciyatanhan minagi kin ni kta.

14. Qa Aberam Mizarim, *Egupta hee*, en hi qehan tawicu kin owanyag waxte rinca e wanyakapi.

15. Unkan Paro taakicita tancan winorinca kin wanyakapi, qa Paro en yatanpi, qa winorinca kin Paro ti kin en un kte cin icupi.

16. Qa Aberam tanyan ecaki-conpi winorinca kin heon etanhan, qa tarin wanuyanpi yuha, tatanka nakun, qa xuktanka xonxonna mdoka wiye ko qa ookiye wica winyan ko, qa camo hena owasin.

17. Unkan Jehowa Paro oyutan, Sari Aberam tawicu kin on etanhan, Paro tiyohnaka tawa kin koya wowayazan tanka on wicakaxtaka.

18. Unkan Paro Aberam kico, qa heciya, Toheca hecamiyecon? Natawin kin dee, tuka tokeca omayakidake xni he?

19. De mitankxi ce ehe ciqon he tokeca heha? Mduze kta iwacu tuka qon; tuka ecin wana de duze cin. Ehdaku qa hunktiya wo.

20. Qa Paro wicaxta tawa kin hena iwahokonwicakiya, unkan hde xipi, tawicu taku yuhe cin ko owasin.

WICOWOYAKE 13.

1. Unkan Aberam Egupton etanhan iyaya, iye tawicu kici, qa taku yuhe cin ko owasin, Lot nakun opa, itokar makoce kin etu.

2. Qa Aberam wijica rinca, wanuyahpi, maza ska, qa maza ska zi ota yuha.

3. Qa itokar makoce kin etanhan ihdaka ya, Betel etu, wakeya iicage ciqon Betel qa Hai otahedan heciya.

4. Tokag ehan wahna woxnapi kage ciqon he ekta, qa hen Aberam Jehowa caje kin hoyekiya.

5. Unkan Lot Aberam kici ihdaka un kin he tarinca, qa tanka wakeya ko yuha.

6. Qa witaya tonwanyanpi kte cin makoce kin iyowinwicakiye xni, ehaex wanuyanpi ota yuhapi, heon witaya ounyanpi kta okitpanipi.

7. Unkan Aberam wanuyanpi wiran wicakiyapi kin qa Lot wanuyanpi wiran wicakiyapi kin akinicapi. Unkan hehan Kanani kin, Perazi kin ko makoce kin en ounyanpi.

8. Unkan Aberam Lot heciya, Unhdokinica kte xni wiran wicakiya mitawa kin, qa wiran wicakiya nitawa kin, nakun akinicapi kte xni, hunka wanjin unikiye cin.

9. Makoce ocowasin nitokam wanke xni he? Ceciciya ce, miye etanhan kinukan kiya iyaya wo. Nix catka tanhan de cinhan mix etapa tanhan qa nix etapa tanhan kinhan mix catka tanhan mde kta ce.

10. Unkan Lot wankan etonwe, ça Jordan iyomdaye kin ocowasin owancaya mini yukan, (Sodom Gomora kici Jehowa ihangye cin itokam,) Jehowa tamaga kin iyecen, qa Egupta makoce Zohar itato kin iyecen.

11. Qa Lot Jordan ohna makoce kin owasin karnige ça, Lot wiyohiyanpata kiya unhdaka ye,

ça otoiyo hi hunka wanjiiku kin etanhan kinukan kiya iyayapi.

12. Aberam Kanan makoce kin en ounyan, qa Lot omdaye kin otonwe kin en ounye, ça Sodom en wakeya iticaga.

13. Unkan Sodom wicaxta kin wicaxtapi xni, qa Jehowa en nina wartanipis'a.

14. Unkan Lot Aberam etanhan kinukan kiya iyaye cin, he iyohakam Jehowa Aberam heciya, Ixta kin yuwankan ikikeu, qa toki yaun kin ihdukxan etonwan wo. Waziyata, qa itokaga, qa wiyohiyanpata, qa wiyorpeyata.

15. Makoce kin de wandake cin sitomniyan ciçu kte ça wicowazi nitawa nakun owihanke-xniyan.

16. Qa wicoicage nitawa kin maka wiyaka sukaza iyenaka wakage kta. Wicaxta wan maka wiyaka sukaza yawa okihi, hecinhan wicoicage nitawa nakun yawapi kta ce.

17. Najin qa makoce kin ohanske cin, qa ohdakinyan kin ecen omani wo, he ciçu kta ce, eya.

18. Unkan Aberam ihdake ça Mamore utuhu kin he Cebon en wanke cin ekta i qa en ounye ça, hen wahna woxnapi wan Jehowa kicaga.

WICOWOYAKE 14.

1. Unkan Amrapel Xinan en wicaxta yatapi ounye cin he ehan, iye qa Ariyok Elasar en wicaxta yatapi, qa Kedorlahomer Elam en wicaxta yatapi, qa Tidal Goim en wicaxta yatapi ozuye kagapi.

2. Bera Sodom en wicaxta yatapi, qa Birsu Gomora en wicaxta yatapi, qa Xinab Adma en wicaxta yatapi, qa Xemeber Zebaim en wicaxta yatapi, qa nakun Bela, Zohar hee, he en wicaxta yatapi, hena owasin azuwicayapi.

3. Sidim mdaye kin, Mde mini skuya kin hee, en hena owasin ecipapi.

4. Waniyetu ake nom, hehan Kedorlahomer wowidake wicaya, tuka iake yamni kin hehan kipajinpi.

5. Unkan waniyetu iake topa, hehan Kedorlahomer qa wicaxta yatapi owicape ciqon owasin upi, qa Repaim kin Axteret Qarnayim en wicakaxtaka, qa Zuzim kin Ham en, qa Emim kin Qiratayim mdaye kin en, hena owasin wicakaxtakapi.

6. Cori kin nakun, Sehir retawapi kin en, ran utuhu kin hetu, he ropuza kin en.

7. Qa icicawin hdapi Mixpat wakoniya, Qadex hee; he iye-hantu, qa Ameleqi tamakocepi

kin owasin awihnnunipi, Amori kin tona Hazazon Tamar en ounyanpi qon nakun.

8. Hehan Sodom en wicaxta yatapi, qa Gomora en wicaxta yatapi, qa Adma en wicaxta yatapi, qa Bela Zohar hee wicaxta yatapi, qa Zeboim en wicaxta yatapi hena *owasin* zuya iya-yapi, qa Sidim mdaye kin en kicizapi.

9. Kedorlahomer Elam en wicaxta yatapi, qa Tidal Goim en wicaxta yatapi, qa Amrapel Xinar en wicaxta yatapi, qa Ariyok Elasar en wicaxta yatapi, wicaxta yatapi ece, uman topa uman zaptan ecipapi.

10. Unkan Sidim mdaye kin ohna bitumen wora ota, qa Sodom en wicaxta yatapi Gomora en wicaxta yatapi henios najicapi, qa ohinrpayapi, qa umanpi kin, tona nipi kin, re onapapi.

11. Unkan Sodom Gomora ko woyuha, taku yutapi ko yuhapi qon, owasin icupi qa kihdapi.

12. Lot Aberam cinu cihintku kin Sodom en un qon nakun, taku tawa ko owasin icupi, qa hecen hdapi.

13. Un wicaxta wan okicize etanhan u, qa Aberam Heberi kin wokiciyaka, utuhu oju Mamore Amori tawa kin en un; Mamore Exkol Aner kici hunka

wanjin wicaye cin qa hena *yamni* Aberam kici dakon kiciyapi.

14. Unkan Aberam sunkaku wayaka ahdapi kin he nakiron, hehan wicaxta opawinge *yamni* sanpa wikcemna sanpa xahdogan, iye ti kin en owicakagapi, qa onspewicakiyapi kin, hena awicaye qa wicaxta yatapi qon, Dan hehanyan wicakuwa.

15. Qa hanyen taokiye kici anawicatan, qa wicakaxtake qa owicakuwa, Coba Damaskos icatka tanhan wanke cin hehanyan.

16. Qa woyuha qon owasin eyaku; sunkaku Lot, qa taku tawa ko owasin, winorinca oyate ko owasin ahda.

17. Qa Kedorlahomer, qa wicaxta yatapi owicape cigon wicakaxtakapi kin etanhan hdi kin, hehan Sodom wicaxta yatapi kin itkokim ya; Kaksiza mdaye kin Wicaxta yatapi takaksiza kin hee.

18. Unkan Melkizedek Salem en wicaxta yatapi, Taku wakan otancanke wakiyuxnapi kage cin, he aguyapi mini xa ahna *Aberam* kahi;

19. Qa yawaxte, qa heya, Wakantanka otancanke marpiya maka ko ocowasin tawa kin, he Aberam yawaxte nunwe.

20. Qa Wakantanka Otancan-

ke kin, tóka niyanpi qon nape kin en onihnake cin, he yawa-xtepi nunwe, eya. Unkan taku owasin etanhan iwikcemna kin qu.

21. Unkan Sodom wicaxta yatapi kin Aberam heciya, Oyate kin micu wo, qa woyuha kin he owasin icu, qa yuha un wo.

22. Unkan Aberam Sodom en wicaxta yatapi kin heciya, Jehowa Wakantanka Otaneanke kin marpiya maka ko ocowasin tawa kin, he ekta nape ye wakiya.

23. Taku nitawa kin etanhan haronta wanjidan, hantpa wanjidan exta iwacu kte xni, qa Aberam wawokihi wakaga ehe kte xni.

24. Koxka taku yutapi qon hecehnana, qa Aner Exkol qa Mamore wicaxta omicipapi kin hena eepi, onxpa tawapi kin ikikcupi nunwe, eya.

WICOWOYAKE 15.

1. Hena henakeca hehan, owanyake wan en Jehowa oie kin Aberam en hi, qa heciya, Aberam ihnuhan koyakipe cin; wahacanka nitawa qa taku iyotan tanka yahduhe kte cin he miye ce.

2. Unkan Aberam heya, Jehowa Itancan taku mayaqu kta he? Mix micinca manica qa

wati kin taku ohnaka kin Eliezer Damaskon he yuha.

3. Qa Aberam heya, Miye einca mayaqu xni, qa wicaxta wan wati kin en tonpi kin, he taku mitawa owasin yuhe kta.

4. Unkan Jehowa oie kin hoyekiya, De taku nitawa owasin yuhe kte xni ce. Tokexta nitezi kin etanhan inanpe kte cin he taku nitawa kin owasin yuhe kta ce, eya.

5. Qa tankan u xi, qa heciya, Marpiya etonwe ça wicanrpi kin yawa óyakihi hecinhan hena yawa wo. Qa nicinca kin he iyenakecapi kta ce, eciya.

6. Unkan Aberam Jehowa oie kin wicada, qa he woowotanna kiciyawapi.

7. Unkan, Jehowa heciya, Makoce kin de ciçu, qa yahduhe kta e Ur Kaxdim etanhan u ci-ciye cin, Jehowa he miye ce.

8. Unkan, Jehowa Itancan, tokiya tanhan wahduhe kte cin sdonwakiye kta he? eya.

9. Unkan, Pte wan waniyetu iyamni, qa tatokadan wan waniyetu iyamni, qa tamdoda wan waniyetu iyamni, hena owasin imicu wo qa wakiyedan wan nakun, tin wakiyedan iyahna.

10. Unkan hena owasin iki-keu, qa cokaya okiwicakasdece ça wobaxpe kin owasin iciyota-

kons ehnaka, qa zirkadan kin hena baxpe xni.

11. Unkan taku kinye cin woteca wicakte qon akan kun upi, qa Aberam ram wicaya.

12. Unkan anpetu wi aisinyan iyaye kte cin, hehan woixtima tanka wan Aberam ahinrpaye ça nakun otpaza wohitike rinca.

13. Qa heya, Aberam wowicake eciyatanhan he sdonya wo, nicinca makoce wan tawapi xni e en waniyetu opawinge tomounyanpi kte ça wowindag wicayapi, qa iyoyag wicayapi kta.

14. Qa oyate wan wicayuhe kte cin, he mdaco kta unkan hehan woyuha ota yuha hinanpapi kta.

15. Qa niye hunkake wicayaye cin ekta tanyan yahde kte ça pa niska waxte kinahan nirapi kta.

16. Qa wicoicage itopa kin, hehan deciya hdiipi kta ce. Amori kin woartani kin naharin iyatahdepi xni ce.

17. Unkan wi iyaya hehan nina otpaza, qa oceti izita wan, petijanjan ideya wan ko, taku okicasdece ciqon itoopteya iyaya.

18. Anpetu kin he en Jehowa wicoun wan Aberam kicage ça heya, Makoce kin de Egupta watpa etanhan, watpa tanka Yu-

perate *eciyapi* hehanyan nicinca wicawaqu kta.

19. Jeni kin, qa Qenizi kin, qa Qadmoni kin,

20. Qa Ceti kin, qa Perazi kin, qa Repaim kin,

21. Qa Amori kin, qa Kanani kin, qa Girgaxi kin, qa Jebusi kin.

WICOWOYAKE 16.

1. Unkan Aberam tawicu kin Sari cinca kiciton xni, qa Egupton wikoxka wan yuha, Hagar eciyapi.

2. Qa Sari Aberam heciya, Iho Jehowa miye onamataka; ceciciye, ookiye wan mduhe cin he ekta ya ye; okini cinca miciton kta, eya. Unkan Aberam Sari oie kin anagoptan.

3. Unkan Sari Aberam tawicu kin, he wikoxka tawa, Hagar Egupton kin icu, qa Aberam hihnaku kin tawicu kta e qu; wanna waniyetu wikcemna hehanyan, Aberam Kanan makoce en un qehan hecon.

4. Unkan Aberam Hagar en i, unkan ihduxake ça, wanna ihduxaka wanhdake çehan, yuhe cin he ixta kin on ihakta xni.

5. Unkan Sari Aberam heciya, Xicaya ecamiconpi kin he niye en oiyanihde. Miye wikoxka wan mduhe cin he ciçu,

nimaku kin ekta, ihduxaka wanhake ça ixta kin on ihamakta xni, miye niye kiei unkiyotahedan Jehowa yaco kta ce.

6. Unkan Aberam Sari heciya, Tokexta nitaokiye win kin he ninape kin ohna un, token iyonicipi ecen ecakicon wo. Unkan Sari iyoyag ya; unkan najica iyaya.

7. Unkan Jehowa taokiye wan Hagar tinta kin en iyeya, minirdoka wan ikiyedan Xur canku kin ohna mini rdoka he cin hee.

8. Qa heya, Sari tawikoxka Hagar, tokiya tanhan yau he? qa toki da he? Unkan, Sari mayuha itoye kin etanhan nawajica ce, eya.

9. Unkan Jehowa taokiye kin heciya, Niyuhe cin ekta icicawin hde, ça nape kin ihukuya eiçihde wo.

10. Kinhan nicinca ota wakage kta, qa ota kin heon yawapi kte xni, Jehowa taokiye kin Hagar eciya.

11. Qa, Iho ihdunixake cin cinca wanji yaton kte, ça Ixmayer eya cax yakiton kta; nicakije cin Jehowa naniron kin heon etanhan.

12. Kinhan ix ikce wicaxta kin heca kta. Wicaxta owasin nape apaha wicayanke kta, qa ix wicaxta owasin nape apaha yan-

kapi kte, ça hunha wanjin wicaye cin owasin itokam ounye kte, Jehowa taokiye kin eciya.

13. Unkan Wakantanka wanmayake cin, he deciya awakita he? eye ça Jehowa okiye cin, he Wakantanka wanmayadake cin eya caxton.

14. Heon wakoniya kin he, Tuwe ni qa wanmayake cin takoniya eciyapi; he Qadex qa Bered otahedan wanka.

15. Unkan Hagar Aberam cinca wan kiciton, qa Aberam cinca Hagar ton kin he Ixmayer eya cax kiton.

16. Aberam wanna waniyetu wikcemna xahdogan sanpa xakpe, Hagar Ixmayer Aberam kiciton kin hehan.

WICOWOYAKE 17.

1. Unkan Aberam wanna waniyetu wikcemna napciwanka sanpa napciwanka, hehan Jehowa Aberam en tanin içiye ça, Taku wakan iyotan waxake cin he miye; mitokam omani qa iyaonpepica xni un wo.

2. Kinhan mitawicoun ciyuhe kta qa, iyakiçuya ciyuota kta, eciya.

3. Unkan Aberam pustagerpeiçiya; unkan Wakantanka okiye ça heya,

4. Mitawicoun nici un, qa oyate ota ate niyanpi kta,

5. Qa detanhan Aberam eniciyapi kte xni, tuka Abereyam nicaje ee kta; oyate ota ate niyanpi kte cin cicaga ce.

6. Qa nina yuota ciciye ça, niye etanhan oyate wicaxta yatapiko inanpapi kta e ciçu.

7. Qa miye niye kici wicoun cicage kta, qa taku nitawa nihektam u kte cin hena koya, hecen wakage kta, tohanhanyan wiconi kte cin, hehanhanyan hecetu kta, owihanke wanin hecen on nita Wakantanka kin he miye kta, qa tona enitanhan u kte cin, hena Wakantanka mayanpi kta.

8. Makoce en ihdaka yaun kin, he ciçu kta, tona enitanhan u kte cin hena koya, ohinniyan Wakantanka mayanpi kta.

9. Qa, niye wicoun mitawa kin yahduhe kta, niye, nicinea nihektam upi kte cin hena koya, wicoicage tawapi kin en.

10. Qa wicoun mitawa miye, qa niye kici, qa nicinea nihektam u kte cin hena koya, yahduhapi kte cin he dee ce. Tona wica en un kinhan, hena cerpi ohomni baxpapi kta.

11. Cerpi iyotan kin ohomni bānicixpapi kte ça, he wowape-tokton mitawicoun ciye cin hee kta.

12. Cinca anpetu ixahdogan ohomni baxpapi kta. Tona wica yatipi kin ohna wicatonpi kin

qa maza ska nitawa on opetonpi oyate tokeca etanhan, qa wicoicage nitawa kin etanhan xni exta, hena owasin ohomni bawicaxpapi kta.

13. Tokexta yati kin ohnatonpi kin, qa maza ska nitawa on opetonpi kin, hena koya ohomni bawicaxpapi kinhan, mitawicoun nicerpi kin en un kta, wicoun owihankexni un kta.

14. Oyate cerpi ohomni bawicaxpapi en, tuwe tokeca cerpi ohomni baxpapi xni, cokaya un exta, token erpeyapi kta; he mitawicoun botice cin heon hecakiconpi kta, Wakantanka Abereyam eciya.

15. Qa detanhan Sari nitawin kin Sari caje date kte xni, Sara caje kin hee kta ce.

16. Qa he mdawaxte kte ça, hetanhan cinca wan ciçu kte ça, cinca niciton kte cin he nakun mdawaxte kte ça, oyate ota nakun wicaxta yatapi tanka, hetanhan inanpapi kta, Wakantanka Abereyam eciya.

17. Unkan Abereyam pustag erpeiçiye ça ira, qa cante kin mahen heya, Wicaxta waniyetu opawinge cinca kicitonpi kta he? qa Sara waniyetu wikcemna napciwanka cinca wan ton kta he?

18. Hehan, Tokin Ixmayel nitokam ni un, Abereyam Wakantanka eciya.

19. Unkan Wakantaka heya, Han; awicakehan Sara nitawin cinca wan niciton kta, qa Izak eya cax yakiton kta qa mitawicoun kici wahdusuta kta; cinca wicaye kte cin ihektam u kte cin, hena koya wicoun owihanke xniyan.

20. Ixmayer on nakun naci-ron, on mdawaxte kta, cinca ota icarye wakiye ça iyakiçuya yuota wakiye kta, wicaxta yatap-
pi ake nom kicitonpi kte ça, oyate tanka icarye wakiye kta.

21. Tuka Izak kici mitawicoun wahdusuta kta, detanhan omaka wanjica kinhan, makon-cage kin de en Sara ton kta.

22. Wakantanka ie ça ohini kiye cin, hehan Abereyam ito-kam wankan ikiyopta.

23. Unkan Abereyam cihintku Ixmayer ikikeu, qa nakun tona iye ti kin ohna wicatonpi kin, tona maza ska iye tawa on opewicaton kin hena koya owasin, tona wica iye ti kin ohna yakonpi kin hena, anpetu kin he en wicacerpi iyotan kin ohomni bawicakixpa, Wakantanka hecen econ xi e ecen econ.

24. Abereyam wanna waniye-tu wikeemna napciwanka sanpa napciwanka hehan iye cerpi iyo-tan kin, he ohomni bakixpa.

25. Qa cihintku Ixmayer waniyetu ake yamni hehan cerpi iyotan en ohomni baxpapi.

26. Abereyam cihintku Ixmayer kici, anpetu wanjidan en ohomni bawicaxpapi.

27. Qa tiyohnaka wicaxta owasin, ti kin ohna wicatonpi, qa oyate tokeca etanhan opewicatonpi kin hena koya, owasin Abereyam kici ohomni bawicaxpapi.

WICOWOYAKE 18.

1. Unkan Mamore utuhu kin héciya, Abereyam wakeya tiyopa kin ekta iyotankehan yanke, ça wiyotanhan hehan Jehowa tanin içiya.

2. Unkan Abereyam wankan etonwan, qa wicaxta yamni itokam najinpi wanwicayake ça, wakeya tiyopa kin etanhan itkowicakipe kta e inyang iyaye ça, maka kin en canpexka makehdeya inajin.

3. Qa, Itancan ni ixta kin iyokipi ciya hecinhan eeciciya ce, nitaokiye kin etanhan sam iyaye xni wo.

4. Mini onge aupi on siha hdujajapi, qa can kin ihukuya ozi içiyapo.

5. Kinhan aguyapi onxpa ci-caupi kta. Nicantepi kin iwa-kixakapo, heon nitaokiyepi kin en yahipi, qa hehan idadapi kta ce, eya. Unkan token ehe cin ecen econ wo, eyapi.

6. Unkan Abereyam wakeya

kin en orankoya hda, Sara ti kin ekta qa, Aguyapi iyutapi yamni kohanna icu qa pasuta qa içica-ga wo, eya.

7. Hehan Abereyam wanu-yanpi ekta inyang ye ça, pte jincadan wan cepa waxte ikikeu, qa he koxka wan qu; unkan inarniyan pata.

8. Unkan pte asanpi qa pte asanpi ihdi, qa pte jincadan xpan ye ciqon ikikeu, qa wicitokam ehde, qa iye wicikiyedana najin can kin ihukuya. Unkan wotapi.

9. Qa, Sara nitawin kin toki un he? eciyapi. Unkan, Wakeya ohna yanka ce, eya.

10. Unkan, Detanhan omaka akihde kinhan, ake niye en cihi kta qa awektunje kte xni. Hehan nitawin Sara cinca wan ton kta. Unkan Sara wakeya tiyopa kin ohna wicaxta kin ihektam *yanka* tuka he naron.

11. Wanna Abereyam Sara kici wanakax wotapi, napin kanpi; winorinca ayakonpi kin he, Sara wanna ecece xni un.

12. Heon Sara *cante* mahen ira qa, Wamakanka hehan, qa mayuha ix nakun wicarinca exta imduxkin kta he? eya.

13. Unkan Jehowa Abereyam heciya, Tokeca e Sara ira qa, Awicakehan wamakanka hehan cinca waton kta he? eya he?

14. Jehowa taku wanji okitpani tukte e he? Tohantu kte cin ake niye en cihi, qa Sara hokxidan wan ton kta.

15. Hehan Sara kokipe ça heon anakirbe ça, Iwara xni ce, eya. Unkan, Hiya, iyara ce, eya.

16. Hehan wicaxta qon heciya tanhan najinpi, qa Sodom ektakiya etonwanpi; unkan Abereyam awicaye kta e om iyaya.

17. Unkan Jehowa heya, Taku ecamon kte cin he Abereyam anawakirbe kta he?

18. Abereyam ix oyate tanka, qa waxaka un kte ça iye eciya tanhan oyate maka ohnaka owasin yawaxtepi kta;

19. Qa de sdonwakiye, cinca wicaye cin, tiyohnaka kin iyahna wahokonwicakiye kta, wokonze qa taku owotanna econ wicaxi kte ça Jehowa tacanku kin okicipapi; kinhan Jehowa Abereyam token wahoye cin owasin kicicahi kta.

20. Qa *ake* Jehowa heya, Sodom qa Gomora woceye kin he tanka, qa wartanipi kin terika e nawaron, heon

21. Nakaha kun mde ça woceye mahiyohi kin ocowasin iyececa econpi kinhan sdonwaye kta, qa ecece xni kinahan sdonwaye kta ce, eya.

22. Unkan wicaxta qon he-

tanhan iyapapi, qa Sodom en ipi, qa Abereyam naharin Jehowa itokam yanka.

23. Qa Abereyam *Jehowa* ikiyadan hinajin qa, Tona oran owotanna wartanipis'a om ihang wicayaye kta he?

24. Okini wicaxta owotanna wikcemna zaptan otonwe kin en unpi exta ihang yaye kta he? Wicaxta owotanna wikcemna zaptan hin hena on, otonwe en unpi kinhan, otonwe kin itonyape kte xni he?

25. Wicaxta oran owotanna wartanipis'a om ihang wicayaye kta seca; tokadan hecanon kte xni. Tona owotanna wartanipis'a iyecen ecawicakiconpi kin he iyonicipi xni. Maka kin owancaya wayaco un kin he wokonze econ kte xni he? eya.

26. Unkan *Jehowa* heya, Wicaxta owotanna wikcemna zaptan Sodom otonwe en iyewaye cinhan, hena on otonwe kin ocowasin itonwape kta ce.

27. Unkan Abereyam ayupte ça, Maka mdu qa carota hemaca qeyax mayuhe cin taku ewakiye kta on iapi iwacu.

28. Okini wicaxta owotanna wikcemna zaptan kin en zaptan ope kte xni seca; zaptanna kin hena on otonwe kin ocowasin ihang yaye kta he? eya. Unkan, Ihang waye kte xni, hen

wikcemna tom sanpa zaptan iyewaye cinhan, eya.

29. Unkan ake ie kta e hda, qa, Okini hen wikcemna tom iyewicayapi kta, eya. Unkan, Wikcemna topapi on ecamon kte xni, eya.

30. Unkan, Mayuha ceciciye canniye maye xni wo; iwae kta ce. Okini wikcemna yamni hen iyeyapi kta seca, eya. Unkan, Wikcemna yamni hen iyewicawaye cinhan ecamon kte xni, eya.

31. Unkan, Tokin Mayuhe cin taku ewakiye kta e epen. Okini wikcemna nonpa hen iyeyapi kta seca, eya. Unkan wikcemna nonpa on ihang waye kte xni ce, eya.

32. Unkan, Itancan ceciciye canniye maye xni wo; wancadan iwae kta ce. Okini wikcemna en iyeyapi kta seca, eya. Unkan, wikcemna on ihang waye kte xni ce, eya.

33. Unkan *Jehowa* Abereyam okiya ohinikiye cin hehan toki iyaya, qa Abereyam ekta hda.

WICOWOYAKE 19.

1. Unkan rtayetu ehan ohni-hde wicaye cin nom Sodom en hipi; he icunhan Lot Sodom tiyopa kin en iyotanke, ça wanwicayake ça itkowicakipe kta najin, qa wicitokam patux inajin.

2. Qa hewicakiya, Itancan ceciciyapi, wati kin en yapo, he wowidake mayaduhapi, heon hanyetu kin de wati kin en yukanpo. Siha kin hdujaja po, qa hanranna yektapi, qa tokiya dapi hecinhan ekta katinyan yapo, ewicakiya. Unkan, Hiya, ocan-ku kin de ohna hanyetu ohiniyan unyakonpi kta, eyapi.

3. Tuka inarni wicaya; unkan kici kipi. Ti kin ti mahen ipi, unkan aguyapi naporye codan xpan ye ça nakun wowicakihan; unkan yutapi.

4. Iwankapi kta itokam, Sodom otonwe wicaxta kin owasin tipi kin he aohduteyapi, hokxi-dan wicarınca ko owasin, otonwe ihanke anokatanhan, henana otonwe ohnaka kin owasin kawitaya iheyaya.

5. Qa Lot kipanpi, Wicaxta nom hanyetu kin de yati en hipi kin tukte epi he? Tankan u wicaxi wo; sdonwicunyanpi kte, eyapi.

6. Unkan Lot ti kin etanhan inanpe, ça tiyopa kin ecen icu,

7. Qa, Hunka wanjin ciyapi, ceciciyapi ce, ihnuhan hecen xicaya ecanonpi kin.

8. Micunkxi nonpapi kin naharin wicaxta sdonye xni yakonpi, heniyos e ciçupi, qa token yacinpi ecen wicayakuwapi kta, qa wicaxta nonpapi kin hee

cantawicayahdepi kte xni, wati en hipi kin he etanhan, ewicakiya.

9. Unkan, Tokan hiyaya wo. Wicaxta kin de oyate tokeca, tuka den un kta wacin, qa hi qa he unyacopi wacin. Heon ihomeca niye iyotan xicaya unnicuwapi kta, oyate kin eyapi, qa Lot yuinarni, kiyapi tiyopa kin en yapi, kaptuptujapi kta.

10. Unkan ohnihde unpi kin tiyopa kin yuganpi, qa Lot ti mahen hdieu yapi, qa tiyopa kin onatakapi.

11. Unkan oyate kin wicaxta cistina wicaxta tanka ko, oyate otonwe ohnaka kin owasin, tiyopa, kin en hiyeye cin hena ixta gonge wicayapi, heon tiyopa kin yutantan akitapi.

12. Unkan ohnihde unpi kin Lot heciyapi, Nakun den taku-yaya yukan he? takox yaye cin nicinkxi, nicunkxi, qa taku tona otonwe kin ohna duhe cin, de etanhan om tankata inanpa wo.

13. Otonwe kin de ihang unyanpi kta, heon unhipi; oyate kin de owasin woartani hoyapi, qa Jehowa itokam oiyahde içiyapi, heon otonwe kin de owihanke ye unhipi.

14. Unkan Lot tankata inanpe, ça wicaxta takox wicaye kte cin, hena hewicakiya, Otonwe kin de etanhan tankata inanpapo;

Jehowa otonwe kin de ihanke ye kta ce. Tuka tahox wicaye kte cin Lot cetunhdapi.

15. Anpao hinanpa, unkan ohnihde unpi kin Lot inarni yapi, qa, Najin wo; nitawin ehda-ku wo, qa nakun nicunkxi kin napin okini oyate kin ihankepi kte cin opapi nun ce; otonwe kin de wawiopeye unhipi ce, eciyapi.

16. Tuka ihduwiyeyapi xni; unkan ohnihde unpi nape etanhan wicayuzapi, Lot, qa tawicu, cinca nonpa ko nape kin etanhan wicayuzapi; Jehowa hena onxiwicakida, he etanhan otonwe kin tankan ewicayayapi.

17. Otonwe tankan awicaipi qa uman heciya, Napa wo; ni iciya wo. Ihnuhan nihektam eyatonwe cin. Omdaye kin ohna tuktedan inajin xni. Re kin heciya onapa wo; hecen yanni kta ce.

18. Unkan Lot, hewicakiya, Hiya, Itancan ceciya ce,

19. Wowidake yaya nitokam wopida iyeiciya, qa nitowaon-xida kin icantoyahnake cin he miye. Tuka re onawape kte cin owakitpani kta. Okini taku xica hiyohimaye ça maŋe kta, kowakipa.

20. Heon ceciciya, otonwe wan cistina den axkadan he cin, hee iyowahi kta owakihi kta.

Ceciciya, heci ye mayan wo; cistina tuka hecen on minagi kin ni kta.

21. Unkan, He wopida kin aciyupte kta; otonwe cistina kin he ihang waye kte xni.

22. Onapa wo; inarni wo. Tohan ehan yai xni hehanyan token waran kte xni, eciya. He etanhan otonwe kin he Zohar eciyapi.

23. Wi toka hinanpa hehan Lot Zohar iyohi.

24. Unkan hehan Jehowa magaju ya, Sodom Gomora heniyoza kiya inyan zi peta ko Jekowa marpiya eciyatanhan ahinhe wicaya.

25. Otonwe kin hena owihanke wicaya, omdaye ko oco-wasin, qa tona otonwe kin en ounyanpi, qa makoce kin hen peji koya.

26. Tuka Lot tawicu kin hantikta, unkan tancan kin tokeca hinhde ça miniskuya icu.

27. He icunhan, hanranna Abereyam kikta, qa Jehowa okiye ciqon en etkiya ya.

28. Qa Sodom, Gomora, makoce ihdukxan koya atonwan; unkan makoce kin he etanhan xota wan, maza xdoyapi oceti xota iyececa, wankantkiya inanpe cin wanyaka.

29. Jehowa otonwe kin hena, ihdukxan koya, owikanke ye cin

he icunhan, Abereyam kiksuye
 ça Lot hetanhan iyaye ya, he
 owihanke wicaye kte cin etan-
 han he okapta heon hecen, econ.

30. Unkan Lot Zohar etanhan
 itawankanhde ye, ça re wan
 akan cunwintku napin om e
 ounyan Zohar he en un kte cin
 he wikopa heon *hecon*, qa ma-
 kordoka wan cunwintku napin
 om oti.

31. Unkan tokapa kin he tan-
 kaku kin hecen eciya, Ate un-
 ye cin wanna wicarinea, qa maka
 ohnaka wanna wicaxta wanica,
 maka akan econpi qon iyecen,
 tuwedan unkiye en hi kte xni.

32. Ihowe, ate mini xa yatke
 unkiye kta, qa kici unwanke kte;
 hecen on ate etanhan wicoicage
 unhdoyapi kta.

33. Hanyetu, unkan atkuku
 mini xa yatke kiyapi. Tokapa
 kin he tokaheya atkuku kici
 iwanka, tuka atkuku kin cun-
 wintku en hiwanke cin he sdo-
 tkiye xni nakun kikta kin.

34. Ihanranna tokapa kin he
 tankaku kin heciya, Hinhan ate
 kici imunka; ecin ake hanyetu
 kinhan, mini xa yatke unkiye
 kte ça nix ito kici nunke kte
 hecen on ate etanhan wicoicage
 unhdoyapi kta.

35. Unkan ake ihanyetu, un-
 kan atkuku mini xa yatke kiyapi;
 ix ito hakakta kin atkuku kici

iwanka. Ix ake cunwintku en
 hiwanke cin sdotkiye xni qa
 kikta kin nakun.

36. Hecen Lot cunwintku na-
 pin atkuku etanhan hokxin itpi
 hnakapi.

37. Tokapa kin hokxidan wan
 ton qa Moab eya cax kiton. He
 Moab *oyate* ate yapi anpetu kin
 dehan aiyahdeya.

38. Unkan hakakta kin ix eya
 hokxidan wan ton qa, Benhami
 eya cax kiton. He Hamon
 cinca kin anpe dehan aiyahdeya
 ate yapi.

WICOWOYAKE 20.

1. Hehan Abereyam makoce
 itokaga kin ekta ihdaka ye ça
 Qadex qa Xur otahedan iyotanke
 ça Gerar en ounyan.

2. Qa Abereyam tawicu Sara
 ke ça, Mitankxi kin dee ce eya.
 Unkan Gerar wicaxta yatapi
 Abimelek, he ekta ye wicaxi qa
 Sara yuza.

3. Unkan hanyen, Wakan-
 tanka Abimelek ekta hi, qa wo-
 wihanmde wan en heciya, Iho
 nița ce, winorinea wan duze cin
 heon; he wicaxta wan tawicu
 ce.

4. Tuka Abimelek naharin
 Sara ikiyedat wanke xni, qa
 heya; Itancan oyate owotanna
 wan he nakun țe wicayaye kta
 he?

5. Mitankxi kin dee, emakiye xni he? qa winyan kin ix, Timdo waya ce, emakiye xni he? Micante kin ecedan qa minape iye-cetu kin on hecamon.

6. Unkan Wakantanka w-wihanmde kin en heciya, Mix nakun nicante ecedan kin en hecanon kin sdonwaya qa, heon ecihdaku miye en wayartani kte xni qa dutan kte cin iyowin ciciye xni.

7. Qa wanna, iho, wicaxta qon tawicu kin kicu wo, ix wicaxta wokcan kin heca, kinhan niye on cekiye kta, kinhan yani kta; tuka ake yecu xni kinahan niŋe kte ɕa nakun taku nitawa kin owasin, he sdonya wo.

8. Unkan Abimelek hanran-narin kikta, qa ookiye wicayuhe cin owasin wicakico, qa hena owasin owicakiyaka: Unkan wicaxta kin nina kokipapi.

9. Unkan Abimelek Abereyam kico qa, Tokeca e hecaunyecon-pi? Qa niye en wawartani kin tukte e on woartani tanka wan miye qa oyate mitawa ko iyahde unyayapi? Woecon wan econpi kte xni tuka, hecamiyecon, eciya.

10. Qa, Taku wandaka on hecen ecanon he? Abimelek Abereyam, eciya.

11. Unkan Abereyam heya, Tuwedan. deciya Wakantanka

ohoda xni qa mitawin on ma-ktepi kta kepce cin heon hecamon;

12. Qa awicakehan tankxi waya ce. Ate waye cunwintku kin hee tuka ina tawa xni qa mitawin ee kta mduza.

13. Qa Wakantanka ate ti kin etanhan ihdaka ye maye ɕehan winyan qon hewakiya; Taku waxte ionximayada kte cin dee ce. Makoce owasin tokiya kaxta en unki kinhan, Timdo emakiya wo, epe ciqon, eya.

14. Hehan Abimelek tarin wanuyanpi ikikeu, qa tatanka qa wicaxta taokiye winyan taokiye ko ikikeu, qa Abereyam qu; tawicu Sara nakun kicu.

15. Qa Abimelek heya, Mitamakoce nitokam wanki; tukten niixta iyonicipi kinhan hen iyotanka wo.

16. Qa Sara heciya, Iho nitimdo maza ska kektopawinge waqu; iho he niixta akarpe kte cin ee, tona nici unpi kin owasin en qa tokan nakun owasin en; hecen Sara iyopeyapi.

17. Hehan Abereyan Wakan-tanka icekiya; unkan Wakan-tanka Abimelek asni yan tawicu kici qa wikoxka yuhe cin owasin. Unkan cinca tonpi.

18. Jehowa, Sara Abereyam tawicu kin on etanhan, Abimelek tiyohnaka tawa owasin ta-

mnipi kin suksuta onawicataka he, wowirara kin he Sara wan-
tuka qon. yake ça,

WICOWOYAKE 21.

1. Unkan Jehowa heye ci-
qon, he iyecen Sara ekta hi, qa
Jehowa, eciye ciqon, he iyecen
ecakicon.

2. Unkan Sara ihduxake ça
Abereyam okanta cinca wan ki-
cicon; Wakantanka eye ciqon
iyehantu qehan.

3. Unkan Abereyam cihintku
kicitonpi Sara ton kin he, Izak
eya cax kicon.

4. Qa Abereyam Izak ohomni
baxpa, anpetu ixahdogan tonpi
kin ehantanhan, Wakantanka
econ xi qon iyecen.

5. Abereyam wanna waniyetu
opawinge, hehan cihintku Izak
kicitonpi.

6. Unkan Sara heya, Wakan-
tanka ira mayan, qa tona naronpi
kin imiciyuxkinpi kta.

7. Qa Sara hokxiyoqopa azin
kiye kte cin, tuwe Abereyam
eciye kta he? wicarinca tuka
cinca wecicon kin, eya.

8. Unkan hokxidan kin tanka
aye ça azin ayaxtan kiyapi.
Unkan Izak azin ayaxtan kiyapi
anpetu kin he en, Abereyam
wohe ça wicota wicakico.

9. Unkan Hagar Egupton kin
cihintku Abereyam kicicon kin

10. Wikoxka kin de cihintku
kin iyahna tankan ye wicaya ye.
Wikoxka kin de cihintku kin,
micinkxi Izak kici woyuha ta-
waye kte xni, eya.

11. Unkan oie kin he, Abere-
yam ixta kin en terike rinca, ci-
hintku kin heon etanhan.

12. Unkan Wakantanka Abe-
reyam heciya, Wikoxka duhe
cin, qa hokxidan kin on etan-
han, niixta kin en terike xni
nunwe. Taku Sara eniciye cin
owasin ecen ho kin anagoptan
wo. Izak he en wicoicage ni-
tawa kin caje yatapi kta.

13. Wikoxka cihintku kin ni-
cinkxi kin hee, heon he nakun
oyate wan icar wakiye kta ce.

14. Unkan Abereyam han-
ranna rin kikta qa aguyapi mini
aparta wan ahna icu, qa Hagar
qu, tarpa kin akan ehnaka, ho-
kxidan nakun qa toki ye xi. Un-
kan iyaye ça Berxeba tinta kin
onuni.

15. Unkan mini aparta kin
etanhan mini wanna yarepapi,
qa hokxidan kin canraka wan
ihukuya erpeya;

16. Qa iyaye ça iyotakons
iyotanka kitana tehan, wanhin-
kpe kihiyeyapi hehanyan, Ho-
kxidan te kte cin wanwahlake

kte xni ce, eya; heon aisinyan iyotanke ça hoyeye ça ceya.

17. Unkan Wakantanka hokxidan ho kin naron qa, Wakan-tanka taokiye marpiya eciyatanhan Hagar kipan, Hagar taku yaka he? Wakantanka he oy-anke kin etanhan hokxidan ho kin naron. Kokipe xni wo.

18. Najin qa hokxidan kin ikikeu qa, nape kin on hduha wo. Iye oyaté tanka wan icar wakiye kta ce, eya.

19. Qa Wakantanka winyan ixta kin yurdoka, unkan mini-rdoka wan wanyake ça ekta i, qa mini aparta kin iyatahde ye ça hokxidan kin yatke kiya.

20. Unkan Wakantanka hokxidan kin kici un; hecen tanka icage ça tinta kin en ounye ça itazipa on waoka.

21. Qa Paran tinta kin en ounye ça hunku kin Egupta makoce kin etanhan, tawicu kte cin kiciyuza.

22. Unkan hehan Abimelek qa taakicita tancan Pikol henioza Abereyam heciyapi, Taku eanon kin owasin en Wakantanka oniciya.

23. Iho hecen eya wo, Wakantanka namaron; cihnaye kte xni nicinkxi nitakojá ko wicawahnaye kte xni, taku waxte ecamiyecon kin iyecen ecacicon

kte, makoce en ounwaye cin nakun.

24. Unkan, Mix ecen eya wakonze kta ce, Abereyam eya.

25. Hehan mini rdoka wan Abimelek taokiye kin kipi qon, he Abereyam cajeyate ça he on Abereyam Abimelek iyopeya.

26. Unkan, Tuwe hecon kin sdonwaye xni, qa nix nakun omayakidake xni, nakun mix he nawaron xni, nakaha heceyedán, eya.

27. Unkan Abereyam tarinca wanuyanpi pte wanuyanpi ko ikikeu, qa hena Abimelek qu; unkan napin wicoun wan kici-cagapi.

28. Hehan Abereyam tarinca cinca wiyedan xakowin akipam ewicahde.

29. Unkan Abimelek Abereyam heciya, Tarinca wiyedan xakowin kinukan ewicayahde kin he taku.

30. Unkan, Minirdoka kin de mix waqe cin he yaotaninpi kte cin, heon tarinca wiyedan xakowin kin hena minape kin etanhan iyacu kta, eya.

31. Unkan heon etanhan makoce kin he Berxeba eciyapi napin héciya Wakantanka namaron eya ekiciyapi.

32. Unkan Berxeba hen wicoun kici-cagapi; hehan Abimelek najin taakicita tancan nakun,

qa Pilixtim tamakocepi kin ekta hdapi.

33. Unkan Abereyam Berxeba héciya taxkoju wan oju, qa hen Jehowa Taku wakan owihanke wanica hoyekiya.

34. Qa Abereyam Pilixtim tamakocepi kin en anpetu otounyan.

WICOWOYAKE 22.

1. Unkan hena owasin iyohakam Wakantanka Abereyam iyutan ye ça heciya, Abereyam, eya houkiya. Unkan, Iho miye ce, eya.

2. Unkan, Nicinkxi heceyedan waxte yakidake cin Izak he icu qa, Moriya makece kin ekta ye ça heciya re wan ociciyake kte cin he akan petan wahduxna wo, eya.

3. Unkan Abereyam hanran-na rin kikta qa, xuktanka xon-xonna aqin kiton, qa koxka nom iwicakikeu cihintku Izak nakun, can on woxna kte cin he kakse ça, najin qa hena om, makece tukte en Wakantanka cajeyate ciqon héciya iyaya.

4. Anpetu iyamni Abereyam wankan etonwe ça tukten ke cin he tehan tanhan wanyaka.

5. Qa Abereyam koxka wicayuhe cin hewicakiya, Den iyotankapo xuktanka xonxonna

iyahna, qa mix hokxidan kici kan unkipi kinhan canpexka makehdeya unkanpi qa den du-kanpi kin en unhdipi kta.

6. Qa Abereyam can on woxna kte cin icu qa, cihintku Izak ahan ehake ça peta isan ko nape kin en icu, qa sakim iya-yapi.

7. Unkan Izak Abereyam kici okiye ça, Ate, eya. Unkan, Micinkxi nawaron ce, eya. Unkan, Iho peta can ko yukan, tuka woteka kin woxnapi on tukte e he? eya.

8. Unkan, Micinkxi Wakantanka tarin wanuyanpi wakiyuxnapi on okide kta, eya. Hecen sakim yapi.

9. Qa wanna tukten Wakantanka ye xi qon hen hiyohipi, qa hen Abereyam wahna woxnapi wan kage ça, cihintku Izak iyakaxke ça wahna woxnapi kin akan ekihnaka, can kin iwankam.

10. Qa cihintku te kiye kta e nape kiyugate ça isan kin iki-keu.

11. Hehan marpiya kin eciya tanhan Jehowa ohnihde ye cin kipan, Abereyam, Abereyam, eya. Unkan, Nawaron ce, eya.

12. Hokxidan kin ekta ninape kin ye kiye xni, qa takudan ecakicon xni wo. Wanna niye Wakantanka ikoyape cin sdon-

waya cę; nicinkxi heceyedān, tuka mayaqu kta wicayada he etanhan.

13. Hehan Abereyam wankan etonwe ęa inyun ireyata tamdoka wan oteri ohna he kin on ikoyag najin, he wanyake ęa, Abereyam ekta i qa, tamdoka kin icu qa, cihintku kte cin hee kiya hee petan woxna.

14. Qa Abereyam makoce kin he, Jehowa wiwanhdake kta, ęya cax ton; heon Jehowa re tawa kin akan tanin ięiye kta ce, naharin eyapi.

15. Unkan marpiya kin eciya tanhan Jehowa ohnihde ye cin inonpa akihde Abereyam kipan;

16. Miye kaex caje mihdate Jehowa ęya; Taku ecanon kin de nicinca wanjidan tuka iton-yakipe xni;

17. Heon wowaxte ciyawa-xte kta, nicinca iyakięuya yuota wakiye kta. Marpiya wicanrpi iyena, qa mini wanca kahda wi-yaka sukaza iyeye cin iyena, taku nitawa iyacin kte ęa nicinca tōka wicayapi kin otonwe tawapi kin yuhapi kta.

18. Qa mioie kin anayagoptan kin heon nicinca kin on maka kin oyate owasin wicayawaxtepi kta ce, ęya.

19. Unkan Abereyam koxka wicayuhe cin ekta hda; unkan najinpi qa yuwitaya Berxeba

ekta hdapi; qa Abereyam Berxeba en ounyan.

20. Hena owasin iyohakam Abereyam hecen ęya okiyakapi; Milka he nakun nicinye Nacor he cinca kiciton.

21. Uz tokapa kin hee qa sunkaku Buz qa Qemuel Aram he atkuku.

22. Qa Kesed, qa Kazo, qa Pildax, qa Idlap, qa Betuel.

23. Unkan Betuel he Rebeka kicitonpi. Xahdogan kin hena Milka he Nacor Abereyam cinu kin kiciton.

24. Unkan tawicu tokeca kin, Ruma eciyapi he Teba qa Gaham qa Tacos qa Mahaka hena wicaton.

WICOWOYAKE 23.

1. Unkan Sara waniyetu opawinge sanpa wikcemna nonpa sanpa xakowin henakeca, waniyetu kin hena Sara ni.

2. Hehan Sara ęa, Arba otonwe kin hęciya, Cebron Kanan makoce kin etu hee. Unkan Abereyam Sara on iyokixice ęa akiceye kta e en hi.

3. Hehan Abereyam *tawicu* ęe cin itokapa tanhan najin qa, Cet cinca wicaye cin owicakiya.

4. Qa, Mix wicaxta ihdaka waun qa axkatudan nicipi waimdotanka, wicaxta hnakapi

mduhe kta e niye om maqupo; kinhan makiŕe cin mitokapa tanhan wehnake kta ce, eya.

5. Unkan Cet cinca wicaye cin ayuptapi qa Abereyam heciyapi;

6. Itancan anaungoptanpo. Wicaxta yatapi wakan unkiyepi cokaya henica. Wicaxta hnakapi unhapi kin tukten iyonicipi kin nicite cin en hnaka wo. Unkix wanjidan kaxta wicaxta hnakapi unhapi kin hen nicite cin yehnake kta e terinda kte xni.

7. Unkan Abereyam najin qa Cet cinca wicaye cin oyate makoce yuhapi kin wicitokam apatuja.

8. Qa owicakiye a, Makiŕa mitokapa tanhan wehnake kte cin he iyonicipipi hecinhan ana-magoptanpi, qa Erpon Zohar he cihintku cin makiyapo.

9. Kinhan Makpela imnija ordoka yuhe cin, tamga ihanke en un kin, maza ska iyenakeca kin heon maqu kte cinhan niyepi cokaya wicaxta hnakapi wan mduhe kta ce, ewicakiya.

10. Unkan Erpon Cet cinca wicaye cin ehna iyotankahan yanke cin he ayupta; Cet cinca wicaye cin owasin, otonwe tiyopa ohna upi kin hena owasin naronpi, Erpon Ceti Abereyam heciya;

11. Hiya, Itancan namaron wo. Mga kin ciu; imnija ordoka en un kin he nakun ciu. Mitaoyate cinca wicaye cin wanmayakapi he ciu. Nicite cin kihnake wo.

12. Unkan Abereyam oyate makoce tawapi kin wicitokam patuja.

13. Qa ia, Iho amayadupte cinahan, namaron wo. Mga kin on maza ska ciu kta. Icu wo; kinhan makiŕe cin wehnake kta, Erpon eciya, oyate makoce yuhapi kin hena naronpi.

14. Unkan Erpon Abereyam ayupte a heciya;

15. Itancan namaron wo. Mga kin maza ska opawinge topa iyehantu ce; tuka unkiyotahedan he taku? Nicite cin ekihnaka wo.

16. Unkan Erpon ie cin he Abereyam anaoptan, qa maza ska opawinge tom wopeton icupi kin heca Abereyam aspe ye ton qa qu, he Erpon Cet cinca wicaye cin naronpi cajeyate ciqon hee.

17. Unkan Erpon tamga Makpela enwanka, Mamore iyo-takons he qu; mga kin imnija ordoka he en wanke cin he nakun, qa can tona he en han qa tona ihdukxan he cin he nakun owasin;

18. Abereyam tawa kte cin,

Cet cinca wicaye cin tona otonwe tiyopa kin ohna yapi kin he wanyakapi.

19. Hehan Abereyam tawicu Sara ekihnaka; Makpela mága imnija ordoka kin he en, Mamore ikiyedán, Cebron Kanan makoce kin etu hee.

20. Unkan mága imnija ordoka iyahna, Abereyam wicaxta hnakapi on yuhe kte cin, Cet cinca wicaye cin qupi.

WICOWOYAKE 24.

1. Unkan Abereyam wanna wicarınca omaka ota; unkan Jehowa taku owasin en Abereyam yawaxte.

2. Unkan Abereyam he taokiye tiyohnaka tawa tokapa kin, taku yuhe cin owasin awanyagun kin heciya; Ninape kin miecea ihukuya ekihnaka wo;

3. Kinhan Jehowa Taku wakan marpiya maka ko yuhe cin namaron, eye ciciye kta, Kananani oyate om manke cin cunwintkupi kin etanhan micinkxi on winorınca iyacu kte xni.

4. Tuka mitamakoce qa mitakuye kin hena ekta de kte ça, hetanhan micinkxi Izak on winorınca iyacu kta, kehe kta ce, eya.

5. Unkan taokiye kin heya, Okini winorınca kin makoce kin

de ekta omape kta tawaŋenye kte xni; hecinhan makoce etanhan yau qon, nicinkxi ake ekta ye wakiye kta he?

6. Unkan, Ihnuhan micinkxi icicawin hëciya ye yakiye cin.

7. Taku Wakan marpiya yuhe cin, ate ti kin etanhan qa makoce wan en matonpi kin etanhan, imacu qa omakiye ça, Makoce kin de nicinca waqu kta ce eya konza, he taokiye kin nitokam ye xi kta, kinhan micinkxi kin on heciya tanhan winorınca wan iyacu kta.

8. Winorınca kin onipe kta tawaŋenye xni, hecinhan iya-konze kin de on iyaonpepicaxni yaun kta, tuka micinkxi hëciya ye yaye kte xni ce.

9. Unkan taokiye qon nape kin iye yuhe cin Abereyam ceca kin ihukuya ekihnake ça ecen eya konza.

10. Qa ookiye kin, iye yuhe cin camo tawa kin etanhan, camo wikcemna, qa iye yuhe cin taku waxte tawa kin owasin etanhan icu, qa hena yuha iyaye ça Nacor otonwe kin ekta i, Aram watpa otahedan etu.

11. Qa otonwe kin itankan minirdoka ikiyedán, camo kin canpexka makehdeya inajin wicakiya, rtayetu mini huwe ipi ca ehan.

12. Qa heya, Jehowa Abere-

yam mayuhe cin ta Wakantanka ceciciya, nakaha tanyan ihuni makiye ça Abereyam mayuhe cin he wowaxte ecakicon wo.

13. Minirdoka kin ekta nawa-jin qa, otonwe kin wicaxta cun-wintkupi kin mini huwe upi kta.

14. Qa wikoxka wan tuwe kaxta hewakiya, Wakixkotpa nitawa kin au wo, mini mdatke kta ce. Unkan, Yatkan ye, qa camo nitawa kin nakun yatke wicawakiye kta, eye cinhan, to-kin nitaokiye Izak yuhén yakar-nige cin hee, kinhan mayuhe cin wowaonxida ecayecon sdon-wayen.

15. Unkan ix ia naharin aya-xtan xni ehan, Rebeka u, Abereyam cincu Nacor he tawieu Milka he cihintku Betuel he cun-wintku kin hee, wakixkotpa hiyeta onpe ça u.

16. Wikoxka owanyag waxte rinca hokxiwina qa wicaxta to-hini sdonye xni, minirdoka kin ekta kun ye ça wakixkotpa kin ojudan icu qa wankan hiyu.

17. Unkan ookiye qon itko-kim inyang ye ça, Wakixkotpa duhe cin etanhan mini onge yatke makiya wo, eya.

18. Unkan Itancan yatkan ye, eye ça wakixkotpa kin nape kin on kun akihde, qa yatke kiya.

19. Unkan ayaxtan hehan, Camo nitawa kin nakun hena

on mini awau kta, yatkan aya-xtanpi kin hehanyan, eya.

20. Qa inarni qa wakixkotpa kin cankaxkotpa tanka kin oka-xtan, qa inyanka minirdoka kin ekta mini huwe ya, heon, qa camo kin owasin mini wicaku.

21. Unkan wicaxta kin yuxin-yaye ça taku eye xni, canku ohna u kin he Jehowa ohinniyan tanyan ikiyuxtan kta hecinhan he sdonye kta.

22. Unkan camo kin mini yatkan ayaxtanpi, hehan wicaxta qon maza ska zi maza oin tanka, maza ska hanke iyecen tke, he icu qa nakun maza huhu nom maza ska wikcemna iyecetu, hena owasin wikoxka nape kin en ye kiya;

23. Qa, Tuwe hunkake yaya he? Omakiyaka wo, niyate ti kin ohna unkiwankapi kta okan he? eya.

24. Unkan, Milka he cihintku Betuel Nacor kiciton kin he cunwintku kin miye ce, eya.

25. Qa, Peji puze ça taku yu-tapi ko ota, qa nakun wankapi kta okan ce, eciya.

26. Unkan wicaxta qon pamahdedan yanke ça Jehowa cekiye ça,

27. Jehowa Abereyam mayu-he cin ta Wakantanka yawaxtepi nunwe. Towicake towaonxida ko mayuhe cin ekta kiya ayuxtan

xni, tuka mayuha sunkaku ti kin canku kin ohna Jehowa amau ce, eya.

28. Unkan wikoxka kin dus hde ça iye hunku ti kin en hena owasin oyaka.

29. Rebeka timdoku wan yukan, Laban eciyapi, qa Laban ix dus iyaya wicaxta qon ekta minirdoka kin en.

30. Laban oin tanka, qa maza huhu tankxitku nape kin akan wanyake ça Rebeka tankxitku oie ye cin, Wicaxta kin hecen emakiya eye cin he naron qa, hehan wicaxta qon minirdoka kin ekta, camo kin icahda najin kin en hi.

31. Qa heya, Jehowa he niyawaxte kin u wo. Tokeca tankan nayajin he? Mix tipi kin wanna wiyeya wakaga, camo yukanpi kte cin nakun.

32. Unkan wicaxta qon tipi kin ekta hi; unkan camo kin kiyuxke ça peji puza taku yutapi ko camo kin qu, qa mini on siha hdujaja kta wicaxta om hi kin nakun hdujajapi kta e au.

33. Qa woyute nakun qu. Unkan, Taku on wahi kin owahdake xni kinhan onxpadan wate kte xni ce, eya. Unkan, Ia wo, eya.

34. Unkan, Abereyam tahokxidan wan he miye,

35. Qa Jehowa he mayuhe

cin nina yawaxte, qa tarin wanuyanpi qu, qa pte, qa maza ska, qa maza ska zi, qa wicaxta winyan ko wowindag wicaye cin, qa camo, qa xuktanka xonxonna *hena owasin* hecen wicaxta okinihan.

36. Qa mayuhe cin tawicu kin Sara cinca wan ton, mayuha wanna wicarınca hehan he kici-ton, unkan taku yuhe cin owasin kiçu.

37. Qa Kanani makoce tawapi kin en manke cin he cunwintkupi kin etanhan micinkxi on winorınca duze kte xni:

38. Tuka hunkake wicawaye cin tipi kin ekta de kte ça, taku wicawaye cin etanhan micinkxi on winorınca wan duze kta ce, mayuhe cin eya konza, keye maxi.

39. Unkan, Okini winorınca kin mici u kte xni, mayuhe cin ewakiya.

40. Unkan, Taku wakan wada Jehowa itokam mawani kin, he taokiye wan nici ye xi kte ça mitakuye qa ate ti kin etanhan, winorınca wan micinkxi on duze kta e, canku yaye cin tanyan ihuni niciye kta ce.

41. Tuka taku eya konze ciye cin nihiyahde kte xni, taku wicawaye cin ekta de cinhan, qa niçupi xni kinhan, hehan ta-

ku eya konze ciciye cin iyahde niçiye kte xni, emakiya.

42. Unkan nakaha minirdoka kin ekta wahi qa hepa, Jehowa Abereyam mayuhe cin he taWakantanka canku ohna wau kin tanyan ihuni mayakiya hecinhan;

43. Iho mix minirdoka kin icahda nawajin qa wikoxka wan mini huwe hiyu qa, Wakixkotpa duhe cin etanhan mini onge yatke makiya wo, ewakiye kta.

44. Unkan, Yatkan ye, qa nakun camo nitawa kin mini wicawakahi kta ce, emakiye cinhan, winorinca wan mayuhe cin cihintku yuze kta e Jehowa karnige cin hee kte.

45. Mix cante mahen ia naharin mdaxtan xni, unkan inyun Rebeka hinanpe ça, minirdoka kin ekta kun i mini icu; unkan, Tokin yatke mayakiyen, ewakiya.

46. Unkan tawakixkotpa kin inarniyan kun ahi qa, Yatkan ye qa camo nitawa kin nakun woyatke wicawaqu kta ce, eya; unkan mdatke ça camo kin nakun yatkanpi.

47. Unkan imonge ça, Tuwe cunwintku niyan he? ewakiya. Unkan Betuel cunwintku Milka kiciton kin hee. Hehan oin tanka ite kin akan ewahnaka,

maza huhu nakun nape kin akan.

48. Qa pamahdedan manke ça Jehowa cewakiya, Jehowa Abereyam mayuhe cin taWakantanka kin he mayuhe cin cihintku kin on, mayuhe cin sunkaku cunwintku mduze kta e canku wicaka ohna amau kin he mdatan.

49. Qa niyepi wanna wowa-onxida wowicake ko mayuhe cin ecayeconpi kte cinhan omakiyakapo, qa ecayeconpi kte xni kinhan omakiyakapo: etapa tanhan mduhomni kta qa ix catka tanhan, eya.

50- Unkan Laban Betuel ko ayuptapi qa taku kin de Jehowa etanhan u qa taku xica qa ix taku waxte unkeniciyapi kta unkoki-tpanipi.

51. Iho Rebeka nitokam un; icu qa hda wo. He niyuhe cin cihintku kin yuze kta, Jehowa oie ye cin iyececa.

52. Unkan Abereyam taokiye kin iapi hena naron qehan, Jehowa ohoda kta e makata patuxiyaya.

53. Hehan ookiye qon maza ska oin qa maza ska zi oin iki-keu wokoyake nakun qa hena Rebeka qu, timdoku hunku ko taku terika wacaqu.

54. Hehan wotapi qa waya-tkanpi, iye wicaxta opapi kin

hena koya. Wankapi qa han-ranna kiktapi qa, Mayuhe cin ekta hdicu mayan wo, eya.

55. Unkan timdoku hunku ko, Wikoxka unkicipi yanke kte, wikcemna can hehanyan, hehan ye kta ce, eyapi.

56. Unkan Jehowa ix canku mitawa kin tanyan ihuni mayan heon, hde maxipi terindapi xni-po. Mayuhe cin ekta wahde kta ce, ewicakiya.

57. Unkan, Wikoxka kin un-kicopi qa, iye i kin etanhan un-kiwangapi kta ce, eyapi.

58. Qa Rebeka kipanpi, qa, Wicaxta kin de kici de kta he? eciyapi. Unkan, Mde kta ce eya.

59. Unkan Rebeka tawino-rtinpi kin ye xipi, qa azinkiyē ciqon, qa Abereyam taokiye, qa wicaxta tawa nakun.

60. Qa Rebeka yawaxtepi qa, Unkitawinortinpi kin he niye, kektopawinge oyawa tanka ica-ga wo, qa cinca wicayaye kte cin tōka wicayapi otonwe kin yuhapi kte, eciyapi.

61. Hehan Rebeka najin, wi-koxka yuhe cin nakun, qa camo akan iyotankapi, qa wicaxta qon kici iyayapi. Hecen ookiye qon Rebeka icu qa kihda.

62. Wanna Izak minirdoka, Tuwe ni un kin wanmayaka ta-

wa kin hetanhan u qa makoce puze cin en iyotanka.

63. Qa rtayetu ca Izak ceki-ye kta e manin ya, hehan wan-kan etonwe qa camo upi kin wanwicayaka.

64. Rebeka nakun wankan etonwe qa Izak wanyake qa camo kin etanhan ipsica.

65. Qa ookiye kin heciya, Wicaxta wan itkounkipapi re-woskan omani kin he tuwe? Unkan, Mayuhe cin hee, ookiye kin eya. Unkan ite akarpe wan icu qa aihdarpa.

66. Unkan ookiye kin, taku token econ kin owasin Izak oki-yaka.

67. Hehan Izak iye hunku Sara tawakeya kin mahen Rebe-ka tin ye xi, qa yuzē qa tawicu kin waxte kidaka. Hecen Izak iye hunku Sara te cin iyohakam iwacintonhnag yapi.

WICOWOYAKE 25.

1. Hehan ake Abereyam wino-rinca wan yuza, Qetura eciyapi.

2. Unkan cinca kiciton kin dena eepi, Zimran, qa Jokxan, qa Medan, qa Midian, qa Ixbak, qa Xuha.

3. Unkan Jokxan ix Xeba qa Dedankicitonpi. Unkan Dedan ix Axurim, qa Letuxim, qa Lu-mim cinkxi wicaya.

4. Unkan Midian cinca wicaye cin, Epa, qa Heper, qa Canok, qa Abida, qa Eldaha. Hena owasin Qetura cinkxi wicaya.

5. Unkan Abereyam taku yuhe cin iyurpa Izak qu.

6. Tuka winorinca uman cinca Abereyam kicitonpi kin hena Abereyam taku wicaqu, qa naharin iye ni un kin wiyohiyanpata makoce kin ekta ye wicaxi, cihintku Izak etanhan.

7. Abereyam anpetu tawa kin waniyetu ni un kin dena ee, waniyetu opawinge sanpa wikcemna xakowin sanpa zaptan, hehanyan ni.

8. Hehan Abereyam niya xni ta iyaya, pa ska waxte, qa wicarınca imna; hehan taoyate kin ekta ókipa yapi.

9. Qa cinca wicaye cin Izak Ixmayer kici kihnakapi; Makpe-la imnija ordoka kin en Mamore itokam, Zohar Ceti he cihintku Erpon tamàga qon en.

10. Mága wan Abereyam Cet cinca wicaye cin opewicakica-ton, he en Abereyam hnakapi tawicu Sara kici.

11. Unkan Wakantanka, Abereyam te cin iyohakam, cihintku kin Izak yawaxte, qa Izak Tuwe ni un qa wanmayake cin minirdoka tawa kin ekta ounyan.

12. Hagar Egupton kin Sara

tawikoxka kin he Abereyam cinca wan kiciton Abereyam cihintku Ixmayer wicoicage kin dee.

13. Ixmayer cinca wicaye cin cajepi kin deepi, wicowazipi qa cajepi kin iyececa. Ixmayer cinca tokapa kin he Nebayot, hehan Qedar, qa Adbel, qa Mibxam,

14. Qa Mixma, qa Duma, qa Masa,

15. Cada, qa Teman, Jetur, Napix qa Qedma.

16. Hena Ixmayer cinkxi wicaya; toki tipi qa tonwanyanpi kin ecen eciyapi, wicaxta yatapi ihdawapi ake nom, taoyatepi kin om.

17. Ixmayer ni un kin waniyetu kin dena ee, waniyetu opawinge sanpa wikcemna yamui sanpa xakowin, henakeca; hehan niya xni ta iyaye ça taoyate kin ekta ókipa yapi.

18. Hunka wanjin wicaye cin owasin wicehna ta. Cawilaetanhan Xur itokam un kin ektakiya de cin qa hetanhan Axur etu makoce kin he en ounyanpi.

19. Unkan Izak Abereyam cihintku wicoicage kin dee, Abereyam he Izak kicitonpi.

20. Unkan Izak wanna waniyetu wikcemna topa, hehan Rebeka yuza, he Betuel Arami kin he cunwintku, Aram Mdaye kin

etanhan, Laban Arami kin tawinortin kin hee tawicu kta e yuza.

21. Qa Izak tawicu kin cinca ton xni kin heon, Jehowa icekiya. Unkan Jehowa anakici-goptan, hecen Rebeka Izak tawicu kin ihduxaka.

22. Unkan hokxiyoqopa Rebeka mahen akinicapi; unkan, De taku hwo hecetu kta hecinhan token on hemaca he? eye ça Jehowa iwange kta e ekta i.

23. Unkan, Nitamni kin mahen oyate nonpa qa nitezi kin etanhan oyate nonpa inanpapi kta, qa oyate wan waxaka kex oyate uman sanpa waxake kta, qa hakakta kin he tokapa kin wowidake yuhe kta ce, Jehowa eciya.

24. Unkan anpetu cinca ton kte cin wanna henakeca, qa inyun tamni kin mahen cekpa yukan.

25. Unkan tokapa kin hiyu owancaya gi, pte haxina iyecen; unkan Esa eya caxtonpi.

26. Hehan sunkaku kin hiyu, qa nape kin Esa siyete kin yus un; heon Jakob eya cax kiton. Hena tonpi kin ehan, Izak waniyetu wikcemna xakpe.

27. Unkan koxka tanka ica-gapi, qa Esa wotihni wayupika, wicaxta rewoskan un kin heca, tuka Jakob wicaxta warbadan wakeya oti.

28. Unkan Izak Esa waxtekidaka, taku o kin yuta heon. Tuka Rebeka Jakob waxte kidaka.

29. Unkan Jakob wahanpi ohe cin icunhan Esa tinta kin etanhan u qa watuka un;

30. Qa, Akiran maŋe kta heon wahanpi zi kin de onge maqu wo, mdatke kta ce, Esa Jakob eciya. Heon Edom eya caje yatapi.

31. Unkan, Watonikapa kin he nakaha maqu wo, Jakob eya.

32. Unkan Esa, Wanna maŋe kta qa watomakapa kin de taku okihi kta he? eya.

33. Unkan Jakob, Nakaha Wakantanka icajeyan emakiya wo, eya. Unkan Wakantanka icajeyan eciya. Hecen Esa watokapa tawa kin he Jakob qu.

34. Unkan Jakob omnica hanpi aguyapi kici Esa qu, unkan ynte ça yatkan qa najin, qa toki iyaya. Hecen Esa watokapa kin ihakta xni.

WICOWOYAKE 26.

1. Unkan makoce kin he en wicaakiran tokeca wan, Abereyam anpetu tawa icunhan wicaakiran tokaheya qon he iyohakam. Unkan Izak Pilixtim tawicaxta yatapi Abimelek eciyapi ekta i Gerar etu.

2. Unkan Jehowa iye en tan- in içiye ça heciya, Egupta ekta de kte xni ce, makoce wan oci- ciyake kte cin hen yanka wo.

3. Makoce kin de en ounyan wo, kinhan nici waun qa ciya- waxte, qa makoce kin dena owasin ciçu kta, nicinca ko wo- konze Abereyam niyate konza ewakiye cin he wahdusuta;

4. Qa nicinca yuota wakiye kta marpiya wicanrpi sukaza iyenaka qa makoce kin dena owasin nicinca wicawaqu kta qa oyate maka kin ohnaka owasin nicinca kin on yawaxtepi kta.

5. Abereyam hoyewakiye cin anamagoptan qa mitawoahope, mitawokonze, mioie, mitoope kin hena *owasin* yuhe cin heon etan- han.

6. Unkan Izak Gerar en oun- yan.

7. Unkan wicaxta heciya tipi kin tawicu kin on iwangapi; un- kan, Mitankxi kin dee ce eya. Rebeka owanyag waxte, qa iye on okini wicaxta deciya yakonpi kin maktepi kta *ecin* heon, Mi- tawin dee eye kte cin itonpa.

8. Unkan wanna anpetu ota hen yanke çehan Pilixtim wi- caxta yatapi Abimelek ojanjan hdepi wan etanhan eyokasin qa Izak tawicu Rebeka kici xkata e wanwicayaka.

9. Hehan Abimelek Izak kico

qa, Awicakehan nitawin hee. Tokeca, Mitawinortin dee ehe ciqon he? eya. Unkan okini iye on maçe kta epce ça heon hepa ce, Izak eya.

10. Unkan, De taku ecaunye- conpi he? Wanna ecadan oyate etanhan wicaxta wan nitawin kici iwanke kta unkanx, taku xica iyahde unyayapi kta tuka ce, Abimelek eya.

11. Qa Abimelek oyate tawa owasin iwakta wicaya, Tuwe wicaxta kin de yutan, qa ix tawi- cu yutan kinhan çe kta ce, eya.

12. Unkan, Izak makoce kin he en woju, qa omaka kin he en opawinge akihde kamna. He- cen Jehowa Izak yawaxte.

13. Unkan wicaxta kin tanka qa ohinniyan tanka aya, wijica rinca.

14. Qa oicihde, tarinca, qa pte wanuyanpi, qa ookiye ota yuha; heon Pilixtim inakiwizipi.

15. Unkan minirdoka, tona atkuku taokiye qapi qon atkuku Abereyam ni qehan, hena owa- sin Pilixtim aohduteyapi, maka okatapi.

16. Unkan Abimelek Izak he- ciya, Unkiyepi etanhan toki iya- ya wo, waunxakapi kex nix sam iyeya wanixaka ce.

17. Unkan Izak hetanhan iyaye ça Gerar kaksiza kin he en eti, qa hen iyotanka.

18. Qa minirdoka atkuku Abereyam ni kin icunhan qapi qon, qa Abereyam te cin iyohakam Pilixtim kin hena aohduteyapi kin hena ake Izak qe ça Abereyam cax wicaton qon hena iyecen Izak cajewicayata.

19. Qa Izak hokxidan wicayuhe cin kaksiza ohna qapi qa, en minicaduza minirdoka wan iyeyapi.

20. Hehan Gerar wanuyanpi wiran wicakiyapi tawapi kin, Izak wanuyanpi wiran wicakiyapi tawa kin om akinicapi qa, Mini kin he unkitawapi ee ce, eyapi; heon minirdoka kin he Esek Izak cax ton heciya kiyuxepi kin heon.

21. Unkan ake minirdoka tokeca wan qapi; unkan he on nakun akinicapi heon he Sitna caxton.

22. Qa hetanhan ihdaka ye ça minirdoka tokeca wan qapi, qa he on akinicapi xni. Unkan he Rehobot eya cax kiton; Wana Jehowa tankaya unkiyukanpi kaga makoce kin en heon unki-cagapi kta ce, eya.

23. Unkan hetanhan itawan-kanhda ye ça Berxeba ekta i.

24. Unkan hanyetu kin he en Jehowa tanin içiye ça heciya, Niyate Abereyam ta Wakantan-ka kin he miye ce. Wikopexni

un wo; niyate Abereyam mita-okiye kin heon nici waun, qa ciyawaxte, qa nicinea yuota wakiye kta ce.

25. Unkan kakiya wahna woxnapi wan kage ça Jehowa caje kin hoye kiye ça, kakiya wakeya oti, qa kan Izak taokiye kin minirdoka wan qapi.

26. Hekan Abimelek Gerar etanhan Izak en hi; iye takoda-ku Ahuzat, Pikol taakicita tancan koya.

27. Unkan, Xice mayadakapi qa niyepi kin etanhan toki iyaye mayaxipi, qa tokeca en mayahipi he? Izak ewicakiya.

28. Unkan, Unkanitonwanpi qa Jehowa nici un kin he wan-unyakapi qa, Iho wokonze yuke kte, unkiyotahedan qa wicoun unnicagapi kte, unkeyapi.

29. Unkix unniyutanpi xni, qa taku waxte ecedan ecaunni-conpi, qa wounkiyapi iyaye un-nixipi kin he iyecen, nix dehan Jehowa niyawaxte, taku xica ecaunyeconpi kte xni, eyapi.

30. Unkan wowicakihe ça wotapi qa wayatkanpi.

31. Qa ihanranna kiktapi qa konza ekiciyapi, napin hunka wanjitku kici heconpi qa, Izak kihde wicaxi. Unkan wookiye iyayapi.

32. Anpetu kin he en Izak taokiye kin en hipi, qa minirdo-

ka qapi kin he okiyakapi qa, Mini iyohi unyanpi ce, eyapi.

33. Unkan, Konzapi eya cax kiton. Heon anpetu kin de hehanyan otonwe kin héciya un kin Berxeba eciyapi.

34. Unkan Esa wanna waniyetu wikcemna topa, hehan Beri Ceti kin he cunwintku Judit, qa Elon Ceti he cunwintku Basmat, henios wicayuzá. Hena napin ón, Izák Rebeka ko cante xicapi.

WICOWOYAKE 27.

1. Unkan Izak wanna wicarinca ixta kin mdeze xni, hecen wawanyake xni; hehan Izak he cihintku tokapa kin Esa kipan qa, Micinkxi, eya. Unkan, Iho miye ce, eya.

2. Unkan, Wanna wicamarinca, qa tohan maṭe kte cin sdonwakiye xni.

3. Ceciya ce, nakaha nitawipe kin ieu wanju itazipa ko ikikeu, qa rewoskan ye ṡa tado imakihni wo.

4. Qa maṭe kte cin itokam, minagi kin niyawaxte kta e, tado skumna taku waxte wadaka heca micage, ṡa makau wo. Wate kta ce, eya.

5. Unkan Rebeka Izak cihintku Esa okiye cin he naron. Unkan Esa atkuku kin on wotihni kta e rewoskan iyaya.

6. Hehan Rebeka cihintku Jakob heciya, Iho niyate Esa nicinye okiya nawaron;

7. Qa, Tado makau qa taku skumna waxte micaga wo; wate kta qa maṭe xni kin en, Jehowa itokam ciyawaxte kta ce, eciya.

8. Heon micinkxi token econ eixi miho kin anamakigoptan ye.

9. Ecin wanuyanpi ekta ye ṡa tatokadan cincadan nom waxte imakieu ye, kinhan tado skumna wecage kta, niyate waxte daka iyececa.

10. Unkan niyate ṡe cin itokam niyawaxte kta e en ayau kta; unkan yute kta ce.

11. Unkan, Ecar micinye Esa wicaxta hin xma heca, qa mix wicaxta xduxduta hemaca.

12. Okini ate mayutan kte cinhan wicahnayes'a wan iyececa iyemaye kta, hecinhan mayaxicapi kin he iyahde miṡiye kta, mayawaxtepi kin hee kte xni ce, Jakob hunku kin Rebeka eciya.

13. Unkan, Micinkxi niyaxicapi kin he miye en amaupi nunwe. Tokexta miho kin anamakigoptan, qa imakieu ya ye, hunku kin eya.

14. Unkan ekta ye ṡa ikikeu qa hunku kin en au; unkan hunku kin tado skumna atkuku waxte dake cin iyecen kaga.

15. Hehan Rebeka xina wa-

xte wan, cihintku tokapa Esa he tawa ti kin ohna yuhe cin he icu, qa cihintku hakakta Jakob in kiya.

16. Qa tatokadan cincadan ha kin he Jakob nape kin, qa tahu xduxduta kin akan ehnaka.

17. Qa tado skumna kage cigon aguyapi koya cihintku Jakob nape kin en qu.

18. Unkan atkuku kin en au qa, Ate, eya. Unkan, Iho micinkxi ni tuwe he? eya.

19. Unkan Jakob atkuku kin heciya, Esa nicinkxi tokapa kin he miye ce. 'Token emayakiye cin ecen eeamon ce. Ceciciya najin qa iyotanka wo; qa ninagi kin mayawaxte kta e tado awahi kin yuta wo, eya.

20. Unkan, Micinkxi token inarniyan iyeyaya he? Izak cihintku kin eciya. Unkan Jehowa wakanyada kin he ikomakim u kiya heon etanhan, eya.

21. Unkan, Micinkxi mikiyedan u wo, ciyutan kta ce, Esa micinkxi kin de niye qa ix dee xni uman tukte sdonwaye kta, Izak Jakob eciya.

22. Hehan Jakob atkuku Izak ikiyedan hinajin, unkan yutan qehan, Ho kin Jakob ho kin hee, tuka nape kin Esa nape kin eepi, eya.

23. Nape kin hin xma cincu Esa nape kin iyececap; heon

etanhan iyekiye xni qa Jakob yawaxte.

24. Esa micinkxi kin de niye he? eya iwanga. Unkan, Han he miye ce, eya.

25. Unkan, Mikiyedan u wo. Minagi kin niyawaxte kta e, taku micinkxi o kin wate kta ce, eya. Unkan ikiyedan hinajin, unkan wota, mini xa nakun en au; unkan yatkan.

26. Hehan atkuku Izak, Iho micinkxi mikiyedan u qa i imaputaka wo, eciya.

27. Unkan en ye ça i iputaka, unkan wokoyake omna kin he omna, qa yawaxte qa, Micinkxi omna kin he tinta, wan Jehowa yawaxte omna kin he iyececa.

28. Qa Wakantanka marpiya cu kin niçu kte ça nakun maka kin wasna qa aguyapi qa mini xa ko ota.

29. Oyate wowindag wicaya-ye kta nitokam wicaxta yatapi makata erpeiçiyapi kta. Nihunka wangi yuha un wo, qa nihun cinca wicaye cin nitokam patujapi kta, tuwe niyaxice cin yaxicapi, qa tuwe niyawaxte yawaxtepi, eya.

30. Wanna Izak Jakob yawaxte hdaxtan, unkan Jakob atkuku Izak itoye kin etanhan kitana aisinyan iyaya, hehan cincu Esa wotihni kin etanhan hdi.

31. Qa ix nakun tado skumna kage ça atkuku kin en ahi, qa atkuku kin heciya, Ate najin qa nicinkxi taku o kin etanhan yuta wo; ninagi kin mayawaxte kte cin heon etanhan.

32. Unkan atkuku Izak, Ni tuwe he? eciya. Unkan Nicinkxi tokapa Esa he miye ce, eya.

33. Unkan Izak woyuxinya-ye tanka rinca on nina yuxinya-ya; Token tuwe tado ihni qa makahi unkan owasin etanhan wata, yahi xni ehan, qa mdawaxte qa nakun, iye yawaxtepi kta ce eya.

34. Esa atkuku oie kin naron hehan nina ceye ça xicahowaye ça, Ate mix nakun mayawaxte ye, atkuku kin eciya.

35. Unkan, Nisunka hi qa wohnaye kin eciya tanhan niyawaxtepi kin icu, eya.

36. Unkan, Jakob eciyapi caje kin iyecetu xni he? Wanna nonpa yuxna mayan; watomakapa kin he tokaheya ki qa nakaha mayawaxtepi kin icu; eye ça, Woyawaxte wan miyecipatan xni he, eya.

37. Unkan Izak ayupte ça, Ecar ohiniciye kte he wakage, ça hunka wanjin wicaye cin owasin wicayuhe kta waqu, aguyapi mini xa ko yuhe kta waqu, qa dehan micinkxi taku ecacicon kta he? Esa eciya.

38. Unkan, Ate woyawaxte kin wanjidan duha he? Mix nakun mayawaxte wo ate, Esa atkuku kin eciye ça, Esa pan-yanhan ceya.

39. Unkan atkuku Izak ayupte ça, Maka wasna kin ohna ounyaye kte ça marpiya cu kin aniu kte;

40. Qa nitacanrpi kin on yani kte ça nisunka wowidag niye kta; tuka tohan wowidag yaye cinhan iye tawanapin nitahu kin etanhan dukse kta ce, eciya.

41. Urkan Esa Jakob xice kidaka, woyawaxte kin on atkuku kin yawaxte kin heon etanhan, qa Esa cante kin mahen heya; Ate aceyapi kte cin anpetu kin hena wanna ikiyedan qa, hehan misunka Jakob wakte kta ce.

42. Unkan Rebeka he cihintku tokapa token ie cin he okiyakapi, unkan ekta ye xi qa, cihintku hakakta Jakob kico qa, Iho nicinye Esa niye tokiçon qa nikte kta e oiçiya ce.

43. Iho micinkxi miho kin anamakigoptan ye. Najin qa timdo Laban en Caran ektakiya najica iyaya ye.

44. Qa timdo kici nanke kta anpetu tonana; nicinye canniye niye cin ayuxtan kin hehanyan.

45. Nicinye wocanniye aniyaxtan qa, taku ecayecon aki-

ktonje cin hehantu, kinhan he-
tanhan icieu kta e wahociye
kta ce. Ehaex token on etan-
han anpetu wanjidan en niye
napin makitaninpi kte xni he?
eciya.

46. Unkan Rebeka Izak he-
ciya, Wani kin he wanna owi-
hanketa, Cet cunwintku wicaye
cin on etanhan, Jakob winorinca
wan dena iyececa, Cet cunwin-
tku kin etanhan, yuze cinhan
token on wani kta he, eya.

WICOWOYAKE 28.

1. Hehan Izak Jakob kipan,
qa yawaxte qa wahokonkiye ça,
Kanan cunwinkupi kin etanhan
winorinca duze kte xni.

2. Najin Aram Mdaye kin
ekta ya wo. Nihun atkuku Be-
tuel ti kin ekta, qa hetanhan ti-
mdoku Laban cunwintku kin
etanhan winorinca wan yuza wo.

3. Qa Taku wakan iyotan
waxake cin niyawaxte, qa iyaki-
çuya yuota niciye kta, qa oyate
ota yaun kta.

4. Qa Abereyam yawaxtepi
kin niçu makoce wan en ounya-
ye cin Wakantanka Abereyam
qu qon he nicinca om yahduhe
kta, eciya.

5. Hecen Izak Jakob ye xi;
uncan iyaya Aram Mdaye kin
ekta, Betuel cihintku Laban Ara-
mi kin en, Jakob Esa kici hun-
kupi kin Rebeka timdoku kin hee.

6. Unkan Izak Jakob yawa-
xte, qa Aram Mdaye kin ekta
ye xi kin, héciya tanhan wino-
rinca wan yuze kta, qa yawaxte
qehan, Kanan cunwintkupi kin
etanhan winorinca duze kte xni
ce, eciye cin he Esa wanyaka.

7. Unkan Jakob atkuku hun-
ku kici anawicagoptan; qa Aram
Mdaye kin ektakiya ya.

8. Unkan Kanan cunwintkupi
kin iye atkuku Izak ixta kin en
xicapi e Esa wanyake ça,

9. Esa Ixmayer ekta i, qa
Abereyam cihintku Ixmayer
cunwintku Mahalat, Nebayot
tawinortin kin he yuza, tawicu
nonpa tuka he nakun yuza.

10. Unkan Jakob Berxeba
etanhan iyaya Caran ektakiya.

11. Qa toki i kin hen iwanka,
wi wanna iyaya nakaex, qa in-
yan hen yanke cin etanhan ieu,
qa ipahin ekihnake ça héciya
ixtima.

12. Qa wihamde ça inyun
taku iyadipi wan makata han, qa
pa kin marpiya kin ekta iyohi-
ya; unkan Wakantanka ohnihde
wicaye cin adipi qa kun hiyupi.

13. Qa inyun Jehowa iwan-
kam najin qa, Niyate Abereyam
ta Wakantanka, qa Izak ta Wa-
kantanka kin Jehowa he miye
ce. Makoce akan nunke cin he
ciçu kta nicinca koya.

14. Qa nicinca maka watu-
xekxeca *sukaza* kin iyenakapi

kta, eniciciya idade kta wiyorpe-
yata, qa wiyohiyanpata, qa wa-
ziyata, qa itokaga, qa niye nicin-
ca koya en wicowazi tona maka
akan unpi kin owasin yawaxtepi
kta.

15. Iho mix nici waun, qa
toki da exta awanciyake kta, qa
makoce kin de ekta acihdi kta,
erpeciye kte xni, tohan taku
ociciyaka wahduxtan xni kin
hehanyan, eya.

16. Unkan Jakob wihanmde
cin etanhan kikta qa, Awicake-
han Jehowa den yanka, tuka
mix sdonwaye xni qon, eya.

17. Hecen kokipe ça, Oyanke
kin de itonpapi kta tuka ce, Wa-
kantanka ti kin qa marpiya tiyo-
pa kin dee xni he? eya.

18. Qa hanranna hehan Jakob
najin qa inyan wan ipahin e-
hnahe ciquon he icu, qa wokiksuy-
e kte cin ehde, qa he pa kin
akan wihdi akaxtan.

19. Qa oyanke kin he Betel
(Taku Wakan ti kin) eya caxton,
tuka tokag ehan otonwe kin he
Luz ecipyapi.

20. Unkan Jakob wokonze
wan içiconze ça heya, Wakan-
tanka mici un kinhan, qa canku
kin de ohna mde cin he ohna
awanmayake cinhan, qa aguya-
pi wate kta maqu qa wokoyake
komayake kta nakun;

21. Qa ate ti kin ekta tanyan

wahdi hecinhan, Jehowa eceye-
dan wakanwada kta ce.

22. Qa inyan wokiksuye ewe-
hde kin de Wakantanka tipi
tawa kta ce, qa taku mayaqu
kte cin owasin etanhan wikce-
mna kin ciçu kta ce.

WICOWOYAKE 29.

1. Hehan Jakob Wiyohiyan-
pata cinca tamakocepi kin ekta-
kiya siha on mani iyaya.

2. Qa etonwe ça inyun tinta
ohna minirdoka wan, qa tarin
wanuyanpi optaye yamni héciya
mini rdoka kin icahda wankapi,
mini rdoka kin he etanhan o-
ptaye kin mini wicaqupi ece.
Unkan minirdoka i kin akan in-
yan tanka wan yanka.

3. Unkan hen optaye kin
owasin mniciyapi eca, mini
rdoka i kin akan tanhan inyan
kin yuptanyanpi qa, tarinca kin
mini wicaqupi ça inyan kin hen
yanke kte cin minirdoka i kin
akan ehnaqapi.

4. Unkan, Hunka wanjin ci-
yapi tokiya tanhan yaunpi he?
Jakob ewicakiya. Unkan, Ca-
ran unketanhanpi ce, eyapi.

5. Unkan, Laban Nacor ci-
hintku sdonayayapi he? ewica-
kiya. Unkan, Han he sdonun-
yanpi ce, eyapi.

6. Unkan, Zaniyan un he?
ewicakiya. Unkan, Zaniyan

un, nakun wanyaka wo; cunwintku Racel tarin wanuyanpi kin om hiyu ce, eyapi.

7. Unkan, Anpetu naharin tanka ihan. Wanuyanpi mniciyapi kte cin naharin iyehantu xni. Tarinea mini wicaqupi qa wiran wicakiyapo, eya.

8. Unkan, Unkokitpanipi ce; optaye kin owasin mniciyapi kin, hehan inyan kin mini rdoka i kin etanhan yuptanyanpi kinhan, hehan tarinea kin mini wicunqupi kta ce, eyapi.

9. Om wohdaka icunhan, Racel atkuku tarinea tawa om hi; wiran wicakiya nakaex.

10. Hecetu unkan Jakob, iye hunku kin he timdoku Laban cunwintku Racel he wanyake ça, hunku timdoku kin Laban tarinea tawa nakun, qa Jakob ikiyedan i qa, inyan qon mini rdoka i kin akan tanhan yuptanye ça, hunku kin he timdoku Laban tarinea tawa mini wicaqu.

11. Qa Jakob Racel i iputake ça ho taninyan ceya.

12. Qa Jakob Racel heciya, Niyate sunkaku kin hemaca, Rebeka cihintku kin he miye ce. Unkan inyang hde ça atkuku okiyaka.

13. Unkan Laban he tawinortin cihintku kin Jakob taku ohdake cin naron qehan, itkokim inyang ye ça, poskin yuze ça, i

iputake ça ti kin timahen u xi. Unkan Jakob Laban hena taku kin owasin okiyaka.

14. Unkan, Mihu, qa micerpi kin he niye ce; Laban Jakob eciya. Unkan anpetu tona wi wanjidan en un kin kici yan-ka.

15. Unkan Laban Jakob heciya, Hunka wanjin ciye cin on ituya wowidag ciye kta he? Taku ciçu kta yacin hecin oma-kiyaka wo, eya.

16. Wanna Laban cunwintku nonpa, tokapa kin Leha eciyapi, qa hakakta kin Racel eciyapi.

17. Qa Leha ixta kin wankadan; tuka Racel okar waxte owanyag waxte rinca.

18. Unkan Jakob Racel waxte dake ça, Racel nicunkxi hakakta kin he on waniyetu xakowin wowidag mayaye kta, eya.

19. Unkan he ciçu kinhan waxte kta; wicaxta tokeca waqu kinhan waxte kte xni. Mici ti wo, Laban eya.

20. Unkan Jakob Racel on waniyetu xakowin okiya; tuka he waxte dake cin on ixta kin en anpetu tonana yawa.

21. Hehan, Mitawin maqu wo, kici imunke kta, anpetu kin wanna henakeca ce, Jakob Laban eciya.

22. Unkan Laban ofonwe kin

wicaxta owasin mnawicaye ça wowicakihan.

23. Qa otpaza hehan cunwintku Leha he icu, qa Jakob en au. Unkan kici wanka.

24. Unkan Laban wikoxka wan yuhe cin Zilpa, he icu qa cunwintku Leha wikoxka yuhe kta e qu.

25. Ihanranna inyun Leha hee, qa Jakob Laban heciya, Racel on óciciye xni he? Tokeca mayahnayan he?

26. Unkan, Hakakta kin tokaheya qupi, qa hehan tokapa kin deciya hecen econpi xni;

27. Anpetu xakowin kin de ihuniyan wo; kinhan he nakun ciçu kta, tokata waniyetu xakowin tokeca ómayakiye kte cin heon etanhan, Laban eya.

28. Unkan Jakob ecen econ, qa xakowin kin he ihuniyan. Unkan Laban cunwintku Racel he tawicu kta e qu.

29. Qa wikoxha wan yuhe cin Bilha, he Laban cunwintku Racel wikoxka yuhe kta e qu.

30. Unkan Jakob Racel kici wanke ça, nakun Racel waxte dake ça, ake waniyetu xakowin uman Laban cajeyate ciqon he yuxtan.

31. Unkan Leha xice dakapi kin he Jehowa wanyake ça, Leha tamni kin yurdoka, tuka Racel cinca ton xni.

32. Unkan Leha ihduxake ça, cinca ton, qa Ruben eya cax kiton, Makiyuxepi kin Jehowa wanyaka, unkan dehan mihihna waxte madake kta ce, eya.

33. Qa ake ihduxake ça cinca ton, qa, Xice madapike cin he Jehowa naron, qa cinca kin de nakun maqu eye ça, Ximeyon eya cax kiton.

34. Qa ake ihduxake ça cinca ton qa, Wanna detanhan mihihna tinsa mahduze kta; Wanna cinca yamni weciton, eye, ça Lewi eya cax kiton.

35. Unkan ake ihduxake ça cinca ton qa, Dehan Jehowa mdatan kta ce, eye ça Juda eya cax kiton. Hehan cinca ton kin ayuxtan.

WICOWOYAKE 30.

1. Unkan Racel Jakob cinca kiciton xni e wanhdake ça, Racel he cunku inakiwizi qa Jakob heciya, Cinca maqu ye, *hecanon* xni kinhan maçe kta ce.

2. Unkan Jakob canniye ye ça, Racel heciya, Miye Wakanmatanka kecanni he? Iye taku tamni ton kin onanitaka ce.

3. Unkan, Iho wikoxka mduhe cin Bilha he ekta ya ye; unkan mixiyoto kin akan cinca ton kinhan, iye etanhan cinca waton kta ce;

4. Eye ça wikoxka yuhe cin

Bilha he tawicu kta e qu. Unkan Jakob he en i.

5. Unkan Bilha ihduxake ça Jakob cinca kiciton.

6. Unkan Wakantanka mayaco qa, nakun houwaye ein namaron, qa cinca wan maqu, Racel eye ça, Dan eya cax ton.

7. Unkan ake Racel tawikoxka Bilha ihduxake ça cinca icinonpa Jakob kiciton.

8. Unkan Wakantanka óma-kiye ça micun kici rtawani, qa ohiwaya ce, Racel eye ça, Neptali eya cax ton.

9. Unkan Leha cinca sanpa ton xni e wanhake, ça wikoxka yuhe cin Zilpa icu, qa Jakob tawicu kta e qu.

10. Unkan Leha wikoxka yuhe cin Zilpa, he Jakob cinca kiciton.

11. Unkan, Wicota kta, Leha eye ça, Gad eya cax ton.

12. Unkan Leha wikoxka yuhe cin Zilpa Jacob cinca icinonpa kiciton.

13. Unkan, Wopida mayanpi cunwintku unpi kin mayawaxtepi kta ce, Leha eye ça, Axer eya cax ton.

14. Unkan aguyapi baksapi kin icunhan Ruben magata iyaye ça, dudaim iyeye ça hena hunku kin ekta kai. Unkan Racel Leha heciya. Nicinkxi dudaim au kin etanhan maqu ye.

15. Unkan, Mihihna yaki kin he taku cistina naceca, micinkxi dudaim tawa kin, he nakun iyacu kta he? eciya. Unkan, Nicinkxi dudaim tawa kin he on hanyetu kin de nici iwanke kta ce, eya.

16. Unkan rtayetu hehan, Jakob mága tanhan hdi; unkan Leha itkokim inanpe ça, Miyahna yau kta, micinkxi dudaim tawa kin hena on opeciton ce, eya. Unkan hanyetu kin he kici wanka.

17. Unkan Wakantanka Leha anagoptan: unkan ihduxake ça cinca izaptan Jakob kiciton.

18. Qa, Wikokxa mduhe cin he mihihna waqu kin heon, Wakantanka iyunwin maqu, Leha eye ça, Isakar eya cax kiton.

19. Unkan ake Leha ihduxake ça cinca ixakpe Jakob kiciton.

20. Qa, Nakaha Wakantanka taku waxte itumakiran, mihihna cinca xakpe weciton, heon detanhan mici ti kta ce, eye ça, Zebulon eya cax kiton.

21. Qa he iyohakam cinca winyan ton qa, Dina eya cax kiton.

22. Unkan Wakantanka Raceel kiksuye ça Wakantanka anakicigoptan, qa tamni kin yurdo-ka.

23. Unkan ihduxake ça cinca wan ton qa, Taku iyamaonpapi

qon Wakantanka wanna emici-hdaku,

24. Qa Wankantanka cinca tokeca wan nakun maqu kta, eye ça, Josep eya cax kiton.

25. Unkan Racel Josep ton kin h-han, Jakob Laban heciya, Wanna hde mayan wo. Mitamakoce qa toki manke kte cin ekta wahde kta.

26. Mitawin micinca ko maqu wo, wahde kta ce; hena on token rtawani, qa wowindag mayaye cin nix sdonyya ce.

27. Unkan, Tokin niixta kin en iyocicipin, niye on etanhan Jehowa mayawaxte wahdukean.

28. Taku on émayakiye kta atayedan omakiyaka wo; hecece cinhan ciçu kta ce, Laban eciya.

29. Unkan, Nix token éciyiye ça, nitawanuyanpi kin token micunpi qon sdonyya.

30. Wahi kin itokam taku cistina duhe ciqon, qa wanna ota aye ça, misiha kin eciya tanhan Jehowa niyawaxte. Unkan wanna tohan wati ohnaka kin on taku miçicage kta he? eya.

31. Unkan, Taku ciçu kta he? eya. Unkan Jakob heciya, Takudan mayaqu kte xni, tuka taku kin de ecanon kinhan ake tarinca nitawa kin awanwicamdake kta.

32. Nakaha wanuyanpi owasin ehna mawani, qa tatokadan

tona hdehdege ça hdehdeze cin heniyoş akipam ewicawahde kta; qa tokata tarin wanuyanpi ehna tona gigi qa tatokadan ehna tona hdehdega hdehdeza ko, hena iyunwin mitawa kta.

33. Unkan tokata mioran owotanna mihduotanin kta; taku mitawa nitokam u kinhan, tatokadan tona hdehdegapi xni, qa hdehdezapi xni, qa tarin wanuyanpi ehna tona gigi xni kin hena owasin mawanun kehe kta.

34. Unkan, Tokin token ehe cin hecetun, Laban eya.

35. Qa anpetu kin he en tatokadan mdoka tona hdehdeza hdehdega ko, qa tatokadan tona hdehdege ça hdexkaxka kin owasin, tona akan hin san kin hena koya owasin, akipam ewicahdaku, tarin wanuyanpi ehna tona gigi kin nakun owasin, qa hena owasin cinkxi wicaye cin nape kin en wicaqu.

36. Qa anpetu yamni imani, iye Jakob kici ihehanyan kaga. Unkan Laban woteka optaye ihe cin hena, Jakob wiran wicakiya.

37. Qa Jakob can sakadan icu, Waga teca qa Can su, qa Uma hena owasin etanhan icu, qa ha kin pago hdeza, ska tanin kta e hecen hdehdeza kaga.

38. Qa watpadan tukten wanuyanpi mini yatkanpi kin hena ohna, can sakadan pago qon

ehde, wanuyanpi itokapa tanhan, unkan wanuyanpi yatke upi eca kiyurapi ece.

39. Hecen can sakadan qon ekta wanuyanpi kin kiyurapi, qa wanuyanpi hdehdeza hdehdega hdexkaxka ko wicatonpi.

40. Unkan Jakob tacincadan yukinukan ewicahnakeça, wanuyanpi itepi kin taku hdeza ekta-kiya ewicahde, Laban wanuyanpi gigi kin owasin, qa wanuyanpi tawa kin yukinukan ewicahde, Laban tawanuyanpi kin kici ewicahde xni.

41. Qa tohan wanuyanpi waxakapi kiyurapi eca, Jakob can sakadan qon watpadan ohna wanuyanpi ixta kin wicitokam ehde; can sakadan kin ekta kiyurapi kta e hecon.

42. Tuka wanuyanpi wankapidan eca, ehde xni, hecen tona wankapi kin hena, Laban tawa, qa tona waxakapi kin hena Jakob tawa.

43. Hecen wicaxta kin tanka rinca icage ça wanuyanpi oton, qa nakun winyan taokiye, qa hokxidan, qa camo, qa xuktanka xonxonna *henakiya yuha*.

WICOWOYAKE 31.

1. Hehan, Taku ate unyanpi tawa qon he owasin Jakob icu, qa taku ate yuhe ciqon etanhan,

woyuha tanka kin de owasin içicaga, Laban cinkxi wicaye cin eyapi kin Jakob naron.

2. Qa Laban ite kin he nakun Jakob wanyaka, qa iye ektakiya wanna tokeca.

3. Nakun, Niyate makoce tawapi kin ekta, qa takuwicaya-ye cin ekta hda wo, kinhan nici waun kta ce, Jehowa Jakob eciya.

4. Heon Jakob tuwe ekta ye xi qa, tawicu napin Racel Leha kici, tinta kin héciya, tawanuyanpi kin ekta wicakico.

5. Qa, Niyatepi kin wanna tokeca amatonwe cin wanmdaka, tuka ate ta Wakantanka kin mici un.

6. Qa token owakihi ohinniyan niyatepi kin owakiya sdon-yayapi;

7. Tuka niyatepi kin mahna-ye ça, wikcemna akihde taku maqu kte cin yutokeca, tuka kiunni maye kte cin Wakantanka iyowinye xni.

8. Kaken, Hdehdegapi duhe kta, emakiya, unkan waunyanpi kin owasin hdehdegapi ece tonpi, qa Hdehdezapi kin hena nitawa kta, eya, unkan wanuyanpi owasin hdehdezapi ece tonpi.

9. Hecen Wakantanka niyatepi tawanuyanpi kin ki ece, qa he maqu.

10. Wanuyanpi kin kiyurapi econ nixi kin owasin ecen econ eca wiwahanmde ça, ewatonwe ye eyapi.
ça, inyun tamdoka hdehdeza 17. Unkan Jakob najin, qa hdehdega hdexkaxka hecapi ko, cinca tawicu ko owasin camo wanuyanpi akan adipi e ixta on akan ewicahnaka, wanmdaka.

11. Nakun wiwahanmde ça, makoce kin ekta kihde kta e ta- Wakantanka tohnihe ye cin he- wanuyanpi kin owasin awicaya, woyuha içicage cin, qa taku miye ce, epa. tonpi kiton kin, taku Aram Mda-

12. Unkan, Ixta yuwankan ye kin en ihdamna kin owasin. ikikeu qa, tamdoka wanuyanpi 19. Wanna, Laban tarinca adipi kin awicatonwan wo; hde- kin hduxda iyaye çehan, Racel he atkuku terapim tawa kin he owasin wanmdaka ce. manon.

13. Taku wakan Betel en 20. Unkan Jakob Laban Ara- tanin içiye cin he miye, hen mi kin cante kin manon, najica wokiksüye sdayaye ça, hen taku iyaya okiyake xni nakaex.

konza emayakiya. Wanna na- 21. Hecen *Jakob* nijica, taku jin, qa makoce kin de etanhan, tawa kin owasin hduha najin, qa watpa kin iyuwege ça, Gilead re kin ektakiya etonwan.

hda wo, eya. 22. Unkan anpetu iyamni kin hehan, Jakob wanna najica La- ban okiyakapi.

14. Unkan Racel Leha ko 23. Unkan *Laban* hunka ayuptapi; Ate ti kin ohna taku wanjin wicaye cin wicakico, unhapi kte ça taku unkitawapi hena om okide ye ça, xakowin kte cin yukan he? can icimanipi hehan, Gilead re kin en kihdegapi.

15. Oyate tokeca unhdawapi 24. Unkan, Wakantanka han- xni he? Wiyopeunyanpi, qa yen Laban Arami kin en hi qa, nakun maza ska unkitawapi kin wiwanmde cin en heciya, Ihnu- owasin yusota. han taku waxte taku xica uman

16. Heon woyuha ate unyan- tukte kaxta eyakiye cin, eya. pi kin etanhan Wakantanka ki

kin he iyurpa unkiye unkitawa- 25. Unkan Laban Jakob ki- pi, qa unkiçincapi tawapi ce. hdege çehan, Jakob re kin en

wakeya oti, qa Laban hunka wanjin wicaye cin om Gilead re kin hiyahanpi.

26. Qa Laban Jakob heciya, Taku tokanon micante kin mayahnaye ça, micunkxi canrpi on wayaka iyecen awicayahda.

27. He tokeca e hecanon he? Anamayakirbe ça, maniçinon, omayakidake xni. Omayakidaka unkanx wiyuxkinyan iyaye ciye ça, cicaidwan, qa cancega candowankiyapi ko ciciyuhoton kta tuka hecanon.

28. Micinca wica winyan ko i iwicawaputake kte, iyowin mayakiye xni. Wanna witkoya hecanon.

29. Dehan taku xica ecacicon kta nape wamaxaka, tuka niyate ta Wakantanka kin hinhan hemakiya; Ihnuhan Jakob taku waxte taku xica uman tukte kaxta eyakiye cin, eya.

30. Wanna niyate ti kin ekta yahde kte rinca, tuka, tokeca Taku wakan mitawa kin mayanon he? eya.

31. Unkan Jakob ie ça Laban heciya; Nicunkxi kin hena mayaki kta kepee ça ikowapa, heon hecamon.

32. Taku wakan nitawa kin tuwe kici iyeyakiye cinhan, he ni kte xni. Hunka wanji unye cin wicitokam, taku nitawa mici

un kin; tukte e he, iyukean qa ikikeu wo.

33. Hehan Laban Jakob tawakeya kin en ti mahen i, Leha tawakeya kin nakun, qa wikoxka nonpa tawakeyapi kin; tuka iyekiye xni; hehan Laban Leha tawakeya kin etanhan hdinanpe ça, Racel tawakeya kin en i.

34. Tuka Racel terapim kin icu, qa camo aqinpi kin en ehna-ke ciqon, qa akan iyotanka. Unkan Laban wakeya kin owancaya yutan qa iyekiye xni.

35. Unkan *Racel* atkuku kin heciya, Itancan nitokam nawajin owakiipani hececa xta canniye maye xni ye. Winorinca aya; konpi kin hemaceca ce. Unkan nina akita tuka terapim kin iyekiye xni.

36. Unkan Jakob canniye ça, Laban kige, Taku xica ecamon kin tukte e he, on hecen mayakuwa?

37. Mitawarpaya kin owasin mayakidutan, wakxica yati kin etanhan wanji iyeyaye cin tukte e he? takuwicunye cin wicitokam ehna wo; hecece cinhan uman tukte unkitawa kta yukeanpi nunwe.

38. Waniyetu wikcemna nonpa kin dena nici waun, tuka tawiyedan nitawa kin kpapi xni, qa, nitawanuyanpi tamdoka kin hena wate xni.

39. Taku yardecapi kin niye en cicai xni, he miye piya wakaga ce. Hanyen manonpi kin, qa anposkan manonpi kin he koya, minape kin etanhan mayakida.

40. Kaken waun, anposkan ipuza maṭa, qa hanyen osni; woixtima miixta kin amayuxtān.

41. Miye waniyetu wikcemna nonpa kin yati kin en wowidag mayaye; waniyetu ake topa nicunkxi nonpa on qa waniyetu xakpe nitawanuyanpi kin on, ɔciɔiye ɕa, taku mayaqu kte cin wikcemna akihde mayadutokan.

42. Ate ta Wakantanka, Abereyam ta Wakantanka qa Izak Tokokipe kin, mici un kin; hecetu xni unkanx wanna cokadan kihde mayaxi kta tuka; mawarbadan kin qa minape rtanipi kin he Wakantanka wanyake ɕa, hinhan iyopeniciya ce, Jakob Laban eciya.

43. Unkan Laban ie ɕa, Jakob heciya, Cinca winyan kin dena micunkxi eepi, qa hokxidan kin dena micinca eepi, qa wanuyanpi kin dena wanuyanpi mitawa eepi, qa taku niye wanyahdake cin he iyurpa mitawa ce. Tuka de micunkxi qa ix cinca wicatonpi kin dena, nakaha taku ecawicawecon kta he?

44. Tokin wanna wicoun unkiagen, miye qa niye, hecen

waayatanin unkiyotahedan yuke kta.

45. Unkan Jakob inyan wan icu, qa wokiksuye e pasdata,

46. Qa, Inyan icupo, Jakob hunka wanjin wicaye cin ewickiya. Unkan inyan icupi, qa paha wan kagapi qa, hen paha kin akan wotapi.

47. Unkan paha kin he, Igar sahaduta Laban eya caxton; tuka Jacob he Galed eya caxton.

48. Unkan Laban heya, Anpe dehan paha kin de unkiyotahedan waayatanin kta; Galed Waayatanin paha kin he ka, paha kin he eciyapi.

49. Qa, Micunkxi wicayakiduxe, qa winorinca tokeca duze cinhan, wicaxta tuwe he atonwe kta unkici un xni, unkiyotahedan Wakantanka he waayatanin kta.

50. Tohan kinukankiya unkiyaye cinhan Jehowa unyaco kta, Laban eye ɕa, Wayaco caxton.

51. Qa, Wanyaka wo, paha kin de, wokiksuye unkiyotahedan ewehde kin de,

52. Paha kin waayatanin wokiksuye kin de waayatanin, taku xica on paha kin de kapeya imdamde ɕa niye en cii kte xni, qa nix kapeya yahihdu qa hiyohi mayaye kte xni.

53. Abereyam ta Wakantanka,

Nacor ta Wakantanka, hunkake wicayapi ta Wakantankapi kin unyaco kta, Laban Jakob eciya. Unkan Jakob iye atkuku Izak Tokokipe kin cajeyan konza.

54. Hehan Jakob re kin akan woxnapi wan wakiyuxna, qa aguyapi yutapi kta e hunka wanjin wicaye cin wicakico. Unkan aguyapi yutapi qa re kin en wankapi.

58. Unkan ihanranna Laban kikta qa iye cinca wica winyan ko i iwicaputake ça, wicayawaxte qa, hehan Laban tohe kin ekta kihda.

WICOWOYAKE 32.

1. Unkan Jakob tacanku kin ohna iyaye ça, Wakantanka ohnihde wicaye cin itkokim hipi.

2. Unkan Jakob wanwicaya-ke çehan, Wakantanka wicobe tawa kin dee ce, eye ça oyanke kin he Macanaim cax ton.

3. Hehan Jakob Edom wojupi kin Sehir makoce kin etu, cincu Esa ti kin ekta, ohnihde wicaye cin ye wicaxi.

4. Qa wahokonwicakiye ça, Itancan mitawa Esa hecen eya-kiyapi kta ce, eya, Laban kici wati qon dehantu.

5. Qa pte, qa xuktanka xon-xonna, qa tarinca, qa hokxidan

wikoxka ko, ota wicamduha, qa onximayada kta e Itancan ociciyag ye wicawaxi, nitaokiye Jakob eya.

6. Unkan Jakob ohnihde wicaye cin hdipi qa, Nicinye Esa ekta unkipi, unkan ix nitkokim u qa, wicaxta opawinge tom opapi ce, eyapi.

7. Hehan Jakob nina kokipe ça, oyate kici un kin nonpakiya ewicakihde, tarinca, pte, camo, ko owasin oxpaye nonpa wicakaga.

8. Qa Esa oxpaye wanji en hi qa hena wicakte kinhan, oxpaye uman okapte cin inaxdoke kta ce, eya.

9. Hehan Jakob heya, Abereyam ate waye ta Wakantanka, ate Izak ta Wakantanka Jehowa niye, Nitamakoce, qa takuwicayaye cin ekta hda wo, kinhan taku waxte ecacicon kta ce, emayakiye ciqon;

10. Miye nitowaonxida qa iewicayake cin owasin nitaokiye ecayecon kin aopten waun; sagye kin heceyedana hduha Jordan watpa kin de imduwege ça, wanna oxpaye nonpa imacaga.

11. Wanna cinye nape kin etanhan emahdaku wo; Esa nape kin etanhan; hi kinhan cinca hunkupi kin kici mikte kta kowakipa ce.

12. Niye, Ohinniyan taku

waxte ecacicon kte ça, wiyaka mini wanca kahda sukaza utkana on yawapica xni, iyenaka nicinca wakage kta ehe ciqon, eya.

13. Qa hanyetu kin he héciya wanke ça taku cincu Esa qu kte cin ikikeu, taku nape en hiyu;

14. Tatokadan wiye opawinge nonpa, qa mdoka wikcemna nonpa, tarin wanuyanpi wiye opawinge nom mdoka wikcemna nonpa, ahna.

15. Camo azinkiyapi wikcemna yamni cincapidan om, pte wikcemna tom, qa tatanka wikcemna, xuktanka xonxonna wiye wikcemna nonpa, cincadan wikcemna ahna.

16. Qa ookiye wicayuhe cin woteca otoiyohi kinnukan yuhe wicaxi, qa optaye otoiyohi yukinnukan awicahiyayapo ewicakiya.

17. Qa tokaheya kin waho-konwicakiya, Tohan cinye itkonicipapi kinkan, qa, Tuwe tawa niyan he? qa toki da qa taku nitokam un kin he tuwe tawa he? eya iniwange cinhan;

18. Hehan, Nitaokiye Jakob dena tawa qon, tuka itancan mitawa Esa qu kta; unkan ix nakun unkihektam u ce, ehapi kta ce, ewicakiya.

19. Unkan inonpa, qa iyamni, qa nakun owasin tona optaye

ihakam yapi kin, Esa iyeyayapi kinhan oie kin hena iyecen eya-kiyapi kta ce,

20. Nakun, Nitaokiye Jakob unkihektam u ce, ehapi kta ce, ewicakiya. Taku waqu kin mitokapa tanhan ye cin, hecen ite kin iyokipi waye kta qa, hehan ite kin iyowinmakiye kta ce, eya.

21. Unkan taku qu kin, he tokata iyokipta; tuka ix hanyetu kin he taobe kin om wanka.

22. Qa hanyetu kin he en, najin qa tawicu nonpa kin iwicacu qa cinca wicaye cin ake wanji, qa Jabok oiyuwege kin en iyuwege.

23. Qa iwicakikeu, qa watpa kin iyuwer wicaye ça, taku tawa kin owasin iyuwer wicakiya.

24. Qa Jakob ixnana hekta yanka, unkan wicaxta wan anpao kin hehanyan kici kiihduxpa.

25. Qa wicaxta kin tokadan ohiye xni e wanhdake çehan, cecunte okihe kin en yuza; unkan kici kiihduxpapi kin icunhan, Jakob cecuntoxtan kin papxon iyaya.

26. Unkan, amayuxtan wo. Wanna anpao hinanpa ce eya. Unkan, Mayadawaxte xni kinhan, aciyuxtan kte xni ce, eya.

27. Qa, Token eniciyapi he?

eya. Unkan Jakob emakiyapi ce, eya.

23. Unkan, Nicaje Jakob eniciyapi kte xni. Detanhan Israel eniciyapi kta, Wakantanka wicaxta ko, kici kinihduxpe ça niye ohiyaya ce, eciya.

29. Unkan Token nicaje kin omayakidaken, Jakob eya iwan-ga. Unkan, Token on etanhan micaje kin inonga he? eye ça hen yawaxte.

30. Unkan, oyanke kin he, Ite wakan, Jakob eya cax ton. Taku Wakan ite icitkokim wam-daka exta minagi kin zaniyan un ce, eya.

31. Unkan Ite wakan iyokipte çehan, anpetu wi hinanpa, qa Jakob ceca kin on huxte.

32. Heon etanhan Israel cinca wicaye cin anpetu kin dehan ceca xkotpa kin akan kan kiksuyey xni qon he yutapi xni; Jakob ceca xkotpa kin akan kan kiksuyey xni kin he oyutan kin heon etanhan.

WICOWOYAKE 33.

1. Unkan Jakob wankan etonwe ça inyun, Esa u, wicaxta opawinge tom kici wanwicayake ça, hokxiyoqopa kin akipam ewicakihde, Leha kici, qa Racel kici, qa wikoxka nonpapi kin om,

2. Qa wikoxka kin cinca wicayapi kin om tokaheya ye wicaxi, qa hena ihektapa tanhan Leha cinca wicaye cin om, qa hena ihektapa tanhan Racel Joseph kici.

3. Qa iye owasin wicitokam ye ça cincu ikiyedan u kin icunhan xakowin akihde patuja.

4. Unkan, Esa itkokim inyanke ça, nape kin yuze ça tahu kin akan erpeiçiye ça i iputaka, qa napin ceyapi.

5. Hehan Esa wankan etonwe ça, tawieu cinca wicaye cin ko wanwicayake ça, Dena token takuyaya he? eya. Unkan, Wakantanka towaonxida kin on nitaokiye cinca qu kin dena eepi ce, eya.

6. Hehan wikoxka kin cinca wicayapi kin om ikiyadan hipi, qa patujapi.

7. Hehan Leha cinca wicaye cin om ikiyadan hi qa patujapi; qa ehake Joseph Racel kici ikiyadan hipi, qa patujapi.

8. Unkan, Optaye kin dena owasin itkowicawakipe cin, token yaka he? eya. Unkan, Mayuhe cin ixta kin iyokipi eye kta e heon.

9. Unkan, Misunka taku ota wahduha ce. Taku nitawa kin hduha un wo, Esa eya.

10. Unkan, Hiya niixta kin iyokipi eiye cinhan, minape

kin etanhan taku waqu kin iyacu kta, nitohnake Wakantanka itohnake iyecen wanciyake ça iyocicipi kin heon etanhan.

11. Tokin taku ciyawaxte kin en aniupi kin he iyacun. Wakantanka onximada ece, qa taku owasin mduha Jakob kitan-yan eya; unkan icu.

12. Qa heya, Ihdaka unye ça miye tokaheya mde kta ce.

13. Unkan, Hokxiyoqopa wan- kapidan e mayuhe cin sdonye ça, nakun tarinca pte ko ihdu-xaka, micicipi qa, anpetu wan- jidan kex awicapapi kinhan, wanuyanpi owasin tapi kta.

14. Tokin itancan nitaokiye itokam yahden, qa mix wan- yanpi mitokam token manipi, qa hokxiyoqopa kin token ma- nipi kin, ecen iwahnanna mde kta, mayuhe cin ekta Sehir en wai kin hehayan.

15. Unkan, Iho oyate mici unpi kin etanhan wanjikxi nici erpewicawaye kta ce, Esa eya. Unkan tokeca e, mayuhe cin ixta kin iyocicipi hecinhan eya.

16. Unkan anpetu kin he en; Esa tacanku kin ohna Sehir ektakiya kihda.

17. Tuka Jakob Sukot ekta unhdaka i qa, hen tipi icicage ça, taku tawa kin nakun ohanzi hdepi wicakicaga; heon otonwe kin he Sukot eya cajeyatapi.

18. Qa Jakob Aram Mdaye kin etanhan u qehan, Xekem otonwe tawa kin Kanan makoce kin etu zaniyan hi, qa otonwe kin itokam ticaga.

19. Qa makoce onxpa, tukten wakeya iticage cin, Xekem atkuku Camor cinea wicaye cin napepi kin etanhan opewicaki- caton, maza ska opawinge nom wicaqu.

20. Unkan hen wahna wox- napi wan kage ça, El Israel ta- Wakantanka kin eya caxton.

WICOWOYAKE 34.

1. Hehan Dina Leha he cun- wintku Jakob kiciton kin, he makoce wicinyanpidan wanwi- cayake kta e toki iyaya.

2. Unkan wicaxta yatapi i- hdawa Camor Ciwi kin he ci- hintku Xekem, he *Dina*, wan- yake ça icu qa kici wanka, he- cen wiyaku.

3. Qa Xekem nagi kin Dina Jakob cunwintku kin en nina iyaskape ça, wikoxka kin waxte dake ça, wikoxka cantohnag ye cin ecen okiya.

4. Qa, Wicinyanna kin de miciyuza wo, Xekem iye atkuku Camor eciya.

5. Unkan cunwintku yuaxa- pappi kin he Jakob nakiron, tuka cinkxi wicaye cin tinta ekta wa- nuyanpi om yakonpi, qa hdipi kin hehayan Jakob inina yanka.

6. Unkan Camor Xekem heon Xekem he atkuku Camor atkuku kin Jakob kici okiye kta e en i.

7. Unkan Jakob cinkxiwicaye cin tinta kin etanhan hdi, qa he naronpi, qa iyokixicapi; nina canniye yapi, Jakob cunwintku kin kici iwankapi: hecen econpi kte xni tuka, Israel witkoya ecakiconpi heon etanhan.

8. Unkan Camor hewicakiya, Micinkxi Xekem nagi kin nuncunkxi kin iyaskapa; he tawicu kta e qupo.

9. Kinhan takuunkiciyapi kta; nuncunkxi kin hena unqupo, qanix cunkxi wicunyanpi kin wicayuzapo.

10. Qa unkiyepi om dukanpi kta, makoce kin nitokam un kta ce, en unpo qa makoce kin en wopetonpi qa he yuhapo.

11. Qa Xekem wikoxka atku ku timdo wicaye cin ko hewicakiya; Cantemakiyapo, kinhan tohen emayakiyapi kin ecen cicipi kta.

12. Wikoxka kin mitawin un kta e mayaqupi kinhan, worpayapi iyakiçuya tanka mayakidapi, taku qupi tanka exta; token emayakiyapi kin ecen cicipi kta.

13. Unkan Jakob cinkxi wicaye cin tawinortinpi kin Dina yuxapapi qon kiksuyapi, qa

heon Xekem he atkuku Camor kici hnayeya awicayuptapi.

14. Qa, Taku hececa econpi unkokitpanipi. Wicaxta wan ohomni baxpapi xni kin heca tankxi unyanpi kin unqupi kinhan, he wixten unkiçiyapi kta naceca.

15. Decehnana on unkanicyuptapi kta; unkix ohomni baxunxpapi kin, nix nakun tona wica owasin henicecapi kinhan;

16. Hehan cunkxi wicunyanpi kin unniçupi kta qa, nuncunkxi kin wicunyuzapi kta, qanicipi oununyanpi qa, oyate unwanjipidan kta.

17. Tuka taku de en anaun-yagaptanpi xni kinhan, ohomni banixpapi xni kinhan, cunkxi unyanpi kin he unkiçicupi, qatoki unkiyayapi kta ce, ewicakiyapi.

18. Unkan, Camor Xekem Camor cihintku kici wicoie kin he waxte dakapi.

19. Qa koxka kin Jakob cunwintku kin cantiheya, heon taku eyapi kin kohanna econ. Iye atkuku ti kin ohna yakonpi kin hena owasin iyakapeya kinihanpi.

20. Hehan Camor iye cihintku Xekem kici otonwe tawapi kin ekta kipi, qa otonwe tawapi kin wicaxta om wohdakapi, qahayapi,

21. Wicaxta kin dena unki-

yepi om wokiyapi, heon makoce kin en ounyanpi qa, hen iciyopeyapi kte. Ito makoce kin wicitokam tankaya un kinhan, cunwintkupi kin wicunyuzapi kta, qa cunkxi wicunyanpi kin wicunqupi kta.

22. Tuka decehnana on wicaxta kin wicadapi kta; wiciye ohomni baxpapi kin he iyecen unkiye tona wica owasin ohomni baunkixpapi kinhan; unkiye om ounyanpi, qa oyate unwanjipidan kta.

23. Decehnana en anawicungoptanpi kinhan, unkiyepi om ounyanpi kta; kinhan tawanuyanpi, qa taku yuhapi kin owasin, taku tonpi koya unkitawapi kte xni he? eyapi.

24. Unkan wicaxta tona otonwe tiyopa kin omanipi kin hena owasin, Camor iye cihintku Xekem kici anawicagoptanpi, qa ohomni bakixpapi, tona wica otonwe tiyopa kin omanipi kin owasin.

25. Unkan anpetu iciyamni kin yazanpi kin icunhan, Jakob cihintku kin nonpa Ximeyon Lewi kici Dina timodo wicaya, tacanrpipi kin ikikecupi, qa koki-pexniyan otonwe kin tatpe ipi, qa tona wica owasin wicaktepi.

26. Camor iye cihintku Xekem ko canrpi hi kin on wica-

ktepi, qa Dina Xekem ti kin etanhan ehdakupi qa hdohdapi.

27. Hehan Jakob cinkxi wicaye cin wicakarugapi kin en ipi, qa, otonwe wan tankxitkupi kin yuxapapi qon he ocowasin wicakipi;

28. Tarinca, qa tatanka, qa xuktanka xonxonna, taku otonwe kin ohna un, taku magata un kin ko owasin icupi.

29. Taku yuhapi qon owasin taxiceca tawicupi ahna nakun wayaka icupi, qa taku tipi kin ohna iyeyapi kin owasin icupi.

30. Hehan Jakob Ximeyon Lewi kici hewicakiya, Iyoyag mayayapi, xicamna mayakagapi makoce wojutipi kin wicitokam, Kanani, qa Perazi kin, qa miye matonana hecen tamatpe mniciyapi, qa maktepi kta, hecen mix wati ohnaka ko owasin awima hnuni kta.

31. Unkan wihomnipi kin iyecen tankxi unyanpi kin eaciconpi kta tuka he? eyapi.

WICOWOYAKE 35.

1. Hehan Wakantanka Jakob heciya, Najin qa Betel ekta itawankanhde ye ça, kakiya ounyan wo. Nicinye Esa itohnake kin etanhan nayajice çehan, Taku wakan, niye en tanin içiye cin, he wahna waxnapi wan hen kicaga wo.

2. Unkan Jakób tiyoknaka kun utuhu he cin, he ihukuya tawa, qa tona kici unpi kin owasin hewicakiya; Taku wakan tokeca duhapi kin, hena owasin yutokan iyewicayapo; piiçiyapi qa wokoyake teca ihduzapó;

3. Qa najinpo, Betel ekta itawankanhde unyanpi kta ce. Héciya wahna woxnapi wan wakage kta, anpetu wan iyomakixice çehan, 'Taku wakan namaron, qa canku ohna imdamde cin mici ye cin, he wecage kta ce, eya.

4. Unkan Taku wakan tokeca yuhapi kin hena owasin Jakob qupi, oinpidan noge oinpi kin hena koya. Unkan hena owasin narma, Xekem ekta utuhu wan he cin, he ihukuya.

5. Hehan ihdaka iyayapi, qa Jehowa otonwe ihdukxan unpi kin, yuxinye wicaya; hecen Jakob cinkxi wicaye cin wicakuwapi xni.

6. Unkan Jakob, iye oyate opeya un kin koya owasin, *otonwe wan* Luz eciyapi, Betel hee, hen i.

7. Qa héciya wahna woxnapi wan kage ça, oyanke kin he El Betel eya cax ton, cincu *Esa* etanhan najica iyaye çehan, héciya iye en Wakantanka ihdu-tanin kin, heon etanhan.

8. Hehan Debora Rebeka azin kiye ciqon ça, unkan Betel hu-

kun utuhu he cin, he ihukuya hnakapi, qa he, Utuhu oceyapi, eciyapi.

9. Wanna Jakob Aram Mdaye kin etanhan hiyu, hehan ake iye en Wakantanka tanin içiye ça yawaxte.

10. Qa, Tokata Jakob nicaje qon eniciyapi kte xni, detanhan Israel eya çajeniyatapi kta, Wakantanka eciye ça, hecen Israel cax ton.

11. Qa, El Iyotan waxaka he miye; ihduota qa cinca ota yuha wo; oyate qa, oyate obe ota niye etanhan unpi kta, qa wicaxta yatapi ninite kin etanhan inanpapi kta.

12. Qa makoce wan Abereyam Izak kici wicawaqu qon, he niye ciçu kte ça nicinca nihektam unpi kte cin, makoce kin he wicawaqu kta ce, Wakantanka eciya.

13. Qa oyanke kin en, Wakantanka okiye ciqon hetanhan wankantkiya ikiyopta.

14. Unkan tukten okiye ciqon, he en Jakob wokiksuye wan ehde, inyan wokiksuye qa, woxnapi wan akaxtan, wihdi nakun akaxtan.

15. Qa oyanke kin en, Wakantanka okiye ciqon, he Jakob Betel eya cax ton.

16. Hehan Betel etanhan ihdakapi, qa Erpata ikiyadan hipi,

hehan Racel hokxiksuye ça, kin an ser cinca ton.

17. Wanna kitan ecinyan cinca ton, hehan, Ihnuhan koyakipe cin, cinca kin de wica e nakun luhe kta ce, cincatonkiyes'a eciya.

18. Unkan wanna te kta, nagi kin iyaya icunhan, Benoni eya eax kiton; tuka atkuku kin Benjamin eciya.

19. Hehan Racel ta, unkan Erpata, Betlehem hee, canku kin ohna hnakapi.

20. Qa Jakob wokiksuye wan ohna hnakapi kin ekta ehde. Racel ohna hnakapi wokiksuye kin akotanhan ewakeya.

21. Hehan Israel unhdake ça, Eder conkaxke kin akotanhan ewakeya.

22. Unkan Israel makoce kin he en ounye cin icunhan, Ruben iye atkuku tawicu Bilha ekta i, qa kici iwanka. Unkan Israel he nakiron. Jakob cinkxi wicaye cin ake nonpapi ce.

23. Leha cinkxi wicaye cin, Ruben, Jakob he cihintku tokapa kin hee, Ximeyon, Lewi, Juda, Isakar, Zebulon henakeca.

24. Racel cinkxi wicaye cin Josep, qa Benjamin.

25. Qa Bilha, Racel tawikoxka, cinkxi wicaye cin Dan, qa Neptali.

26. Qa Zilpa Leha tawikoxka

kin, cinkxi wicaye cin, Gad, qa Axer. Henakiya Jakob cinkxi wicaya Aram Mdaye kin en wicatonpi.

27. Hehan Jakob iye atkuku kin ekta ki, Arba otonwe, Ceb-ron hee, ekta Mamore etu hen Abereyam ounyan, qa Izak nakun.

28. Wanna Izak anpetu tawa waniyetu opawinge sanpa wickemna xahdogan.

29. Hehan Izak ta, qa taoyate kin en okipapi, wicarınca qa anpetu kin wanna imna. Unkan cinkxi wicaye cin Esa, Jakob henios kihnakapi.

WICOWOYAKE 36.

1. Esa, Edom hee, wicowazi tawa kin dee.

2. Esa Kanan cunwintku kin etanhan winorınca nom wicayuz, Elon Ceti kin cunwintku Ada, qa Zibeon Ciwi kin cunwintku Ana he cunwintku Aholibama *henioza*.

3. Qa Ixmayer cunwintku Basmat, Nebayot tankxitku he nakun yuza.

4. Unkan Ada he Esa kiciton Elipaz hee: qa Basmat he Ruhel ton.

5. Qa Aholibama he Jehus, qa Jalam, qa Qora, wicaton. Esa cinkxi wicaye cin, Kanan

makece kin en wicatonpi kin hena eepi.

6. Hehan Esa iye tawicu kin iwicacu, qa cinca wicaye cin wica winyan ko, qa tiyohnaka tawa wicanagi owasin, qa tawanuyanpi taku yuhe cin ko owasin, taku tawa Kanan makece en ton kin iyurpa, qa sunkaku Jakob itohnake kin etanhan ya makece tokeca wan ekta.

7. Taku yuhapi kin he odota, heon witaya iyotankapi kin okitpanipi, wanuyanpi ota yuhapi kin heon, makece kin en ounyanpi kte cin iyowinwicakiye xni.

8. Unkan Esa Sehir re kin en iyotanka, Esa he Edom eciyapi.

9. Qa Sehir re kin en Edom atkuku Esa wicoicage kin dee.

10. Esa cinkxi wicaye cin cajepi kin dena ee, Elipaz Esa tawicu Ada he cihintku, qa Ruhel Esa tawicu Basmat he cihintku.

11. Unkan Elipaz cinkxi wicaye cin dena eepi; Teman, Omar, Zepo, Gatam, qa Kenaz.

12. Unkan Elipaz Esa cihintku Timna narmana yuze cin he Ameleqe Elipaz kiciton. Esa tawicu Ada cinkxi wicaye cin hena eepi.

13. Unkan Ruhel cinkxi wicaye cin dena eepi; Nahat, qa

Zera, qa Xama, qa Miza. Esa tawicu Basmat cinkxi wicaye cin hena eepi.

14. Unkan Aholibama Zibeon cunwintku Ana he cunwintku kin Esa yuza. Unkan he Esa cinca kiciton kin dena eepi; Jehus, qa Jalam, qa Qora.

15. Esa cinca kin itancan unpi kin dena eepi. Esa cihintku tokapa Elipaz cinkxi wicaye cin, Teman itancan, Omar itancan, Zepo itancan, Qenaz itancan,

16. Qora itancan, Gatama itancan, Ameleqe itancan. Edom makece kin en Elipaz itancanyan unpi kin hena eepi, qa hena Ada cinkxi wicaya.

17. Unkan Esa cihintku Ruhel cinca kin dena eepi. Nahat itancan, Zera itancan, Xama itancan, Miza itancan, Ruhel itancanyan unpi kin hena eepi, Edom makece kin en, Esa tawicu Basmat hena cinkxi wacaya.

18. Unkan Esa tawicu Aholibama he cinca kin dena eepi; Jehus itancan, Jalam itancan, Qora itancan, Ana cunwintku Aholibama Esa yuze cin itancan ton kin hena eepi.

19. Esa, Edom hee, cinkxi wicaye cin hena eepi, qa itancan yuhapi kin heepi.

20. Makece kin he en iyo-

tankapi qon Sehir Cori kin cinca dena eepi; Lotan, qa Xobal, qa Zibeon, qa Ana, qa Dixon, qa Ezer, qa Dixon.

21. Sehir cinkxi wicaye cin, Edom tamakoce kin en, Cori kin itancanyan unpi kin hena eepi.

22. Unkan Lotan cinkxi wicaye cin Cori, qa Heman, qa Lotan tawinorin kin Timna ee.

23. Unkan Xobal cinkxi wicaye cin dena eepi; Alan, qa Manahat, qa Ebal, qa Xepo, qa Onan.

24. Unkan Zibeon cinkxi wicaye cin dena eepi, Aya qa Ana; Ana kin de atkuku Zibeon taxunka xonxonna wiran wicakiye gehan ropuza wakoniya kata iyeya.

25. Ana cihintku kin Dixon hee, qa Aholibama Ana cunwin-ku kin ee.

26. Qa Dixon cinkxi wicaye cin dena eepi, Cemdan qa Exban, qa Jiteran, qa Keran,

27. Unkan Etzer cinkxi wicaye cin dena eepi, Bilhan, qa Zawani, qa Aqan.

28. Dixon cinkxi wicaye cin dena eepi, Uz qa Aran.

29. Cori kin itancanyan unpi kin dena eepi; Lotan itancan, Xobal itancan, Zibeon itancan, Ana itancan,

30. Dixon itancan, Etzer itancan, Dixon itancan; Cori kin itancanyan unpi kin, token Sehir makoce kin en itancan wicayawapi kin hena eepi.

31. Israel cinca kin naharin wicaxta yatapi wanica, Edom makoce kin wicaxta yatapi wicayawapi kin dena eepi.

32. Behor cihintku Bela Edom en wicayuhe cin, qa otowe tawa Dinaba eciyapi.

33. Qa Bela ta, unkan hee kiya Zera cihintku Jobab Bozra etanhan wicaxta yatapi yawapi.

34. Qa Jobab ta, unkan hee kiya Huxam Teman makoce kin etanhan, wicaxta yatapi yawapi.

35. Qa Huxam ta, unkan hee kiya Hadad Bedad he cihintku wicaxta yatapi yawapi. Iye Midian oyate kin wicakaxtaka, Moab tinta kin ohna qa otowe en ti kin Awit eciyapi.

36. Qa Hadad ta, unkan hee kiya Samla, Masrika etanhan, wicaxta yatapi yawapi.

37. Qa Samla ta, unkan hee kiya Xaul, Recobot watpa kin ohna wanke cin he etanhan, wicaxta yatapi yawapi.

38. Qa Xaul ta, unkan hee kiya Balhenan Akbor he cihintku wicaxta yatapi yawapi.

39. Qa Balhenan Akbor cihintku kin ta, unkan hee kiya

Hadar wicaxta yatapi yawapi. Otonwe tawa Pahu eciyapi, qa tawicu kin Mehetabel eciyapi, iye Matred he cunwintku Mezahab he cunwintku.

40. Esa itancan wicayawapi kin hecen ewicakiyapi, wicowazipi kin iyececa, qa tonwanyanpi kin iyecen cajewicayatapi; Timna itancan, Alwa itancan, Jetet itancan,

41. Aholibama itancan, Ela itancan, Pinon itancan,

42. Qenaz itancan, Teman itancan, Mibsar itancan,

43. Magdiyel itancan, Iram itancan. Edom itancan wicayawapi kin hena eepi, tonwanyanpi kin iyecen, tamakocepi kin en; Edom Esa ate yapi.

WICOWOYAKE 37.

1. Unkan Kanan makoce kin en Jakob atkuku unhdaka unqon, makoce kin he en Jakob iyotanka.

2. Jakob wicoicage wowapi kin dee, Josep wanna waniyetu ake xakowin, hehan wanuyanpi wiran wicakiya cinye wicaye cin om, qa Bilha qa Zilpa napin atkuku wicayuze cin, hena cinkxi wicayapi kin om, hokxidan kin un qa taku xica eyapi kin ateyapi kin en ahda.

3. Unkan Israel, cinkxi wi-

caye cin owasin sam iyeya, Josep waxte kidaka wanna wicarınca ehan kicitonpi kin heon etanhan, qa onrdorda hanskawan Josep kicaga.

4. Unkan ateyapi kin, cinkxi wicaye cin owasin sam iyeya Josep waxte kidake cin he cincu wanhdakapi, qa wokiya okiyapi kte cin okihipi xni.

5. Unkan Josep wowihanmde wan ihanmna, qa cincu owicakiyaka; unkan sam iyeya xice kidakapi.

6. Unkan, Ihopo wowihanmde wan iwahanmde cin de naronpo.

7. Mága ekta aguyapi paunrtapi, unkan inyun pawarte cin bosdan najin hiyaya, unkan payartapi kin ihdukxan najin hiyaye ça, pawarte cin itokam makata erpeiçiyapi, ewicakiya.

8. Unkan cinye wicaye cin heciyapi, Ehanqon tawaunyayapi kta he? qa ix wowidake unyaduhapi kta he? Qa iyakapeya xice kidakapi wihanmde ciquon oie ko heon.

9. Unkan ake wowihanmde tokeca wan ihanmde ça, ake cincu kin owicakiyaka. Ake wiwahanmde ça inyun anpetu wi, hanyetu wi, qa wicanrpi ake wanji mitokam makata erpeiçiyapi, ewicakiya.

10. He atkuku cincu ko owi-

eakiyaka; unkan atkuku he iyoepkiye ça, Wowihanmde wan iyahanmde cin de taku hwo? Miye qa nihun nicinye ko *owasin* nitokam makipusdiya erpeunkiçiyapi kta he? eciya.

11. Unkan cincu kin inakiwizi, tuka atkuku kin wicoie kin he awakicin un.

12. Hehan cincu kin ateyapi tawanuyanpi kin wiran wicakiyapi kta e Xekem ekta ipi.

13. Unkan Israel Josep heciya, Nicinye Xekem ekta wawiran kiya unpi xni he? Ihowo hena ekta ye cixi kta ce. Unkan, Ho miye ce eciya.

14. Unkan, Iho ekta de ça nicinye wanuyanpi ko zaniyan yakonpi hecinhan wanhdake ça, hoxi makahdi wo, eciya. Unkan Cebbron kaksiza kin etanhan iyaye ça Xekem ekta i.

15. Qa tinta onuni; unkan wicaxta wan wanyake ça, De taku ayakita he? eya iwanga.

16. Unkan, Cinye wicawaye ein awicawakita ce. Ceciye tukten wiran wicakiyapi kin omakiyaka wo, eya.

17. Unkan wicaxta qon, Wana detanhan iyayapi; Dotan ekta unyanpi kta ce, eyapi nawaron ce, eya. Unkan Josep cinye wicaye cin wicihakam ye ça Dotan en iyewicaya.

18. Unkan tehantanhan wan-

yakapi qa wicikiyedan u xni kin itokam, narmana te yapi kta awacinpi.

19. Qa otoiyohi hunka wanjitku kin hekiciyapi, Wanyakapo; wihanmdes'a kin de wana u.

20. Ihopo dehan unktepi, qa makordoka wan ohna erpeunyanpi kte ça, Wamanica ocin xica wan he temya ce, unkeyapi kinhan, wihanmde ciqon toketu kte cin wanunyakapi kta ce, *ekiciyapi*.

21. Ruben he naron qa, Te kta e unkaxtakapi xni nunwe, eya. Hecen wicanape kin etanhan ehdaku.

22. Napepi kin etanhan ehda ku kte ça, atkuku kin en akiyahde kta e Ruben hewicakiya; Weyapi xnipo. Wora rewoskantuya wanke cin de ohna iye yapo, tuka ninapepi on apapi xnipo.

23. Unkan kaketu, Josep iye cincu najinpi kin en hi qehan, taonrdorda yuxdokapi onrdorda hanska un kin hee;

24. Qa Josep icupi, qa wora wan en iyorpeyapi, tuka wora kin takudan ohnaka xni, mini wanica.

25. Qa aguyapi yutapi kta e iyotankapi, qa pa yuwankan iki-keupi qa, Ixmeyeli optaye wan Gileyad eciya tanhan u kin wan-

wicayakapi, camo yuhapi kin taku waxtemna canxin pejihuta koya qinpi, Egipta ekta kun yapi kta.

26. Unkan Juda hunka wanjin wicaye cin hewicakiya, De sunka unyanpi unketepi kinhan, we kin naunrmanpi exta taku unkihdamnapi kta he?

27. Ihopo, Ixmayeli kin dena en wiyopeunyanpi kte. De sunka unyanpi qa kici cerpi unwanjipidan kin heon, nape on unkatapi kte xni, eya. Unkan hunka wanjin wicaye cin anakigoptanpi.

28. Hehan wicaxta wopeton hecapi Midiani en hiyayapi. Unkan Josep yuzapi, qa wora qon etanhan yuwankan ehdakupi, qa maza ska wikcemna nonpa on Josep wiyopeyapi. Unkan Ixmayeli kin Josep opetonpi, qa Egipta ekta ayapi.

29. Unkan Ruben wora qon ekta hi, unkan Josep en un xni, heon tawokoyake hdupota,

30. Qa hunka wanjitku kin en wicahdi qa, Hokxidan kin tanin xni ce, mix toki imdamde kta hwo ewicakiya.

31. Unkan Josep taonrdorda qon icupi qa tatokadan mdoka wan ktepi, qa we kin on oputkanpi.

32. Hehan tuwe onrdorda hanske cin ahde xipi qa ateyapi

kin kahipi qa heciyapi; De iyeunyanpi ce. Ito de nicinkxi onrdorda tawa qa ix tawa xni uman tukte, hecetu hecinhan iyukean wo.

33. Unkan iyekiye ça, Micinkxi taonrdorda qon dee. Wamanica xica wan he temya. Ehanqon Josep wanna yapotapi ce, eya.

34. Unkan Jakob tawokoyake hdupote ça, waxihda qa anpetu ota cihintku kin akiceya.

35. Unkan cinca wicaye cin owasin wica winyan ko magaga ye wacinpi, tuka ix magaga yapi cin xni, qa, Iyomakixica ecen micinkxi en Hades ekta mde kta ce, eye ça cihinku kin akiceya.

36. Unkan Midiani kin Egipta en Josep wiyopeyapi; unkan Potipar Paro taakicita tancan opeton.

WICOWOYAKE 38.

1. Hena owasin hecetu, unkan Juda hunka wanjin wicaye cin etanhan apamahde ye ça, Adulami wicaxta wan Cira eciyapi ekta i;

2. Qa kakiya Juda Kanani wicaxta wan, Xuha eciyapi, he cunwintku wanyake ça yuze ça en i.

3. Unkan ihduxake ça cinca

wan ton; unkan Er eya cax kiton.

4. Unkan ake ihduxake ça cinca wan ton qa, Onan eya cax kiton.

5. Qa ake cinca wan ton qa, Xela eya cax kiton. He ton kin ehan Kizil en un.

6. Unkan Juda iye cihintku tokapa kin Er, winorinca wan, Tamar eciyapi yus kiya.

7. Unkan Er Juda cihintku tokapa kin he xica e Jehowa wanyake ça, Jehowa he te ya.

8. Hehan Juda Onan heciya, Niciñye tawicu qon ekta ye ça, he yuza wo. Hecen nicinye cinkxi ye kte cin yakage kta ce.

9. Unkan cinca kin he iye tawa *yawapi* kte xni Onan sdonye, ça cincu cinca *yawapi* kage kte xni e cincu tawicu qon en i eca, maka kin atpapon.

10. Unkan taku econ kin he xica e Jehowa wanyake ça, he nakun te ya.

11. Hehan Juda iye takoxku kin Tamar heciya, Wiwazicipi kin iyecen niyate ti kin ekta hda wo, micinkxi Xela tanka icage cin hehayan. Okini ix nakun cinye wicaye cin iyecen te kta kecin, heon *hecen* eya. Unkan Tamar iyaye ça atkuku ti kin ekta hda.

12. He iyohakam anpetu ota, qa Xuha cuuwintku Juda ta-

wicu kin wanna ta; unkan Juda wanna magaga yapi, qa Timnat ekta tarin wanuyanpi tawa yuxdapi kin ekta itawankanhde ya, iye takodaku Cira Adulami kin kicica.

13. Unkan Tamar heciyapi, Iho nitunkan tarin wanuyanpi tawa hduxda kta e Timnat ekta itawankanhde ya ce, eyapi.

14. Unkan Tamar iyoyakeca wokoyake hduxdoke ça, ite akarpe on aihdarpe ça, Timnat canku iyahde kin he ohna taninyan iyotanka; Xela wanna tanka, tuka qupi xni he wanyaka, heon hecon.

15. Juda he wanyaka ite aihdarpe cin heon winorinca wi-homni heca kecin;

16. Qa canku kin etanhan ekta i, qa takoxku kin hee kin sdonye xni heon, Tokin unwan-keneciya. Unkan unwanke ça, taku mayaqu kta he? eya.

17. Unkan, Mix wanuyanpi kin etanhan tatokadan cincadan wan nicahipi waye kta, eya. Unkan, Au wicayakiye cin itokam taku mayaqu kinhan, eya.

18. Unkan, He ciçu kta e sdonyaye kte cin on etanhan taku e nakaha ciçu kta yacin he? eya. Unkan, Maza huhu duhe cin ikan iyahna, qa nakun nitacanrpi ninape ohna duhe cin, eya. Unkan hena qu qa, kici

wanka; unkan iye etanhan ihduxaka.

19. Qa najin qa hde ça ite akarpe hduxdoke ça ake waxihda.

20. Unkan Juda taku qu qon, winorinea nape kin etanhan ehdaku kta e, takodaku Adulalami kin tatokadan cincadan aye xi, tuka iye winorinea qon iyeye xni.

21. Qa wicaxta héciya yakonpi kin iwicawanga; Witkowin eanku ohna taninyan iotanke ciquon tukte e he? eya. Unkan, Tohini witkowin wan déciya yanke xni, eyapi.

22. Unkan ihdamna, qa Juda ekta i qa heciya; Winorinea qon iyewaye xni qa, nakun wicaxta heciya yakonpi kin, Witkowin wanjidan tohini deciya un xni ce, eyapi.

23. Unkan, Yuha un nunwe. Tatokadan cineadan kin de aye cixi tuka iyeyaye xni; sanpa unkakite cinhan, okini wowirara unke kta Juda eya.

24. Unkan hetanhan wi yamni hehan, Nitakox Tamar wawicirara econ, qa wanna wawicirara kin etanhan ihduxaka ce, Juda eciyapi. Unkan, Tankan aupo; rurnage kta ce, eya.

25. He aupi kin icunhan tukanku hecen wahoya, Tokin maza huhu kin de ikan iyahna, qa canrpi kin de, dena tuwe ta-

wa imiyecidukcan. Tuwe dena tawa ye cin, wicaxta kin he etanhan ihdumaxaka ce, eya.

26. Unkan Juda hena iyekiye ça, Winorinea kin he oran owotanna mix hemacece xni; he mi cinkxi Xela waqu xni kin heon etanhan, eye ça hetanhan icimana winorinea qon sdonye xni.

27. Unkan wanna cinca ton kte çehan inyun tezi mahen cekpa yukan.

28. Qa tonpi kin icunhan, wanji nape kin qu; unkan cinca tonkiye cin he nape kin icu, qa taku duta iyakaxke ça, De tokaheya hinanpe kta ce, eya.

29. Unkan nape kin ehdaku, hehan inyun cincu hiyu. Unkan winorinea kin heya, Token payardeca; Opardeca kin de anicipe nunwe, eye ça, Parez eya cax ton.

30. Hehan sunkaku taku duta nape kin akan yuhe cin he hiyu; unkan he Zera eya cax ton.

WICOWOYAKE 39.

1. Unkan Ixmayeli kin Josep Egupta ekta ayapi. Unkan Potipar Egupton wicaxta kin heca, Paro taakicita tancan he aupi kin Josep opewicakicaton.

2. Unkan Jehowa Josep kici un. Unkan taku econ kin owasin tanyan ihuni ye ça iye yuhe cin Egupton ti kin en yanka.

3. Unkan Jehowa kici un, qa taku nape econ kin owasin Jehowa tanyan yuxtan kiye cin he yuhe cin wanyaka.

4. Unkan Josep yuhe cin ókiye ça iyokipi ya; unkan tiyohnaka tawa owasin awanyag xi, qa taku tawa owasin *Josep* nape kin en qu.

5. Unkan tipi tawa, qa taku tawa owasin awanyag xi kin ehantanhan, Jehowa Josep on etanhan Egupton tiyohnaka kin yawaxte, qa taku ti ohnaka, qa tamága ekta wanke cin ko owasin, akan Jehowa wowaxte kin un.

6. Hehan taku tawa owasin Josep nape kin en erpeye ça, ix takudan awakicin xni, aguyapi hdute cin heceedan. Unkan Josep owanyag waxte, tancan ite ko waxte.

7. Hena owasin hecetu; unkan hehan yuhe cin tawicu kin Josep atonwe ça, Mici wanka ye, eya.

8. Tuka wicada xni qa yuhe cin tawicu kin heciya; Hiya, mayuhe cin taku tawa owasin minape kin en qu, qa taku tipi ohnaka kin mici un kin iye sdonye xni.

9. De tipi kin ohna tuwedan iyamakapa xni; qa nihihna miye etanhan takudan tpatan xni, nix nana niyuze cin heon etanhan,

qa token woartani tanka kin de ecamon, qa Wakantanka en wartani kta he? eya.

10. Unkan winorinca qon anpetu owasin heciya, qa kitan rinca, tuka Josep anagoptan xni, kici iwanke xni qa ecaca kici un xni.

11. Unkan kaketu, anpetu wan Josep taku tokon kta e ti mahen i ehan, wicaxta hen tipi kin tuwedan timahen un xni.

12. Unkan winorica qon Josep taxina kin iyarpaye ça, Mici iwanka ye, eya; tuka xina kin winorinca nape kin etanhan erpeya naxdog hdicu, qa tankan iyaya.

13. Unkan nape kin etanhan xina erpeya tankan naxdog hdicu kin he winyan kin wanyake ça,

14. Hehan wicaxta tona ti kin ohna tipi kin hena wicakipan, qahewicakiya, Wanyakapo, Heberi wicaxta wan den unkahdipi, unkan wixten unyanpi cin. Manke cin en mahi qa mici wanke kte rinca, tuka ho tankakiya nina waxicahowamda.

15. Nina ho tankakiya waxicahowamde cin he naron, qa wapam qehan, mitan kiyedan xina erpeya naxdog tankan iya-ya ce, eya.

16. Qa yuhe cin hdi kte cin

hehanyan xina qon, itan kiyedan ehnaka.

17. Qa eye ciqon owasin ake ecen okiyaka, Heberi hokxidan unyakahdipi kin he imara kta e mikiyadan u.

18. Qa ho tankakiya waxica-howamde çehan mitan kiyedan xina erpeya naxdog tankan iya-ya ce, eya.

19. Unkan yuhe cin he tawicu oie kin, Hokxidan nitawa kin hecen ecamicon, eciye cin he naron hehan cantiyahdeya.

20. Qa yuhe cin Josep icu, qa wicaxta yatapi tona kaxka wicahnake cin tipi wan en kaxka wicahnakapi kin he en Josep kaxka ehnaka. Unkan wicakaxka tipi kin en yanka.

21. Unkan Jehowa Josep kici un qa, towaonxida kin hiyohiya qa wicakaxka tipi kin itancan kin he Josep wacin en yus kiya.

22. Unkan wicakaxka tipi itancan kin, tona wicakaxka tipi kin en kaxka wicahnakapi kin owasin, Josep nape kin en qu. Unkan taku hen econpi kin owasin Josep econ wicakiya.

23. Hecen Jehowa Josep kici un, qa taku econ kin owasin tanyan yuxtan kiya; heon wicakaxka tipi itancan kin, taku Josep nape en yuhe cin hena takudan awanhdake xni.

WICOWOYAKE 40.

1. Hena owasin hecetu, unkan hehan Egupton wicaxta yatapi tawayatkekiye tawohekiye ko, wicayuhe cin Egupton wicaxta yatapi kin en wartanipi.

2. Hecen Páro akicita nom wicayuhe cin canniye wicaya, wayatkekiyapi tancan, qa wohekiyapi tancan kin henioza.

3. Qa akicita tancan tipi tawa wicakaxka tipi kin tukten Josep kaxka hnakapi yanke cin he en awanyag wicakiyapi kta e ewicahnaka.

4. Unkan akicita tancan kin he Josep hena awanwicayag kiya, unkan ówicakiya. Unkan anpetu ota kaxka hnakapi ecen yukanpi.

5. Hehan Egupton wicaxta yatapi tawayatkekiye, tawohekiye ko, wicakaxka tipi kin ohna kaxka wicahnakapi, hanyetu wanjidan en kinukan wowihamnde ihanmnapi, otoiyo hi wihanmnapi kin iyukeanpi kin iyecen.

6. Hehan ihanranna Josep en wicahi qa iyokixicapi kin wanwicayaka.

7. Qa Páro taakicita wicakaxka *tipi* kin, iye yuhe cin tipi tawa kin he en iye kici unpi wiwicawanga; Tokeca nakaha ite iyoyag dukanpi he? eya.

8. Unkan wowihanmde wi-

unhanmnapi, tuka tuwē iyukean kte cin den wanica ce, eyapi. Unkan wiyukean kin Wakan-tanka hee xni he? Wiyahanmnapi kin omakiyakapo, Josep ewicakiya.

9. Hehan wayatkekiyapi tancan kin wihanmde ciqon ohdaka qa, Wiwahanmde cin hastanhanka iyuwi wan mitokam han.

10. Qa adetka yamni wiyuwi aicage ça ape rca ko icar ye, iyage hastanhanka suton yapi.

11. Hehan Paro wiyatke tawa kin minape ohna mduha qa hastanhanka kin iwacu qa Paro wiyatke tawa kin ohna mduxkice ça Paro nape kin en wiyatke kin ewehde, eya.

12. Unkan Josep heciya, Wiyahanmde cin he kaken ka. Adetka yamni anpetu yamni ee.

13. Ehake yamni can Paro nipa kin yuwankan inicu kte ça nanke ciqon ake en anihde kta; unkan tokaheya wayatke yakiye ciqon wicoran kin ake ecen ecanon kta, Paro nape kin en tawiyatke kin yaqu kta.

14. Hena hecetu kinhan miksuya wo. Tokin tanyan yaun kinhan wowaxte ecamiyecon, Paro en caje mayadaten qa tipi kin de etanhan hinanpe mayayen.

15. Awicakehan Heberi ta-

makocepi kin etanhan mama-nonpi qa deciya takudan xica ecamon xni on makordoka kin den emahnakapi kta, eya.

16. Hehan wohekiyapi tancan kin wiyukean waxte e wanyake ça Josep heciya; Mix nakun wiwahanmde ça inyun, aguyapi makanopiye yamni mapa kin akan yanka.

17. Qa makanopiye akantu kin ohna Paro tawoyute ocaje owasin wohekiyapi kage cin. Unkan zitkadan hena temyapi, makanopiye mapa kin iwankam un kin hetanhan.

18. Unkan Josep ayupta; He kaken ka. Makanopiye yamni anpetu yamni eepi.

19. Ehake yamni can Paro pa kin yuwankan inicu qa, can akan otke niye kta; hehan zitkadan nicerpi kin etanhan yutapi kta.

20. Unkan iyamni can, anpetu en Paro tonpi kin he *kiksu-yapi* kta e wowidag wicaye cin owasin wowicakihe, ça wayatke kiyapi tancan wohekiyapi tancan henioza wowidake wicaye cin wicehna hdinanpe wicaya.

21. Qa wayatkekiyapi tancan kin wayatke wicakiye ciqon wicoran ake hecon xi; unkan wiyatke kin Paro nape kin en qu.

22. Tuka wohekiyapi tancan

kin otke ya, Josep iwicakiciyu-
kean qon iyecen.

23. Unkan wayatkekiyapi
tancan kin Josep kiksuye xni
tuka akiktunja.

WICOWOYAKE 41.

1. Hehan tanhan waniyetu
nonpa hehan Paro wihanmna, qa
wakpa kahda inajin.

2. Qa inyun wakpa kin etan-
han, pte xakowin owanyag wa-
xte qa cemcepa heca hinanpapi,
qa tinta en wiranpi.

3. Qa hena ihektapa tanhan
pte tokeca xakowin owanyag xi-
kxica qa tamahenheca hecapi,
wakpa etanhan hinanpapi, qa
pte umanpi qon ehna wakpicahda
najinpi.

4. Qa pte owanyag xikxica
tamahenheca hena pte owanyag
waxte cemcepapi xakowin qon
temwicayapi. Unkan Paro ki-
kta.

5. Ake ixtima qa *ake* inonpa
wihanmna. Unkan inyun wa-
mnaheza hu wanjidan wahuwapa
xakowin sutonpi, qa waxtexte
aicaga.

6. Qa hena iyohakam wahu-
wapa tokeca xakowin hinanpa,
tuka xikxica qa wiyohiyanpa
tanhan tate on xnija.

7. Qa wahuwapa conica ton
xni kin wahuwapa sutonpi qa

ojugjudan qon owasin temyapi.
Paro hecen wihanmde ça hehan
kikta.

8. Ihanranna unkan Paro na-
gi kin iyokixice ça, Egupton en
pejihuta wicaxta qa wicaxta ksa-
papi kin owasin wicakico, qa
wihanmde ciquon Paro owasin
owicakiyaka; tuka tuwedan yu-
kean okihi xni.

9. Hehan Paro wayatke ki-
yapi tancan kin ie ça, Anpe de-
han wawartani kin weksuya
ce.

10. Paro taokiye kin canniye
wicayaye ça, akicita tancan tipi
kin en kaxka mayahnaka, miye
qa wohekiyapi tancan kin he
nakun.

11. Unkan hanyetu wanjidan
en wiunhanmnapi miye iye kici
kinukan, wihanmnapi iyukeanpi
kin iyecen wiunhanmnapi.

12. Unkan hen unkicipi ko-
xka wan Heberi kin heca, aki-
cita tancan tahokxidan kin he
wiunhanmnapi kin unkokiyaka-
pi, unkan iye hena iyukean oto-
iyohi wiunhanmnapi kin iyecen
unkiciyukeanpi.

13. Unkan unkiciyukeanpi
kin ecetu; miye ake wiyatke
yuhe makiye ça uman kin otke
ya.

14. Hehan Paro Josep huwe
ye wicaxi, unkan wicakaxka tipi
kin etanhan kiyuxkapi, hehan

hdasan qa wokoyake tokeca ki-
çon qa Paro yanke cin en hi.

15. Unkan Paro Josep heciya
wowihanmde wan iwahanmna
tuka tuwedan yukcan xni, tuka
wihanmnapi nix nayaron unkan
idukcan oyakihi keyapi mix na-
waron.

16. Unkan Josep ayupte ça,
Miye ee xni Wakantanka ege
toketu kin tanyan oniciyake kta
ce, eciya.

17. Unkan Paro ie ça, Wi-
wahanmde ça watpa hutata kin
nawajin;

18. Qa inyun wakpa kin etan-
han, pte xakowin cemcepa, o-
wanyag waxtexte hinanpapi, qa
tinta kin en wiranpi.

19. Unkan hena iyohakam
pte tokeca xakowin tamahenhe-
ca, owanyag xikxica hinanpapi;
tamahenheca xikxica hena iye-
ceca, Egupta makoce kin en to-
hini wanmdake xni.

20. Qa pte tamahenheca, xi-
kxice cin pte xakowin cemcepapi
tokaheya qon temwicayapi.

21. Unkan tan mahen iyayapi
kin hehan, tan mahen iyayapi
kin sdonye pica xni; otokahe
ekta xikxica taninpi qon naharin
hececapi. Unkan hehan wekta.

22. Qa ake wiwahanmde ça
inyun wamnaheza hu wanjidan
wahuwapa xakowin hanskaska
waxtexte aicage cin wanmdaka.

23. Hehan ake wahuwapa
xakowin cikeistina, wiyohiyan-
pata tateyanpa kin on xnijapi,
qa co wanica hinanpapi.

24. Qa wahuwapa cikeistina
wahuwapa xakowin waxtexte
qon owasin temyapi. Unkan
wicaxta wiyukcan heca owica-
wakimdaka, tuka miciyukcanpi
xni.

25. Hehan Josep Paro heciya,
Paro wihanmde cin hena okon-
wanjidan, Wakantanka token
econ kte cin he Paro okiyaka.

26. Pte xakowin waxtexte
qon, hena waniyetu xakowin ce;
qa wahuwapa xakowin waxtexte
qon, hena nakun waniyetu xa-
kowin ce, wowihanmde kin hena
wanjidan.

27. Qa pte xakowin tama-
henheca, qa xikxice cin umanpi
kin iyohakam hinanpapi kin,
hena waniyetu xakowin ce, qa
wahuwapa xakowin cikeistina
wiyohiyanpata tateyanpa kin on
xnijapi kin hena nakun, waniye-
tu xakowin wicaakiran kte cin
hee.

28. Paro taku ewakiye cin
he dee. Wakantanka taku econ
kte cin he Paro wanyag kiya.

29. Hecetu kta tokata wani-
yetu xakowin hehanyan, Egupta
makoce kin owancaya taku owa-
sin iyakiçuya icage kta.

30. Qa hena iyohakam wani-

yetu xakowin wicaakiran kta, qa Egupta makoce kin en taku iyakiçuya icage kte ciqon aki-ktunjapi kte ça, wicaakiran kte cin makoce kin awihnuni kta.

31. Unkan hehan wicaakiran kte cin iyotan terike kte cin makoce kin en, heon wipipi qon sdonyapi kte xni.

32. Qa wicoie kin de Wakan-tanka yuecetu kte ça, wanna kohana Wakantanka econ kta, heon Paro nonpa akihde wihan-mna.

33. Qa wanna Paro wicaxta wan ksape ça wayupika akite ça, Egupta makoce kin yuhe kiya nunwe.

34. Qa Paro akicita wicakage ça makoce kin en wicahdusuta kte; unkan waniyetu xakowin wipipi kta hena icunhan, taku makoce aicage kte cin owasin izaptanptan icupi nunwe.

35. Hecen waniyetu xakowin waxtecte kte cin hena icunhan, woyute ocaje owasin kamnapi kte, Paro nape kin ihukuya, tonwanyanpi kin en aguyapi pahipi kte cin he woyute awan-yakapi nunwe.

36. Qa waniyetu xakowin wicaakiran kte cin Egupta makoce kin en hena on, taku yutapi kihnakapi kinhan, makoce kin wicaakiran kte cin on awihnuni kte xni, eya.

37. Unkan Paro ookiye wica-ye cin ko wicoie kin he waxte dakapi.

38. Hehan Paro iye taokiye kin hewicakiya; Wicaxta wan Wakantanka taniya en un kin de iyececa iyeunyanpi pica he?

39. Qa Paro Josep heciya, Wakantanka de owasin sdonye niciye cin, nix nana widukean qa yaksapa, tuwedan iyenicece xni.

40. Nix wati kin awanmiye-cidake kta, qa oyate mitawa owasin oie ananigoptanpi kta. Oiyotanke kin en hecedan iciwankam waun kta.

41. Qa wanyaka wo, Egupta makoce kin owasin yuhe ciciya ce, eya.

42. Hehan Paro maza napcu-pe hduxdoke ça Josep nape kin ohna iyeye ça, minirura ska waxte koyag ye ça, maza ska zi wanapin wan napin kiya.

43. Qa canpahmihma yuhe cin etanhan canpahmihma inon-pa kin he ohna iyotang ye ça, Itokam canpexka makehde inajinpo ieyanpaha eyapi, qa Egupta makoce kin owasin yuhe ki-yapi.

44. Qa Paro Josep heciya, Paro miye ce. Oyate kin tuwe-dan iye cinka takudan econ kte xni. Nix nana token econ wicayaxi kin hecetu kta ce.

45. Qa Paro Josep, Wicoi-
cage nikiye cin, eya cax ton, qa
On *otonwe* kin en woxnapi kage
cin, Potipera he cunwintku Ase-
nat tawicu kta e qu. Unkan
Josep Egipta makece kin ehna
iyaya.

46. Josep, Egipton wicaxta
yatapi Paro itokam najin qehan,
wanna waniyetu wikcemna ya-
mni qa, hehan Josep Paro ito-
kapa tanhan inanpe ça Egipta
makece kin owancaya i.

47. Unkan waniyetu wipipi
kin hena icunhan, makece kin
napohnahnaka icar ya.

48. Qa waniyetu xakowin
Egipta makece kin en, taku
yutapi owasin pahipi, qa ton-
wanyanpi kin en kihnakapi;
otonwe otoiyo hi ohna mąga i-
hdukxan unpi kin etanhan wo-
yute otonwe kin en kihnakapi.

49. Qa Josep, miniwanca ka-
hdaya wiyaka wanke cin iyecen,
aguyapi ota rinca pahi, yawapica
xni nakaex yawapi kte cin aya-
xtanpi.

50. Unkan Josep cinca wica
nonpa kicitonpi, waniyetu wica-
akiran kin itokam, Asenat Poti-
pera On en woxnapi kage cin he
cunwintku kin hena Josep kici
ton.

51. Iyomakixice ciqon owa-
sin, qa ate ti kin owasin Wakan-
tanka akiktunx mayan, eye ça

tokapa kin Manaxe eya cax ki-
ton.

52. Qa, Makece en kakix ma-
yanpi qon, he en Wakantanka
taku icar mayan, eye ça iyokihe
Erpaim eya cax kitan.

53. Unkan waniyetu xakowin
wipipi kin Egipta makece kin
en wanna henakeca.

54. Qa waniyetu xakowin
wicaakiran kte cin wanna en au,
Josep eye ciqon hecetu. Unkan
makece owasin en wicaakiran,
tuka Egipta makece kin en o-
wancaya aguyapi yukan.

55. Unkan Egipta makece
kin owancaya akiranpi kte çe-
han, oyate kin aguyapi on Paro
hoyekiyapi. Unkan, Josep ekta
yapi qa, token econ nixipi kin
ecen econpo, Paro Egipton o-
wasin ewicakiya.

56. Wanna maka ohnaka o-
wancaya wicaakiran, hehan Jo-
sep aguyapi opiye kin owasin
hdurdoke ça, Egipton taku yu-
tapi wicaqu; Egipta makece
kin en wicaakiran terika aye
nakax.

57. Unkan maka owancaya
etanhan, Egipta ekta Josep en
taku yutapi opeton hipi, maka
kin owancaya nina wicaakiran ce.

WICOWOYAKE 42.

1. Hehan Egipta makece kin
en aguyapi yuke cin Jakob wan-

yake ça cinkxi wicaye cin he-
wicakiya, Tokeca ecin opakici-
rta dukanpi he?

2. Ihopo Egiypta hēciya agu-
yapi yukan *keyapi* nawaron.
Ecin kutkiya ekta yapi qa hēci-
ya tanhan woyute opeunkicatō-
po kinhan unnipi qa untapi kte
xni.

3. Unkan Josep cinye wicaye
cin wikcemna qon aguyapi ope-
tonpi kta e Egiypta *makoce kin*
ekta kutkiya ipi.

4. Tuka Benjamin Josep sun-
kaku kin ope xni, Okini taku
xica akipe kta naceca, Jakob eye
ça hecen ye xi xni.

5. Unkan Kanan makoce kin
en wicaakiran, heon uman hipi
kin om, Israel cinkxi wicaye
cin woyute opeton hipi.

6. Wanna makoce kin en Jo-
sep itancanyan un, qa makoce
kin ohna oyate hiyeye cin owa-
sin taku yutapi wicaqu kin Josep
hee. Unkan cincu qon en hipi,
qa itokam ite makipusdiya ma-
kata erpeiçiyapi.

7. Unkan Josep wanwicayake
ça cincu iyewicakiya, tuka wici-
tokam ihdutokeca, qa icanksiya
owawicakiya qa, Tokiyatanhan
yaupi he? eya iwicawanga. Un-
kan Kanan makoce kin etanhan
taku yutapi opeton unhipi ce,
eyapi.

8. Hecen Josep eqe cincu kin

iyewicakiya, tuka iye Josep iye-
kiyapi xni.

9. Hehan Josep wowihanmde
ihanmde ciqon kiksuye ça, Ma-
koce iwanyakapi kin henicapi, qa
makoce wanna xdayehna wanke
cin he iwanyag yahipi ce, ewi-
cakiya.

10. Unkan, Hiya itancan he-
cetu xni. Hokxidan nitawa wo-
yute opeton unhipi.

11. Wicaxta wanijidan owasin
cinkxi unyanpi. Unkiye iewi-
caunkapi. Hokxidan nitawa
kin makoce iwanyakapi kin he-
uncapi xni ce, eciiyapi.

12. Unkan, Hiya makoce xda-
yehna wanke cin he iwanyag
yahipi ce, ewicakiya.

13. Unkan, Hokxidan nitawa
hunkawanjin unkiciyapi ake un-
nonpapi; Kanan makoce kin en
wicaxta wanjidan ate unyanpi
qa hākakta kin he anpe dehan ate
unyanpi kin kici yanka, qa wan-
jidan tanin xni, eyapi.

14. Unkan, Makoce iwanya-
kapi kin henicapi; eya eciciyapi
qon he hecetu ce.

15. Deciya tanhan niyukean-
pi kta. Paro ni un kin nisun-
kapi cistina kin he hi xni kinhan
detanhan tokidan dapi kte xni.

16. Ihopo, niyepi kin waji-
dan sunka yayapi kin hduwe ye
xipo, qa nioiepi kin yahduwica-
kapi kin hehanyan kaxka dukan-

pi kta. Hecen niyukeanpi kta, hecetu xni kinhan, Paro ni un kin makoce iwanyakapi kin heni-capi kta, Josep ewicakiya.

17. Qa iyamni can hehanyan wilaya onatag wicahnaka.

18. Anpetu iciyamni hehan Josep hewicakiya, Wakantanka kowakipa ce. Kaken e econpo qa ni unpo.

19. Wicayakapi kinhan, hun-ka wanjin yayapi kin wanjidan kaxka yanke kta, tipi kin de onatag nihnakapi kin he en, qa niye umanpi kin ihopo, tiyohnaka nitawapi kin wicaakiran kin on woyute akiyahdapo.

20. Qa sunka yayapi cistina kin he miye en makaupo hecen nioie yahduwicakapi kinhan niṭapi kte xni. Unkan ecen econpi.

21. Qa iyakitedan hekiciyapi, Ehanqon waunrtanipi. Sunka unyanpi, wacin iyokixin wanunyakapi qa ceunkiyapi, tuka anangoptanpi xni, heon wocante xi-ce cin de unhiyahdepi ce, eyapi.

22. Unkan Ruben ayupte ça, Hokxidan kin en wartanipi xnipo eciciyapi xni he? tuka anamaya-goptanpi xni; unkan ecin iye we kin-wanna wiunwangapi kin he dee ce, eya.

23. Unkan Josep he naron sdonyapi xni. Taku ewicakiya eca wicaxta wan ie ska kiya ece nakaex.

24. Tuka Josep wicitokapa tanhan toki ye ça ceya. Hehan icicawin en wicahdi qa, taku ewicakiye ça, hehan umanpi kin etanhan Ximeyon icu qa, ixtapi kin wicitokam pakirta.

25. Qa, Wajuha kin aguyapi en oju tonpo, qa maza ska ahipi qon, otoiyohe wojutonpi kin en owicakicihnakapo; waneya nakun wicaqupo, Josep taokiye kin ewicakiya. Unkan ecen ecawicakiconpi.

26. Unkan xuktanka xonxon-na kin taku yutapi qin wicakiyapi qa hdapi.

27. Qa tukten kiwankapi kin, wanji taxunke xonxonna wo qu kta e wojutonpi kin hdurdoka; unkan inyun wojutonpi i kin en tamaza ska kin yanka.

28. Unkan hunka wanjin wicaye cin hewicakiya, Maza ska mduhe ciqu ake micupi. Wan-yakapo, wojutonpi mitawa kin en ohnakapi ce. Unkan owasin icanwankapi qa ikopapi qa, De taku Wakantanka ecaunkiconpi hwo, ekiciyapi.

29. Qa. Kanan makoce kin ekta ateyapi Jakob en hdipi, qa token akipapi qon owasin okiyakapi.

30. Makocē yuhe cin he ihnuhana icanksiya taku unkekiciyapi, qa makocē kin iwan-yag unkipi iyecen ecaunkiconpi.

31. Tuka, Oran unkowotanpi iyacupi kta; hena owasin iyo-
qa makoce iwanyakapi kin he-
uncapi xni; kixin mayanpi.

32. Hunka wanjin unkiciyapi kin heciya, He minape kin en
ake unnonpapi hena owasin ate maqu wo. Mix niye en awahdi
unwanjipidan, wanjidan tanin kta ce. He niye en awahdi xni
xni, qa hakakta kin he anpe de- kinhan, micinea nom kaṭa iye-
han Kanan makoce kin en ate wicaya wo, eya.
unyanpi kici yanka ce, unkeki-
yapi.

33. Unkan, Oran oniwootanpi- 38. Tuka, Micinkxi kin de
dan kinhan, detanhan sdonwaye nicipi ye kte xni ce. Cincu
kta ce. Hunka wanjin yayapi wanna ṭe ca ix nana okaptapi,
kin wanjidan den mici yanke qa canku ohna dapi kin he tahe-
kta, qa yatipi kin en wicaakiran pi Benjamin taku xice cin akipe
kin on, *woyute* icupi qa ekta cinhan, mapa ska kin Hades
hdapo. ekta iyokixin yemayayapi kta
ce, eya.

34. Qa sunka yayapi kakakta
kin he makaupo. Kinhan ma-
koce iwanyakapi kin henicapi
xni, qa oran oniwootanpidan kin
sdonwaye kta ce, qa hehan,
hunka wanjin yayapi kin de ci-
cupi kta; kinhan makoece kin
den wopeyatnpi kta ce, makoce
yuhe cin unkekiciyapi ce, eyapi.

35. Hehan wojutonpi kin to-
kokadapi; unkan inyun maza
ska apartapi qon, owasin woju-
tonpi kin en yanka. Owasin
ateyapi kin kici maza ska apa-
rtapi qon wanhdakapi, qa ini-
hanpi.

36. Hehan Jakob ate yapi
kin hewicakiya; Miye micinea
mayakipi, Josep tanin xni, qa
Ximeyon tanin xni, qa Benjamin

WICOWOYAKE 43.

1. Wanna makoce kin en wi-
caakiran terika aya.

2. Unkan aguyapi Egiyuta
etanhan ahdipi qon temyapi, he-
han ateyapi kin hewicakiya, Ake
ekta yapi qa taku yutapi onge
opeunkicatonpo.

3. Unkan Juda ayupte ṣa,
Wicaxta qon, Nisunka nicipi *hi*
xni kinhan miite kin wanmaya-
dakapi kte xni ce, nina kitanyan
unkekiciyapi.

4. Hecen nix sunka unyanpi
kin unkipi ye yaxi kinhan kun
unyanpi, qa *woyute* opeunnici-
tonpi kta.

5. Tuka, nix ye yaxi kte cin
tawaten yaye xni kinhan, kun

unyanpi kte xni. Nisunkapi kin ope xni kinkan, miite kin wandakapi kte xni ce, wicaxta kin unkekiciyapi ce, eya.

6. Unkan, Tokeca nisunka wanji yuke cin, wicaxta kin oyakidakapi qa xicaya ecamiyeconpi he? Israel eya.

7. Unkan, Wicaxta kin atayedan wicowazipi kin unkiwangapi, qa heya, Niyatepi kin naharin ni he? Nisunka wanji yukan he? Unkan owasin wicoie kin hena ecen unkokiyakapi. Ecin token on, Nisunkapi kin makaupo, eye kte cin sdonunyanpi kta he? eyapi.

8. Qa, Koxka kin mici ye xi wo, kinhan naunjinpi qa unyanpi kta; hecen unnipi kta, unkiye niye unkcincapi ko owasin untapi kte xni.

9. Mix he awanmdake ça minape kin etanhan mayakida kta. Niye en cicicahdi xni, qa nitokam ewehde xni kinhan, anpetu owasin, Niye en wawartani kemakiyapi kta.

10. Ye unkapinpi xni unkanx, wanna dehan inonpa unhdipi kta tuka ce; Juda atkuku Israel eciya.

11. Unkan, Hecetu hecinhan kaken e econpo. Makoce kin de waskuyeca tukte iyotan wakte kin wojuha duhapi kin ohna yuha yapo, canxin onge, qa

turmaga canhanpi onge, qa taku waxtemna, qa pejihuta yatan, hma qa uma, henakiya wicaxta kin yaqupi kta.

12. Maza ska nakun oiyopeye nom, nape kin ohna icupo, maza ska wojutonpi ohna yahdohdipi qon he koya, nape ohna adapi kta, he wanun econpi naceca.

13. Nisunkapi kin nakun icupi, qa najinpi qa wicaxta qon ekta ake yapo.

14. Qa wicaxta kin cante niciyapi qa hunka wanjin yayapi kin, uman kin he ku xi kte, Benjamin koya, Taku wakan Otancanke ionxinidapi kte. Mix micinea makipi kinhan hecen makipi kta, ateyapi Israel ewicakiya.

15. Hecen wicaxta kin taku ikce qupi kte cin he icupi qa maza ska nape ohna icupi qa Benjamin kici injinpi qa Egipta ekta kun yapi qa Josep itokam injinpi.

16. Unkan Josep wanwicaya-ka, Benjamin kici, qa taokiye wan tipi awanyake cin he heciya; Wicaxta kin dena tin awicaye ça, wanuyanpi *mitawa kin etanhan* kte, qa xpan yan wo. Wiyotanhan hehan wicaxta kin dena om wawate kta ce.

17. Unkan wicaxta kin token Josep eye cin owasin ecen econ, qa Josep ti kin ti mahen u wicaxi.

18. Unkan Josep ti kin ti mahen awicaipi kin heon wicaxta kin kokipapi qa, Maza ska tokaheya wojutonpi unkitawapi kin ohna unhdohdapi qon, heon anauntanpi, qa taku iyaunkonpapi kta e unkipopi, qa wayaka unyuzapi kta unkiye xuktanka xonxonna unhapi koya, eyapi.

19. Qa Josep ti kin awanyake cin he en ikiyedani hinajinpi, qa tipi tiyopa kin en okiyapi.

20. Qa, Itancan otokahe ekta taku yutapi opeuntonpi kta e kun unhipi.

21. Qa owanka qon, en unkiwankapi, qa wojutonpi unhdurdokapi, unkan maza ska unkahipi qon otoiyahi wojutonpi unkitawapi i kin ohna yanka, maza ska aspeunkiye unkitonpi qon he iyececa, he owasin nape ohna unnicicahipi.

22. Qa maza ska tokeca on taku yutapi opeuntonpi kta e nape ohna yuha unhipi. Tuwe maza ska unkaipi qon, unkita-wojutonpi kin ohna iyorpeye cin sdonunyanpi xni ce, eyapi.

23. Unkan, Tanyan yanunpi kta ce. Wikopapi xni po. Taku wakan yadapi kin niyatepi ta Wakantanka pi kin hee wojutonpi nitawapi kin ohna woyuha niçupi. Maza ska nitawapi qon miye en makahipi, eye ça hehan Ximeyon wicitokam hinanpe ya.

24. Qa Josep ti kin ti mahen u wicaxi, qa mini wicaqu; unkan siha hdujajapi, qa xuktanka xonxonna tawapi kin nakun taku yutapi wicaqu.

25. Unkan, Hen aguyapi yutapi kta keya naronpi, heon wi-yotanhan hehan Josep hdi kte cin he itokam taku ikce qupi kte cin owasin wiyeya ehnakapi.

26. Unkan Josep tiyata hdi hehan taku ikce qupi kte cin, nape ohna Josep en ti mahen aupi, qa itokam makipusdiya erpeiçiyapi.

27. Unkan, Tanyan unpi hecinhan iwicawange ça, Niyatepi kin wicarınca catedatapi qon naharin ni he? tanyan un he? eya.

28. Unkan, Nitaokiye ate unyanpi kin he naharin ni, qa tanyan un ce, eyapi qa patujapi qa makata erpeiçiyapi.

29. Unkan Josep en etonwe ça, sunkaku Benjamin kici hunku wanjidan kin he wanhdake ça, Sunkayayapi cistina miye en catedatapi qon he dee he? eye ça, Micinkxi Wakantanka cantonihna ke kte, eya.

30. Qa sunkaku kin en cante kin xkanxkan he cin heon Josep inarniyan tukten ceye kta akite ça wankan tipi ekta i, qa ceya.

31. Hehan ite kin hdujaja qa hdi nanpe ça ihduhe ça, Aguyapi ehnakapo, eya.

32. Unkan aiyog Josep qupi, qa hunka wanjitku kin ix aiyog wicaqupi, qa Egupton tona hen wotapi kin aiyog wicaqupi; Egupton Heberi om aguyapi yutapi okihipi xni nakaex, heconpi kinhan ixten içiyapi kta.

33. Unkan *Josep* itokam iyo-tankapi, tokapa kin watokapa kin iyecen, qa hakakta kin cistina un kin iyecen, qa wicaxta qon iyakitedan yuxinyayapi.

84. Taku yutapi iyacinpi otoiyo hi wicaqu, tuka Benjamin taku tawa tanka umanpi taku tawapi zaptan akihde heon. Unkan yatkanpi Josep kici, qa iyuxkinpi.

WICOWOYAKE 44.

1. Unkan Josep tuwe tipi tawa awanyake cin heciya, Wicaxta kin wojuha yuhapi kin en taku yutapi oju wo; tohan qin okihipi kin hehanyan, qa maza ska aupi kin owasin otoiyo hi tawojutonpi i kin ohna elnaka wo.

2. Qa hakakta kin tawojutonpi i kin ohna maza ska wakxica mitawa kin he oyahnake kta, maza ska woyute iyo peye ahi kin he iyahna. Unkan token Josep eciye cin, ecen econ.

3. Anpao hehan hde wicaxipi, wicaxta taxunke xonxonna koya.

4. Wanna otonwe kin etanhan kinanpapi kitanna tehan *hdapi*, hehan Josep wicaxta tipi tawa awanyake cin heciya; Najin qa wicaxta qon wicakuwa wo, qa wicayehdege cinhan, He tokeca tanyan ecaniconpi kin itkom xicaya ecanonpi?

5. Mayuhe cin taku ohna wayatke ça on ayate cin dee xni he? Taku ecanonpi kin he xica, ewicakiya wo.

6. Ewicakihdege ça wicoie kin hena ewicakiya.

7. Unkan, Itancan tokeca e hecen eha he? Hokxidan nitawa token heconkupi kta he?

8. Maza ska wojutonpi i kin ohna iyeunyanpi qon he ake, Kanan makoce kin etanhan unnicicahipi kin sdonyaya. Hehan ecin token on etanhan niyuhe cin ti kin etanhan maza ska qa ix maza ska zi maunnonpi kta he?

9. Hokxidan nitawa uman tukte kaxta he yuha iyeyaye cinhan te kta qa unkiye owasin wowindag unyayapi kte, eyapi.

10. Unkan, Wanna token ehapi kin hecetu kte. Tuwe he yuha iyewakiye cinhan wowidake waye kta, tuka umanpi kin iyaonpepicaxni yaunpi kta, eya.

11. Unkan owasin inarniyan wojutonpi kin makata parpapi

qa, otoiyo hi wojutonpi hdurdo-kapi.

12. Unkan tokapa kin tawo-jutonpi kin en tokaheya akite ça hakakta kin ecen owecinhan yuxtan. Qa Benjamin tawojutonpi kin ohna wakxica kin iyeya.

13. Unkan wokoyake kin hduopotapi qı owasin xuktanka xonxonna qin wicakiyapi, qa icicawin otonwe kin ekta ipi.

14. Hehan Juda, hunka wanjın wicaye cin om, Josep ti kin en ipi. Unkan iye naharin hen yanka, qa he itokam owasin makata erpeiçiyapi.

15. Unkan woecon kin de taku ecanonpi hwo? Wicaxta tuwe hemacece cinhan ayate cin okihi sdonyayapi xni he? Josep ewicakiyâ.

16. Unkan Juda heya, Mayuha token unkaniyuptapi kta he? Taku unkeyapi kta, qa tokiya tanhan unhduacetupi kta he? Waunrtanipi qon wanna Wakan-tanka iyeunyanpi. Iho, Itancan wayaka unyaduhapi, wakxica kin yuha iyeyapi qon qa unkiyepi owasin nakun, eya.

17. Unkan, Hecamon kte cin Wakantanka iyomaki xni nunwe. Wiyatke yuha iyeyapi qon wicaxta kin he, hecedan wowindag waye kta; tuka niyepi woikiye on niyatepi kin ekta hdapo, Josep eya.

18. Unkan Juda ikiyedani najin qa heya, Itancan ceciye, hokxidan nitawa canniye maye xni wo. Mayuhe cin Paro iyeniceca. Tokin hokxidan nitawa taku epe cin nayaron.

19. Mayuhe cin hokxidan nitawa wiwicanonga; Niyatepi yuke ça nisunkapi yukan he? ehe ciqon.

20. Unkan itancan hecen unkeniciyapi; Han ate unyanpi kin wanna wicarınca, qa cihintku cistina kin wicarınca ehan tonpi kin he kici yanka, qa cin-cu kici hunku wanjidan qon he ta hecen ixnana okaptapi, unkan atkuku cantekiya ce, unkeyapi.

21. Unkan Nisunkapi kin makaupo, wanmdake kta ce, hokxidan nitawa kin, ewicaya-kiye ciqon.

22. Unkan, Itancan hokxidan kin atkuku kin erpeye kte cin okitpani, he atkuku erpeya u kinhan, atkuku kin te kta ce, unkeniciyapi qon.

23. Unkan, Nisunkapi cistina kin he kici kun yaupi xni kinhan, ake miite kin icimana wandakapi kte xni, hokxidan nitawa unkeyakiyapi.

24. Unkan hokxidan nitawa kin ate unyanpi kin ekta itawan-kanhde unhdapi, qa he en token iyae cin owasin unkokiyakapi.

25. Unkan, Ake ekta yapi,

qa woyute onge opeunkicatonto, ate unyanpi kin eya.

26. Unkan, Sunka unyanpi cistina kin de ope cinhan unyanpi kta ce; tuka iye ope xni kinhan apamahde unyanpi kte cin unkokitpanipi. Sunka unyanpi hakakta kin kici unyanpi xni kinhan, wicaxta qon itohnake kin wanunyakapi kte xni ce, unkeyapi.

27. Unkan hokxidan nitawa ate unyanpi kin heunkiciyapi, Mitawin cinca nom nana miciton e sdoniyayapi.

28. Tuka uman kin mitan tanhan toki iyaye ça, Ehanqon yapotapi ce, epe ciqon ehantanhan wanwahdake xni.

29. Qa wanna de nakun mitan tanhan toki adapi kta, qa tahepi taku xice cin akiye cinhan pa maska iyokixica Hades ekta amayadapi kta ce, eya.

30. Unkan dehan kaketu kta ce. Nitahokxidan ate unyanpi kin ekta unhdapi, qa iye nagi kin hokxidan nagi kin en ihdaxke ça hokxidan kin ope xni kinhan;

31. Ate unyanpi kin hokxidan tanin xni kin wanhdake cinhan te kta. Hecen wowindag unyayapi kin hokxidan nitawa ate unyanpi kin pa ska kin iyokixica Hades ekta kun unkeyapi kta.

32. Hokxidan nitawa miye hokxidan kin ate wakida qa hewakiya; Niye cicihadi xni kinhan ate niye en wawartani ohinniyan kecanni kta ce, epa.

33. Unkan wanna ceciciye, hokxidan kin hee kiya den manke ça mayaduhe cin wowindag mayaye kta, qa hokxidan kin cinye wicaye cin om itawankanhde hde kta.

34. Hokxidan kin omicipe xni kinhan ate ekta itawankanhde wahde kte cin owakitpani. Taku xica ate ahinrpaye kte cin he wanmdake kte cin tawatenwaye xni, eya.

WICOWOYAKE 45.

1. Hehan Josep tona en nanjinpi kin owasin wicitokam ihduhe kta okihi xni, qa panyanhan hewicakiya, Wicaxta owasin mitokapa tanhan tankan iyayapo. Hecen Josep hunka wanjin wicaye cin en sdonye içiye çehan, tuwedan kici yanke xni.

2. Hehan Josep hotaninyan ceya. Unkan Egupton he naronpi, Paro tiyohnaka tawa kin nakun naronpi.

3. Unkan Josep hunka wanjin wicaye cin hewicakiya, Josep he miye ce, Ate naharin ni he? eya tuka cincu itokapa tanhan yuxinyayapi qa ayuptapi kte cin okitpanipi.

4. Unkan, Ihopo, mitan kiyedan upo, Josep hunka wanjin wicaye cin, ewicakiya. Unkan kiyadan hinajinpi. Unkan, Josep nisunka Egupton ekta wiyopeyayapi qon he miye ee.

5. Qa dehan wiyopemayayapi kin on iyokixin içiyapi xnipo, qa icanniye kiciyapi xnipo. Wanikiye makage kta e Wakan-tanka u makiya ee.

6. Wanna waniyetu nonpa wicaakiran maka kin ohna, qa tokata waniyetu zaptan yumdupi kte xni, qa woksapi kte xni ee.

7. Taku maka akan ecicihnakapi qa taku iyotan terika etanhan ni ciyapi kta e Wakantanka nitokam u makiya ee.

8. Wanna deci u makiyapi kin he niyepi ee xni. Wakan-tanka hee *hecon* qa, Paro ate maye ça tiyohnaka tawa kin owasin itancan makiyapi, qa E-gupta makoce kin owancaya wowindag wicawaye kta e emahde.

9. Inarnipo, qa ate ekta itawankanhde hdapi, qa heciyapo; Nicinkxi Josep hecen eya; Wakantanka Egupta owasin yuhe makiya ee. Iho kun en mahi qa yuoranko wo.

10. Kinhan Goxen en ounyaye ça mitan kiyedan yaun kta ee. Niye nicinca qa nicinca

cinea wicayapi, tarin wanuyanpi nitawa, pte nitawa ko, qā taku duhe cin owasin;

11. Kinhan wo ciçu kta; naharin tokata waniyetu zaptan wicaakiran kte cin heon, yau xni kinhan, okini niwarpanica kta nace niye yati ohnaka kin, qa taku nitawa ko owasin.

12. Ihopo niixtapi kin misunka Benjamin ixta kin nakun mii kin on ociciyakapi kin he wamayahdakapi.

13. Egupta en wowitan mduhe owasin, qa taku wandakapi ko owasin, ate okiyakapo, qa inarniyan ate deciya kun aupo.

14. *Heye* ça sunkaku Benjamin poskin yuze ça ceyā. Unkan Benjamin cincu tahu kin akan ceya.

15. Hehan hunka wanjin wicaye cin owasin iiwicaputake ça wicahduha ceya. Unkan cin-ye wicaye cin kici wohdakapi.

16. Wanna Josep hunka wanjin wicaye cin hipi ee, eya oya-kapi kin, Paro tiyohnaka tawa kin naronpi, qa Paro ookiye wicaye cin ko he waxte dakapi.

17. Qa Paro Josep heciya, Hunka wanjin wicayaye cin hecen ewicakiya wo. Kaken econpo; wanuyanpi duhapi kin qin wicakiyapi, qa Kanan makoce kin ekta hdapo.

18. Qa niyatepi tiyohnaka ni-

tawapi kin ko owasin, icupi qa en maupo; kinhan Egiypta makoce kin en taku waxte yuke cin ciçupi kta qa, taku iyotan waxte makoce aicage cin yutapo.

19. Qa niye hecen econ nixipi. Nitaxicecapi nitawinpi ko on, Egiypta makoce kin etanhan canpahmihma yuha hdapi, qa hena niyatepi kin kici hduhaupo.

20. Tuka warpaye duhapi kin he awacinpi xnipo. Taku waxte Egiypta makoce ohnaka kin owasin nitawapi kta ce.

21. Unkan Israel cinca kin ecen econpi, qa Josep canpahmihma wicaqu, Paro eya econ xi qon iyecen, waneya tahepi yutapi kta nakun wicaqu.

22. Qa owasin wokoyake iyo-hi wicaqu, tuka Benjamin maza ska opawinge yamni qu, qa wokoyake owasin zaptanptan nakun.

23. Qa xuktanka xonxonna wikcemna taku Egiypta aicage cin qin wicakiya, qa nakun xuktanka xonxonna wiye wikcemna wamnaheza, qa aguyapi xpan, woyute atkuku waneya yuhe kte cin qin wicakiye ça, hena owasin atkuku kin en ahde wicaxi.

24. Qa hunka wanjin wicaye cin kihde wicaxi qa, Ihunhan ta-

hepi taku ayakinicapi kin, ewicakiya. Unkan hdapi.

25. Egiypta makoce kin etanhan itawankannde hdapi, qa Kanan makoce kin ate yapi Jakob yanke cin ekta kipi.

26. Qa heciyapi, Josep naharin ni, qa Egiypta makoce kin owasin yuha ce, eyapi. Unkan ceçonwicahda qa wacin hnuni.

27. Hehan Josep oie ewicakiye cin owasin okiyakapi qa canpahmihma ohna iye ihdaka ye kta e Josep ahde wicaxi qon hena wanyake çehan Jakob ate yapi cante kin kimdeza.

28. Qa Israel heya, Iho he-nana Josep micinkxi naharin ni. Maçe xni wanhdag mde kta ce.

WICOWOYAKE 46.

1. Hehan Israel ihdaka, iye taku tawa ko owasin, qa Berxeba en hi qa, atkuku Izak taWakantanka kin en woxnapi wakiyuxna.

2. Unkan Wakantanka han-yetu wowanyake wan en Israel heciya, Jakob, Jakob, eya. Unkan, De miye ce, eya.

3. Unkan, El niyate taWakantanka kin he miye. Egiypta en de kte cin ikope xni wo. Hen oyate tanka icar ciciye kta ce.

4. Miye Egipta ekta ciyahna kun mde ça ake acihdi kta, qa Josep nape kin niixta kin akan aniputake kta ce, eya.

5. Unkan Jakob Berxeba etanhan inajin. Unkan Israel cinkxi wicaye cin taxicecapi, qa tawicupi, qa Jakob ate yapi kin, hena kiya canpahmihma Jakob aupi kta e Paro wicaqu qon, hena ohna yuha yapi.

6. Qa tawanuyanpi, qa tawarpayapi, taku Kanan makoce kin en tonpi kin ikikcupi qa Egipta ekta ihdaka ipi. Jakob taku tawa ko owasin;

7. Cinkxi wicaye cin, qa sanpa cincapi, cunkxi wicaye cin qa cihintku cunkxi wicayapi kin, taku tawa ko owasin, Jakob om Egipta ekta ipi.

8. Israel cinca kin Egipta en ipi qon, decen ewicakiyapi, Jakob qa iye cinca, Jakob cihintku tokapa kin Ruben ecayapi.

9. Qa Quben cinkxi wicaye cin Canok, qa Palu, qa Cezron, qa Karmi.

10. Unkan, Ximeyon cinkxi wicaye cin; Jemuel, qa Jamin, qa Ohad, qa Jakin, qa Zohar, qa Xaul, he Kanani winorinca wan ton.

11. Unkan Lewi cinkxi wicaye cin Gerzon, qa Qehat, qa Merari.

12. Unkan Juda cinkxi wica-

ye cin Er, qa Onan, qa Xela, qa Perez, qa Zera; tuka Er Onan kici Kanan makoce kin en tapi; qa Perez cinkxi wicaye cin Cezron, qa Camul.

13. Unkan Isakar cinkxi wicaye cin Tola, qa Puwa, qa Job, qa Ximron.

14. Unkan Zebulon cinkxi wicaye cin Sered, qa Elon, qa Jalel.

15. Hena Leha cinkxi wicaye ça Jakob kiciton, Aram Mdaye kin hen, cunwintku Dina nakun, cinca wica winyan ko wicanagi owasin wikcemna yamni sanpa yamni.

16. Gad cinkxi wicaye cin Zipeyon, qa Cagi, qa Xuni, qa Ezebon, Eri, qa Arodi, qa Areli.

17. Unkan Axer cinkxi wicaye cin Jimma, qa Jixwa, qa Jixwi, qa Beriya, qa Sera tawinortinpi. Unkan Beriya cinkxi wicaye cin Ceber, qa Malkiyel.

18. Hena Zilpa, Laban iye cunwintku Leha qu qon, cinkxi wicaya. Hena Zilpa Jakob kiciton wicanagi ake xakpe.

19. Racel Jakob tawicu kin cinkxi wicaye cin Josep, qa Benjamin.

20. Unkan Josep cinkxi wicaye cin Manaxe, qa Erpaim, hena Asenat, Potipera On oton-

we kin en woxnapî kage cin he cunwintku, Egiypta makoce kin en Josep kiciton.

21. Unkan Benjamin cinkxi wicaye cin, Bela, qa Bered, qa Axbel, Gera, qa Naaman, Eri, qa Rox, Mupim, qa Cupim, qa Ared.

22. Hena Racel cinkxi wicaye qa Jakob kiciton, wicanagi owasin ake topa.

23. Unkan Dan cinkxi wicaye cin Cuxim.

24. Unkan Neptali cinkxi wicaye cin Jacezel, qa Guni, qa Jezer, qa Xilem.

25. Bilha, he Laban iye cunwintku Racel qu qon, hena Jakob kiciton, wicanagi cinkxi wicaye cin owasin xakowin.

26. Wicanagi Jakob ceca kin etanhan inanpapi, (Jakob cinea tawicupi kin hena yawapi xni) Jakob kici Egiypta ekta ipi kin wicanagi owasin wikcemna xakpe sanpa xakpe.

27. Unkan Josep cinkxi wicaye cin Egiypta en kicitonpi kin, wicanagi nonpa. Jakob wicowazi Egiypta en hi qon, wicanagi kin owasin wikcemna xakowin.

28. Wanna Jakob Juda tokata ye xi, Josep en, Goxen etu itkokim u kte cin heon. Unkan Goxen makoce kin en hipi.

29. Unkan Josep *xuktanka* canpahmihma koyag wicakiye qa atkuku Israel itkokipe kta e Goxen etu i, qa wanhdake qa poskin hduze qa tahu akan tehan ceya.

30. Unkan Israel Josep heciya, Naharin yani kin, nitohnake kin he wanciyaka, heon dehan mağa exta terike kte xni.

31. Unkan Josep cinye wicaye cin, qa atkuku tiyohnaka tawa kin owasin hewicakiya; Wahde qa Paro owakimdake kta, Hunka wanjin wicawaye cin, qa ate tiyohnaka tawa kin Kanan makoce kin en unpi qon, wanna en mahipi.

32. Qa wicaxta kin wanuyanpi wiran wicakiyapi kin hecapi, wicaxta wanuyanpi yuha unpi kin ix hecapi, qa tarinea pte ko, qa taku tawapi kin owasin awicahipi.

33. Hecen tohan Paro nicopi, qa winiwangapi qa, Wicortani tukte wanji opiniçiya he? eye cinhan.

34. Hehan kaken ehapi kta ce, Hokxidan unyaduhapi kin, wanuyanpi awanwicunyakapi ece; unkix uncistinpidan ehan tanhan heuncapi, qa hunkake wicunyapi kin hecen opiiçiyapi ece, ehapi kta; hecinhan Goxen en idotankapi kta. Tona wanuyanpi wiran wicakiyapi kin

hena owasin Egupton warte wicadapi xni.

WICOWOYAKE 47.

1. Hehan Josep hde ça Paro okiyake ça, Ate hunka wanjin wicawaye cin, qa tarinca tawapi, pte tawapi ko, qa taku tawapi owasin, Kanan makoce kin etanhan upi, qa wanna Goxen makoce kin en ahi tipi, eya.

2. Qa hunka wanjin wicaye cin etanhan wicaxta zaptan icu, qa Paro itokam ewicahde.

3. Unkan, Wicortani tukte wanji opiniçiyapi he? Paro Josep hunka wanjin wicaye cin ewicakiya. Unkan, Hokxidan nitawa wanuyanpi wiran wicunkiyapi, unkix hunkake wicunyanpi koya, Paro eciyapi.

4. Qa, Makoce kin en ounyanpi kta e unhipi ce, Kanan makoce kin heciya wicaakiran wanna terika; wanuyanpi unhipi ko takudan yutapi xni, peji wanica; heon ceunniciyapi Goxen makoce kin en hokxidan nitawa unkiyotankapi kte, Paro eciyapi.

5. Unkan Paro Josep heciya, Wanna niyate qa hunka wanjin wicayaye cin niye en hipi;

6. Egüpta makoce kin owasin nitokam wanka. Makoce kin tukte iyotan waxte kin, hen ni-

yate hunka wanjin wicayaye cin ko iyotanke wicakiya wo. Goxen makoce kin he en iyotankapi kte ça, wanjikxi minihēcapi sdonwicayaya hecinhan, hena wanuyanpi mitawa kin awanyag wicakiya wo.

7. Unkan Josep iye atkuku Jakob u kiye ça Paro itokam ehde. Unkan Jakob Paro yawaxte.

8. Unkan, Waniyetu anpetu tona yani he? Paro Jakob eciya.

9. Unkan, Waniyetu anpetu ihdaka wani kin hena waniyetu opawinge sanpa wikcemna yamni. Waniyetu anpetu wani kin hena tonana qa xikxicapi. Hunkake wicawaye cin waniyetu anpetu ihdaka nipi qon iyehan wani xni ce; Jakob Paro eciya.

10. Hehan Jakob Paro yawaxte, qa Paro itokapa tanhan kinanpa.

11. Unkan Josep atkuku hunka wanjitku ko, makoce tukte iyotan waxte kin, Rameses makoce kin he en, iyotang wicaxi, qa Egüpta makoce kin en mąga wicaqu, Paro hecen econ xi qon, ecen *yuxtan*.

12. Qa Josep atkuku, hunka wanjin wicaye cin, qa atkuku wicowazi kin owasin, taku yutapi wicaqu, taxiceca iyacinyan aguyapi wicaqu.

13. Unkan wicaakiran kin iyotan terika aye cin, heon makoce kin owancaya aguyapi wanica. Wicaakiran kin on Egipta makoce, Kanan makoce ko, awihnnuni aya.

14. Unkan aguyapi opetonpi kin he Josep wiyopeye cin, hecen maza ska taku Egipta makoce kin en iyeyapi, Kanan makoce en nakun maza ska iyeyapi kin owasin, Josep kamna, qa maza ska kin Paro ti kin en ahiju.

15. Unkan wanna Egipta makoce kin etanhan, Kanan makoce kin etanhan ko, maza ska kin wanna henakeca, hehan Egipton Josep en ahi qa, Aguyapi unqupo. Tokeca e nitokam untapi kta he? Ecin maza ska wanna unnicapi kin, eciyapi.

16. Unkan, Wanuyanpi duhapi kin maqupo. Maza ska ninicapi kinhan, nitawanuyanpi kin on aguyapi ciçupi kta ce, Josep eya.

17. Unkan tawanuyanpi kin Josep en ahipi; xuktanka, tarinca, pte, qa xuktanka xonxonna, henakiya on, waniyetu kin he aguyapi wicaqu.

18. Waniyetu kin he wanna ihunipi, qa waniyetu iyokihe ake Josep en hipi qa, Itancan anaunkirmapi kte xni, maza ska wanna ecaca wanice ça woteca

wanuyanpi *owasin* itancan duha. Unyuhapi kin itokam takudan unkohdaptapi xni, tancan mágá kici ehake hecehna unhapi.

19. Tokeca awiunhnunpi kin wandake kta; unkiye, mágá unhapi ko owasin he? Opeuntanpo unkiye unkitamágapi koya. Aguyapi unyaqupi kinhan Paro wowindag unyanpi kta, unkix mágá unhapi ko *owasin*. Taku unkojupi kta nakun unqupo; kinhan unnipi qa untapi kte xni qa unkitamágapi kin rewoskan wanke kte xni.

20. Hecen Egipton wicaakiran kin on iyotan iyekiyapi, qa wicaxta otioyohi owasin tamágapi kin wiyopekiyapi; unkan Josep Egipta makoce kin owasin Paro opekiciton, qa Paro makoce kin owasin tawa ya.

21. Qa oyate kin he Egipta makoce ihanke kin anokatanhan otonwe tokeca ohna iyotang wicakiya.

22. Woxnapi kagapi kin he nana tamágapi kin wiyopeyapi xni ece. Woxnapi kagapi kin taku yutapi onge Paro wicaqu eca, qa taku Paro wicaqu kin he yutapi, heon tamágapi kin opeton xni.

23. Qa Josep oyate kin he wicakiya, Ihopo nakaha opecitonpi niyepi nitamágapi ko, Paro

tawa niyanpi kta. Wanyakapo de oyajupi kta, maka kin en wo-yajupi kta.

24. Qa kaketu kta, tohan taku aicaga eca, owasin idutapi qa iyutapi tomtom yahduhapi kta, hetanhan ake mága kin wo-yajupi qa he yatapi kta, niye, nitaxicecapi qa tona yatipi kin ohna yakonpi kin hena *owasin* he yutapi kta; tuka iyutapi izaptanptan kin owasin Paro yaqupi kta ce, eya.

25. Unkan, Itancan ni unyayapi iyounnicipipi kte; hecen Paro wowindag unyanpi kta.

26. Unkan wicoope kin de Josep ope wicakiya, qa anpe dehan hececa, Egiypta makece kin en wiyutapi izaptanptan kin Paro tawa ya. Woxnapi kagapi tamágapi kin henana hecapi xni, henana Paro tawa ye xni.

27. Unkan Israel Egiypta makece kin ohna, Goxen makece kin en iyotanke ça, mága yuhapi qa icagapi qa nina ihduotapi.

28. Qa Jakob Egiypta makece kin en waniyetu ake xakowin ni, hecen Jakob anpetu tawa kin waniyetu ni un kin, waniyetu opawinge sanpa wikcemna topa sanpa xakowin henakeca.

29. Qa anpetu en Israel te kte cin he wanna axkadan, hehan cihintku Josep kico qa, Ce-

eiciya iyocicipi kinhan ninape miececa kin ihukuya kiyugata wo; kinhan wowaonxida wowicake ko ecamiyecon, qa Egiypta makece kin en mayahnake kte xni;

30. Tuka Egiypta makece kin etanhan amayade ça, ate wicawaye cin ohnahnakapi kin ohna mayahnake kta; hecen hena om imunke kta ce, eciya. Unkan, Mix token ehe cin ecen ecamon kta ce, eya.

31. Unkan Wakantanka cajeyate ça emakiya wo, eya. Unkan Wakantanka cajeyate ça eciya. Unkan Israel can sagye ipa kin akan pamahdedan wocekiye eya.

WICOWOYAKE 48.

1. Unkan hena owasin iyohakam hehan, Iho niyate wayazanka ce, Josep eciyapi, qa cihintku napin Manaxe Erpaim kici hduha ekta i.

2. Unkan Jakob okiyakapi, nicinkxi Josep niye en u ce, eyapi. Unkan Israel wakixag içiye ça owinja kin akan iyotanka.

3. Qa, El Iyotan waxake cin Kanan makece kin hëciya Luz ekta miye en ihdutanin, qa mayawaxte,

4. Qa hemakiya, Miye wawi-

carye cicage, yuota ciciye ça, oyate obe ota cicage ça makoce kin de nakun ciçu kta, nicinca nihakam upi kte cin owihanke-xniyan tawapi kta ce, emakiya.

5. Qa wanna nicinca nonpa, Egupta makoce kin en nicitonpi, Egupta ekta niye en cihi xni kin itokam, Erpaim Manaxe kici, hena mitawa ce, Ruben Ximeyon kici iyecen, tawa wicawaye kta ce.

6. Qa taku nitawa kin hena iyohakam nicitonpi kte cin hena nitawapi kta, tuka cinye wicayapi kin eciyatanhan, makoce tawapi kin en cax wicatonpi kta.

7. Miye Aram Mdaye kin etanhan wau qon, hehan Racel makiça, Kanan makoce kin en, canku ohna Erpata etanhan makoce iyutapi kin wanjidan, qa hëciya owehnaka Erpata, Betlehem eyapi kin hee, canku kin ikiyedani, eya.

8. Hehan Israel Josep cinkxi wicaye cin wanwicahdake ça, Dena tuwepi he? Jakob Josep eciya.

9. Unkan Wakantanka cinca deciya maqu kin dena eepi, Josep atkuku kin eciya. Unkan, Ceciciya ce, napin makau wo, wicawahdawaxte kta ce, eya.

10. Wanna Israel wicarinca heca on ixta gonga, wanyaka

okitpani. Unkan en awicahi, unkan poskin wicahduze ça i iwicaputaka.

11. Israel Josep heciya, Niite kin eqex wanwahdake kte cin epce xni, unkan wanna icar wicayaye cin hena, Wakantanka wanwicahdag mayan.

12. Unkan Josep hupahu kin etanhan inanpe wicaye ça, ite kin maka kin etkiya patuja.

13. Qa napin wicahduza, Erpaim Josep nape etapa kin en, Israel catka kin ektakiya, qa Manaxe iye nape catka kin en, Israel etapa kin ektakiya; hecen atkuku kin en awicai.

14. Unkan Israel kiyugate ça nape etapa kin Erpaim pa kin aputaka, he hakakta tuka qa nape catka kin Manaxe pa kin akan he tokapa tuka nape yukcanyan ye kiya.

15. Qa Josep yawaxte qa heya, Wakantanka ate wicawaye Abereyam Izak kici itokam manipi qon; he Wakantanka matonpi kin ehantanhan anpe dehanyan won mayan kin;

16. Ohnihde un kin taku xica owasin etanhan opemakiton kin he, hokxipidan kin wicayawaxte kte, micajeyan qa ate wicawaye cin Abereyam Izak kici icajeyan ewicakiyapi, qa maka kin ohna nina ihduotapi kte, eya.

17. Unkan atkuku nape etapa

kin Erpaim pa kin aputake cin he Josep wanyake ça, xice dake ça atkuku nape kin yuze ça, Erpaim pa kin etanhan Manaxe pa kin etkiya ye kiye kta tuka;

18. Qa Hecetu xni ate, de tokapa kin ee. Iye pa kin nape enitapa kin on aputake wo, Josep atkuku kin eciya.

19. Unkan sdonwaya. Micinkxi sdonwaya ce. He nakun oyate kta qa he tanka kta, qeyax sunkaku iyotan tanka kta qa cinca wicaye kte cin oyate ota kta ce.

20. Eye ça anpetu kin hehan wicayawaxte qa, Nicajeyan Israel ihdawaxtepi qa, Wakantanka Erpaim qa Manaxe iyecen icar niyan nunwe, eyapi kta ce, eya. Hecen Erpaim Manaxe itokam cajeyata.

21. Hehan Israel Josep heciya, Anagoptan wo. Miye maɛe kta, tuka Wakantanka nicicapi, qa ate wicayayapi tamakocepi kin ekta anihdapi kta.

22. Qa miye makoce onxpa, Amori nape kin etanhan mitacanrpi mitinazipe kin iyahna on iwacu qon, he hunka wanjin wicayaye cin iyakapa ciɕu, eciya.

WICOWOYAKE 49.

1. Qa Jakob cinkxi wicaye cin wicakico qa heya, Mniciya-

po, tokata anpetu yeye cin token nihiyahdepi kte cin ociciyakapi kta.

2. Jakob cinkxi wicaye cin witaya upi qa anagoptanpo. Israel niyatepi kin he anakicigoptanpo.

3. Ruben micinkxi tokapa kin he niye mitowaxake mitowookihi tokaheya kin iyotan wicimdeza iyotan suta.

4. Mini iyecen nihduhepicanxi heon initancan kte xni. Niyate ohehde kin ayadi qa hehan mitowinja kin duxapa ce.

5. Ximeyon Lewi kiei hunka wanjin kiciyapi. Tacanrpi kin wipe wicakis'a kin heepi.

6. Canteptanyanpi qehan wicaxta wan ktepi, qa iyokipi içiyapi kta e oinatake wan oqapi; heon wohdakapi kin en minagi kin ye kte xni, qa omniciye tawapi kin en wowitan mitawa un xni nunwe.

7. Wicocanniye tawapi kin yaxicapi nunwe, waditake cin, towaraniɕidapi kin he nakun, wohitika ce; Jakob en yukinukan wicawakiye ça Israel ohna yuomden iyaye wicawakiye kta.

8. Juda niye hunka wanjin wicayaye cin niyatanpi kta. Ninyape kin toka niyanpi tahu kin akan niyate cinkxi wicaye cin nitokam patujapi kta.

9. Mnaja cincadan wan Juda heca. Wicayapotapi kin etanhan micinkxi nayajin. Mnaja iye-cen canpexka makehde wanka, qa mnaja wiye wan iyecen, tuwe he parice kta he?

10. Juda etanhan maza sagye yutokanpi kte xni, tuka cadotahedan wicaxta yatapi yuke kta, Xilo hi kin behanyan, qa iye en oyate kin mniciyapi kta.

11. Taxunke xonxonna hastanhanka iyuwi kin en iyakaxkahan, qa taxunke xonxonna cinca kin hastanhanka waxte rinca iyuwi kin ekta, taonrdorda kin mini xa on hdujaja kta qa taxina hastanhanka we kin on.

12. Ixta kin mini xa on xa kte ça hi kin pte asanpi on ska kta.

13. Zebulon miniwanca huta kin en ti qa iye en wita wata oihuni kta, qa Zidon *otonwe* kin behanyan yuhe kta.

14. Isakar xuktanka xonxon-na waxake cin heca wan, conkaxke nom otahedan makan wanka.

15. Okirpapi kin he waxte kin qa makoce kin wiciyokipi kin he wanyake ça qin kta e tarpa kin qu, hecen wayaka wicortani kin eeon.

16. Dan Israel wicoun wan iyecen taoyate kin wicayaco kta.

17. Wamduxka wan canku tukte ohna yapi kte cin ohna naiçirbe ça xuktanka siyete kin yartaka on tuwe akan 'yotanke cin itunkam hinrpaye kta Dan hecece kta.

18. Jehowa woyuxke nitawa kin awape.

19. Ozuye wan Gad azuye kta, tukta ihakam iye azuwicaye kta.

20. Axertaaguyapi kin waxte qa wicaxta yatapi woyute wiciyokipi kin wicaqu kta

21. Neptali tamdoka kiyuxkapi kin heca iapi wicimdeza ia.

22. Josep adetka waicarya ece, adetka waicarya mini rdoka icahda, taadetka kin conkaxke iyadipi.

23. Wanhinkpe yuhapi kin hena iyaonpapi qa kigepi qa xicaya kuwapi.

24. Tuka tinazipe kin sutaya han, Jakob waxag ye cin towaxake kin eciya tanhan nape isto kin yuwaxakapi ce. Heciya tanhan Israel taimnija *qa* wo wicaqu kin hee;

25. Niyate Taku wakan da kin eciya tanhan. Iye oniciye ça Iyotan waxake cin iye niya-waxte kta, marpiya wankan tanhan wowaxte kin, oxbe kin ihukuya wanke cin wowaxte kin, aze tezi ko wowaxte kin niçu kte.

26. Niyate wicayawaxte kin he wawokihika, re ohinniyan he cin isanpa. Paha owihanke wanice cin taku wiciyokipi aicage cin he Josep pa kin en, tuwe hunka wanjin wicaye cin etanhan yukinukanpi qon, pesdete kin en unpi kte.

27. Benjamin xunktokeca yates'a heca anpao kte cin hehanyan yute kta ece; rlayetu eca wawicaki kin pamni kta.

28. Israel wicoun ake nonpa kin hena owasin heepi, qa hecen ate yapi kin ewicakiye ça wicahdawaxte, otoiyo hi towaxte kin iyecen wicayawaxte.

29. Qa hecen wahokonwicakiya, Mix oyate mitawa kin en ópe mayanpi kta, ate wicawaye cin om emahnakapo, imnija ordoka maga wan Erpon Ceti kin tawa qon en un kin, he en.

30. Kanan makoce kin etu, Mamore itokam, Makpela mága kin en imnija ordoka wanke cin he ohna. Abereyam wicaxta ohnahnakapi kte cin he tawa kta emaga kin he Erpon Ceti kin he opekicaton.

31. Hen Abereyam tawicu Sara kici wicahnakapi, hen Izak tawicu Rebeka kici wicahnakapi, qa hen mix Leha wehnaka.

32. Mága kin he imnija ordoka ohna wanke cin ko, Cet

cinca wicaye cin opewicakicaton qon, ewicakiya.

33. Hecen Jakob cinkxi wicaye cin wahokonwicakiye cin ayaxtan qehan, siha kin ohehdepi kin en ehdaku qa ça; unkan taoyate kin ekta ókipe yapi.

WICOWOYAKE 50.

1. Hehan Josep atkuku ite kin akan erpeiçiye ça i iputake ça ceya.

2. Qa Josep taokiye peji huta wicaxtapi kin atkuku yurwin xni waxtemna ye wicaxi. Unkan peji huta wicaxta kin Israel waxtemna yanpi; Anpetu wikcemna tom hecakiconpi.

3. Tona yurwin xni waxtemna yanpi eca hehanyan yuxtanpi ece. Unkan Egupton anpetu wikcemna xakowin Jakob aceyapi.

4. Anpetu hena aceyapi kin wanna iyokiptapi, hehan Josep Paro tiyohnaka tawa kin hewi-eakiya, Wanna waxte mayadapike cinhan *miye makapi qa* Paro itokam hecen eyapo.

5. Ate hecen emakiya, Iho mix wanna maçe kta ce. Kanan makocé kin héciya ohnahnakapi wan miçiçe cin he ohna mahnakawo, eye ça Wakantanka caje-yate maxi. Unkan tokin wanna itawankanhdé mde ça ate wehnaken, kinhan wahdi kta.

6. Unkan Paro ayupte ça, Itawankanhde ye ça niyate kihnaka wo, konza eye nixi qon iyecen.

7. Unkan Josep atkuku kihnake kta e itawankanhde ye ça Paro taokiye kin owasin opapi, tiyohna hunka wicayapi, qa Egupta makece kin hunka wicayapi ko owasin.

8. Qa Josep tiyohnaka tawa, qa hunka wanjin wicaye cin atkuku tiyohnaka tawa owasin; taxiceca qa tarinca, pte ko yuhapi kin henana Goxen makece kin en kihnakapi.

9. Canpahmihma qa wicaxta xuktanka akan 'yotankapi ko opapi, hecen oxpaye tanka rinca.

10. Unkan Atad tahocoka kin ekta ipi he Jordan akasanpa wanka, qa héciya woceye tanka anpetu xakowin atkuku kin nina aceyapi.

11. Unkan makece wojutipi kin Kanani hena Atad tahocoka ohna ceyapi kin he wanyakapi qa, Egupton de nina ceyapi ce, eyapi; heon oyanke kin he Egupton oceyapi kin eciyapi he Jordan akasanpa wanka.

12. Hecen cinkxi wicaye cin token econ wicaxi qon, ecen ecakiconpi.

13. Qa cinkxi wicaye cin, hena Kanan makece kin ekta hduha yapi, qa Makpela maga

kin en innija ordoka wanke cin he ohna kihnakapi; Mamore itokam; maga kin he Abereyam Erpon Ceti kin etanhan opekitaton wicaxta ohnahnakapi tawa kta e hecon.

14. Unkan Josep Eguptaekta hda, atkuku hnakapi kin iyohakam; iye hunka wanjin wicaye cin, qa tona iye om atkuku hnakapi kta e itawankanhde yapi qon owasin.

15. Unkan Josep cinye wicaye cin ate yapi kin te cin, heon wikopapi qa heyapi, Okini Josep xicaya unkuwapi qa iye en taku xica ecaunkiconpi qon ix owasin tokiçon kta.

16. Qa hecen Josep okiyag wicaxipi; Niyate te cin itokam hecen wahokonunkiyapi.

17. Josep kaken eyakiyapi kta, Tokin nicinye wartanipi kin wicayecicajujun. Xicaya ecankiconpi tuka niyate ta Wakantanka kin wowindag wicaye cin wartanipi qon kajujun; eya ce, eyapi. Unkan Josep wicoie okiyakapi kin on ceya.

18. Hehan Josep cinye wicaye cin iye en ipi, qa itokam erpeiçiyapi qa, Iho unyaduhapi ce, eciyapi.

19. Unkan, Ihnuhan ininihanpi kin. Mix Wakantanka hemaceca he?

20. Niyepi kin xicaya eca-

micon wacanipi, tuka Wakan-
tanka waxte kta e cin, oyate ota
ni wicaye kta anpe dehan iyecen
econ kin.

21. Heon nakaha inihanpi
xnipo. Mix wo ciçupi kta ni-
yepi nitaxicecapi ko ewicakiye
ça, hecen wicakihna qa canto-
wicahnaka.

22. Josep Egipta en ounyan;
iye atkuku tawicoun koya, qa
Josep waniyetu opawinge sanpa
wikcemna ni.

23. Qa Josep Erpaim cinca
takojatpaku, qa sanpa cinca wan-
wicahdake ça nakun Manaxe ci-
hintku Makir cinca kin hena
Josep xiyoto akan wicahtuha.

24. Hehan Josep hunka wan-

jin wicaye cin hewicakiya; Mix
maçe kta tuka Wakantanka ni-
yepi en nihipi kte ça, makoce
kin de etanhan itawankanhde ye
niyanpi kta; makoce wan Abe-
reyam Izak Jakob ko konza
ewicakiye cin he ekta.

25. Qa Josep Israel cinca kin
konza ewicakiya, Awicakehan
Wakantanka niyepi kin en nihi-
pi kta, qa mihu kin detanhan
ayahdapi kta ce, eya.

26. Hehan Josep ça iyaya.
Wanna waniyetu opawinge san-
pa wikcemna hehan. Unkan
iye *tancan* yurwin xni waxtemna
yanpi, qa Egipta makoce kin
en can ohna hnakapi wan ohna
hnakapi.

JEHOWA YATANPI KTE.

ODOWAN WAKAN.

PART OF THE PSALMS,

IN THE DAKOTA LANGUAGE;

Translated from the Hebrew,

BY STEPHEN R. RIGGS, A. M., AND MR. JOSEPH RENVILLE, SR.

PSAM 8.

Dawid tadowan.

1. Jehowa Itancan unkitawa-
pi kin maka kin owancaya nicaje
kin waxte; marpiya kin iwan-
kam nitowitan eyehde.

2. Hokxiyopa tona azinpi ko
hena ipi kin etanhan wootanin
yakaga; tona tóka niyanpi kin
hena on *hecanon*; hecen tóka
kin watokiçon sa ko okitpani
wicayaye kta.

3. Marpiya nitawa kin nina-
psukaza kage cin hena wanmda-
ka eca, hanyetu wi qa wicanrpi
eyahde kin *hena koya*;

4. Wicaxta kin he taku he,
hecen wacin en duze kta; qa
wicaxta cihintku kin, hecen
awanyahdaka he.

5. He marpiya ohnihde cin
kitanna ihukuya yakage ça wo-
witan wootanin kici watexdake
yecaton.

6. Qa taku ninape kage cin

hena yuhe yakiye ça siha kin
ihukuya taku owasin eyehnaka.

7. Tarinca qa tatanka, hena
owasin, woteca itu unpi kin
nakun;

8. Marpiya zitkadan qa mi-
niwanca hogan; qa taku mini-
wanca canku ye cin hena koya.

9. Jehowa Itancan unkitawa-
pi kin maka kin owancaya ni-
cage kin waxte rinca.

PSAM 9.

Dawid tadowan.

1. Jehowa micante owasin on
mdatan kta; nioran wowinihan
kin hena owasin omdake kta.

3. Niye en imduxkin qa pi-
wada kta; Iyotan Wankan un
kin nicaje kin icidowan kta.

3. Tóka mayanpi kin hekta
itoheya wicayuhomnipi kinhan
nitohnake kin on ricahanpi qa
yutakunipi kte xni.

4. Woyaco taku owotanna ko

okihi mayaye ça oiyyotanke kin akan yakidotanke ça owotanna wadaco.

5. Ikcewicaxta kin iyopewicayaye ça xicapi kin hena awihnuni wicayaye ça hena cajepi kin owihanke xni hehanyan yapaju.

6. T'oka tawipepi kin hena ocowasin owihanke yapi; Otonwe kin ihang wicaye cin hena wokiksuye kin atakuni xni iyaya.

7. Tuka Jehowa ohiniyan un kta; oiyyotanke tawa kin he woyaco on tanyan hduxtan.

8. Wicaxta maka ohnaka kin owotanna wicayaco kta, qa iye taoyate kin wowaxte kin en wicahduhe kta.

9. Tona iyokixicapi kin hena Jehowa wowinape yapi kta; cante xicapi icunhan he wowinape un kta.

10. Qa tona nicaje sdonyapi kin hena wacinniyanpi kta; qa tona anicitapi kin hena awicaduxtan xni ece.

11. Jehowa Ziyon en onnye cin he ahiyaya po; he oran kin oyate kin owicakiyaka po.

12. Tohan we on tokicon eca hena wicakiksuya; qa tona iyokixicapi hoyekiyapi kin he akiktonje xni ece.

13. Jehowa onximakida wo; tona canniye mayanpi kin iyokixin mayanpi kin he wanyaka

wo; wiconte tiyopa kin etanhan emayahdaku.

14. Heon etanhan Ziyon cunwintku tatiyopa kin en niyyatanpi kin ocowasin omdake kta; niwicayaye cin he en imduxkin kta.

15. Ikcewicaxta makordoka iye kagapi kin he en hinrpayapi qa mazartakiyapi iye eonpapi kin hena on siha kin wicayartakapi ece.

16. Jehowa woyaco econ kin he eciyyatanhan sdonyapi; tuka wicaxta xice cin iye nape oran ye cin on iyaihdxaka.

17. Wicaxta xicapi kin hades en iyorpe wicayapi kta; nakun oyate kin tona Wakantanka akiktonjapi kin hena owasin.

18. Tona warpaniyan un kin hena ohiniyan awicakiktonjapi kte xni, qa wicaxta iyokixicaapepi kin he ohiniyan yutakuni xni wanice kta.

19. Jehowa najin wo, wicaxta kin ohiye xni kiya wo; nitokam oyate kin wicayacopinunwe.

20. Jehowa inihan wicaya wo; hecen oyate kin iyepi kin wicaxta kin hecapi e sdonkiyapi kta.

PSAM 19.

Dawid tadowan.

1. Marpiya kin hena Watan-tanka towitan kin oyakapi qa

okotonyan kin he taku iye nape kin icar ye cin yaotanin ece.

2. Anpetu kin anpetu okiya, qa hanyetu kin hanyetu nakun woonspe okiyaka ece.

3. Iapi qa wicoie tukten hena ho kin naronpi xni kin wanica.

4. Hena yaotaninpi kin maka kin owancaya iyaye ça token iapi kin he maka ihanke kin hehanyan i. Hena ehna wakeya wan anpetu wi kin kicaga.

5. He hihna yanpi wan wankan tipi kin etanhan inanpe cin he iyececa, wicaxta waxake cin he iyecen inyankapi kin en iyuxkin.

6. Marpiya ihanke kin hena etanhan u qa ohomni ye ça he ihanke kin ekta ki ece, qa iyokatapi kin etanhan takudan anarbe xni.

7. Jehowa toope kin ecedan un qa wicanagi kin yuecetu; Jehowa yaotanin kin he wicaka, tona wacinton xni kin hena ksam wicaya ece.

8. Jehowa tawoonspe kin he owotanna, wicacante kin iyuxkin kiya; Jehowa tawoahope kin he wakaxote xni un qa wixixa kin iyoyam ya ece.

9. Jehowa wokokipe kin he wayuska qa owihanke wanicekta; Jehowa woyaco tawa kin he wowicake qa ocowasin owotanna.

10. Hena e maza ska zi sam iyeya iyokipi qa maza ska zi ecedan kin isanpa yawapi, qa turmaga canhanpi kin sam iyeya skuya, turmaga canhanpi xbu kin hee.

11. Qa hena on nitaokiye kin wahokonkiyapi; hena opapi kin en iyunwin ota.

12. Tuwe wartani kin hdukean okihi he. Taku xica sdonye xni ecamon kin hena makipakinta wo.

13. Waraniçidapi kin etanhan nitaokiye kin tinsa mayuha wo. Hena mayuhe xni kiya wo. Hecen owotanna waun qa woartani tanka kin mahiyohi kte xni.

14. Mii oie kin qa mica nte tawacin kin hena Jehowa niixta kin en iyonicipi nunwe. Imnija qa Wanikiya mitawa kin he niye.

PSAM 22.

Dawid tadowan.

1. Wakantanka Wakantanka mitawa taku on iyamayakta xni he, woehdaku mitawa qa wicoie inimihinciye cin en mitehanyan iyeniçiye.

2. Anpetu icunhan homatanin tuka Wakantanka mitawa amayadupte xni; hanyetu kex ozimiçiye xni.

3. Heca tuka niwakan qa

Israel oyate he en wicacokaya sin yupxunpxunpi; micante kin
ounyaye, niyatanpi qa inido-
wanpi. turmaga ihdi iyececa, cuwi ma-
hen skan mayanpi.

4. Hunkake wicunyanpi kin 15. Iwani qon he maka xpan
wacinniyanpi; qa wacinniyanpi
kin heon ewicayahdaku. yanpi iyecen mapuza, miceji kin
caka ekta iyamapuspa; qa wa-
tuxekxeca wiconte ekta emaya-
hnaka.

5. Hoyeniciyapi qa ewicaya-
hdaku; wacinniyanpi qa wixte-
capi xni. 16. Xunka aohdute mayanpi,
wicaxta ocin xice omniciye wan
ahocoka mayanpi; minape misi-
ha ko mapardokapi.

6. Tuka wicaxta kin miye
hemaca xni, wamdudan hemaca;
wicaxta kin wowakipajin yapi
qa oyate kin wowirara yapi. 17. Mihü kin owasin wahda-
wa kta; iwanmayakapi qa opa-
martapi.

7. Tuwe wanmayake cin
owasin unmacapi; aikxin ma-
kiyapi qa pomnamna makiyapi. 18. Mitawokoyake kicipamni-
pi qa mitaohde oecona yanpi.

8. Jekowa en oziiçiya, wo-
cantiheye kin hee hecinhan
eihdaku qa niya nunwe. 19. Jehowa niye wowaxake
ciye, mitehanyan iyeiçiye xni
wo, kohanna omakiya wo.

9. Awicakehan ina tezi kin
etanhan imayacu; ina aze kin en
waun qehan awanmayahdaka. 20. Maza sagye etanhan ni-
yake emahdaku wo, qa iyotan
wada kin xunka nape kin etan-
han.

10. Matonpi qehan awanma-
yahdake kta e niye en emahna-
kapi; ina tezi kin mahen tanhan
mita Wakantanka waxaka he
niye. 21. Qa mnaja iocoka kin
etanhan emahdaku wo qa tinta
tatanka he kin etanhan ama-
yupta wo.

11. Wicowinihan kin miki-
yadan un tuka tuwedan omakiye
xni, mitehanyan un xni wo. 22. Nicaje kin mihunkawanji
owicawakiyake kta qa omniciye
eokata ciyatan kta.

12. Tatanka ota aohdute ma-
yanpi; tatanka waxakxakapi
Baxan etanhan aonamatakapi. 23. Tona Jehowa koyakipe
cin hena yatan wo qa Jakob ta-
wa cinca owasin yutan po, Israel
tawa cincapi owasin itonpa po.

13. Amaicapapi, mnaja waya-
pote ça hoyeye cin he iyececa. 24. Tuwe waxihda kex tohi-
ni iyakta xni qa irara xni qa

14. Mini iyecen kadus ma-
yanpi, qa mihu okihe kin owa-

itohnake kin ekicihdaku xni qa hoyekiya eca kicanpta ece.

25. Omniciye tanka en ciyatan kta, tona konicipe cin hena wakon kin he en awicawai kta.

26. Onxikiranpi kin he wotapi qa imnanpi kta; tona Jehowa akite cin hena yatanpi kte: nicantepi kin ohiniyan ni kta.

27. Maka owihanketa taku owasin içiksuye ça Jehowa en ihducetupi kta; oyate ecen wicowazi owasin nitokam canpexka makehde enajin kta.

28. Wicoxkanxkan kin he Jehowa tawa qa oyate owasin en aunye.

29. Maka akan wawokihi owasin wotapi qa itokam canpexka makehde inajinpi kta; tona makata yayapi kin hena itokam patujapi kta; qa nakun tuwe wiconi hduha okamnanpi okitpani exta.

30. Wicoicage wan okicipe kta; hena Jehowa cinca wicayawa kta.

31. Tohan hena econ kinhan upi qa toope kin he oyate naharin wicatonpi xni kin he en wooyake un kta.

PSAM 23.

Dawid tadowan.

1. Waawanhake mitawa kin Jehowa hee; takudan imakakije xni waun kta.

2. Peji toto wanke cin he en iwanke maye ça mini amdakedan kin icahda yus amayan.

3. Minagi kin hducetutu maye ça iye caje kin on canku owotanna kin omani makiya.

4. Qa nakun wiconte ohanzi kaksiza kin en mawani exta taku xice cin takudan ikowape kte xni; mici yaun qa cansakadan cansagye nitawa kin hena omakiyapi ece.

5. T'oka mayanpi kin hena wicitokam wahna wotapi wan wiyeya emiyecihnaka; wihdi on pa sdamayaya; wiyatke mitawa kin he iyatahde han.

6. Awicakehan tohan wani kin hehanyan wowaxte wowaxonxida ko miyahna u kta, qa anpetu hanskaska Jehowa ti kin en ounwaye kta.

PSAM 24.

David tadowan.

1. Maka kin de Jehowa tawa qa taku ohnaka ko; maka kin owancaya qa tona ohna tipi kin hena koya.

2. He miniwanca kin ahe kiye ça mini ota kin akan ehde.

3. Tuwe Jehowa paha kin kin ekta ye kta; qa tuwe oyanke wakan kin en iyahe kta he.

4. Tuwe nape kin ska qa cante kin ecedan; tuwe nagi kin itonxni kin ekta yuwankan iye-

içiye xni qa wohname kin en takudan eye xni kin hee kta.

5. He Jehowa eciyatanhan wowaxte icu kta; qa wiconi tawa Wakantanka kin he etanhan taku owotanna *qupi kta*.

6. Iye akitapi kin wicoicage kin hee; Jakob *ta Wakantanka* niite anicitapi kin hena eepi.

7. Tiyopa kin pa yuwankan ehdaku po; tiyopa ohiniyan un kin yuwankan iyeiçiya po; Wowitan Wicaxtayatapi kin tin hiyu kta ce.

8. Wowitan Wicaxtayatapi kin he tuwe he. Jehowa waxake ça waditaka; Jehowa ozuye en waditake rince cin hee.

9. Tiyopa kin pa yuwankan ehdaku po; tiyopa ohiniyan un kin yuwankan iyeiçiya po, Wowitan Wicaxtayatapi kin tin hiyu kta ce.

10. Wowitan Wicaxtayatapi kin de tuwe he. Jehowa Sabayot he Wowitan Wicaxtayatapi kin hee.

PSAM 25.

Dawid tadowan.

1. Jehowa minagi kin yuwankan niye en wahdomda.

2. Wakantanka mitawa niye en iyokipi miçiye ça wimaxtece xni nunwe; qa tóka mayanpi kin hiyohi mayanpi xni nunwe.

3. Han, tuwe kaxta anipe un

kin he wixtece xni nunwe; tona hecece xni kin hena owasin wixteca unpi kta.

4. Jehowa canku nitawa kin wanyag mayan wo, qa tukte en aitoheya yeye cin he sdonye mayan wo.

5. Wowicake nitawa omakiyake ça omani mayan wo; emahdaku kin he niye Wakantanka, anpetu ohiniyan acipe.

6. Niwaxte qa waonxiyada kin Jehowa kiksuya wo; ohiniyan heniceca.

7. Homakxidan qehan mioran xice ça wawartani kin hena kiksuye xni wo, nitowaonxida kin hee on miksuya wo wawacinkta duze cin hee ye Jehowa.

8. Jehowa owotanna qa waxte, he etanhan wicaxta wartani iyeye cin canku tukte e kae opapi kte cin he owicakiyake kta,

9. Warbayedan kin owotanna mani wicaye kta qa wowarbadan kin canku tawa kin owicakiyake kta.

10. Jehowa canku tawa kin owasin wowaxte qa wowicake, tona wicoun kin hduhe ça woyake ko hduhapi kin hena eepi.

11. Jehowa taku xica ecamon kin tanka tuka nicaje waxte kin on micicajuju wo.

12. Jehowa kokipe cin he wicaxta kin tuwe he; canku tukte karnige kte cin he okiyake kta.

13. Nagi kin woyuha ehna un kta qa cincapi kin maka kin airpewicayapi qa tawapi kta. wowitan Jehowa qu po, wowa-xake ko Jehowa qu po.

14. Jehowa woanarbe tawa kin he tona kokipeyahan un qa wicoun hduhe cin hena sdonye wicakiye kta. 2. Iye caje wowitan tawa kin Jehowa qu po; wokoyake wa-xtexte *unpi* qa Jehowa itokam canpexka makehde inajin po.

15. Ohiniyan miixta kin Jehowa ekta un waya; tuwe siha mahmunka exta he iye etanhan emahdaku kta. 3. Jehowa ho kin mini kin akan un. Wowitan Wakantan-ka kin wakinyan hoton kiya; Jehowa mini tanka kin akan un.

16. Nitohnake kin amayuho-mni wo, qa onximada wo, mix-nana waxinwahda ce. 4. Jehowa ho kin he waxaka; Jehowa ho kin wowinihanyan un.

17. Cante maxice cin ake ota qa iyotan iyewakiye, emahdaku wo. 5. Jehowa ho kin rante kin yawerwega; Lebanon rante kin hena Jehowa yawerwega.

18. Makakije ça xitkihde ma-ye cin he wanyaka wo, qa wa-wartani kin owasin micicajuju wo. 6. Qa ptejincadan iyecen na-psipsin wicaya; Lebanon qa Xi-riyon taeincadan iyecen *napsi-psin wicaya*.

19. Tóka mayanpi kin wan-wicayaka wo, otapi qa nina xice madapi. 7. Jehowa ho kin peta ide kin kakan ece.

20. Emahdaku qa minagi kin yuha un wo, qa wimaxtece xni nunwe; niye en mihdoya. 8. Jehowa ho kin he tinta kin yahuhuza; Qadex tinta kin he Jehowa yahuhuza.

21. Owotanna ocowasin ma-yakipatan nunwe, nixnana acipe qon heon. 9. Jehowa ho kin he tawiye-dan kin hokxiksuye wicaye ça contanka kin tancodan erpeya; wowitan tawa kin he tipi wakan kin ohna oyakapi ece.

22. Wakantanka Israel iyotan iyekiyapi kin owasin opewica-kicaton wo. 10. Minitan kin akan Jehowa iyotanka; Jehowa owihanke wa-nin Wicaxtayatapi iyotankehan yanka.

PSAM 29.

Dawid tadowan.

1. Taku wakan cihintkupi kin wowaxake wicaqu kta; Jehowa

taoyate kin wookiye on wica-
hduwaxte kta.

PSAM 31.

1. Jehowa niye en mihdoi,
qa wixteca wanin ohiniyan waun
nunwe; woope nitawa kin on
emahdaku wo.

2. Namaron qa orankoya ema-
hdaku wo, imnija suta mitawa
qa tipi wan hohoxniyan qa ona-
takapi micihe kta ohna iyona-
wape kte.

3. Imnija conkaxke mitawa
kin he niye; heon etanhan nicaje
kin on en amaye ça ehan amai
wo.

4. Narmana taku wan on
mahmunkapi tuka etanhan ema-
hdaku wo, wowaxake mitawa
kin he niye.

5. Mitoksape ninape kin en
owahnaka; opemayakiton Jeho-
wa Wakantanka he niye.

6. Wicahnayan ehna yakonpi
kin hena xice wicawadaka; tuka
miye qe Jehowa ecedan wacin-
waya.

7. Mihdumdeze ça wimdu-
xkin, nitowaxte kin en; waxi-
wahda kin he wandaka qa mina-
gi ekta iyomakixice cin he sdon-
yaya.

8. Tóka mayanpi kin napepi
kin en iyaye mayaye xni qa mi-
siha kin dunajin qa wicitankaya
mayahde.

9. Jehowa cantomahnaka wo,
iyomakixica ce; miixta kin wan-
na wiwanmdake xni aya, qa wi-
cocante xica on minagi micante
ko iyahdeye.

10. Icomniyan ni waun qa
omaka mitawa kin ocomniwa-
hdazi qa on atakunixni aya, mi-
towaxake kin wanna aptanye,
taku xica ecamon on; qa mihu
kin itakunixni ye.

11. Tóka mayanpi kin owa-
sin qa mitankiyevidan ko wowi-
xtece mayawapi qa tona sdon-
wicawaye cin hena wokokipe
mayanpi; tankan wanmayakapi
eea namicipapi.

12. Wicaxta cantepi kin ekta
wicaxta ça iyecen amiktonjapi;
wakxica erpeyapi mayawapi.

13. Wicota wowihnu mayan-
pi e wanwahdaka; enanakiya
wowinihan mayuñinza; tohan a-
kiiapi ca witaya amaiapi qa on
te mayanpi akitapi.

14. Jehowa nixnana wacin-
ciya qa, Wakantanka mitawa,
eciciye.

15. Mitaanpetu kin ninape
kin ohna yanke; tóka mayanpi
napepi kin etanhan emahdaku
wo, qa tona makuwapi kin hena
koya.

16. Nitowowidake waun kin
en nitohnake kin iyoyam ya wo,
qa nitowaxte kin on emahdaku
wo.

17. Jehowa houciciye cin en mahnayanpi xni nunwe, wicaxta oran xice cin he iye wicahnayanpi nunwe, qa wicahnakapi kin en iohmus wankapi nunwe.

18. Ihapi kin etanhan itonpi-xni qa wicaxta owotanna kin तरीया awicaiapi, waraniçidaya wawakipajinpi kin hena onawicatakapi nunwe.

19. Nitoksape kin tanka ye, tona konicipe cin hena wicayakipatan, tona niye en ihdoye cin hena hecawicayecon, wicaxta cinca ixtapi etanhan.

20. Nitohnake kin itokam anawicayakirman, wicaxta waraniçidapi kin wicitehanyan; wakeya ohna wicayapatan, wicaceji on awicaiapi tuka.

21. Jehowa yawakanpi nunwe, miye en ihduokitanin kin heon, otonwe wanji en aconkaxkapi he iyecen.

22. Kohanyedan, Niixta kin etanhan ipimayada, epa. Hecaca tuka houciciye cin anayagoptan.

23. Jehowa tona waxte nicidapi kin hena waxte daka po; tona owotanna un kin hena Jehowa wicahduha qa tona waraniçida opiiçiye cin hena iyacin-yan wicakicu.

24. Tona Jehowa anayagoptanpi kin hena sutaya ihduha

po, nicantepi kin niyuwaxake kta.

PSAM 40.

Dawid tadowan.

1. Jehowa arbayedan awape unkan anamagoptan qa hoyewakiye cin namaron.

2. Wokakije osmaka qa maka upxija kin etanhan emahdaku qa immija ahe maye ça amawani kin he miciyusuta.

3. Qa odowan teca wan mii kin ohnaka, Wakantanka unkitawapi yatanpi kin hee; wicota wanyakapi qa inihanpi qa Jehowa wacinyanpi kta.

4. Wicaxta kin tuwe Jehowa wowacinye ye ça tona waraniçidapi, tona woitonxni kin ekta icunom yapi ko wicayuonihan xni kin he wowaxte yuha.

5. Jehowa Wakantanka mitawa, nioran wowinihan yakage ça nitawacin wacin en unyadzapi kin hena ota; tuwedan niciyawa kte xni; hena mdawa qa omdake kta wacin kex yawapica xni.

6. Woxnapi taku qupi ko hena iyonicipi xni; noge miyeci-durdoka; peta woxnapi woartani woxnapi ko yacin xni;

7. Hehan kaken epa, Ito wau ce; woahope wowapi kin en miye on kaken owapi qon;

8. Wakantanka mitawa token

nitawacin kin hecen ecamon kta e iyomakipi, qa nitawoahope kin he micante kin mahen un.

9. Omniciye tanka kin en wi-coowotanna omdake ça mii kin ohmus miçiye xni, Jehowa niye sdonyaya.

10. Nioran owotanna kin micante kin mahen nawarbe xni; nitowaxte qa nitowaxake kin hena omdake ça wawacinkta duza wowicake nitawa ko omniciye tanka kin anarbe wicawakiye xni.

11. Jehowa nitowaonxida kin emicidaku xni wo. Wawacinkta duza wowicake nitawa ko ohiniyan aohdute mayanpi nunwe.

12. Taku xice cin yawapica xni aodute maye ça wawartani kin hena tinsa mahduza, hecen wankan ewatonwe kte cin owakitpani; hena mapa hin sukaza kin sam iyeya ota qa heon micante kin takuni xni hinhda.

13. Jehowa emayahdaku kin iyonicipi nunwe; Jehowa kohanna omakiya wo.

14. Tona minagi kin ktepi kta akitapi kin hena witaya ixtecapi qa inihanpi kta; qa tona xicaya ecamiconpi cinpi kin hena hekta itoheya hdicupi qa ixtecapi nunwe.

15. Qa tona, Hanhan, hanhan, emakiyapi kin hena wowixtece

iyopeyapi on rewoskantuya yukanpi nunwe.

16. Tona anicitapi kin hena niye en iyuxkinpi qa iwinktapi kta; qa tona wiconi nitawa waxte dakapi kin hena ohiniyan, Jehowa yatanpi kta ce, eyapi kta.

17. Miye onmaxike ça icakix waun tuka Itancan kin wacin en mayuza; Wakantanka mitawa omakiye ça emahdaku kin he niye, ihnuhan dutehan kin.

PSAM 42.

Woonspe odowan Qora cihintku tawapi.

1. Tamdoka kin mini wakpadan ahoton kin he iyecen minagi kin Wakantanka niye e cantonikpani.

2. Minagi kin Wakantanka on nina ipuza, Wakantanka ni un kin hee. Tohan wau qa Wakantanka itokam tanin miçiye kta he.

3. Anpetu otoiyohi, Wakantanka nitawa kin toki un he, eya imawangapi, heon anpetu hanyetu ko ixtamnihanze amau kin he woyute waya.

4. Hena weksuya eca minagi kin mahen tanhan wahdapson ece. Wicota om imdamda; hena om Wakantanka ti kin ekta wai, wopida qa wowitan wicaho

kin yuha, wicota anpetu wakan opapi kin hena om wai qon.

5. Minagi tokeca e pamahdedan yaun qa mahen tanhan iyonixica he; Wakantanka wacin-yan wo, he ite omakiye cin on ake mdatan kta.

6. Wakantanka minagi kin pamahdedan un, heon ciksuye kta, Jordan makoce qa Hermon re kin qa nakun Mizar paha kin etanhan.

7. Mini irara nitawa kin en minitan minitan kin kipan; taja qa mini irara nitawa kin owasin iwankam imayaya.

8. Anposkan Jehowa iye towaonxida kin ekihde kta, qa hanyetu eca iye tadowan kin mici *un kta*; Wakantanka ni maye cin he wocekiye ewakiye kta.

9. Wakantanka hewakiye kta, Imnija mitawa tokeca e amiye-ktionja he. Tóka kakix maye cin heon tokeca iyokixin waun he.

10. Tóka mayanpi kin oxtmahdapi qa anpetu iyohi, Wakantanka nitawa toki un he, emakiyapi kin he mahu yuwerwegapi kin iyececa.

11. Minagi tokeca e pamahdedan yaun qa mahen iyonixica he; Wakantanka wacin-yan wo; Tuwe miite omakiye qa Wakantanka kin hee e ake mdatan kta.

PSAM 46.

Qora cihintku odowan tawapi.

1. Wowinape qa wowaxake unkitawapi kin Wakantanka hee, qa iyowicakixice cin en wawo-kiye ikiyadan un kin hee.

2. Heon etanhan kopeunhdapi kte xni, maka kin xkanxkan iye-yapi qa reyaka kin miniwanca cokata ayapi exta.

3. He mini kin irara qa ipir iyaye qa taja kin on re kin kahuhuza ece.

4. Wakpa wan mini caduze cin Wakantanka otonwe tawa kin iyuxkin ye kta; Iyotan Wankan un kin tawakeya wakan kin hee.

5. He cokaya Wakantanka ounye. He on yuhuhuzapi kte xni. Anpa kamdeze cinhan Wakantanka okiye kta.

6. Oyate kin owodutaton qa wokiconze kin xkanxkanpi; iye hotanin qa maka kin skan aya.

7. Jehowa Sabayot unkipi un; Jakob Wakantanka tawa kin he wowinape unyanpi.

8. Upi qa Jehowa oran kin wanyaka po; maka kin ekta taku ihang ye cin.

9. Maka ihanke kin hehan-yan ozuye ayuxtan ya; itazipa kin he yuwerwege qa wahukeza kin baksaksa; ozuye canpahmi-hma kin he peta on rurnar ya.

10. Inina yukanpi qa Wakan-

tanka miye e sdonmayan po; Oyate kin en yuwankan iyemi-
çiye kta, maka kin en mayu-
wankantu kta.

11. Jehowa taku owasin Itan-
can kin he unkicipi un: Jakob
Wakantanka tawa kin he wowi-
nape unyanpi.

PSAM 47.

Odowan Qora cihintku tawapi.

1. Oyate kin owasin nape
hdaskapa po; wicaho iyuxkin-
yan Wakantanka hoyekiya po.

2. Jehowa Iyotan Wankantu-
ya un kin he wowinihan; maka
kin owancaya he Wicaxtayatapi
tanka.

3. He wicaxta kin unkih-
kun iyewicaye kta qa oyate kin
unsihapi kin ihukuya.

4. Makoce airpeunyanpi kin
he unkicicarnigapi; Jakob waxte
dake cigon towaxte kin hee.

5. Hotanpi ehna Wakantanka
wankan iyaya; qa Jehowa ma-
zayahotonpi hotanin ehna.

6. Ahiyaya po, Wakantanka
idowan po; Aliyaya po, Wica-
xtayatapi unkitawapi kin ido-
wan po.

7. Maka kin owancaya. Wi-
caxtayatapi un; wacinksamya
ahiyaya po.

8. Oyate kin owasin Wakan-
tanka iwicadaka; Wakantanka

oiyotanke wakan kin akan kiyo-
tanka.

9. Wicaxta itancapi kin wita-
ya mniciyapi; Abereyam ta Wa-
kantanka taoyate kin hee. Ma-
ka akan wahacanka kin hena
Wakantanka tawa. He nina
yuwankan iyeyapi.

PSAM 48.

Odowan Qora cihintku tawapi.

1. Jehowa tanka qa nina ya-
tanpi kta, Wakantanka unkita-
wapi otonwe tawa kin en qa
paha wakan kin akan.

2. Taku oiyoikiya yanke ça
maka kin owancaya wowitan
kin he Ziyon paha kin hee, iwa-
ziyapa tanhan Wicaxtayatapi
tanka otonwe tawa kin han.

3. Tipi waxtexte kin ohna
Wakantanka wowinape yapi e
sdonyapi.

4. Makata wicaxta yatapi kin
mniciyapi qa hen witaya hiya-
yapi;

5. He wanyakapi qa hecen
yuxinyayapi, inihan kihdapi
qa najica hdicupi;

6. Hen kopehdapi qa yazan
hinhdapi, winorinca kokxiksuye
cin he iyececa.

7. Tarxix wita wata *etanhan*
au kin hena wiyohianpa tan-
han tate uye cin he on wicaya-
kamdeca.

8. Token naunronpi qon he iyecen wanunyakapi, Jehowa taku owasin *Itancan* otonwe tawa kin ekta, Wakantanka unkitawapi otonwe tawa kin en; he Wakantanka ohiniyan yusuta kta.

9. Wakantanka tipi wakan nitawa kin ohna nitowaonxida kin awauncinpi ece.

10. Wakantanka niyatanpi kin maka ihanke kin hehanyan iyahdeya nicaje kin iyececa. Taku owotanna on nape nietapa kin ojudan.

11. Woyaco nitawa kin on etanhan Ziyon paha kin iyuxkin kta qa Juda cunwintku kin wacipi kta.

12. Ziyon ihdukxan mani qa ohomni ya wo, ipasotka tehan wankantuya kin hena yawa wo.

13. Conkaxke kin hena iwan-yakapi qa tipi waxtexte kin ekta ewacin po, wicoicage u kte cin he owicayakidakapi kta ce.

14. Wakantanka kin de ohin-niyan Wakantanka unkitawapi; unŋapi kte cin hehanyan tanyan mani unkiyapi kta.

PSAM 50.

Asap tadowan.

1. Jehowa Wakantanka waxake cin ie ɕa maka kin kipan, wiyohiyanpa tanhan qa wiyo-repyata kin ekta iyahdeya.

2. Ziyon iyotan wiyatpa kin he etanhan Wakantanka iyo-yanpa.

3. Wakantanka unkitawapi kin u kte ɕa inina yanke kte xni; itokam peta ide qa ihdukxan ni-na icamna kta.

4. Wankan marpiya kin kipan kta, qa maka kin nakun tao-yate kin wicayaco kte cin heon.

5. Wicaxta owotanna mitawa miye en witaya u wicakiyapo, tona woxnapi on wicotakuye micicagapi kin hena.

6. Unkan wicoowotanna tawa kin marpiya kin yaotaninpi kta; Wakantanka ixnana wayaco yanka.

7. Mitaoyate kin naron po, iwae kta ce; Israel *oyate kin ci*-yaotanin kta; Wakantanka Wakantanka nitawa kin he miye ce.

8. Nitawoxnapi qa peta woxnapi nitawa kin ohiniyan mitokam un kte cin hena on iyope-ciye kte xni.

9. Yati kin etanhan tatanka wanjidan iwacu kte xni; qa tarinca tipi nitawa kin etanhan tatokadan wan *iwacu kte* xni.

10. Rewoskantuya taku itu unpi kin hena otoiyohi mitawa qa nakun woteca paha kektopa-winge akan yakonpi kin.

11. Re kin ekta taku kinyan un kin owasin sdonwaye ɕa taku xkanxkanpi kin hena mitawa.

12. Wotektewahda exta oci-
ciyake kte xni; maka taku ohna-
ka ko owasin mitawa

13. Tatanka cerpi kin wate
kta he; qa tatokadan we kin
mdatke kta he.

14. Wopida kin Wakantanka
wakiyuxna wo, qa token ehe
ciqon he Iyotan Wankan un kin
ecen ecakicon wo.

15. Qa iyokixicapi anpetu
kin en houmakiya wo; etanhan
ecihdaku kta qa niye imayado-
wan kta ce.

16. Tuka wicaxta xicapi kin
Wakantanka hewicakiya; To-
ken on mitoope kin odate kta
qa wicotakuye mitawa kin caje
date kta he.

17. Woonspe xice yadake ça
mioie kin nihektam erpeyaya.

18. Wamanon sa wandake
çehan iyowinyakiye ça wawici-
rarapi econpi sa owicayakiya.

19. Nii kin taku xica en iye-
yakiye ça niceji kin he wohdaye
kaga.

20. Idotanke ça nihunkawan-
ji ayaie ça nihun cihintku kin
oxteyahda.

21. Hena hecanon tuka inina
manka; iyeniceca waun kecani;
tuka iyopeciye kta, qa hena
niixta kin itokam ecekcen ewa-
hde kta.

22. Tona Wakantanka aye-
ktonjapi kin, he awacin po,

okini ciyuxpaxpapi kta; kinhan
tuwedan enihdakupi kte xni.

23. Woyatan woxnapı kin he
mayuonihan; qa hena canku
kin ohna Wakantanka tawiconi
kin wanyag waye kta.

PSAM 56.

Dawid tadowan.

1. Wakantanka onximakida
wo. Wicaxta kin namapce kta-
tuka; anpetu iyohi makize ça
amahdaskica.

2. Tona tóka mayanpi kin
hena anpetu iyohi namapcapi kta
tuka; tona waraniçidapi qa ma-
kizapi kin hena ota.

3. Tohan kopewahda kinhan
inacipe kta.

4. Wakantanka en iye oie
kin mdatan kta; Wakantanka
wacinwaya; taku wicacerpi kin
ecamicon kte cin kowakipe kte
xni.

5. Anpetu iyohi mioie kin
aiapi qa taku xica ecamiconpi
kte cin hecedan awacinpi.

6. Witaya mnicıyapi qa na-
rmanpi; mioye kin wanyakapi
qa minagi kin he iyapepi.

7. Woartani on ihduxpapi kta
he; Wakantanka wocanniye on
oyate kin kun erpewicaya wo.

8. Wahnuni kin hena dawa.
Ixtamnihampe amau kin hena
mini ojuha nitawa kin en oka-

52. Taoyate kin tarinea iye-
cen tankan inanpe wicaye ça
repuza en optaye ton awicaya.

53. Qa wohnaye wanin awi-
caya, taku ikopa wanin; tóka
wicayapi kin e miniwanca kin
on akarpe wicaton.

54. Tamakocé wakan kin en
awicai, nape etapa kin eciyatan-
han re wan ohiya.

55. Wicitokam oyate owasin
nape wicakiye ça makoce kin
hena tawa wicakiye ça Israel
wicoun tawakeyapi kin en oun-
ye wicakiya.

56. Wakantanká wankantuya
en iyutanpi qa xihda yapi qa
tawoahope kiciyuhapi xni.

57. Owotanna oranyanpi xni
qa reyata ihdoyapi, hunkake wi-
cayapi econpi qon ix ake ecen
econpi, itazipa wicahnayan iye-
cen aptanye içiyapi.

58. Paha kin eya ece ohodapi
qa wapagopi en inawizi yapi qa
heon cante iyadeyapi.

59. Wakantanka he naron qa
ihdureyapa qa Israel oyate wa-
rte wicada xni.

60. Xilo tipi kin, iye tawa-
keya wicaxta opeya un qon erpe-
ya.

61. Towaxake kin he tóka
wicayapi kin en wayaka wicaqu,
qa tóka napepi en towitan iyaye
kiya.

62. Taoyate kin wipe iyahde

wicakiya, qa tawa wicaye cion
canniye wicaya.

63. Koxka ece karnir peta on
rurnar wicaya, hecen on wiko-
xka kin tuwedan hihnayanpi
xni.

64. Woxnapi kagapi kin wipe
on irpayapi, tuka wiwazica kin
ceyapi xni.

65. Hehan Itancan kin ixtima
iyececa, tuka ihdurica, mini xa
yatkanpi eca wicaxta waditaka
iyakixapi ho iyecen;

66. Tóka tapetepi eciyatan-
han awicafe ça wicakahomni,
ohinniyan wowirara en iyaye
wicaya.

67. Tuka Josep tawakeya
qon erpeya, qa Epraim wicoun
karnige xni.

68. Juda tawicoun kin he kar-
niga, Ziyon re waxte dake cion
he.

69. Qa tipi wakan tehanwan-
kantuya kaga, maka kin ohinni-
yan wanke ein he iyecen.

70. Dawid taokiye kin karni-
ga, tarinea en ounye wicakiyap
kin hetanhan icu;

71. Tarinea ihduxakapi kin
etanhan; Jakob taoyate qa Is-
rael tawa wicaye kta en ai qa
itokaheya un kte.

72. Qa cante kin ekta owo-
tanna toka wicakicihan qa nape
kin on wayupiyahan awicaya.

PSAM 82.

Asap tadowan.

1. Taku wakan omniciye tawapi kin en Wakantanka najin; qa taku wakan kin ohna wayaco ece.

2. Tohanyan ecinxniyan wadacopi qa wicaxta xice cin iha-wicayaktapi kta he.

3. Warpanica wamdenica ko owicakiya po; tona iyokixicapi qa icakija un kin hena owotanna ecawicakicon po.

4. Warpanica qa icakija unpi kin hena owicakiya po; wicaxta xicapi nape kin etanhan ewica-hdaku po.

5. Hena sdonyapi xni qa okarnigapi xni; otpaza ehna manipi; maka kin taku akan he cin owasin xkanxkan aya.

6. Taku wakan kin henicapi qa owasin Iyotan Wankan un kin cinca kin he niyepi ce, eya.

7. Tuka wicaxta kin iyecen niṭapi kta; qa wicaxta itancan kin iyecen nihirpayapi kta.

8. Wakantanka najin qa maka kin yaco wo; oyate kin owasin tawa wicayaye kta.

PSAM 84.

Odowan Qora cibintku tawapi.

1. Jehowa taku owasin *Itancan* kin wakeya nitawa kin hena nina waxte.

2. Minagi kin Jehowa tahocoká kin cantiheye ça cantokpani; Wakantanka ni un kin he micante qa micerpi kin ahotanin.

3. Zitkadan kaex tipi iyekiye ça icapxinxincadan kin he horpi hduha, hen cinca kin ekihnake kta; Jehowa Sabayot Wicaxtayatapi mitawa qa Wakantanka mitawa wahna woxnapi nitawa kin hee.

4. Tona yati kin ohna tipi kin hena wowaxte yuhapi, ohiniyan niyatanpi kta.

5. Wicaxta kin tuwe niye on waxake cin he wowaxte yuha; tona cantepi kin mahen canku kin wanka.

6. Wicaceya omdaye kin opta yapi eca minirdoka kágapi; qa kohanna magaju kin he wowaxte on akarpa.

7. Hena wowaxake etanhan wowaxake ekta yapi; Ziyon ekta Wakantanka itokam inajinpi kta.

8. Jehowa Wakantanka taku owasin *Itancan* kin wocekiye mitawa kin namakiron wo; Jakob ta Wakantanka kin anagoptan wo.

9. Wakantanka wahacanka unkitawapi kin wanyake ça tuwe sda yakiye çiqon he ite kin ekta etonwan wo.

10. Nitahocoka kin en anpetu wanjidán hee kektopawinge isan-

pa waxte: Mita Wakantanka ti kin tiyopa kin en imdotanke kta wacin qa wicaxta xica tawakeya kin ohna wati kta *wacin xni*.

11. Jehowa Wakantanka anpetu wi qa wahacanka kin heca; Jehowa wowaonxida wowitan ko wicaqu kta qa tona owotanna manipi kin hena taku waxte takudan ipiwicada kte xni.

12. Jehowa taku owasin *Itan-can* kin wicaxta kin tuwe wacin-niye cin he wowaxte yuha.

PSAM 85.

Odowan Qora cihintku tawapi.

1. Jehowa nitamakoce kin he iyonicipi; Jakob wayaka awicayapi qon hena awicayahdi.

2. Nitaoyate wartanipi kin wicayecicajuju qa taku xica econpi kin he owasin akarpe yaton.

3. Wocantiyahde nitawa kin enayakiye ça wocanniye nitawa ide kin he etanhan nihduhomni.

4. Wakantanka ni unyanpi kin unyuhomni po, qa canniye-unyayapi kin he ayuxtan kiya wo.

5. Ohiniyan canniyeunyayapi kta he; wicoicage qa wicoicage hehanyan wocanteptanye nitawa kin enakiye kte xni he.

6. Ake ni unyayapi kte xni he; nitaoyate kin niye en iyuxkinpi kta.

7. Jehowa nitowaonxida kin wanyag unkiyapi qa wiconi nitawa kin he unqu po.

8. Jehowa Wakantanka taku eye kte cin he nawaron kta: Taoyate qa tona waonxida tawa wicaye cin hena wokiyapi owicakiye kta; tuka taku ecinxniyan kin ekta^a ake ihdoipi xni nunwe.

9. Awicakehan niwicaye tawa kin tona kokipeyahan unpi kin hena en ikiyadan un. Qa hecen unkitamakocepi kin en wowitan un kta.

10. Wowaonxida qa wowicake kin kici itkokicipapi; wowotanna qa wookiye kin i iki-ciputakapi.

11. Maka kin etanhan wowicake icage kta qa marpiya kin eciyatanhan wicoowotanna kin kun etonwe kta.

12. Kinhan Jehowa wowaxte kin wicaqu kta, qa unkitamakocepi kin taku aicar ye kta.

13. He itokam wicoowotanna ye kta; qa iye canku ohna ye cin he en iyahe kta.

PSAM 87.

Qora cihintku tadowanpi.

1. Re wakan tawa kin ekta taku ahde he cin wanka.

2. Ziyon tiyopa kin Jehowa waxte daka, Jakob tipi kin owasin isanpa.

3. Wakantanka unkitawapi kin taotonwe kin niye en wotanin waxte oyakapi.

4. Tona wanmayakapi kin Rahab qa Babel on owicawakiyake kta. Wanyaka wo, Pilexet qa Turos qa Kux, hena en wicaxta kin de tonpi.

5. Qa Ziyon on kaken oyakapi kta; Wicaxta kin dee qa kae hen wicatonpi: Unkan Iyotan Wankan un kin he yusuta kta.

6. Jehowa oyate kin wowapi en wicayawa kinhan, *Wicaxta* kin de hen tonpi e *yawa kta*.

7. Dowanpi sa qa candowan-kiyapi sa qa wakoniya mitawa kin owasin niye en un.

PSAM 90.

Mowis Wakantanka wicaxta tawa ta-wocekiye kin.

1. Itancan wicoicage qa wicoicage kin en wowinape unniyanpi.

2. Re kin icage xni, he itokam, qa maka taku ohnaka ko yakage xni he ehan nakun otokaheya wanice qa owihanke wakica Taku Wakan kin he niye.

3. Maka watuxekxeca kin ekta wicaxta kin hde wicayaye qa, Adam cinca hdicu po, eha ce.

4. Niixta kin en waniyetu kektopawinge kin hena rtanihan

wanna henakeca he iyecen *da-wa*, qa haneyetu hankedan iyececa.

5. Hena minitan on iyecen okarbog iyeyaya; wowihamde wan iyecen un: Hanrana eca peji icage cin he iyececa.

6. Hanrana eca icage qa rea aya, qa rtayetu hehan kaxdapi qa xnix aya.

7. Wocanniye nitawa kin on unyutakunipi xni qa woxihda duhe cin on unyuxinyayapi.

8. Waunrtanipi kin nitokam eyahde qa taku xica narmana econkupi kin hena nitohnake iyoyanpa kin en.

9. Woxihda nitawa kin on anpetu unkitawapi kin enakiyapi; wicotawacin wanjidan iyecen waniyetu unkitawapi kin unkihunipi.

10. Anpetu kin waniyetu unkitawapi kin hena wikcemna xakowin, qa wakixakapi on waniyetu wikcemna xahdogan hehanyan unnipi kex wicowaxake kin he wicortani qa woiyokixice kin hee.

11. Wocanniye nitawa taku okihi kin he tuwe sdonya he. Wowinihan nitawa kin woxihda nitawa kin iyececa.

12. Anpetu kin tanyan unhdawapi kta e onspeunkiya po; hecen wicoksape awauncinpi kta.

13. Jehowa ake hdiwu wo; tohanyan he. Wowidake wicayaye cin onxiwicakida wo.

14. Kohanna nitowaonxida kin on imna unyan po; hecen anpetu owasin unkiyuxkinpi qa piundapi kta.

15. Anpetu kin tona en iyo-kixin unyayapi qa waniyetu kin en taku xica wanunyakapi kin hena iyacinyan pida unkiya po.

16. Nioran kin nitaokiye kin wanyag wicaya wo qa nitowitan kin hena cincapi kin.

17. Qa Jehowa Wakantanka unkitawapi towaxte kin unkiye-pi en un nunwe: qa unnapepi kin taku kagapi kin he unkici-yusuta po; unnapepi kin taku yuxtan kin he yusuta wo.

PSAM 91.

1. Iyotan Wankan un kin he wowinape kin en tuwe iyotanke einhan he Iyotan Waxake cin ohanzi tawa kin ihukuya wanke kta.

2. Jehowa on kaken epe kta; Wowinape mitawa qa conkaxke mitawa qa mita Wakantanka kin hee, he wacinwaye kta.

3. Heon hmunkapi kin etanhan enihdaku kta qa makoxica kin etanhan.

4. Xun kin on akarpe niton qa rupahu tawa kin ihukuya

inayape kta; wowicake tawa kin he wahacanka qa maza maku akarpe kin hee.

5. Hanyetu eca wokokipe on kopeyahda kte xni qa wanhin-kpe anposkan kinyan iyaye cin koya.

6. Makoxica otpaza en mani qa wowayazan xica wiyotanhan hehan wicayutakuni xni kin hena ko.

7. Canitka tanhan kektopa-winge hinrpayapi kta qa enitapa tanhan kektopawinge wikcemna exta nikiyadan u kte xni.

8. Niixta kin ecedan on ekta eyatonwe qa wicaxta xica iyun-win icupi kin he wandake kta.

9. Jehowa Iyotan Wankan un kin wowinape mitawa kin he tipi yaya;

10. Heon takudan xica anihinrpaye kte xni qa wowayazan xice cin takudan yati kin ikiyadan u kte xni.

11. Ohnihde wicaye cin hena niye on econ wicaxi kta; nita-canku kin owasin ohna yus aniyampi kta;

12. Qa napepi kin ohna yuwankan niyuhapi kta, hecen nisiha kin inyan ibonito kte xni.

13. Mnaja qa sinterda kin akan nayajin; mnaja koxka wamduxka ko amayani kta.

14. Cantomakpani ce, heon etanhan ewehdaku kta; micaje

kin he sdonmaye ça heon wankan ewahde kta.

15. Houmakiye kte cin amdup-te kta; iyokixicapi kin en kici waun kta, etanhan ewehdaku qa mduonihan kta.

16. Anpetu hanskaska kin on imna waye kta qa niwicaye mitawa kin wanyag wakiye kta.

PSAM 93.

1. Jehowa Wicaxtayatapi un qa wootanin koyaka; Jehowa wowaxake koyake ça he ipiyag kiton; maka kin he sutaya ehdepi, hecen yuhohopica xni wanka.

2. Otokaheya wanin yaun; oiyotanke nitawa kin he wana-kaja tanhan sutaya hdepi.

3. Wakpa kin hena wankan iyeiçiya; Jehowa ominitan irara kin wankan iyeiçiya; ominitan taja kin wankan aya.

4. Jehowa wankantuya un kin he mini tanka irara kin isan-pa waxake ça miniwanca taja tanka kin hena koya.

5. Woonspe nitawa kin hena wicake rinca; Jehowa wowaxte yati kin ohinniyan iyokipi.

PSAM 95.

1. U po, Jehowa unkahiya-yapi kta ce; niwicaye imniya unkitawapi kin he unkidowanpi kta.

2. Wopida eya itohnake kin itokam unkupi kta; odowan kin on unkidowanpi kta.

3. Jehowa Wakantanka tanka qa Wicaxtayatapi tanka, taku wakan kin owasin iwankam un.

4. Iye nape kin ohna maka mahentuya kin yukan; re tehan wankantuya un kin he nakun tawa.

5. Miniwanca kin he tawa, iye kaga nakaex, qa iye nape kin maka puze cin icar ya.

6. U po, ohoundapi qa pamahdedan unkanpi kta; Jehowa icar unyanpi kin he itokam canpexka makehde inaunjinpi kta ce.

7. Wakantanka unkitawapi kin he iye; oyate won wicakiye ça tarin wanuyanpi iye nape *wicayuhe* cin hena unkiyepi. Anpetu kin de en he ho kin nayaronpi kinhan;

8. Nicantepi kin ihduteripi xni po, Meriba ekta econpi qon iyecen qa rewoskan makoce kin en anpetu iyutan yanpi qehan.

9. Hehan nihunkakepi kin iyutan mayanpi qa mayukean aye ça mioran kin wanyakapi.

10. Waniyetu wikcemna topa hehanyan wicoicage kin he iyo-kixin mayanpi; qa hecen eya; Oyate kin de cantepi kin ekta

ohinniyan hnunipi qa mitacanku kin sonyapi xni. kin owancaya he itokam inihan po.

11. Hehan cantemaptanye ça wowicake eciyatanhan, Okirpapi mitawa kin en ipi kte xni, kewicawakiya.

PSAM 96.

1. Odowan teca wan Jehowa kahiyaya po; maka kin owancaya Jehowa idowan po.

2. Jehowa idowanpi qa caje kin yawaxte po; niwicaye tawa kin anpetu iyohi oyaka po.

3. Ikcewicaxta kin ekta towitan kin ieyanpaha po; qa oyate kin owasin en wowapetokeca econ kin koya.

4. Jehowa he tanka qa tankaya yatanpi kte; taku wakan owasin iwankam kinihanpi kta.

5. Oyate kin taku wakan tawapi hena takuxnixni; tuka Jehowa mapiya kin kaga.

6. He itokam woyuonihan qa wowiyatpa un; tipi wakan tawa kin ohna wowaxake qa wowaxte yanka.

7. Oyate kin token wicowazi kin Jehowa wowitan qu po, wowaxake Jehowa kieu po.

8. Jehowa caje wowitan kin he kieu po: woxnap i wan aupi qa tahocoka kin timahen u po.

9. Tipi wakan waxte kin ohna Jehowa ohoda po; maka

10. Ikcewicaxta kin ehna, Jehowa Wicaxtayatapi un ce, eya po; maka kin nakun sutaya ehdepi, hecen yuhohopica xni. Oyate kin owotanna wicayaco kta.

11. Marpiya kin iyuxkinpi qa maka kin pida kta; miniwanca kin irara kta qa taku ohnaka koya.

12. Mága kin iyuxkin kte, taku ohnaka koya; hehan taxkoju kin owasin nakun iyuxkin kta;

13. Jehowa itokam. Wanna u, maka kin yaco u ce: Wicaxta kin owotanna wicayaco kta qa oyate kin wowicake hduhe cin eciyatanhan.

PSAM 97.

1. Jehowa Wicaxtayatapi un, heon maka kin iyuxkin kta qa wita ota kin hena pidapi kte.

2. Marpiya xapa otpaza kici ihdukxan hiyeya; Wicoowotan-na qa woyaco kin oiyotanke tawa kin akan he cin hena ee.

3. He itokam peta ide ye ça, ihdukxan tona tóka yapi kin rurnar wicaya.

4. Tawakanhdi kin maka kin iyoyanpa; maka kin de wanyake ça cancan hinhda, Jehowa itohnake kin on.

5. Jehowa itokam paha kin canxin iyecen xdopi; maka kin ocowasin Itancan itohnake kin on.

6. Wicoowotanna tawa kin he marpiya kin oyakapi qa iye towitan kin he oyate kin owasin wanyakapi.

7. Tona taku wakagapi kin ohodapi qa takuxnixni kin on iwinkta içiyapi kin hena owasin wixtecapi nunwe. Taku wakan owasin he itokam makata erpeiçiya po.

8. Ziyon naron qa iwinkta; Jehowa woyaco nitawa kin hena on Juda cunwintku kin iyuxkinpi.

9. Jehowa maka kin ocowasin iwankam wankantuya yaun; taku wakan owasin iwankan tehan wankantuya yaun.

10. Tona Jehowa waxte yadapike cin taku xica xice daka po. Tona waonxida nagipi kin tanyan wicahduhe ça wicaxta xicapi nape kin etanhan ewicahdaku ece.

11. Wicaxta oran waxte kin hena iyoyanpa owicakiejupi qa tona cante owotanna kin hena wowiyuxkin owicakiejupi.

12. Tona oran niwaxtepi kin Jehowa on iyuxkinpi qa wopida eya po, wicoowotanna tawa kiksuyapi kin on.

PSAM 98.

Odowan.

1. Odowan teca wan Jehowa kahiyaya po. He taku wowin-ihan. Iye nape etapa qa isto wakan kin on ohiya.

2. Jehowa niwicaye tawa kin ohdaka; qa toowotanna kin Ikcewicaxta kin itokam hdaotanin.

3. Israel ti kin on wowaonxida qa wowicake tawa kin hena kiksuya; Maka ihanke kin owasin Wakantanka unkitawapi wiconi *kage cin* wanyakapi.

4. Maka kin owancaya iyuxkinyan Jehowa yatan po: Hotankakiya hotaninpi qa iyuxkinpi qa idowan po.

5. Candowankiyapi on Jehowa ahiyaya po: Candowankiyapi qa dowanpi ho kin on.

6. Mazayahotonpi tanka qa cotanka yajopi kin on Jehowa Wicaxtayatapi kin itokam iyuxkinyan yahoton po.

7. Miniwanca kin he irara kte, taku ohnaka ko; maka kin tona ounyanpi kin hena koya *iyuxkinpi kte*.

8. Wakpa kin nape hdaskapapi kta qa re kin hena witaya iyuxkinpi nunwe;

9. Jehowa itokam. He maka kin yaco u ce; wicoowotanna on wicaxta kin wicayaco kte ça

wowicake hduha oyate kin *wicayaco* kta.

PSAM 100.

Wopida Odowan.

1. Maka kin ocowasin Jehowa hoyekiya iyuxkinyan hotan-in po.

2. Wopida yuha Jehowa ohoda po; itokam odowan ahiyaya u po.

3. Jehowa he ixnana Wakan-tanka e sdonya po. Iye unka-gapi, unkiye unkiçicagapi xni; taoyate qa tarin wanuyanpi won wicakiye cin hena unkiyepi.

4. Wopida yuha tatiyopa kin en u po, qa tahocoka kin wowitan yuha timahen *u po*. Wopida eciyapi qa caje kin yawaxte po.

5. Jehowa he waxte; towaonxida kin he owihanke wanica, qa wowicake tawa kin he wicoicage qa wicoicage hehanyan un.

PSAM 103.

Dawid tadowan.

1. Minagi kin Jehowa idowan wo, qa taku miye mahen un kin ocowasin, iye caje wakan kin *yawaxte wo*.

2. Minagi kin Jehowa idowan wo, qa iye oran waxte kin owasin akiktonje xni wo.

3. He wayartani kin owasin

nicicajuju qa waniyazan kin owasin asni niyan.

4. Wicotakunixni etanhan nitaniya kin ehdaku qa wowaonxida wowaxte ko watexdag nicon.

5. Taku waxte kin on nii kin imna niyan, hecen wanmdi iye-cen piya konixka.

6. Tona xicaya wicakuwapi kin hena owasin on Jehowa wicoowotanna qa woyaco wicakicaga.

7. Iye tacanku kin Mowis sdonye kiye ça iye oran kin Israel cincapi kin *owicakiyaka*.

8. Jehowa waonxida qa waxte, tehan canteptanye xni qa wawacinkta yuza tanka.

9. Ohiniyan iyopewicaye kte xni qa wocanteptanye ohiniyan hduhe kte xni.

10. Waunrtanipi kin hena eciyatanhan ecaunkiconpi xni qa taku xica econkupi kin hena on unqupi xni ece.

11. Marpiya kin maka kin iwankam yanke cin he iyecen towaonxida kin tona koki-peyahan un kin hena en tanka.

12. Wiyohiyanpa tanhan wiyorpeyata ekta iyahdeya hehanyan waunrtanipi kin yutokan iyeunkiciciyapi.

13. Ate yapi wan iye cinca kin cantowicahnake cin he iye-

cen tona kokipeyahan unpi kin
Jehowa onxiwicakida ece.

14. Token unkagapi kin he
sdonye ça watuxekxeca heunca-
pi kin he kiksuya.

15. Wicaxta taanpetu kin he-
na peji iyececa; tinta peji rea
kin he iyecen rea aya.

16. Tateyanpa kin he iwan-
kam iyaya, unkan tanin xni iya-
ye ça tukten icage cin he ake
tohini sdonye kte xni.

17. Tuka Jehowa towaonxida
kin he otokahe wanice ça owi-
hanke wanica, tona kokipeyahan
unpi kin hena iyahdeya qa woo-
wotanna tawa kin he cinca sanpa
cincapi kin hena en.

18. Tona wicotakuye kin ki-
ciyuhapi qa tona tawoahope kin
kiciksuyapi qa ecen econpi kin
hena.

19. Jehowa marpiya kin ekta
oiyotanke kin ekihde qa toki-
conze kin owancaya ounye.

20. Ohnide niyanpi waxakxa-
kapi kin Jehowa yatan po; iye
tawoahope kin ecen oyapapi qa
oie he kin anayagoptanpi ece.

21. Obe tawa kin owasin Je-
howa yatan po, tona taakiye ni-
yanpi qa iye tawacin kin ecen
ecanonpi kin.

22. Taku kage cin owasin
Jehowa yatan po, tokiconze kin
owancaya: Minagi kin Jehowa
idowan wo.

PSAM 111.

Ja yatan po.

1. Wicaxta owotanna witaya
yukanpi qa mniciyapi kin en mi-
cante ocowasin on Jehowa mda-
tan kta.

2. Jehowa taku kage cin hena
tanka, tona en iyuxkinpi kin he-
na owasin awacinpi ece.

3. Iye oran kin woyuonihan
qa wowitan; toowotanna kin he
owihanke wanica.

4. Taku wowinihan econ kin
hena kiksuye wicaya; Jehowa
waonxida qa wacantkiya.

5. Tona iye kokipapi kin he-
na taku yutapi wicaqu ece: Wi-
cotakuye tawa kin ohiniyan ki-
ksuye kta.

6. Taku wowaxake on kage
cin hena taoyate kin wicakipa-
zo; oyate toktokeca wicayuhe
wicakiye kta heon.

7. Iye nape oranye cin hena
wowicake qa woyaco kin hee;
tawoahope kin owasin wicaka.

8. Hena ohiniyan qa owihan-
ke wanin sutaya un; wowicake
qa wicoowotanna en econpi ece.

9. Iye taoyate kin opewica-
kiton; Wicotakuye tawa kin
owihanke wanin sutaya ehde.
He caje kin wakan qa wowini-
han.

10. Jehowa wokokipe kin he
wicoksape tokaheya kin he. To-
na ecen econpi kin hena owasin

woksape waxte yuhapi. W-witan tawa kin ohiniyan un.

PSAM 112.

Ja yatan po.

1. Wicaxta kin tuwe Jehowa kokipeyahan un qa tawoahope kin en nina iyuxkin kin he w-waxte yuha.

2. He cinca kin maka akan waxakxakapi kta; tona owotanna un kin wicowazi tawapi kin yuwaxtepi kta.

3. Tipi tawa kin ohna woyuha qa wiwicajica yukan; qa too-wotanna kin he ohiniyan un kta.

4. Wicaxta owotanna kin on otpaze cin en iyoyanpa ahinannya. Waonxida qa wawacinkta yuza tanka owotanna koya.

5. Wicaxta waxte kin he waonxida qa owicaqu ece; taku tawa kin wacinksamya hduxtan kta.

6. He ohiniyan pahohoxni un kta. Wicaxta owotanna woki-ksuye kin ohiniyan ye kta.

7. Wotanin xica ikope kte xni; Jehowa wacinyan un, hecen cante kin okonwanjidan.

8. Cante kin sutaya un qa takudan ikope kte xni; tóka yapi kin wanwicayake cin hehanyan.

9. He wapamni qa warpani-capi kin wicaqu ece; oran ow-

tanna kin owihanke wanice kta. Iye he kin wowitan on wankan icage kta.

10. Wicaxta xice cin he wanyake kta qa iyokixice kta; hi hdakinskize ça skan aye kta. Wicaxta xica tawacin kin awi-hnuni kta.

PSAM 113.

Ja yatan po.

1. Tona taokiye niyanpi kin Jehowa yatan po; Jehowa caje kin yatan po.

2. Detanhan ohiniyan Jehowa caje kin yawaxtepi kta ce.

3. Wi hinanpe cin hetanhan qa wi hiyaye cin hehanyan Jehowa caje kin yatanpi kte.

4. Jehowa oyate kin owasin wiciwankam wankantuya yanke ça towitan kin marpiya kin iwan-kam un.

5. Jehowa Wakantanka unki-tawapi kin wankan ounye cin he tuwe iyececa he.

6. Marpiya maka ko wanyake kta e on ihduhukuya.

7. He warpanica kin watuxe-kxeca etanhan yuwankan ehda-ku, qa tuwe wicakix un kin he tacesdi ejupi kin etanhan icu.

8. Wicaxta itancan kin om ehna ke kta, qa taoyate wicaxta tankinkinyanpi kin om, heon hecon.

9. Winorinca cinca ton xni

kin he tipi yuhe kiye ça cinea tonpi kin en iyuxkin kiya ce. Jehowa yatan po.

PSAM 115.

1. Jehowa, unkiyepi xni, unkiyepi xni ce, tuka nicaje kin wowitan qu wo, nitowaonxida qa wowicake nitawa kin hena on.

2. Wakantanka tawapi kin toki un he, tokeca Ikcewicaxta kin heyapi he.

3. Tuka Wakantanka unkita-wapi kin marpiya kin ekta yanke ça token iyokipi kin hecen econ ece.

4. Hena wakagapi tawapi kin maza ska qa maza ska zi kin heca, taku wicaxta nape on kagapi kin hee.

5. I yukanpi tuka iapi xni; ixta yukanpi tuka wawanyakapi xni.

6. Noge yukanpi tuka wanonpi xni; poge yukanpi tuka *takudan* omnanpi xni.

7. Nape yukanpi tuka on takudan icupi xni; siha yukanpi tuka manipi xni, qa dote kin on iapi xni.

8. Tona kage cin hena iyececapi qa tona wacinye cin hena koya.

9. Israel Jehowa wacinyan wo, he owicakiye ça wahacanka tawapi kin hee.

10. Aharon ti kin Jehowa wacinyan wo, owicakiye ça wahacanka tawapi kin hee.

11. Tona Jehowa kokipeyahan yaunpi kin Jehowa wacinyan po; owicakiye ça wahacanka tawapi kin he iye.

12. Jehowa unkiksuyapi qa unyuwaxtepi kta; Israel tiyohnaka kin wicayuwaxte kta; Aharon tiyohnaka kin wicayuwaxte kta.

13. Tona Jehowa kokipeyahan unpi kin cistinpidan tankinkinyanpi ko wicayuwaxte kta.

14. Jehowa nina niyuotapi kta, niyepi qa nicincapi kin.

15. Jehowa marpiya maka ko icar ye cin he niyuwaxtepi ce.

16. Marpiya, marpiya kin hena Jehowa tawa qa maka kin wicaxta cincapi kin wicaqu.

17. Tona tapi kin hena Jehowa yatanpi xni qa tona inina makoce kin ekta kun iyayapi kin.

18. Tuka unkiye detanhan ohiniyan Jehowa unkidowanpi kta. Jehowa yatan po.

PSAM 116.

1. Jehowa hoyewakiye cin namakiron, heon waxte wakidaka.

2. Noge on namakiron heon anpetu mitawa kin hehanyan hoyewakiye kta.

3. Wiconṭe wokakije kin aohdute mayanpi, qa Hades wawayazan kin imacupi; wicokakije iyokixicapi ko iyewaya.
4. Hehan Jehowa caje kin hoyewakiya; Jehowa ceciciya ce; Minagi kin emahdaku wo.
5. Jehowa waonxida qa owotanna; Wakantanka unkitawapi kin wawacinkta yuza.
6. Tona wacinton xni kin hena Jehowa awanwicayaka; warpaniyan waun unkan iye omakiya.
7. Minagi kin hdicu qa oziṭiya wo, Jehowa tanyan ecanicon ce.
8. Wiconṭe kin etanhan minagi kin emayahdaku; miixta kin ixtamnihanpe kin etanhan, qa misilha kin wanahaye wanin *mayaya*.
9. Wicani makoce kin en Jehowa itokam mawani kta.
10. Wicawada heon iwaa. Nina makakija.
11. Imanihan waun qehan kaken epa; Wicaxta kin owasin itonpixni sa.
12. Jehowa tanyan ecamicon kin owasin on taku itkom waqu kta he.
13. Wiconi wiyatke kin iwa-cu kta qa Jehowa caje kin hoyewakiye kta.
14. Token eya wakonze cin he nakaka Jehowa ecawecon kta, taoyate kin owasin wicito-kam.
15. Jehowa ixta kin en tona owotanna un tawa wicaye cin hena ṭapi kin he terika.
16. Jehowa, awicakehan wowidag mayaya; nitaokiye qa winyan wowidag yaye cin ci-hintku kin he miye; makaxkapi kin mayakiduxka.
17. Wopida woxna kin waciciyuxna kta qa Jehowa caje kin hoyewakiye kta.
18. Token eya wakonze cin he nakaha Jehowa ecawecon kta, taoyate kin owasin wicito-kam.
19. Jehowa tiyocoka kin en, qa Jerusalem niye mahen Jehowa yatan po.

PSAM 117.

1. Oyate kin owasin Jehowa yatan po; wicaxta hiyeye cin owasin he idowan po.

2. Unkiyepi kin en towaonxida kin he tanka. Jehowa wowicake tawa kin he owihanke wanica. Jehowa yatan po.

PSAM 119.

ALEP.

1. Tona canku kin ohna ecedan un qa Jehowa toope kin opapi kin hena wowaxte yuhapi.

2. Tona tawoonspe yuhapi

kin hena wowaxte yuhapi, qa cante ocowasin on akitapi ece.

3. Hena taku xica econpi xni; Jehowa tacanku kin omanipi.

4. Nitawoonspe kin tanyan ope unyaxipi.

5. Tokin mitacanku kin nitoope kin on owotanna kagapin.

6. Nitawoonspe kin owasin awacami kinhan imaxtece kte xni.

7. Tohan woyaco owotanna nitawa kin owakarnige cinhan hehan cante owotanna hduha ciyatan kta.

8. Nitoope kin hena owape kta; ohinniyan amayuxtan xni wo.

BET.

9. Koxka kin token tacanku kin tpakinte kta he : Nioie kin eciyatanhan awakicin kin heon.

10. Micante ocowasin on acicita; nitawoahope kin wanuni xni nunwe.

11. Nioie kin micante kin mahen emicihnaka; hecen niye en wacicirtani kte xni.

12. Jehowa niye wowaxte duha; woonspe nitawa kin onspe makiya wo.

13. Nii woyaco kin hena owasin miiha kin on omdaka.

14. Wohuya owasin en iyu-
xkinpi kin he iyecen wotanin

waxte nitawa canku kin ohna imduxkin.

15. Woonspe nitawa kin awacin waun qa nitacanku kin he ekta ewacami kta.

16. Nitoope kin hena en iyuxkin miçiye kta; qa nioie kin awektonje kte xni.

GIMEL.

17. Nitaokiye kin tanyan ecakicon wo; hecen wani qa nioie kin owape kta.

18. Miixta kin miciyuzamni wo; kinhan nitoope kin en taku wowinihan kin wanmdake kta.

19. Maka kin en unhdaka waun; nitawoahope kin anama-kirbe xni wo.

20. Minagi kin woyaco nitawa kin ohiniyan cantokpani kin heon ahdaskicapi.

21. Waraniçidapi kin iyope-wicayakiya; tona nitawoahope opapi xni kin hena yaxicapi.

22. Waaiapi qa irarapi kin yutokan iyemiciciya wo: wotanin waxte nitawa kin he yuha waun.

23. Wicaxta itancanpi kin hena iyotankapi qa amaiapi; tuka nitaokiye nitoope kin awacin yanka.

24. Taku daotanin kin he woyuxkin mitawa qa waonspekiya mitawa kin hee.

DALET.

25. Minagi kin watuxekxeca

en askamya un; nioie kin eciya-
tanhan ni mayan wo.

26. Mioran kin owahdaka
unkan namayaron; nitoope kin
onspe makiya wo.

27. Wooke nitawa canku kin
he iyukan mayan wo: hecen
nioran wowinihan kin hena
omdake kta.

28. Iyokixicapi on minagi
kin ixtamnihanpe au: Nioie kin
eciyanhan waxag mayan wo.

29. Itonpixni canku kin he
imakicu wo: nitoope kin ion-
ximada wo.

30. Wowicake canku kin he
wakarnige ça woyaco nitawa
kin mitokam ewahde.

31. Taku odate cin hena su-
taya mduza; Jehowa ixten maye
xni wo.

32. Nitawoahope canku kin
ohna waimnanke kta; micante
kin tanka mayakage einhan.

HE.

33. Jehowa nitoope canku
kin onspe makiya wo: owihan-
ke kin ekta iyahdeya mduhe
kta.

34. Wicoksape maqu wo, ni-
tawoahope kin owape kta ce;
Han, micante kin ocowasin on
awacami kta.

35. Nitawoahope canku kin
omani makiya wo; hena en
imduxkin.

36. Token odate cin hena

ekta ewacin mayan wo; qa
wahduhahapi kte cin en iyaye
maye xni wo.

37. Taku ecinxniyan miixta
kin ekta etonwe xni mayan wo;
nitacanku kin en ni mayan wo.

38. Nitaokiye konicipe cin
he en nioie kin kiciyusuta wo.

39. Amaiahi kowakipe cin
he yutokan iyemiciciya wo; wo-
yaco nitawa kin hena waxte.

40. Wanyaka wo, woonspe
nitawa kin cantowakpani; nito-
owotanna kin on ni mayan wo.

WA.

41. Jehowa nitowaonxida kin
he miye en mau nunwe; qa ni-
wicaye nitawa kin he koya,
nioie kin heon.

42. Hecen tuwe taku amicage
cin he amdapte kta; nioie kin
wacinwaye cin heon.

43. Qa mii kin etanhan nioie
wicake cin icimana ehdaku xni
wo; woyaco nitawa kin wacin-
yan waun.

44. Hecen nitawoahope kin
ohiniyan owihanke, wanin owape
kta.

45. Wicowoyake nitawa kin
hena awakita, heon tankaya ma-
wani kta.

46. Daotanin kin hena wica-
xtayatapi kin wicitokam omdake
ça imaxtece kte xni.

47. Qa nitawoahope waxte

wadake cin he en iyuxkin mi-
çiye kta.

48. Qa nakun nitawoahope
waxte wadake cin hena ekta
nape mdugate ça nitoope kin
awacami kta.

ZAYIN.

49. Taku nitaokiye kin eya-
kiye ciqon he kiksuya wo; he
en ape mayaya.

50. Nioie kin ni mayan; iyo-
makixica eca he wacintonhnag
mayan ece.

51. Tona waraniçidapi kin
hena ohiniyan imararapi tuka
nitawoahope kin amduxtan
xni.

52. Jehowa nitawoyaco wa-
nakaja kin hena weksuye ça
wacintonhnag mayan.

53. Wowinihan imacu, wica-
xta nitawoahope kin ayuxtanpi
kin heon.

54. Unwicahdaka tipi mitawa
kin ohna nitoope kin hena
awahimdamde.

55. Jehowa hanyetu ieunhan
nicaje kin weksuye ça nitoope
kin opeya waun.

56. Woonspe nitawa kin
awacami kin heon etanhan he-
maceca.

CET.

57. Woyuha mitawa kin Je-
howa hee; nioie kin yuha waun
kta, epa.

58. Micante ocowasin on ni-

ite kin icewakiya; nioie kin
eciyanhan onximakida wo.

59. Mitacanku kin wahdu-
kean qa misiha kin nitoope kin
ekta iyewakiya.

60. Nitawoahope kin owape
kta e inawarni qa mdutehan
xni.

61. Wicaxta xica ozuye kin
hena makipi; tuka nitawoahope
kin awektonje xni.

62. Woyaco owotanna nita-
wa kin hena on hanye cokaya
hehan imdotanke ça wopida
eciciye kta.

63. Tona konicipapi qa ni-
toope opapi kin hena owasin
koda mayanpi.

64. Jehowa maka kin nitowa-
onxida kin on ojudan; woonspe
nitawa kin onspe makiya wo.

TET.

65. Jehowa nioie eciyanhan
nitaokiye kin tanyan eca-
yecon.

66. Wowiyukean waxte wo-
sdonye ko onspe makiya wo:
Nitawoahope kin hena wica-
wada.

67. Makakije xni kin he ito-
kam wanuni; tuka nakaha nioie
kin mduha.

68. Niye niwaxte qa tanyan
ecanon; nitoope kin he onspe
makiya wo.

69. Tona wamnaicidapi kin
hena taku itonxni amicagapi;

tuka micante kin ocowasin on woope nitawa kin owape kta.

70. Iye cantepi kin wasna iyecen cepa; *tuka* nitawoahope kin en imduxkin.

71. Makakije cin heon tan-yan waun; nitoope kin onspe miçiciye kta.

72. Nii woahope kin he maza ska zi qa maza ska kektopa-winge ota isanpa mdawa.

YOD.

73. Ninape kin icar maye ça makaga; onspe makiya wo, nitawoahope kin sdonwaye kta ce.

74. Tona konicipapi kin hena wanmayakapi kinhan iyuxkinpi kta; nioie kin ape waun kin heon.

75. Jehowa woyaco nitawa kin hena owotanna e sdonwaya; qa wowicake eciyatanhan kakix mayaya.

76. Ceciciya ce, nitowaonxida kin he micanpta nunwe; nitaokiye token eyakiye ciquon he iyecen.

77. Nitowaonxida kin miye en mau nunwe, hecen wani kta; nitoope kin wowiyuxkin waya.

78. Tona waraniçidapi kin hena ixtecapi kte; hena taku xni on ecinxniyan ecamiconpi, *tuka* nitoope kin awacami kta.

79. Tona konicipapi qa wotanin waxte nitawa sdonyapi kin hena miye en maupi nunwe.

80. Nitoope kin en micante kin ocowasin un nunwe; heon imaxtece kte xni.

KAP.

81. Niwicaye nitawa kin on minagi kin atakuni xni aya; nioie wacinwaya.

82. Iyae cin on miixta kin amdeze xni aye ça, Tohan wacintonhnag mayaye kta he, epa ce.

83. Wojuha wan xota en *otke-yapi* kin hemaceca; *tuka* nitoope kin awektonje xni.

84. Nitaokiye anpetu tawa kin tonaka he: Tona xicaya makuwapi kin hena tohan wicadaco kta he.

85. Waraniçidapi kin wora miçapi; he nitawoahope kin eciyatanhan xni.

86. Nitawoahope kin owasin wowicake kin hee; xicaya makuwapi, niye omakiya wo.

87. Maka akan mayutakuni xni *cinpi*, *tuka* nitoope kin amduxtan xni.

88. Nitowaonxida kin on ni mayan wo; hecen nii yaotanin kin mduhe kta.

LAMED.

89. Jehowa ohinniyan marpiya kin ekta nioie kin sutaya un.

90. Wicoicage qa wicoicage kin hehanyan wowicake nitawa

kin yanka; maka eyahde kin he mahandr ecen han.

91. Hena anpe dehan ecen han, wicayeconze cin he iyecen; owasin wowidag yaya.

92. Nitawoahope kin wowiyuxkin waye xni unkanx makakije cin on matakuni kte xni tuka.

93. Nitoope kin ohinniyan awektonje kte xni; hena on ni mayaya.

94. Tawa mayaye cin, ni mayan wo; nitoope kin awakita.

95. Wicaxta xicapi kin maktepi kta e iyamapepi; *tuka* wotanin waxte nitawa kin awacami kta.

96. Woyuxtan owasin owihanke kin wanmdaka; nitawoahope kin he ohdakinyan tanka rinca.

MEM.

97. Nitawoahope kin nina waxte wadaka; anpetu osansan he awacami ce.

98. Tona toka mayanpi kin hena isanpa ksam mayaya; nitawoahope kin ohiniyan mici un kin heon.

99. Tona waonspekiya mduhe cin hena owasin isanpa tanyan wimdukan; taku odate cin hena awacin waun kin heon.

100. Wicarincapi kin hena sam iyeya owakarniga; nitoope kin owape cin heon.

101. Nioie kin owape kte cin heon canku xice cin owasin etanhan misiha kin ewehdaku.

102. Wooke nitawa kin amduxtan xni; niye onspe mayakiye cin heon.

103. Micaka kin ekta nioie kin he skuye wadaka; qa mii kin ohna turmaga canhanpi kin isanpa skuya.

104. Wooke nitawa kin on owakarnige qa heon canku itonxni kin owasin xice wadaka.

NUN.

105. Misiha kin en nioie kin petijanjan qa mitacanku kin ohna iyoyanpa kin hee.

106. Woyaco owotanna nitawa kin hena owape kta ce, eya wakonze cion ecen ecamon kta.

107. Nina makakija; Jehowa nioie kin on ni mayan wo.

108. Jehowa ceciciya ce, mii on ciyatan kin he waxte daka wo, qa woyaco nitawa kin onspe makiya wo.

109. Minagi kin ohinniyan minape kin ohna un; tuka nitawoahope kin awektonje xni.

110. Wicaxta xicapi kin wihmunke emakipapi, tuka nitoope kin wanuni xni.

111. Taku odate cin hena taku airpemayanpi kin iyecen ohiniyan yuha waun.

112. Nitoope kin ohiniyan micante kin ecen econ kta e on

ekta ewacami, owihanke kin hehanyan.

SAMEK.

113. Wicotawacin xice cin hena xice wadaka, tuka nitawo-ahope kin waxte wadaka.

114. Wowinape qa wahacan-ka mitawa kin he niye; nioie kin wacinwaya.

115. Tona xicaya ecanonpi kin amayuxtan po; Wakantanka mitawa tawoahope kin owape kta.

116. Nioie kin on najin makiya wo; hecen wani kta; qa ape waun kin heon imaxtece kte xni.

117. Omakiya wo, tanyan waun qa ohiniyan nitoope kin awacami kta.

118. Tona nitoope kin etanhan nunipi kin hena owasin iha-wicayakta xni; hena itonpixni kin wohneye kin hee.

119. Reginca iyecen tona xicapi kin owasin maka kin ayuxtan wicayakiya; heon etanhan daotanin kin hena waxte wadaka.

120. Kocicipa, heon micerpi kin inihan; nitawoyaco kin hena kowakipa.

AYIN.

121. Woyaco qa wicoowotanna kin ecen ecamon; tona amaiapi kin hena en amayuxtan xni wo.

122. Taku waxte on nitaoki-

ye kin iciya wo; waraniçidapi kin hena amaiapi xni nunwe.

123. Niwicaye nitawa kin oixtomaxnija; qa wicoowotanna wicoie kin hena on.

124. Nitowaonxida kin on nitaakiye kin ecakicon wo; qa nitoope kin onspe makiya wo.

125. Nitaakiye kin he miye; woksape maqu wo, taku odake cin hena sdonwaye kta ce.

126. Jehowa wanna dehan ecanon kta; nitawoahope kin ecetu xni yapi.

127. Heon nitawoahope kin waxte wadaka, maza ska zi qa maza ska zi ecedan kin isanpa.

128. Heon nitoope owasin ocowasin owotanna wadaka; itonpixni canku kin owasin xice wadaka.

PE.

129. Taku tona odake cin hena wowinihan, heon minagi kin opeya un.

130. Nioie oyakapi kin he iyoyam wicaya; tona ksapapi xni kin onspe wicakiya ece.

131. I wahdukawa qa waniya; nita woahope kin nina cantowakpani.

132. Tona nicaje kin waxte dakapi kin ecawicayecon ece qon iyecen amatonwe ça onxi-makida wo.

133. Nioie kin on mioye kin ecetu makiya wo; qa taku xice

cin owasin ohimaye kte cin iyo-
ki xni wo.

134. Wicaxta waaiapi kin etanhan emahdaku wo; hecen nitoope kin yuha waun kta.

135. Niite kin on nitaokiye kin iyoyam ya wo; qa woope nitawa kin onspe makiya wo.

136. Miixta kin etanhan mini wakpadan kaduza; nitawoahope opapi xni kin heon etanhan.

TZADI.

137. Jehowa oniwotanna qa woyaco nitawa kin hena hecetu.

138. Nitawoahope econ unyaxipi kin hena wicoowotanna qa wowicake.

139. Oranwako kin he mayutakuni xni; tona tóka mayanpi kin hena nioie akiktonjapi kin heon.

140. Nioie kin ecedan rinca, heon nitaokiye kin waxte daka.

141. Macistina qa xice madapi, tuka nitoope kin hena awektonje xni.

142. Nitoowotanna kin he wicoowotanna owihanke wani-
ca; qa nitoope kin he wowi-
cake.

143. Iyowicakixice qa wico-
kakije mahiyahde; tuka nitawo-
ahope kin hena wowiyuxkin
mitawa kin hee.

144. Niye taku odate cin he-
na owotanna; woksape maqu
wo, hecen wani kta ce.

QOP.

145. Micante kin ocowasin
on hoyewakiya; Jehowa nama-
ron wo, nitoope kin he owape
kta.

146. Houciciya ce, ni mayan
wo; taku odate cin hena mduhe
kta.

147. Anpao kin itokam we-
kta qa cewakiya ce; nioie kin he
en ape manka.

148. Miixta kin anpao kape-
ya unpi, nioie kin awacami kte
cin heon.

149. Nitowaonxida kin on
miho kin namakiron wo; Jeho-
wa woyaco nitawa kin on ni
mayan wo.

150. Tona taku xica akitapi
kin hena kiyadan upi; hena e
nitoope kin itehanyan unpi.

151. Jehowa niye kiyadan
yaun qa nitawoahope kin owasin
wowicake kin hee.

152. Taku odate cin hena
ohiniyan sutaya eyahde, he wa-
nakaja tanhan sdonwaya.

REX.

153. Onmaxike cin he awa-
cin qa emahdaku wo; nitawoa-
hope kin awektonje xni.

154. Imakiye qa emahdaku
wo; nioie kin on ni mayan wo.

155. Niwicaye cin he wica-
xta xicapi kin wicitehanyan yan-
ka; nitoope akitapi xni kin he-
on.

156. Jehowa nitowaonxida kin hena ota; woyaco nitawa kin on ni mayan wo.

157. Tona xicaya makuwapi qa tóka mayanpi kin hena ota; tuka taku odake cin he amduxtan xni.

158. Wartanipi sa kin wanwicamdake ça iyomakixica; nioie kin opapi xni kin heon.

159. Nitoope kin token waxe wadake cin he awacin wo; Jehowa nitowaonxida kin on ni mayan wo.

160. Nioie otokahe kin he wowicake, qa woyaco owotanna nitawa kin hena owasin owihanke wanica.

XIN.

161. Wicaxta itancanpi kin takudan on etanhan xni onxiya makuwapi; tuka micante kin nioie kokipeyahan un.

162. Nioie kin on nina imduxkin, tuwe woyuha ota iyeye cin he iyececa.

163. Itonpixon kin he xice wadake ça warte wada xni qa nitawoahope kin he waxte wadaka.

164. Anpetu otoiyohi xakowin akihde ciyatan; woyaco owotanna nitawa kin on.

165. Tona nitawoahope waxe dakapi kin hena wookiye tanka qa taku en ibotopi kin takudan yuhapi kte xni.

166. Jehowa wiconi nitawa kin he ape waun qa nitawoahope kin ecen ecamon.

167. Taku odake cin hena minagi kin ope ça nina waxte wadaka.

168. Mitacanku kin owasin nitokam wanka, heon nitoope qa token odake cin hena yuha waun.

TAW.

169. Jehowa houciye cin he nikiyadan u kiya wo; nioie kin eciyatanhan onspe makiya wo.

170. Wocekiye epe cin nitokam u kiya wo; nioie kin on ecetu mayan wo.

171. Nitoope kin onspe mayakiye cinhan miiha kin odowan oyake kta.

172. Nioie kin on miceji kin ie kta; nitawoahope kin owasin owotanna.

173. Ninape kin omakiye kte; nitoope kin hena iyomakipi.

174. Jehowa wiconi nitawa kin he cantowakpani; qa nitawoahope kin he wowiyuxkin waya.

175. Minagi kin ni mayan wo, niyatan kta ce; woyaco nitawa kin hena omakiyapi nunwe.

176. Tarin wanuyanpi watanin xni kin he iyecen wanuni;

nitaokiye kin okide wo; nita-
woahope kin akiktonje xni
waun.

PSAM 121.

Iyadi pi Odowan.

1. Paha kin ekta miixta on
wankan ewatonwe kta heciya
tanhan omakiye cin u ce.

2. Jehowa marpiya maka ko
kage cin he etanhan omakiye
cin u kta.

3. He nisiha kin ricahe kte
cin iyowinkiyete kte xni; tuwe
awanniyake cin he rba kte xni.

4. Wanyaka wo, tuwe Israel
awanhdake cin he rba kte xni
qa ixtinbe kte xni.

5. Jehowa waawanhdake ni-
tawa kin; enitapa tanhan ohanzi
nitawa kin Jehowa hee.

6. Anpetu icunhan anpetu wi
kin axpan niye kte xni, qa han-
yetu icunhan hanyetu wi kin
kiuniniye kte xni.

7. Jehowa taku xica owasin
etanhan enihdaku kta; ninagi
kin Jehowa ehdaku kta.

PSAM 122.

Iyadi pi odowan, Dawid tawa.

1. Jehowa ti kin ekta itawan-
kanhde unyanpi kta ce emakiya-
pi qehan imduxkin.

2. Jerusalem nitatiyopa kin
mahen unsihapi kin iyahanpi.

3. Otonwe wan tipi icikiki-
yedan he cin he iyecen Jerusa-
lem kagapi.

4. Hèciya wicowazi kin ya-
pi, Ja wicowazi tawa, Israel
waayatanin kin hee; Jehowa ca-
je kin yatanpi kte cin heon.

5. Hen woyaco oiyotanke kin
hdepi, Dawid tiyohnaka oiyo-
tanke tawapi kin hena.

6. Jerusalem tawookiye kin
he icekiya po; tona waxte nida-
pi kin hena wápiya unpi kta.

7. Conkaxke nitawa kin ma-
hen wookiye un kte, ça tipi
waxtete nitawa kin mahen wo-
waxte un nunwe.

8. Mihunkawanji qa mitako-
da kin hena on etanhan, Niye
en wookiye un nunwe, epe kta.

9. Jehowa Wakantanka unki-
tawapi tipi kin on etanhan tan-
yan yaun kte cin awakite kta.

PSAM 125.

Iyadi pi Odowan.

1. Tona Jehowa wacinyanpi
kin hena Ziyon paha kin iyece-
capi; tohini pahoho kte xni qa
ohiniyan ecen he kta.

2. Jerusalem ihdukxan paha
hiyeye cin he iyecen Jehowa
taoyate kin wicihdukxan un, de-
tanhan owihanke wanica.

3. Wicaxta xica cansakadan
tawapi kin wicaxta waxte tamá-

ga kin en wanke kte xni; *hececa* unkanx wicaxta waxte kin taku xica en nape yekiye kta naceca tuka.

4. Jehowa tona waxte kin he-
na tanyan ecawicakicon wo, qa
tona cante owotanna kin hena.

5. Qa tona iye canku oxki-
xkeya wanke cin ekta icunom
yapi kinhan hena Jehowa war-
tanipi sa om awicaye kta; tuka
Israel *oyate* kin wookiye *yuha-*
pi kta.

PSAM 126.

Iyadi Odowan.

1. Jehowa Ziyon ake wayaka
hdicu yaye çehan tona wiha-
mnanpi kin iyeuncecapì.

2. Hehan irapi on i unkoju-
pidan qa uncejipi kin odowan
on: Hehan Ikcewicaxta kin he-
yapi; Jehowa taku tanka ecawi-
cakicon ce.

3. Jehowa taku tanka ecaun-
kiconpi kin heon unkiyuxkin-
pi.

4. Jehowa wayaka hdicu un-
yan po, wakpadan okaga tanhan
wanke cin iyececa.

5. Tona ceya wojupi kin he-
na odowan ahiyaya mnayanpi
kta ce.

6. Tuwe ceya ye ça su ka-
dada erpeya aye cinhan he awi-
cakehan iyuxkinyan ku qa par-
tapi kin qin aku kta.

PSAM 123.

Iyadi Odowan.

1. Tuwe Jehowa kokipe ça
tacanku kin ohna mani kin he
wowaxte yuha.

2. Ninape oran kin etanhan
wayate kta, cante niwaxte qa
wápiya yaun kta.

3. Nitawin can iyuwi wan
yati kin icahda he ça waskuyeca
aicage cin he iyececa; qa nicinca
kin wahna wotapi nitawa ihdu-
kxan, can wihi on kagapi kin
iyececapì kta.

4. Wanyaka wo, wicaxta kin
tuwe Jehowa kokipe cin hecen
yuwaxtepi kta.

5. Ziyon etanhan Jehowa ni-
yuwaxte kta; qa Jerusalem wo-
waxte kin wandake kta, ni yaun
kin hehanyan.

6. Han, nicinca sanpa cinca-
pi kin wanwicayahdake kta.
Israel tanyan un nunwe.

PSAM 133.

Iyadi odowan, Dawid tawa.

1. Wanyaka wo, hunkawan-
jin kiciyapi okonwanjidan wita-
ya tipi kin he waxte ce.

2. Ihepi waxte pa kin aka-
xtanpi qa putin hin, Aharon pu-
tin hin kin iyohi qa wokoyake
upí kin akagohan hiyaye cin he
iyececa.

3. Hermon acu kin he iyece-
ca, Ziyon re kin ahinhe cin hee;

héciya Jehowa wowaxte kin iwahowicaya, owihanke wanin wiconi kin hee.

PSAM 134.

Iyadipi Odowan.

1. Iho po, tona Jehowa ookiye niyanpi, tona hanyetu icunhan Jehowa ti kin en nayajinpi kin owasin Jehowa yatan po.

2. Tipi wakan kin ohna nape kiyugatapi qa Jehowa yawaxte po.

3. Jehowa marpiya maka ko icar ye cin he Ziyon eciyatanhan niyuwaxte kta.

PSAM 137.

1. Babulon wakpa kin icahda, hen unkiyotankapi qa Ziyon uniksuyapi qa hehan unceyapi.

2. He ohna corwanjica kin en candowankiyapi unkitawapi kin otkeunyanpi.

3. Hen tona wayaka unka hdapi kin hena odowan wan oyake unxipi qa tona iyuxkinyan unyutakunipi xni kin hena, Ziyon tadowan kin on unkidowan po, *unkekiciyapi*.

4. Makoce tokeca en Jehowa tadowan kin token unkahiyayapi kta he.

5. Jerusalem aciktonje cinhan nape mietapa kin akiktonja nunwe.

6. Ciksuye xni kinhan miceji micaka kin en askapa nunwe; wowiyuxkin tokaheya mitawa kin isanpa Jerusalem waxte wadake xni kinhan.

7. Jehowa Edom cinca kin kiksuya wo, Jerusalem taanpetu kin en. Hena kaken eyapi, Yujuju po, taku akan he cin yujuju po.

8. Babulon cunwintku yutakunixni aye kte cin, token ecaunyeconpi kin he iyecen tuwe ecanicon kte cin he wowaxte yuha.

9. Tuwe hokxiyoqopa nitawa kin iwicacu qa inyan iyapa wicakate cinhan hee wowaxte yuhe kta.

PSAM 138.

Dawid tadowan.

1. Micante kin ocowasin on ciyatan kta; taku wakan kin wicitokam icidowan kta.

2. Tipi wakan nitawa kin ektakiya mduwinte kta, qa nito waonxida wowicake nitawa ko on nicaje kin mdatan kta; nioie kin he nicaje kin ocowasin iwan kam iyeyaya.

3. Anpetu kin en hoyeciciye cehan namayaron qa minagi kin ektawowaxake on waxag mayaya.

4. Jehowa maka akan wicaxtayatapi kin owasin niyatanpi

kte; Jehowa towitan kin he tanka, heon etanhan.

5. Jehowa tehan wankantuya un kex tona onxiidapi kin hena awicatonwan ece, tuka wamnaidapi kin hena itehanyan sdonwicaya.

6. Woiyokixice en mawani exta nimayaye kta; tona toka mayanpi wocanniye kin ekta nape yeyakiye ça ninape etapa kin emahdaku kta.

7. Taku mitawa kin Jehowa yuecetu kte; Jehowa nitowaonxida kin owihanke wanica, taku ninape kage cin he erpeye xni wo.

PSAM 142.

David tadowan.

Makordoka oti mahen un qehan wocekiye eye cin he dee.

1. Maho kin on Jehowa hoyewakiya; maho kin on Jehowa wocekiye ewakiya.

2. He itokam iwaë cin wtpapson qa itokam makakije cin owasin owahdaka.

3. Miye mahen minagi kin ahdaskicapi qehan mitacanku kin sdonyaya; canku omawani kin he en wihmunke wan narmana emakipapi.

4. Ematapa tanhan ewatonwe ça wawanmdaka tuka tuwe sdonmaye kte cin wanica. Wowinape kin makitanin xni. Tu-

wedan minagi kin wacin en yuze xni.

5. Hehan Jehowa hoyeciciya; kaken epa, Wowinape mitawa qa woyuha mitawa kin he niye ce, wicani makoce kin en.

6. Hoyeciciye cin he anamagoptan wo, nina iyomakixica; tona xicaya makuwapi kin etanhan emahdaku wo; hena waxakapi qa miye e wamaxake xni.

7. Wicakaxka tipi kin etanhan minagi kin ehdaku wo, nicaje kin mdatan kta ce. Tona waxte kin hena mihdukxan yukanpi kta. Niye tanyan ecamiyecon kte cin heon etanhan.

PSAM 145.

Woyuonihan odowan, Dawid tawa.

1. Wicaxtayatapi Wakantan-ka mitawa ciyuonihan qa nicaje kin mdatan kta, ohiniyan owihanke wanica.

2. Anpetu iyohi ciyawaxte kta, qa owihanke wanica nicaje kin iwadowan kta.

3. Jehowa he tanka qa tanka ya yatanpi kta, qa tanka kin he wopteca xni.

4. Wicoicage wanji wicoicage tokeca en nioran kin idowanpi kta, qa taku tanka yakage cin hena oyakapi kta.

5. Wowitan woyuonihan tanka nitawa kin caje mdate kta, qa nioie wowinihan kin hena koya.

6. Nioran wowinihan qa waxake cin he *wicaxta* kin cajeyatapi kta; nitanka kin he omdake kta.

7. Nitowaxte tanka wokiksu-ye kin he ijehan oyakapi kta; qa nitoowotanna kin idowanpi kta.

8. Jehowa wawacinkta yuze ça wacantkiya, wacinko xni qa towaonxida kin he tanka.

9. Owasin en Jehowa waxte qa towaonxida kin he iye oran kin owasin iwankam un.

10. Jehowa taku yakage cin owasin niyatanpi kta, qa wicaxta waonxida nitawa kin hena inidowanpi kta.

11. Nitokiconze wowitan kin cajeyatapi kta, qa nitowaxake kin on iapi kta.

12. Hecen *Wakantanka* oran waxake ça tokiconze wowitan tanka kin wicaxta cincapi kin owicakiyakapi kta.

13. Nitokiconze kin he wokiconze owihanke wanica, qa wicaduhe cin he wicoicage qa wicoicage owasin hehanyan.

14. Tona ricahanpi kin hena owasin Jehowa owicakiye ça tona pamahdedan unpi kin hena owasin pa yuwankan iwicacu.

15. Taku ixta yuke cin owasin ekta enitonwanpi, qa taku yutapi iwicayacinyan wicayaqu ece.

16. Nape yahdumdaye ça taku ni un kin owasin imna wicayaya.

17. Tacanku kin owasin ohna Jehowa owotanna un qa oran kin owasin en waonxida.

18. Tona Jehowa hoyekiya-pi kin hena owasin wicikiyedatun; tona awicakehan hoyekiya-pi kin hena.

19. Tona kokipeyahan un kin hena token wacinpi kin owasin ecetu wicakiciciye kta; qa hoyekiyapi kin nawicaron qa ni wicaye kta.

20. Tona Jehowa waxte dakapi kin hena owasin awanwicahdaka ece, tuka tona xicapi kin hena owasin wicayutakuni kte xni.

21. Jehowa yatanpi kin mii kin cajeyate kta; qa wicacerpi kin owasin iye caje wakan kin owihanke wanin yawaxtepi nunwe.

PSAM 147.

1. Jehowa yatan po. Wakantanka unkitawapi kin odowan kahiyayapi kin he waxte; he oiyokipiya yatanpi kin he waxte.

2. Jehowa Jerusalem piya kage ça Israel *oyate* enanakiya iyayapi qon hena ake wicahduwitaya.

3. Tona cante kicaksapi kin

hena okizi wicaye ça iyokixicapi kin owasin aparta.

4. He wicanrpi kin tonakeca kin yawa qa cajepi kin owasin cajeyata.

5. Itancan unkitawapi kin he tanka qa nina waxaka; token okarnige cin he yawapica xni.

6. Tona warbayedan un kin hena Jehowa yuwankan iwicacu, qa wicaxta xice cin hena makata erpewicaya.

7. Wopida yuha Jehowa idowan po; candowankiyapi on woyatan Wakantanka unkitawapi kin kahiyaya po.

8. He marpiya kin marpiya xapa on akarpa qa magaju kin maka kin kicage ça re kin peji aicar ya.

9. Woteca kin wo wicaqu qa nakun kangi cinca kin hotonpi kinhan.

10. Xuktanka waxake cin he en iyuxkin xni qa wicahuha kin hena iyokipi xni.

11. Tona Jehowa kokipapi qa towaonxida kin ape yukanpi kin hena Jehowa waxte wicadaka.

12. Jerusalem Jehowa yatan wo; Ziyon Wakantanka nitawa kin idowan wo.

13. He nitatiyopa can ihupa kin yusuta qa mahen nicinea kin wicayuwaxte.

14. Nihdukxan wookiye kage

ça aguyapi cepe cin he on ojudan niyan.

15. Maka kin ekta toope kin u xi; iye oie kin dus inyanka.

16. Tarinca wanuyanpi hin kin iyecen wa hinhe kiye, ça rewanke kin carota iyecen kamdemden erpeya.

17. Oyaptapi kin iyecen wasu tawa kin hiyu ya; osni tawa kin itokam tuwe najin okihi he.

18. He iye oie kin hiyu ye ça hena skan iyeya; tateyanpa uya eca mini apaxbog iyaya ece.

19. Iye oie kin Jakob wanyag kiye, ça toope tawoyaco ko Israel *oyate kin wicakipazo*.

20. Oyate tokeca hecen eca-wicakicon xni qa woyaco tawa kin hena sdonyapi xni. Jehowa yatan po.

PSAM 148.

1. Jehowa yatan po. Marpiya kin eciyatanhan Jehowa yatan po. Wakantanka yatan po.

2. Ohnihde niyanpi kin owasin yatan po; wicobe tawa kin owasin yatan po.

3. Anpetu wi hanyetu wi ko Jehowa yatan po; iyoyanpa wicanrpi kin owasin he yatan po.

4. Marpiya marpiya kin Jehowa yatan po; qa marpiya kin iwankam mini kin nakun.

5. Hena Jehowa caje kin yatanpi nunwe. Iye hecen eya unkan hena icaga;

6. Qa nakun hena ohinniyan sutaya ehde. Taku konze cin he ecetu xni aye kte xni.

7. Unkteri qa miniwanca owasin maka kin etanhan Jehowa yatan po.

8. Peta, wasu, wa, minibozan ko, qa tate ibomdu kin Wakan-tanka tawacin kin ecen ecanon;

9. Reyaka qa paha owasin; can waskuyeca aicage cin qa rante kin owasin;

10. Woteca qa wanuyanpi kin owasin; wamanica qa taku kinyan un kin:

11. Maka akan wicaxtayatapi qa oyate kin owasin; wicaxta itancan qa wicaxta wayaco maka ohnaka kin owasin:

12. Koxka wikoxka ko; wicarınca hokxiyoqopa ko;

13. Hena owasin Jehowa caje kin yatanpi kte. He caje kin heceden tanka qa towitan kin marpiya maka ko iwankam un.

14. Iye taoyate he kin yuwankan iyeya; Israel cincapi, oyate wan ikiyadan un kin, wicaxta waonxida tawa ko hena wowitan kin hee. Jehowa yatan po.

WOOTANIN WAXTE
LUKA QAJAN,

OWAPI QON HENA EEPÍ;

MATOROTA QA PSINCINCA OKAGAPI.

THE
GOSPELS
OF
LUKE AND JOHN,
IN THE DAKOTA LANGUAGE;

TRANSLATED

BY MR. G. H. POND AND MR. JOSEPH RENVILLE, SR.

Published by the American Board of Commissioners for Foreign Missions.

CINCINNATI:

KENDALL AND BARNARD, PRINTERS.

1843.

WAKANTANKA Cinhintku makata hi qehan woartani on te içiye ça he kajuju kta e on hi. 'Taoyate iye wartanipi kin etanhan ewicahdaku qa ni wicaye kta on hi qa hecen Jesus eciyapi. Caje kin he hecen kapi.

Jesus maka omani qehan token wawicayazan kin asni wicaye ça tapi kin ni wicaye ça iye kakix içiye ça te cin on token wiconi kage ça ake kini qa marpiya ekta kihde cin hena wicaxta tom Woniya Wakan eciyatanhan oyakapi qa Wowapi Wakan en kagapi.

Ehantanhan waniyetu topa he ehan Markos owa qon he nicupi. Nakaha ake nom yaotaninpi kin duhapi kta. Token wanyakapi qa naronpi qa sdonyapi kin he unkokiyakapi; qa yaotaninpi kin he wicaka sdonunyanpi. Wanikiya unkitawapi kin he Jesus ee. Hecedan wacinunyanpi kta ce.

Wakantanka Ate unyanpi Wootanin Waxte nitawa unyawapi kinhan ixta mdes unkiyapi qa cante unkiyuzamni po; nioie kin awacin unyanpi qa wiconi unqu po. Marpiya ekta nanke cin nietapa kin en unkiyotankapi qa ohinniyan unniyatanpi kte. Hecetu nunwe.

WOOTANIN WAXTE

LUKA OWA QON.

THE GOSPEL BY LUKE,

IN THE DAKOTA LANGUAGE;

TRANSLATED BY G. H. POND, ESQ.

WICOWOYAKE 1.

1. Otokahe kin ehantanhan wicota taku ixta on wanyakapi, qa wicoie oyakapi, qa unkix taku kin henan unqupi qon he epi;

2. Taku kin henan unkiyopeyapi un qa awicakehan wicaundapi kin, he iye yazuncaya yaotaninpi:

3. Unkan he on etanhan mixeya, taku kin henan owasin otokahe rince cin ehantanhan eca owakarnige cin on etanhan, Te-yopile iyotan yaun kin, nix hehan yahdaheya ociciwa ehan waxtewadaka ce;

4. Hecen taku onspeniciyapi qon henan wicaka e sdoniyakiye kta ce.

5. Herod Juda wicaxtayatapi

qon he ni un qehan, wawayuxna wan Zacariyas eciyapi kin, Abiya optaye kin hetanhan; qa tawicu kin ix Aharon cunwintku kin hetanhan: unkan Elisabet eciyapi.

6. Unkan henan sakim Wakantanka itokam owotanpidan, qa Itancanka woahope qa wicoope tawa kin henan owasin tanyan omanipi.

7. Unkan Elisabet hokxin yuhe xni un, qa hecen cinca nicapi; unkan sakim wannan kanpi.

8. Unkan optaye Zacariyas etanhan kin he wawayuxnapiwicoran kin he iye wannan Wakantanka itokam ecen econ kta eca,

9. Iye Itancanka tipi wakan

tawa kin en tin iyaya ca, waa-zintonpi ece econ kta e wawa-yuxnapi wicoran kin ekta kagapi.

10. Unkan waazintonpi icunhan, oyate kin owasin itankan wacekiya hiyeye.

11. Unkan Itancanka wahoxiye wakan tawa kin wanji *Zacariyas* ekta hi, qa ahna waazintonpi kin etapa eciyatanhan hinajin.

12. Unkan *Zacariyas* he wanyake çehan, wacin iyokixice, ça wakokipe.

13. Tuka wahoxiye wakan kin heciya; Wakokipe xni wo, *Zacariyas*; wocekiye nitawa kin he wannan naronpi ce; qa nitawin Elisabet hokxidan wan niciyuhe kta ce, qa Jan eya caje-date kte.

14. Unkan wowiyuxkin, wopida ahna yaton kta ce, qa tonpi kin on wicota iyuxkinpi kte.

15. Qa iye Itancanka kin itokam tanka kta ce; unkan minixa qa miniwakan takudan yatke kte xni ce; qa hunku itpi kin etanhanx. Woniye Wakan on ojudan kta ce.

16. Unkan iye Israel cinca kin etanhan ota Itancanka *Wakantanka* tawapi kin ekta wicayuhomni kte.

17. Unkan *Elias* woniye woxaxake ahna tawa kin he yuha

he itokam ye kta ce, qa atewicayapi cincawicayapi kin kici can-te wicayuokunwanjidan, qa wanononpi xni kin henan owotan-nan unpi wicoksape kin ekta wicayuhomni kta ce; qa oyate wan iihduxtanpi *Itancanka* kin wiyaya kicihnake kta ce, eya.

18. Unkan *Zacariyas* wahoxiye wakan kin heciya; Wannan wimancarinea, qa mitawin wannan kan ce; hecen taku on de sdonwakiye kta he? eya.

19. Unkan wahoxiye wakan kin waayupte, ça heciya; Gabiyel, *Wakantanka* itokam najin kin he miye ce; unkan ociciye, ça wootanin waxte kin de sdotkiyeciciye kta e umanxipi.

20. Unkan inyun, mioie tohan iyehantu kinhan yuecetupi kte cin de wicayada xni kin on etanhan tohan yuecetupi xni kin hehanyan, ie xni, qa iapi okitpaniyan yaun kta ce, eya.

21. Unkan oyate kin *Zacariyas* ape hiyeye, ça tehan tipi wakan kin en ohna yanke cin on etanhan inihanpi.

22. Unkan tankan hdiu qehan, owicakiye kte cin okitpani: unkan namwicakicawin, qa ie xni un; on etanhan tipi wakan kin ohna taku wakan wanji wanyaka e iyukcanpi.

23. Unkan wicoran econ kin

he wanna ecen yuxtan qehan, iye ti kin ekta kihda.

24. Unkan anpetu kin henan iyohakam tawicu Elisabet hokxin itpihnaka; unkan wi zaptan hehanyan inarbe, ça heya;

25. Anpetu wan en Itancanka kin ahimantonwe çehan, decen ecamicon, qa wicaxta kin opeya woienhde *waton* qon he erpe-mankiya ce, eya.

26. Unkan wi kin ixakpe qehan, wahoxiye wakan Gabiyel he e Wakantanka etanhan yexipi; unkan Galila *makoce* kin ekta, otonwe wan Nazaret eciyapi kin en,

27. Wikoxka wan wicaxta wan Josep eciyapi Dawid wicowazi kin hetanhan kin he he yuze kte; unkan he e ekta u: unkan wikoxka kin Mari eciyapi.

28. Unkan he yanke cin en wahoxiye wakan qon hi, qa heciya; Hiwo, tanyerin ecaniconpi kin, Itancanka kin nici un ce: winorinca kin opeya niye niyu-waxtepi ce, eya.

29. Unkan wikoxka kin he wanyake çehan, oie kin on inihan, qa he taku ke kta hecinhan he awacin.

30. Unkan wahoxiye wakan qon heciya; Mari, wikope xni wo: Wakantanka ekta wowaxte iyeniciya ce.

31. Unkan inyun, hokxin itpiyahnake kta ce, qa hokxidan wan yaton kta ce, qa JESU eyakiye kte.

32. Unkan iye tanka kta ce, qa Iyotan wankantu kin he Cihintku eciyapi kta ce; qa atkuku Dawid oyanke tawa kin he Itancanka kin Wakantanka hduhekiye kte.

33. Qa Jakob ti kin he ohiniyan idake kta ce; qa wawidake cin he okiciwihanke kte xni ce, eya.

34. Unkan Mari wahoxiye wakan qon heciya; De token on iyecetu kta he? wicaxta sdonye xni waun ce, eya.

35. Unkan wahoxiye wakan qon waayupte, ça heciya; Woniye Wakan kin en niu kta ce, qa Iyotan wankantu towaxake kin he anihanzi kta ce, qa hecen on taku wakan wanji yaton kte cin, he Wakantanka Cihintku eciyapi kte.

36. Unkan inyun, Elisabet içepanxiyaye cin, he wakanka tuka ix eya wannan hokxin itpihnaka ce, qa hokxin yuhe xni eciyapi qon, he wannan wi kin de ixakpe:

37. Wakantanka kin ekta takudan okitpani kte xni ce, eya.

38. Unkan Mari heya; Itancanka ookiyemanye cin wanyaka ye, nioie kin iyecen

ecamanonpi nunwe, eya. Unkan wahoxiye wakan qon Mari erpeya kihde.

39. Unkan Mari najin, qa koyaran makoce roxki kin, Juda otonwe wan ekta ya:

40. Unkan Zacariyas ti kin en tin iyaye, ça Elisabet okiya.

41. Unkan Elisabet *Mari* ia naron qehan, itpi mahen hokxiyopa kin xkehanhan; unkan Elisabet Woniye Wakan on ojudan.

42. Unkan hotankakiya heya; Winorinca opeya niye niyuwaxtepi, qa niitpi kin etanhan icage kte cin he yuwaxtepi ce.

43. Qa Itancanka mitawa hunku kin he ekta manhi kte cin de tokiyatanhan u hun?

44. Inyun, iyae cin noge kin iyorpemanye çehan, wancake miitpi kin mahen hokxiyopa wowiyuxkin kin on xkehe.

45. Unkan tuwe wicada qon he yuwaxtepi: Itancanka kin taku eciye ciqon henan ecen yuxtanpi kta ce, eya.

46. Unkan Mari heya; Mitaniya kin he Itancanka kin yatan ce;

47. Qa minagi kin he Wakantanka wanikiya mitawa kin en iyuxkin ce.

48. Taokiye kuya un kin ekta ahimantonwan on etanhan inyun, detanhan wicoicage kin

owasin yuwaxtepi emankiyapi kta ce.

49. Tuwe waxake cin he taku rinca ecamicon; unkan caje kin wakan ce.

50. Tonan kokipapi kin henan wicoicage oiyahdedheya onxiwakida ece.

51. Iye isto kin on wowaxake econ ce; witantanpi kin henan taku cante mahen wacinyuzapi kin he en wicaoyumdeca.

52. Waxakxake oyanke twapi kin etanhan kun hdicuwicaye, ça kuya unpi qon henan wankan wapa awicaya.

53. Wotektehdapi kin henan taku waxtexte on imnahanwicaye, ça wijicapi kin ix cokakadan token yewicaxi.

54. Iye towaonxida kin he kiksuye, ça Israel ookiyeye cin he ikiya ce;

55. Hunkakewicunyanpi, Abraham cinca kici, henan ohinnyan oie wicakicaton qon he iyececa ce, eya.

56. Unkan wi yamni hehanyan cen Mari Elisabet om ti, qa hehan iye ti kin ekta kihda.

57. Unkan Elisabet cincaton kte cin wannan iyehanü; unkan hokxidan wan ton.

58. Unkan ikiyedan unpi, içepanku ko Itancanka kin Elisabet ninan onxida naronpi; unkan om iyuxkinpi.

59. Unkan anpetu ixahdogan qehan, hokxiyopa kin ohomni baxpapi kte ahi; unkan atkuku Zacariyas caje kin he icajekiya-pi.

60. Unkan hunku kin itkom heya; Hiya hecetu xni; Jan eciyapi kta ce, eya.

61. Unkan heciyapi; Taku-wicayaye cin tuwedan hecen eciyapi xni ce, eyapi.

62. Unkan atkuku kin ix to-ken eya cajeyate kta hecinhan, he iyuteya iwangapi.

63. Unkan ahna wowapi ka-gapi wan da, qa Caje kin Jan ee ce, eya owa. Unkan owasin inihanpi.

64. Unkan hecehnannan Za-cariyas i kin yukawapi, qa ceji kin kiyuxkapi; unkan ie, ça Wakantanka yatan.

65. Unkan okxan tipi kin owasin wikopapi: unkan iapi kin denan owasin Juda roxki kin, owancaya yaotaninpi.

66. Unkan tonan naronpi qon owasin cante mahen awacin un-pi, qa Hokxiyopa kin de toketu kta hwo? eyapi. Unkan Wa-kantanka nape kin *hokxiyopa* kin kici un.

67. Unkan atkuku Zacariyas Woniye Wakan kin on ojudan; unkan waayate, ça heya;

68. Itancanka Wakantanka Israel tawa kin, he taoyate kin

wannan wicahiyohi, qa opewi-cakiton, on etanhan yawaxtepi nunwe:

69. Taokiye Dawid ti kin en wanikiyapi he wan yuwankan eunkicihdepi ce:

70. Iye waayate tawa ipi kin eciyatanhan, maka kin tokarin icage cin ehantanhan oie kiton kin henan iyecetu ce:

71. Hecen tókaunyanpi qa unkiyuxepi kin henan napepi kin etanhan niunkiyapi kta ce;

72. Wowaxonxida hunkake-wicunyanpi cajewicakiyate ci-qon, he ecen econ kta ce, qa wokiyapi wakan tawa kin he kiksuye kte;

73. Aberaham ateunyanpi kin he taku wakanyan eciye ciqon he he e kta ce;

74. Decen ecaunkiconpi kte; Tókaunyanpi napepi kin etan-han unkiyuxpapi kinhan, hecen wokokipe codan,

75. Iye itokam tohan unnipi kin hehanyan, wicoowotannan wicoecetu ahna yuha ahounpapi kte.

76. Unkan niye, hokxiyopa, Iyotan wankantu waayate tawa kin eniciyapi kta ce; Itancanka ite kin itokam de, ça tacanku kin he wiyaya yecihde kta ce:

77. Qa taoyate wicoran xica wicakicicajujupi kin eciyatanhan

wowanikiye wosdonye kin wicayaqu kte;

78. Wakantanka unkitawapi kin wowaonxida rince cin on wankanta tanhan anpao hiyounhipi kin he eciyatanhan ce;

79. Qa hecen otpaza qa wicote ohanzi ehna iyotankapi kin henan iyoyamwicaye kta ce, qa unsihapi kin wowaxte ocanku kin ohna unkayapi kta ce, eya.

80. Unkan hokxiyopa kin icage, ça tawacin kin waxaka aya; unkan Israel en taniniçiye kte cin hehanyan, makoskan en ece un.

WICOWOYAKE 2.

1. Unkan he ehan Kesar Yugustus maka kin owancaya *wicaxta* kin owicawapi kta e kicunza.

2. Kurenियus Suriya *makoce* yuhe cin he ehan tokarin owicawapi kin de kagapi.

3. Unkan owasin toketken tonwanyanpi qon owicawapi kta e ektakta kipi.

4. Unkan Josep ix Dawid wicowazi kin he etanhan on ix eya Galila makoce kin en Nazaret otonwe kin hetanhan ye, ça Juda *makoce* kin en Dawid otonwe Betlehem eciyapi kin, he ekta ki:

5. Mari tawicuye kte cin he

om owapi kte. Unkan *Mari* cincaton kte cin wannan iye-hantu.

7. Unkan cihintku tokapa kin he he ehan ton, qa timahen owicakanpi xni on etanhan, xinan wan on hduските, ça wanuyanpi en wotapi wan en ohnaka.

8. Unkan makoce kin he en tarincaska awanwicayakapi kin heca hanyen optaye tawapi kin awanwicahdakapi.

9. Unkan inyun, Itancanka wahoxiye wakan tawa kin wicahiyohi; unkan Itancanka wookitanin kin kaohomni iyojanjanwicaya; unkan ninan wikopapi.

10. Unkan wahoxiye wakan kin hewicakiya; Wikopapi xni-po: qa inyun, wopida tanka wotanin waxte oyate kin owancaya ecen ye kte cin, he eca hoxicicahipi ce.

11. Anpedehan Dawid otonwe kin en, Wanikiye wan nicitonpi ce, Kristos Itancanka kin he e ce.

12. On sdonyayapi kte cin he de e ce; Hokxiyopa kin xinan on yuskitapi, qa wanuyanpi en wotapi wan en ohna wanka iye-yayapi kta ce, eya.

13. Unkan ihnuhannan marpiya ekta unpi kin etanhan wicota wahoxiye wakan qon om hiyeye, ça Wakantanka yatanpi, qa heyapi;

14. Iyotan wankantu kin ekta

Wakantanka okitaninyan un, qa maka kin akan wicokiciyuwaxte qa wicaxta kin tanyan cante wicakiyuzapi nunwe, eyapi.

15. Unkan wahoxiye wakanpi qon marpiya kin ekta erpeya wicakiyahdapi qehan, tarincaska awanwicayakapi kin hekiciyapi; Betlehem ekta unyanpi, qa taku hiyohi qa Itancanka kin sdonye- unkiyapi kin de wanunyakapi kta ce, eyapi.

16. Unkan koyaran upi, qa Josep Mari kici, qa hokxiyopa kin wanuyanpi en wotapi wan en ohna wanka iyeyapi.

17. Unkan wanyakapi qehan, hokxiyopa kin on iapi naronpi qon, he owancaya yaotaninpi.

18. Unkan tarincaska awanwicayakapi taku yaotaninpi kin he tonan naronpi qon owasin ini- hanpi.

19. Tuka taku kin denan owasin Mari cante mahen awa- cin un.

20. Unkan tarincaska awanwicayakapi taku naronpi qon henan owasin iyecetu wanyaka- pi qehan, kihdapi, qa taku na- ronpi qa wanyakapi kin henan owasin on Wakantanka yaoni- hanpi, qa yatanpi: taku naronpi qon he iyecetu.

21. Unkan wannan anpetu ixahdogan qehan, hokxiyopa kin ohomni baxpapi qehan, JESU

eciyapi: naharin itpihnakapi xni qehan, wahoxiye wakan qon hecen eya caxton.

22. Moxe wicoope kage ciqon he Mari ope, qa ihduwakaxote xni; qa anpetu *hecon yanka* wannan henakeca qehan, Itan- canka kin *hokxiyopa* kin qupi kta e Jeruxalam ekta hdoupi.

23. Itancanka wicoope tawa kin en, Tonan tokapapi kin he- nan owasin wica ca Itancanka wakanyan tawa ce, eciyapi kta ce, eya owapi qon he iyecetu.

24. Qa nakun wawayuxnapi kte; Itancanka wicoope tawa kin en, Wakiyedan tawanjidan, qa ix wakiyedan cinca nopa wa- wicayuxnapi kta ce; eyapi qon he e *opapi*.

25. Unkan inyun, Jeruxalam en wicaxta wan Simon eciyapi; unkan he wicaxta owotannan qa wacekiya un, qa Israel woki- canpte kin he ape un: unkan Woniye Wakan kin kici un.

26. Unkan *wicaxta* kin he ƙe xni, ecen Itancanka Kristos tawa kin he wanyake kta e Woniye Wakan kin sdotkiyeya.

27. Unkan he Woniye kin on tipi wakan kin en tin hiyu; unkan hunkake kin hokxiyopa Jesu en hdoupi, qa wicoope kin ecen ecakicoupi kte qehan,

28. Simon *hokxiyopa* ado-

ksohan yuze, ça Wakantanka yawaxte, qa heya;

29. Itancanka kin, nioie kin iyecen, nitaokiye kin wannan waxteyaken iyayeyaya ce;

30. Qa wowanikiye nitawa oyate kin owasin wicitokam wi-yaya yehnake cin, he miixta kin on wannan wanmdaka ce;

31. Ojanjan wan oyate kin aojanjanwicaye kte cin, qa ni-taoyate Israel wookitanin kin, he he e ce, eya.

32. Unkan hokxiyopa taku eciyapi kin henan on hunku Mari Josep kiei inihanpi.

33. Unkan Simon wicayawa-xte, qa hunku Mari heciya; In-yun, Israel en wicota ricahanpi, qa ake inajinpi kte cin on hokxi-yopa kin de ehdepi ce, qa nakun wowapetokeca ienhdepi kte cin ee kta ce;

34. Qa nakun eqex mazasag-ye wan on nitaniya kin canipapi kte; qa hecen wicacanteoze ota yuotaninpi kta ce, eya.

35. Unkan waayate waji Anna eciyapi, Panuwel cuwin-tku, qa Axer wicowazi kin he etanhan: unkan hihnaton kin etanhan waniyetu xakowin he-hanyan, hihnaku kiei un; tuka hehan wannan wakanka rinca.

36. Unkan he wannan wiwa-zice; unkan waniyetu wikce-mnan xahdogan qa sanpa topa

cetu: unkan he tipi wakan kin en ece un, qa wote xni yankapi wocekiye ahna on Wakantanka ahopa.

37. Unkan he hehantudanrin en u, qa ix eya Itancanka kin yatan, qa Jeruxalam en tonan opewicakitonpi kin ape unpi kin henan owasin Jesu cajewicaki-yata.

38. Unkan Itancanka wicoope tawa kin owasin ecekcen yu-xtanpi qehan, Galila *makoce* kin en iye otonwe tawapi Nazaret *eciyapi* kin, he ekta kihdapi.

39. Unkan hokxiyopa kin icage, ça woniye kin en waxaka aye, ça wicoksape kin on oju-dan: unkan Wakantanka towa-xte kin he kiei un.

40. Unkan woacaxxin wotapi ca, *Jesu* hunkake kin waniyetu towanakeca Jeruxalam ekta ipi ece.

41. Unkan Jesu wannan wa-niyetu akenopa qehan, wotapi wicoran kin ecen econpi, qa Je-ruxalam ekta ipi.

42. Hecen wannan enakiyapi qehan, hdiyakupi; tuka hokxi-yopa Jesu hekta Jeruxalam en yanka; tuka Josep hunku kiei sdotkiyapi xni.

43. Ptaya hdapi kin en opa ecinpi, qa kiwankapi: unkan ta-kuwicayapi sdotkiciyapi ko wic-ehna okidepi.

44. Unkan iyekiyapi xni qe-
han, Jeruxalam ekta ake icica-
win akin ipi.

45. Hecen yamni can, unkan
tipi wakan kin en ohna waon-
spekiyapi kin wicacokam waa-
nawicagoptan, qa wiwicawanr
yanka iyekiyapi.

46. Unkan wacin ksape cin
qa waayupte cin tonan naronpi
qon owasin inihanpi.

47. Unkan wanhdakapi qe-
han, inihanpi: unkan hunku kin
heciya; Cinx, tokeca ce decen
unkoyakirandapi he? inyun, ni-
yate kici wacin iyokixinya ocide
ce, eya.

48. Unkan hewicakiya; To-
ken on omanyadepi he? Atewa-
ye cin wicoran tawa kin he ito
owecipe kta e sdonyayapi xni
he? eya.

49. Unkan taku ewicakiye
cin he okarnigapi xni.

50. Hecen om hde, qa Naza-
ret ekta ki, qa waanawicakigo-
ptan un. Unkan hunku kin
wicoie kin denan owasin cante
mahen yuha un.

51. Unkan Jesu ksape qa
hanska aya; unkan Wakantanka
ekta wicaxta kin ko ekta waxte-
dapika.

WICOWOYAKE 3.

1. Unkan Tiberiyus Kesar
iwicadake cin en waniyetu iya-

kezaptan, qa Pontiyus Pilatus
Juda yuhe, qa Herod Galila yu-
he, qa sunkaku Pilipos ix Ituriya
Taconitis ahna yuhe, qa Lusani-
yus Abilene yuha,

2. Qa Annas Kayapas kici
wawayuxnapi itancanpi qon he
ehan, makoskan kin ekta Zaca-
riyas cihintku Jan he Wakantan-
ka oie kin hiyohi.

3. Unkan he Jordan kahdaya
makoce wanke cin he owancaya
ecen u, qa wicoran xice wicaki-
cicajupui kte cin on wicoiyo-
pe-iciye baptizapi kin he oyaka.

4. Waayate Esayas oie wo-
wapi kin en owapi qon he iye-
cetui; unkan he hecen owapi;
Itancanka kin ohna ye kte cin he
wiyaya kicihnakapo qa tacanku
kin he kiciyuowotanpo.

5. Kaksiza owasin ojuyapi,
qa reyaka paha ko owasin ka-
hukun iyeyapi kta ce, qa pakxi-
kxan kin henan yuowotanpi, qa
ocanku tartage cin henan yu-
mdayapi kta ce;

6. Qa wicacerpi kin owasin
Wakantanka wowanikiye kin
wanyakapi kta ce; makotahedan
kin ekta tuwe eya niyan, eya
owapi qon he e ce.

7. Unkan wicota Jan wica-
baptiza kte ekta ahi qon, henan
hewicakiya; Wamduxka wicoi-
cage kin, nix Woxitkihda u kte

cin he etanhan napapo; tuwe e eniciyapi he?

8. Hecen wicoiyopeiçiye iyecen waskuyeca icaryapo, qa cante mahen, Aberaham ateunyanpi kin he e ce; ecinpi xnipo: qa heciyapi ce; Inyan kin denan etanhan Aberaham cinca kicage kte cin Wakantanka okihi ce.

9. Unkan ix eya onspe kin wannan canhuta kin en ayapi ce; qa hecen can kin tonan waskuyeca waxtexte aicage xni kin, henan owasin kawankapi, qa petan erpeyapi ece, eya.

10. Unkan oyate kin wiwangapi, qa heciyapi; Hecen unkix token unranpi kta? eyapi.

11. Unkan waayupte, ça hewicakiya; Tuwe ordorda nopa yuha hecinhan, tuwe nice cin uman qu kta ce; qa tuwe woyute ton hecinhan, ix eya ecen econ kta ce, eya.

12. Unkan wamnayanpi kin ix eya behan Jan wicabaptiza kte en ahi, qa heciyapi; Waonspekiye cin, unkix token unranpi kta? eyapi.

13. Unkan hewicakiya; Waticunzapi kin isanpa kicapi xnipo, eya.

14. Unkan akicita kin ix eya wiwangapi, qa heciyapi; Qa unkix token unranpi kta? eyapi. Unkan hewicakiya; Wicaxta

kin tuwedan wakokipe kicagapi xnipo, qa tuwedan oitonxnihan en ayapi xnipo; qa iniciyuwinpi kin isanpa awacinpi xnipo, eya.

15. Unkan oyate kin owasin wakta hiyeye cin on etanhan wicaxta owasin cante mahen hecinpi; Kristos he Jan ee, qa ix ee xni; uman tukte iyecetu hecinhan? ecinpi.

16. Unkan Jan waayupte, ça owasin hewicakiya; Miye mini on cibaptizapi; tuka wanji mikapeya waxaka u ce, he iye tahan-kpan kin weciyuxke kte cin iye-mancece xni ce: iyex Woniye Wakan peta ahna on nibaptizapi kte:

17. He iye wicaduge nape ohna hduhe, ça owanke tawa kin tanyan hduska kta ce; qa aguyapi su kin he tpahi, qa canwohnaka kin en okihnake kta ce; tuka ha kin e peta kasni pica xni wan on rurnarye kta ce, eya.

18. Unkan wahokonwicakiye cin en taku toktokeca nakun ota oyate kin owicakiyaka.

19. Unkan Herod wicaxtaya-tapi kin, sunkaku tawicu Herodiyas he e, qa taku toktokeca wicoran xice kage cin, henan on Jan Herod iyopeya.

20. Unkan Herod ake iyotan akicage, ça kaxka wicahnakapi

tipi kin en ohna Jan kaxka kna-
ka.

21. Unkan oyate kin owasin
wicabaptizapi qon he ehan, Jesu
ix eya baptizapi; unkan wace-
kiye çehan, marpiya kin nardog
hihde:

22. Unkan Woniye Wakan
kin tanton wakiyedan karya kun
u, qa *Jesu* en iyahan; unkan
marpiya kin eciyatanhan wicaho
wan u, qa heya; Micinkxi wa-
xtewakidake cin he niye ce, qa
tanyan iyomanyakipi ce, eya.

23. Unkan Jesu ix hehan
wannan waniyetu wikcemnan
yamni cetu; unkan Josep cihin-
tku kin he e ecinpi; unkan Heli
etanhan *Josep icaga*;

24. Heli ix Matata etanhan
icaga; Matata Lewi etanhan,
Lewi Melci etanhan, Melci Jan-
na etanhan, Janna Josep etan-
han,

25. Josep Matatiyas etanhan,
Matatiyas Amos etanhan, Amos
Naum etanhan, Naum Esli etan-
han, Esli Naga etanhan,

26. Naga Mahat etanhan, Ma-
hat Matatiyas etanhan, Matati-
yas Semi etanhan, Semi Josep
etanhan, Josep Juda etanhan,

27. Juda Jan etanhan, Jan
Resa etanhan, Resa Zorobabe
etanhan, Zorobabe Salatiye etan-
han, Salatiye Neri etanhan,

28. Neri Melci etanhan, Mel-

ci Adi etanhan, Adi Kosam e-
tanhan, Kosam Elmodam etan-
han, Elmodam Er etanhan,

29. Er Jose etanhan, Jose E-
liyezer etanhan, Eliyezer Joram
etanhan, Joram Matata etanhan,
Matata Lewi etanhan,

30. Lewi Simon etanhan, Si-
mon Juda etanhan, Juda Josep
etanhan, Josep Jonan etanhan,
Jonan Eliyakim etanhan,

31. Eliyakim Meleya etan-
han, Meleya Mena etanhan, Me-
na Matata etanhan, Matata Na-
tan etanhan, Natan Dawid etan-
han,

32. Dawid Jese etanhan, Jese
Obed etanhan, Obed Boz etan-
han, Boz Salmon etanhan, Sal-
mon Nason etanhan,

33. Nason Aminadab etanhan,
Aminadab Aram etanhan, Aram
Esrom etanhan, Esrom Pares
etanhan, Pares Juda etanhan,

34. Juda Jakob etanhan, Ja-
kob Isak etanhan, Isak Aberaham
etanhan, Aberaham Tara etan-
han, Tara Nacor etanhan,

35. Nacor Saruc etanhan, Sa-
ruc Ragu etanhan, Ragu Pelek
etanhan, Pelek Heber etanhan,
Heber Sala etanhan,

36. Sala Kanan etanhan, Ka-
nan Arpaxad etanhan, Arpaxad
Sem etanhan, Sem Nowe etan-
han, Nowe Lamec etanhan,

37. Lamec Matusala etanhan,

Matusala Enok etanhan, Enok Jared etanhan, Jared Malale etanhan, Malale Kanan etanhan,

38. Kanan Enos etanhan, Enos Set etanhan, Set Adam etanhan, Adam Wakantanka etanhan.

WICOWOYAKE 4.

1. Unkan Jesu Woniye Wakan on ojudan; unkan Jordan eciyatanhan hdi: unkan Woniye kin makotahedan kin ekta iya-yeya.

2. Unkan anpetu wikcemnan topa hehanyan wakanxice wawiyutanye. Unkan anpetu kin henan en takudan yute xni; tuka iyohakam wotektehda.

3. Unkan wakanxice cin heciya; Wakantanka Cihintku kin he niye hecinhan, Inyan kin de aguyapi hihda wo, eya wo, eya.

4. Unkan Jesu itkom heciya; Aguyapi ecedan on wicani kte xni ce; tuka Wakantanka oie kin owasin on *wicani* kta ce, eya owapi ce, eya.

5. Unkan wakanxice cin pahan tehan wankantu akan iya-yeye, ça wancake makoce oyate kin owasin kipazo.

6. Unkan wakanxice cin heciya; Wicowaxake qa wicookitanin kin denan owasin miye yuhemankiyapi ce, qa tuwe wa-

cin kinhan waqu kte; hecen he-nan ciçu kta ce.

7. Hecen nix mitokam makata erpeniçiye cinhan, owasin nitawa kta ce, eya.

8. Unkan Jesu itkom heciya; Satan, mitapetepa tanhan ya wo; Itancanka Wakantanka nitawa kin, he iye itokam makata erpeniçiye kta ce, qa iye ixnannan ahoyape kta ce, eya owapi ce, eya.

9. Unkan Jeruxalam ekta ahi, qa tipi wakan inkpa kin akan ehde, qa heciya; Wakantanka Cihintku kin he niye hecinhan, hetanhan kun erpeiçiya wo.

10. Qa wohoxiye wakan tawa kin henan niyuhewicakiye kta ce:

11. Qa napapi kin ohna yuwankan niyuzapi kta ce; qa hecen tukten inyan kin en siha kin ibonito kte xni ce, eya owapi ce, eya.

12. Unkan Jesu itkom heciya; Itancanka Wakantanka nitawa kin he wawiyutanyaye kte xni ce, eyapi ce, eya.

13. Unkan wakanxice cin wowiyutanye kin owasin ecen yuxtan qehan, tonan can ayuxtan iyaya.

14. Unkan Jesu Woniye woxaxake kin on Galila en hdi; unkan ihdukxan makoce wanke cin owancaya okitanin.

15. Unkan omniciye tipi ta-wapi kin en ohnahnan waonspe-kiya; unkan owasin yuonihanpi.

16. Unkan Nazaret en *Jesu* icaryapi qon he ekta hdi; unkan eya oran qon ake ecen econ, qa anpetu wakan ca, omniciye tipi kin en tin iyaye, ça wowapi yawa kta e najin hiyaya.

17. Unkan woayate Esayas wowapi tawa kin he qupi. Unkan yumdaye çehon, decen owapi kin iyeya.

18. Itancanka Woniye kin he amanun, on etanhan warpanicapi kin wootanin waxte owicawakiyake kta e sdamanyanpi ce; cante psakawahampi kin henan asniwicawaye, ça ixtagon-gapi kin ekicetuwicawaye, ça wayaka unpi kin wokiyuxke owicawakiyake, ça karderdecapki kin henan wicawakimduxke,

19. 'Ca Itancanka kin omaka wanji iyokipi kin he mdaotanin kta e umanxipi ce; eya owapi kin, he *yawa*.

20. Unkan wowapi kin ecen eyaku, qa ookiye kin he kicu, qa iyotanka. Unkan omniciye tipi kin ohna hiyeye cin owasin *Jesu* opartapi.

21. Unkan hewicakiya; Anpetu dehan wowapi kin de yu-ecetupi, qa nix nayaronpi ce, eya.

22. Unkan owasin *Jesu* yao-

taninpi, qa wowaonxida oie enapeye cin henan on inihanpi. Unkan heyapi; Josep cihintku kin he de e xni he? eyapi.

23. Unkan hewicakiya; Awicakehan iapi kin de ecen eman-yakiyapi kta ce; Niye pejihuta wicaxta kin, asniçiya wo: Kapernaum ekta token ecanon nanronpi kin, makoce nitawa kin den nakun ecen econ wo: ehapi kta ce, eya.

24. Unkan heya; Awicakehan heciciyapi ce, Waayatapi kin tuwedan iye tamakoce kin en iyowinkiyapi xni ce.

25. Tuka awicakehan heciciyapi ce, Eliyas ni un qehan, waniyetu yamni sanpa wi xakpe hehanyan marpiya kin natakapi; unkan makoce kin owancaya wicaakiran rince ciqon he ehan, Israel en wiwazice ota yakonpi:

26. Tuka Sidon makoce kin en Sarepta otowwe kin ekta winorinca wan wiwazice heca; unkan hecedan ekta Eliyas yexipi.

27. Nakun Elija ni un qehan, lepros eeeca ota Israel en yakonpi; tuka hetanhan Naman Suriya wicaxta kin he ixnannan yuskapi ce, eya.

28. Unkan omniciye tipi ohna hiyeye ciqon henan naronpi qehan, owasin xihdapi rinca;

29. Unkan najin hiyayapi,

qa otonwe kin itankan iyayeyapi, qa paha akan otonwe hdepi kin he matete ekta ayapi, qa kun erpeyapi kte.

30. Tuka Jesu wicacokam iyopte, ça kihde.

31. Unkan Galila *makoce kin* en Kapernaum otonwe kin he ekta hi, qa anpetu wakan ca, waonspewicakiya ece.

32. Unkan oie kin wicowaxake kicica; qa hecen waonspekiye cin on inihanpi.

33. Unkan wicaxta wakanxice xapa woniye kin yuha hecawan, omniciye tipi kin en ohna yanka; unkan he hotankakiya hoyeya;

34. Unkan heya; Jesu Nazaret etanhan kin, unkayuxtanpo; token ecaunkiciconpi kta he? owihanke unyayapi kta he? niye tuwe kin sdonwaya ce; Wanji Wakan Wakantanka etanhan kin *he niye ce*, eya.

35. Unkan Jesu kixice, ça heciya; Ininan un, qa wicaxta kin etanhan tankan hinapa wo, eya. Unkan wakanxice cin wicaxta qon wicacokam erpeye çehan, etanhan tankan hinapa; tuka ksuweye xni.

36. Unkan owasin inihanpi, qa hekiciyapi; De taku oie ka? wicookihi wicowaxake ahna on woniye xape cin owicakiya ca, tankan hinapapi ece, eyapi.

37. Unkan ihdukxan makoce wanke cin owancaya *Jesu* okitanin.

38. Unkan omniciye tipi kin etanhan hdicu, qa Simon ti kin en tin iyaya. Unkan Simon kunku kin he tancan wicakata ececa rinca; unkan on Jesu cekiyapi.

39. Unkan en inajin, qa tancan kata kin he kixica; unkan asni hihde: unkan hecehnannan najin hiyaye, ça waowicakiya.

40. Unkan wi iyaya cor, woyazan ocaje ota on wicayazan tonan wicayuhapi qon, henan owasin *Jesu* ekta awicahipi: unkan nape kin ota awicahnake, ça asniwicaya.

41. Unkan wakanxice cin ixeya ota wicota etanhan tankan hinapapi, qa heya niyanpi; Wakantanka Cihintku Kristos he niye ce, eyapi. Unkan Kristos he e kin sdocapi kin on etanhan wicakixice, ça iapi kte cin iyo-wicaki xni.

42. Unkan wannan anpao hinape çehan *Jesu* tokan iyaye, ça makotahedan ekta ya; unkan oyate kin odepi, qa *yanke cin* ekta ahi, qa erpeya iwicayaye kte cin iyanaptapi.

43. Unkan hewicakiya; Wakantanka wawidake cin he otonwe toktokeca nakun ohnahna

mdaotanin kte on etanhan uman-xipi ce, eya.

44. Unkan Galila *makoce kin en* omniciye tipi hdepi kin, he-nan ohnahna wayaotanin.

WICOWOYAKE 5.

1. Unkan oyate kin Wakan-tanka oie kin naronpi kta e *Jesu* aohduteyapi qehan, Genesaret mde kin icahda inajin.

2. Unkan mde kin icahda wata nopa wanka e wanyaka; tuka hokuwapi kin ix wannan tokan iyayapi, qa ho kin hduja-ja yankapi.

3. Unkan wata uman Simon tawa qon he en ope, ça kitannan canan wapa iyotang xi. Unkan *Jesu* iyotanke, ça wata kin etanhan oyate kin waonspewica-kiya.

4. Unkan wannan ayaxtan qehan, Simon heciya; Mini xbe kin ekta ekicipa wo, qa ho kin mini oiyorpeya wo, eya.

5. Unkan Simon waayupte, ça heciya; Waonspekiye cin, hanyetu osan rtaunnipi; tuka takudan unktepi xni; takomni, nioie kin on ho kin iyorpewaye kta ce, eya.

6. Unkan heconpi qehan, ho-gan utkannan yuzapi; unkan ho kin papsakapi.

7. Unkan tawaxitkupi wata uman en opapi qon henan nam-

wicakicawinpi; hecen en upi, qa owicakiyapi kte: unkan upi, qa wata qon napin ojukiya-pi rinca unkan iyujimnannan hi-yeye.

8. Unkan Simon Petros he wanyake çehan, Jesu hupahu kin en makata erpeiçiye, ça heya; Wicaxta wicoran xice hemanca ce on etanhan Itancan-ka kin, erpeya imanyaya wo, eya.

9. He iye qa tonan om un qon henan hogan yuzapi kin on etanhan owasin inihanpi.

10. Unkan Jakob qa Jan Zebede cihintku kin henan iyos Simon tawaxitkuwicaya; unkan ix eya inihanpi. Unkan Jesu Simon heciya; Wikope xni wo, detanhan wicaxta kin wicaduze kta ce, eya.

11. Unkan wata qon hutata ahdihunipi qehan, owasin erpe-kiyapi, qa *Jesu* iyahna yapi.

12. Unkan *Jesu* otonwe wan en un qehan, wicaxta wan lepros ececa rinca; unkan he *Jesu* wanyake çehan, ite kin maki-puskin erpeiçiye, ça cekiye, ça heya; Itancanka kin, yacin kin-han, manyaduska kte cin oya-kihi ce, eya.

13. Unkan nape yekiye, ça yutan, qa heya; Wacin ce: ska un wo, eya. Unkan wancake lepros ececa qon asni hihde.

14. Unkan Jesu heciya; Tawedan okiyake xni wo; tuka wawayuxna kin ekta ye, ça wanyagiçiya wo; qa wicayuska-pi kte cin on Moxe token econ wicaxi qon he ecen econ wo; hecen he woyaotanin yuhapi kta ce, eya.

15. Unkan he on iyotan *Jesu* tankaya okitanin: unkan wico-kecota *ie* naronpi, qa wayazan-pike cin asniwicaye kta e en ahi.

16. Unkan ieuonpa makota-hedan ekta *Jesu* ye, ça wacekiya.

17. Unkan anpetu wan waon-syekiya ican, Parise qa wicoope onspekiyapi *Galila makoce* otowə kin owasin, qa Juda qa Jeruxalam henakiya etanhan en ahi kin, henan eepi en iyotankapi: unkan Itancanka wowaxake kin asniwicaye kta e en un.

18. Unkan inyun, wicaxta kin owinja ohna wicaxta ranyan wanji yuha upi, qa ti mahen aipi, qa Jesu itokam ehdepi kte akitapi.

19. Unkan wicota kin on to-ken en aipi kte xni e wanyaka-pi qehan, tipi akan inajinpi, qa keyapi kin eciyatanhan cokaya Jesu itokam kun hiyuyapi.

20. Unkan wicadapi kin he *Jesu* wanyake qehan, ranye ciqon he heciya; Wicaxta, wi-

coran xice cin henan nicicajuju-pi ce, eya.

21. Unkan wowapi kagapi Parise kiei waakinicapi, qa he-yapi; De tuwe ce waienhdepi kin ecen eya he? Wakantanka kin he ixnannan wicoran xice wicakicicajuju okihi, qa tuwe tokeca ecin okihi kta he? eyapi.

22. Tuka tawacinpi kin he Jesu iwicayukcan qehan, itkom hewicakiya; He taku e cante mahen ayakinicapi he?

23. Wicoran xice nicicajuju-pi ce, qa ix Najin, qa mani wo: eyapi kte cin henan uman tukte waxakadan he?

24. Tuka wicaxta Cihintku kin he ix maka akan wicoran xice wicakicicajuju kte cin okihi e sdonyayapi kte; *eye*, ça ranye ciqon he hehan heciya; Hecici-ya ce, Najin, qa nitowinja kin he yuwankan ehdaku, qa yati kin ekta hda wo, eya.

25. Unkan wancake wicito-kam najin hiyaye, ça akan wanke ciqon he ehdaku, qa iye ti kin ekta hde, ça Wakantanka yatan.

26. Unkan owasin inihanpi, qa Wakantanka yatanpi; unkan wikopapi rince, ça heyapi; Wi-coran nakaka toktokeca wanun-yakapi ce, eyapi.

27. Unkan taku kin denan

iyohakam hetanhan *Jesu* ye, ça wamnayanpi kin heca wanji Lewi eciyapi wamnayanpi oyanke kin en iyotankahan yanka e wanyaka; unkan heciya; Miya-hna u wo, eya.

28. Unkan owasin ayuxtan, qa najin hiyaye, ça iyahna ya.

29. Unkan Lewi iye ti kin en wohanpi tanka *Jesu* kicaga; unkan wamnayanpi kin ix wicota, qa toktokeca nakun en opeya wotapi kte iyotankapi.

30. Unkan wowapi kagapi wicayuhapi qa Parise kin henan *Jesu* waonspewicakiye cin wicakigepi, qa heyapi; Tokeca ce wamnayanpi qa wicoran xicapi kin henan om wayatapi, qa wadatkanpi he? eyapi.

31. Unkan *Jesu* waayupte, ça hewicakiya; Zanipi kin henan pejihuta wicaxta wicakuwapi kte cin he hecetu xni ce; tuka wayanzanpi kin henan eepi ce.

32. Owotanpidan kin henan wicoiyopeiciye kin ekta wicakico wahi xni ce; tuka wicoran xicapi kin henan eepi ce, eya.

33. Unkan heciyapi; Tokeca ce Jan waonspewicakiye cin henan ijehan wote xni yankapi, qa wocekiye kagapi, qa Parise waonspewicakiyapi kin ix eya *ecen econpi*; tuka niye nitawa kin henan e wotapi, qa wayatkanpi he? eyapi.

34. Unkan hewicakiya; Hihnaton ti kin en unpi kin tawicuton kin he ix eya opeya wicaun ehantanhan, wote xni yankapi kte wicayakagapi kte cin oyakihipi he?

35. Tuka anpetu wanji en tawicuton kin he ewicakiciyakupi kte cin he hiyohi kta ce; kinhan hecen wote xni yankapi kta ce, eya.

36. Unkan wiyacinpi waneen ewicakiya: unkan heya; Wicaxta kin tuwedan xinan teca oxpa xinan tanike en akihdagye xni ce; *heconpi kinhan* teca qon ix eya yurdeca ece, qa oxpa teca etanhan qon he tanike cin kicica xni ece.

37. Qa nakun wicaxta kin tuwedan minixa teca kin ojuha tanike cin wan en ohnaka xni ece; *heconpi kinhan* minixa kin skepe kta ce, qa ojuha kin atakuni kte xni.

38. Tuka minixa teca kin he ito ojuha teca en ohnakapi kta ce, qa sakim yutehanpi ece.

39. Ix eyaqe wicaxta kin tuwedan minixa tanike wannan yatke, ça hehan hinankaha teca cin xni ce; Tanike cin eex waxte ce, eya ece, eya.

WICOWOYAKE 6.

1. Unkan anpetu wakan tokaheya inopa qehan, *Jesu* woju-

pi kin iyoopte iyaya; unkan waonspewicakiye cin ix wahuwapa yuksapi qa napopabagapi, qa yutapi.

2. Unkan Parise kin etanhan wanjikxi hewicakiyapi; Tokeca ce anpetu wakan kin en taku iyowinwicakiyapi xni kin he eca ecen ecanonpi he? eyapi.

3. Unkan Jesu awicayupte, ça heya; Dawid qa tonan om un qon henan wotektehdapi qehan, *Dawid* token econ qon he e kax dawapi xni he?

4. He Wakantanka tipi tawa kin en tin iyaye, ça aguyapi taninyan ehnakapi qa wawayuxnapi kin iye ixnannan hetanhan yutapi kte cin iyowinwicakiyapi qon he eca icu, qa yute, ça om unpi qon henan ix eya hetanhan wicaqu qon *he waka ce, eya.*

5. Unkan hewicakiya; Wicaxta Cihintku kin he iye anpetu wakan kin nakun on Itancanka ce, eya.

6. Unkan anpetu wakan tokeca wan; unkan Jesu omniciye tipi kin en tin iyaye, ça waonspekiya: unkan wicaxta wan nape kin etapa eciyatanhan xni ja e en yanka.

7. Unkan wowapi kagapi qa Parise kin henan anpetu wakan icunhan asniye kta hecinhan he awanyakapi; qa hecen taku iyaonpapi kte akitapi.

8. Tuka tawacinpi kin he *Jesu* sdonwicaya; unkan wicaxta nape xnije ciqon he heciya; Najin, qa cokaya inajin wo, eya. Unkan najin hiyaye, ça en inajin.

9. Unkan Jesu hewicakiya; Mix ito taku wanji iciwangapi kta ce; Anpetu wakan ca, wayuwaxtepi, qa ix wayuxicapi? wanikiyapi, qa ix waɣeyapi kte cin tukte ecen econpi kte iyowinwicakiyapi he? eya.

10. Unkan itanihdukxan owasin awicatonwe çehan, wicaxta qon heciya; Nape kin yekiya wo, eya. Unkan ecen econ: unkan nape kin uman kin iyekicetu.

11. Unkan xinhdapi rince, ça iye iyakitedan Jesu token eackiconpi kta hecinhan he iwohdakapi.

12. Unkan anpetu kin henan en Jesu reyaka wan ekta wacekiya i; unkan hanyetu osan Wakantanka cekiya yanka.

13. Unkan wannan anpa qehan, waonspewicakiye cin wicakico, qa etanhan akenopa wicahdarnige; ça Wahoxiyapi ewicakiya.

14. Simon he Petros nakun eya caxton qa he sunkaku kin Ande, Jakob qa Jan, Pilipos qa Bartolomi,

15. Mateyu qa Tomas, Jakob

Alpeyu cihintku qon qa Simon Zelotes eciyapi,

16. Qa Judas Jakob sunkaku kin, qa Judas Iskariot, *Jesu* wiyopeye cin he e: iho henan eepi.

17. Unkan henan om kun hdiu, qa tinta kin en hdinajin; unkan waonspewicakiye optaye kin qa Juda owancaya qa Jerusalam, qa mde kahdaya Turos qa Sidon, henakiya etanhan wicota rinca henan *Jesu ie* naronpi, qa wayazanpi kin henan asnipi kte en ahi.

18. Qa woniye xapa on kakijapi kin henan *ix eya opapi*; unkan ix eya asnipi.

19. Unkan *Jesu* etanhan wicowaxake hinape, ça owasin asniwicaye cin on etanhan wicota rince ciqon owasin yutanpi kte akitapi.

20. Unkan waonspewicakiye cin awicatonwe, ça heya; Niwarpanicapi kin nix niyuwaxtepi ce; Wakantanka wawidake cin he niye nitawapi ce.

21. Dehan wotekteyahdapi kin nix niyuwaxtepi ce; imnahannianpi kta ce. Dehan yaceyapi kin nix niyuwaxtepi ce; iyarapi kte.

22. Wicaxta kin xicenidakapi, qa yuiyog iyayenianpi, qa iennihdepi, qa wicaxta Cihintku kin on nicajepi kin taku *wanji*

xice iyacinyan tankan erpeniyanpi kinhan, niyuwaxtepi ce.

23. Anpetu kin he en wiyuxkinpo, qa wopida on xkehanhanpo; inyun, marpiya kin ekta wowiyuwun tanka niciyankapi ce; atewicayapi kin ix eya iyeccen waayatapi qon wicakuwapi.

24. Tuka winijicapi kin nix woteri niciyankapi ce! wocante waxte kin he wannanx iyacupi ce.

25. Winipipi kin nix woteri niciyankapi ce! wotekteyahdapi kta ce. Dehan iyarapi kin nix woteri niciyankapi ce! waxinhda yaceyapi kta ce.

26. Tohan wicaxta owasin tanyan eniciyapi kinhan, woteri niciyankapi ce! atewicayapi kin waayate wicakapi xni qon ecen *ewicakiyapi* ce.

27. Tuka naron dukanpi kin heciyapi ce, Tókaniyanpi kin wacin en wicayuzapo, qa niciyuxepi kin henan tanyan ecawicakiconpo;

28. Niyaxicapi kin wicayawaxtepo, qa wawicanksiya nicuwapi kin cewicakiciciyapo.

29. Qa tuwe iyora kin sani en anipe cinhan, uman eciyatanhan kipazo wo; qa tuwe xina inicicu kinhan, ordorda kin nakun terinda xni wo.

30. Qa wicaxta kin tonan taku nicidapi kin oto wicaqu wo; qa

tuwe woyuha inicicu kinhan, kica xni wo.

31. Qa wicaxta kin token ecaniconpi yacinpi kin, he iyecen ecawicakiconpo.

32. Wacin en niyuzapi kin henan wacin en wicaduzapi qeyax, *hetanhan* tukte ecin wopida yatonpi ka? wicoran xicapi kin tonan wacin en wicayuzapi kin ix eyaqe itkom wacin en wicayuzapi ece.

33. Qa tanyan ecaniconpi kin henan taku waxte ecawicayeconpi qeyax, *hetanhan* tukte ecin wopida yatonpi ka? eex wicoran xicapi kin ix eya ecen econpi.

34. Qa ake niçupi kta kecanipi kin henan owicayaqupi qeyax, *hetanhan* tukte ecin wopida yatonpi ka? wicoran xicapi kin ix eya wicoran xicapi kin owicayupi qa iyacinyan wicakicupi kta kecinpi.

35. Tuka niyepi kin tókaniyanpi kin wacin en wicayuzapo, qa waxte kin ecen econpi, qa waowicayupo, qa ake taku niçupi kta kecinpi xnipo; qa wowiyuwin tanka niciyankapi kta ce, qa Iyotan wankantu kin he iye cincaniyanpi kte: he iye pidapi xni qa xicapi kin henan ex cantewicakiya ece.

36. Hecen Niyatepi kin ix token waonxida kin nix eya he iyecen waonxidapo.

37. Wayaxicapi xnipo, qa niyaxicapi kte xni: waowakiyepi xnipo, qa owaniciyepi kte xni: wakicicajupupo, qa nicicajupupi kte.

38. Wicayupo, qa niçupi kta ce; wiyutapi waxte qa paotinzipi qa paipuskicapi qa apaxboka, hecen wicaxta kin maku kin en niçupi kta ce. Wiyutapi on wiyutapi kin he e on winiciyutapi kta ce, eya.

39. Unkan wiyacinpi wan ecen ewicakiya: *unkan heya*; Ixtagongapi kin he ix ixtagongapi kin napata yusawicayapi kte cin okihipi he? sakim oxokpa kin en iyorpeiçiyapi kte xni he?

40. Waonspekiyapi kin he waonspekiye cin itokapa xni ce; tuka tonan wannan tanyan waonspewicakiyapi kin, henan owasin waonspekiye cin iyececapi kta ce.

41. Unkan tokeca ce nisunka ixta kin ohna sukaza *cistinan* yanke cin he wandaka; tuka niye niixta kin ohna cankaga wanke cin he iyahdukean xni he?

42. Qa ix, Misunka, sukaza *cistinan* ixta ohna niyanke cin he ito ciciyuxdoke kta; qa icunhan niye niixta kin ohna cankaga wanke cin he wanyahdake xni kinhan, token ecin ehe kta he? Wanayakirbe cin, nix tokaheya

cankaga ixta ohna niwanke cin he ito tokan erpeya wo; qa hehan hinakaha nisunka ixta kin ohna sukaza *cistin*an yanke cin he yeciyuxdoke kte cin mdesya wandake kta ce.

43. Can wanji waxte ca, waskuyeca xice icarye xni; qa nakun can wanji xica ca, waskuyeca waxte icarye xni.

44. Can owasin waskuyeca kin on sdocapi ece: wicaxta kin taspanhu kin etanhan suken pahipi xni, qa ix eya tokahu kin etanhan hastanhanka pahipi xni.

45. Wicaxta wanji waxte ca, cante woyuha waxte kin etanhan taku waxte icarya ece; qa wicaxta wanji xica ca, cante woyuha xice cin etanhan taku xice icarya ece: wicacante taku iyakiçuya ohnaka kin he etanhan i kin eciyatanhan enapeya ece, eya.

46. Unkan tokeca ce Itancanka, Itancanka, emanyakiyapi, tuka iwae cin ecen ecanonpi xni he?

47. Tuwe ekta manhi, qa mioie naron, qa ecen econ kin he tuwe kicica hecinhan he ito oci-ciyakapi kta ce.

48. Wicaxta wan tipi kaga; unkan temahentu *maka* qe, ça oahehde kin imnija wan akan ehde: unkan minitan aye çehan, wakpa kin tipi kin he en ninanrin mini kaduza; tuka imnija a-

kan ehdepi kin on etanhan kahuhuze kte okitpani: iho he e kicica ce.

49. Tuka tuwe naron tuka ecen econ xni kinhan, wicaxta wan oahehde codan maka akan tipi kaga; unkan tipi kin he en ninanrin wakpa *mini* kaduza; unkan hecehnannan jujuwahe: unkan tipi kin he woatakunixni tanka; unkan he iyececa ce, eya.

WICOWOYAKE 7.

1. Unkan oyate naron hiyeeye cin en *Jesu* iapi kin denan owasin wannan ecen yaxtan qehan, Kapernaum en i.

2. Unkan akicita opawinge wicayuhe cin wanji taokiye kin wanji terikedaka; unkan he yazanke, ça wannan çe kte.

3. Unkan he wannan *Jesu* on naron qehan, Juda wicarincapi kin henan *Jesu* ekta yewicaxi, qa u, qa taokiye kin asniye kte cin he icekiya.

4. Unkan wannan *Jesu* ekta hipi qehan, awicakehan cekiya-pi, qa heyapi; Wicaxta decayecan kte cin he ecen ecakiconpi kte iyececa ce:

5. He iye unkoyatepi kin wacin en wicayuze, ça omniciye tipi wanji unkiçagapi ce, eyapi.

6. Unkan *Jesu* henan om ya. Unkan wannan tipi kin itehan

xni qehan, akicita opawinge wicayuhe ciquon he ix kodawicaye cin henan *Jesu* ekta yewicaxi, qa heciya; Itancanka kin, nagiyeciye xni wo, wati kin an tin yahidu kte cin iyemancece xni ce:

7. He on etanhan miye kin ekta cihi kte nakun iyemanceca miçida xni; tuka wicoie kin hecedan ecen eya wo, qa mitaokiye kin asni kta ce.

8. Mix eya wicaxta wan wicookihi ihukuya hnakapi kin hemanca ce; qa mihukuya akicita wicamduha ce: unkan wanji, Ya wo, ewakiya ca, ya ece; qa wanji tokeca, U wo, *ewakiya* ca, u ece; qa mitaokiye kin, Decon wo, *epa* ca, ecen econ ece.

9. Unkan *Jesu* henan naron qehan, waxtedake, ça ihduhommni, qa iyahna unpi qon hewicakiya; Heciciyapi ce, Israel kaex en wowicada nisko tanka iyewaye xni ce, eya.

10. Unkan yewicaxipi qon icicawin tiyata kipi qehan, wazanzake ciquon he wannan asni iyeyapi.

11. Unkan ianpetu qehan, *Jesu* otonwe wan Nain eciyapi kin en i; unkan waonspewicakiye cin etanhan ota qa oyate ota henan om yapi.

12. Unkan otonwe tiyopa kin

he ikiyedani wannan ehan i qehan, inyun, wicaxta wan ça tankan aupi; hunku kin wiwazice heca, unkan cihintku hecedan. Unkan otonwe kin etanhan wicota opapi.

13. Unkan Itancanka kin he wanyake çehan, onxida, qa Ceye xni wo, eciya.

14. Unkan canakiyuhapi kin en u, qa yutan. Unkan akiyuhapi qon ix owanji najinpi. Unkan heya; Koxka, bosdan yanka wo eciciya ce, eya.

15. Unkan te ciquon iyotanke, ça ia. Unkan hunku kin kicu.

16. Unkan owasin ninan wicopapi, qa Wakantanka yatanpi qa heyapi; Waayate wanji tanka unkiyopeyapi icaga ce, qa Wakantanka taoyate kin wannan wicahiyohi ce, eyapi.

17. Unkan *Juda mokoce* qa okxan makoce wanke cin owancaya he yaotaninpi.

18. Unkan Jan waonspewicakiye cin taku kin denan owasin *Jan* okiyakapi.

19. Unkan Jan waonspewicakiye cin etanhan nopa wicaco, qa *Jesu* ekta yewicaxi, qa heya; Tuwe u kte ciquon he niye, qa ix wanji tokeca unkapepi kta he? eya.

20. Unkan wicaxta kin henan wannan *Jesu* ekta hipi qehan, heyapi; Jan Wabaptiza kin he

nanke cin ekta unkuxipi, qa he-
ya ce; Tuwe u kte ciquon he ni-
ye, qa ix wanji tokeca unkapepi
kta he? eya ce, eyapi.

21. Unkan hehantudanrin wa-
yazankapi, qa makoxice ececapi,
qa woniye xikxice ececapi he-
nan wicota *Jesu* asniwicaye, ça
ixtagongapi kin heca ota tonwe-
wicaya.

22. Unkan hehan *Jesu* waa-
yupte, ça hewicakiya; Hdapo,
qa taku token wandakapi qa na-
yaronpi kin hehan Jan okiyaka-
po. Ixtagongapi kin hehan ton-
wanpi, qa huxtepi kin ix manipi,
qa lepros ececapi kin ix wica-
yuskapi, qa nogetpapi kin ix
wanaronpi, qa tapi kin ix kini-
wicakiyapi, qa warpanicapi kin
ix wootanin waxte kin he owi-
cakiyakapi.

23. Qa tuwe miye on xinhda
xni kin he yuwaxtepi ce. *Iho*
henan oyakidakapi kta ce, eya.

24. Unkan Jan wahoxiyapi
tawa kin wannan kihdapi qehan,
Jesu Jan ke, ça oyate kin hewi-
cakiya; He taku ca makotahe-
dan ekta wanyag yaipi ka? Ce-
dihu wan tate kahuhuza he heca
he?

25. Tuka taku e wanyag yaipi
ka? Wicaxta wanji wokoyake
panpannan koyaka he heca he?
Inyun, tonan waxtexteyaken wa-
koyakapi, qa tantanyan nipi kin

henan wicaxtayatapi tipi kin en
ece unpi ce.

26. Tuka taku e wanyag yaipi
ka? Waayate wan *he heca*
he? Han, eciciyapi, qa he waa-
yate wan ikapa rinca ce.

27. Inyun, wahoxiye mitawa
kin he nitokam yewaxi ce; qa
nitokam canku kin wiyaya nici-
hde kta ce; eya owapi qon he
Jan kapi ce, eya.

28. Heciciyapi ce, Winorinca
eciyatanhan wicatonpi kin tuwe-
dan waayate wanji Jan Waba-
ptiza kin kape xni ce; tuka Wa-
kantanka wawidake cin en wanji
iyotan cistinän kin he he kapa
ce, eya.

29. Unkan oyate kin qa wa-
mnayanpi kin tonan naronpi qon
owasin Wakantanka yaowotan-
pi, qa Jan wicabaptiza qon en
opapi.

30. Tuka Parise kin wicoope
aiapi kin kici Wakantanka wo-
wahokonkiye kin en iyapatoici-
yapi, qa Jan wicabaptiza xni.

31. Unkan Itancanka kin he-
ya; Wicaxta wicoicage kin de
taku e iwicamdacin kta he? qa
taku iyececapi he?

32. Xiceca iciopekiciyapi
kin en iyotankapi, qa hoyekici-
yapi qa heyapi; Unniciyajopi,
tuka wayacipi xni; waxinunni-
cihdapi, tuka yaceyapi xni ce,
eyapi kin he iyececapi ce.

33. Jan Wabaptiza kin he ix kte mduha ce, eya. Unkan aguyapi yute xni, qa minixa yathe xniyan u; unkan Wakanxice heyay; Waonspekiye cin, ecen wanji yuha ce, ehapi. eya wo, eya.

34. Wicaxta Cihintku kin he 41. *Unkan heyay; Wicaxta* iye wote, ça wayatkeyaken u; wan wicaxta nopa oicazo wica- unkan, Inyun wicaxta wan wo- qu; unkan uman maza ska opa- tesa, qa minixa yatkesa, qa wa- winge zaptan kicu xni, qa uman kin ix wikcemnan zaptan *kicu xni*. mnayanpi kin qa wicoran xicapi

35. Tuka Wicoksape cinca 42. Unkan taku on hdajujupi kin henan owasin *Wicoksape* kte cin yuhapi xni qehan, wan- yaowotanpi ce, eya. cake sakim wicakicicajuju ce. Hecen uman tukte iyotan wa- xtedake kta hecinhan he ecen

36. Unkan Parise wanji Jesu 43. Unkan Simon waayupte, kico. Unkan Parise ti kin en ça heyay; Uman, ota kicicajuju qon he e nuce epca ce, eya. Un- tin iyaye, ça wote kte iyotanka. kan heciya; Tanyan idukean

37. Unkan otonwe kin en wi- 44. Unkan *Jesu* winorinca norinca wicoran xice heca wanji qon ekta ihduhomni, qa Simon heciya; Winorinca kin de wan- Jesu Parise ti kin en wota yanke daka he? Yati kin en wahi, un- cin he he sdoca, unkan inyan kan mini on siha *wahdujaja* kte

opiye ihapi ohna yuha en hi; manyaqu xni ce; tuka iye kin

38. Qa Jesu tapete patanhan 45. Imanyaputake xni; tuka ixta minihanpi kin on siha kiciyuja- winorinca kin de wahi kin ehan- ja, qa paha kin on kicipakinta tanhan siha imanputaka ayaxtan

ca; siha kin ikiciputake, ça ihe- xni ce.

39. Unkan Parise *Jesu* kico 46. Pa kin wihdi on sdaman- qon he wanyake qehan, cante yaye xni; tuka winorinca kin

mahen hecin; Wicaxta kin de de ihapi on siha sdamanyan ce.

40. Unkan Jesu waayupte, 47. Hecen on heciya ce, ça heciya; Simon, taku eciciye

Wicoran xice ota qon henan kicicajujupi ce; ninan waxteda-ka ce, eya.

48. Unkan hehan winorinca qon heciya; Wicoran xice cin henan nicicajujupi ce, eya.

49. Unkan om wota yankapi qon henan cante mahen hecinpi; De tuwe ca wicoran xice nakun wicakicicajuju he? ecinpi.

50. Unkan *Jesu* winorinca qon heciya; Wicayada kin he niniyan ce; waxteyaken hda wo, eya.

WICOWOYAKE 8.

1. Unkan he iyohakam *Jesu* otonwe tankinkinyan otonwe cik-ciqadan ko owasin iyaza un, qa wootanin waxte Wakantanka wawidake cin ahna yaotanin: unkan akenopapi qon om unpi.

2. Unkan winorinca wanjikxi woniye xice ececapi qa wayazanpika tuka asniwicayapi, Mari Magdalen eciyapi tancan kin etanhan wakanxice xakowin hinapapi qon,

3. Qa Herod waawanyagkiye Cuza eciyapi kin, he tawicu Joanna, qa Susanna, toktokeca ota, henan woyuha on *Jesu* w-okiyapi.

4. Unkan wicota mniciyapi, qa otonwe oto etanhan *Jesu* ekta ahi qehan, wowiyacinan woyaka:

5. *Unkan heya*; Woju heca waji taku su kin oju iyaya. Woju, unkan apa canku icahda hinrpaya; unkan naaŋinzapi, qa marpiya okinyanpi kin temyapi.

6. Unkan apa imnija wan ahinrpaya; unkan uye çehan, spaye xni on wancake xnija.

7. Unkan apa wapepeka ehna hna hinrpaya; unkan wapepeka opeya uye, ça aotinsya.

8. Unkan apa ix maka waxte ahinrpaya; unkan uye, ça opa-wingege suton, eya. Unkan henan hecekcen eye çehan, heya niyan; Tuwe noge winaron yukan hecinhan, naronpo, eya.

9. Unkan waonspewicakiye cin wiwangapi, qa heciyapi; Wiyacinpi kin de toketu he? eyapi.

10. Unkan heya; Niyepi kin Wakantanka wawidake woa-narbe kin henan oyakarnigapi kte niçupi; tuka tokan kin ix wiyacinpi *wicagupi* ce: hecen wawanyakapi kex wanyakapi kte xni, wanaronpi kex okarnigapi kte xni, eya.

11. Unkan wiyacinpi kin he de e ce, eya; Taku su kin he Wakantanka oie kin ee ce.

12. Tonan wannan naronpi, qa hehan wicadapi kte xni, qa niwicakiyapi kte xni, e wakan xice en u, qa wicoie cante mahen owicakijupi qon he yutokan

eyaku kin, henan ix canku ica-hda qon eepi ce.

13. Tonan wicoie naronpi, qa iyuxkinyan icupi; tuka hutkan nicapi, qa cistiyedan wicadapi, qa wowiyutan u ca, ayuxtan iyayapi kin henan imnija *ahinrpaye* ciqon eepi ce.

14. Tonan wannan naronpi, qa hehan tokiya yapi, qa wiconi kin de woawacin kin, qa wowijice, qa wowiyuxkin kin, henan on aotinzapi; qa hecen tanyan sutonpi xni kin henan wapepeka ehna hinrpaye ciqon eepi ce.

15. Unkan tonan wannan wicoie naronpi ca, cante waxte qa owotannan mahen yuha unpi, qa wacintankaya sutonpi kin henan maka waxte *ahinrpaye* ciqon eepi ce, eya.

16. *Unkan heya*; Wicaxta kin tuwedan petijanjan wan ideye, ça wakxica wan iyahdapxin-yan erpeye xni, qa nakun owinja wan ordateya ehnae xni ece; tuka petijanjan ihupa wan akan ehde kta ce; hecen tonan en ipi kinhan, ijanjan kin wanyakapi kte.

17. Taku anarmanpi qa yutaninpi kte xni wanica ce: qa nakun taku yutanin xniyan hnakapi qa yutaninyan eyakupi kte xni wanica ce.

18. Hecen on toketken wanyaronpi hecinhan he itonpapo:

tuwe kaxta wayuhe cin he wakupi kta ce; qa tuwe kaxta wayuhe xni kin he taku yuha sece cin he ex ikicupi kta ce, eya.

19. Unkan hunku qa hunka-wanjitku kin henan hehan *Jesu* ekta hipi: unkan wicota kin he on toka kiyadan upi xni.

20. Unkan okiyakapi, qa heyapi; Nihun qa nihunkawanji tankan najinpi, qa wannihdake kte cinpi ce, eyapi.

21. Unkan waayupte, ça hewicakiya; Wakantanka oie naronpi, qa ecen econpi kin denan, ina qa mihunkawanji eepi ce, eya.

22. Unkan anpetu wan en *Jesu* waonspewicakiye cin om wata wan en opa; unkan hewicakiya; Mde akasanpa unyanpi kta ce, eya. Unkan canan eyaya.

23. Unkan xina watopekiyapi qehan, *Jesu* ixtibe: unkan tate wan mde kin en u; unkan *wata kin mini* ojudan, unkan tapu kte rinca.

24. Unkan *Jesu* ekta hipi, qa yuricapi, qa heyapi; Waonspekiye cin, Waonspekiye cin, untakunipi kte xni ce, eyapi. Unkan najin hiyaye, ça tate taja ko kixica: unkan amdakedan.

25. Unkan hewicakiya; Wicayadapi kin he tukte e he? eya. Unkan wikopapi, qa inihanpi,

qa hekiciyapi; De taku wicaxta ka? tate mini kici ee kax okiya ca, anagoptanpi ece, eyapi.

26. Unkan Galila itakasanpa Gadaren tamakocepi kin en ipi.

27. Unkan ren ihe çehan, wicaxta wannakaja tanhan wakanxice yuhe, ça wokoyake koyake xni, qa tuktedan tipi oti xni, tuka wicaxta hnakapi kin en ece un kin, heca wan otonwe kin eciyatanhan *Jesu* itkokipa.

28. Unkan he *Jesu* wanyake çehan, hoyeye, ça itokam makata erpeiçiye ça hotankakiya heya; *Jesu* Wakantanka iyotan wankantu kin he Cihintku kin, token ecaunkicicon kta he? Cēciciya ce, kakixmanyen xni wo, eya.

29. *Jesu* woniye xape cin wicaxta kin etanhan wannan hinape xi e heya. He ijehanwicaxta kin he yuza ece: unkan mazaicicicarira on kaxkapi siha ko parta hnakapi; tuka wicaxke kin yupsapsake ça, wakanxice makotahedan ekta iyayeya ece.

30. Unkan *Jesu* wiwange, ça heya; Token eniciyapi he? eya. Unkan wakanxice ota tanmahen ipi on etanhan, Wicota emankiyapi ce; eya.

31. Unkan mini xbe cin ekta yewicaxi kte xni keya cekiya.

32. Unkan re kin en kukuxe ota ptaya wiran hiyeya: unkan

kukuxe en iwicayayapi kte cin he *Jesu* iyowinwicakiye kta keya cekiya; unkan iyowinwicakiya.

33. Hecen wakanxice cin wicaxta kin etanhan tankan hinapapi, qa kukuxe kin en iwicayayapi; unkan optaye maya rinca wan en apamahde ninanrin naxdog iyayapi, qa mde kin en iyorpeiçiya, qa minin tapi.

34. Unkan taku econpi kin he kukuxe wowicaqupi qon wanyakapi qehan, nakipapi, qa otonwe qa ihdukxan *makoce wanke* cin ekta ohdag kipi.

35. Unkan taku econpi qon he wanyag ai, qa *Jesu* ekta ahi, qa wicaxta wakanxice etanhan hinapapi qon he oge ton, qa tawacin ekicetu, qa *Jesu* siha kin en iyotankahan yanka wanyakapi; unkan wikopapi.

36. Unkan tonan he wanyakapi qon, ix eya wicaxta wakanxice tawayapi qon he *Jesu* token asniye ciqon he owicakiyakapi.

37. Unkan ihdukxan Gadaren tamakocepi kin owancaya taku econpi qon he naronpi qehan, owasin ninan wikopapi on etanhan *Jesu* cekiya, qa token yexipi. Unkan wata kin en okipe, ça icicawin kihda.

38. Unkan wicaxta etanhan wakanxice hinapapi qon he *Jesu*

kici un kta keya cekiya. Tuka Jesu hdexi, qa heya;

39. Niye yati kin ekta hde, ça Wakantanka taku rinca ecanicon kin he yaotanin wo, eya. Unkan kihde, ça Jesu taku rinca ecakicon qon he etonwe owancaya ohdaka.

40. Unkan Jesu hdi qehan, oyate kin iyowinkiyapi kte owasin ape hiyeye.

41. Unkan inyun, wicaxta omniciye tipi idakapi kin heca wanji Jairus eciyapi; unkan he u, qa Jesu siha kin en makata erpeiçiye, ça cekiye, ça iye ti kin ekta yexi:

42. He cunwintku wanjidan waniyetu akenopa cetu; unkan he wannan te kte wanka. Tuka Jesu ekta ye cin hepiya oyate kin aohduteyapi.

43. Unkan winorinca wannan waniyetu akenopa hehanyan we au, qa taku yuha owasin pejihuta wicaxta on wannan hdusota; tuka hecen tuwedan asniye kte okitpani:

44. Unkan he e Jesu tapete patanhan u, qa wokoyake opapon kin he yutan: unkan wancake we au qon he anapta.

45. Unkan, Tuwe manyutan he? Jesu eya. Unkan owasin ihdatokanpi qehan, Petros qa tonan kici unpi qon henan heyapi; Waonspekiye cin, wicota

kin aohduteniyanpi, qa aotinsniyanpi; tukax, Tuwe e manyutan he? eha he? eyapi.

46. Unkan Jesu heya; Tuwe manyutan ce; wicowaxake kin emantanhan iyaya ce, eya.

47. Unkan winorinca qon wannan inarbe kte xni e wanhake çehan, cancanyan u, qa Jesu itokam makata erpeiçiye, ça oyate kin owasin wicitokam, yutan unkan wancake asni qon he okiyaka.

48. Unkan heciya; Cunx, cante waxte wo; wicayada kin he ashiniyan ce: waxteyaken ya wo, eya.

49. Unkan Jesu iahan cor, omniciye tipi idaka, ti kin eciyatanhan tuwe u, qa *omniciye tipi idake cin he* heciya; Waonspekiye cin nagiyeye xni wo; nicunkxi wannan ta ce, eya.

50. Tuka Jesu he naron, unkan waayupte, ça heciya; Wiko ke xni wo, wicada wo, qa hecehnannan asni kta ce, eya.

51. Unkan tipi kin en tin hiyu qehan, wicaxta kin tuwedan tin ye kte iyowinkiyeye xni; Petros, Jakob, Jan, qa wikoxka atkuku hunku kici henannan en ipi.

52. Unkan owasin aceyapi, qa waxinhda enapeyapi; tuka, Ceyapi xnipo; te xni ce, ixtibe hecehnannan ce, eya.

53. Unkan wannan ɓa sdoca-
i nakax, *Jesu* wowirayapi.

54. Unkan owasin tankan
yayewicaye, ɓa napata yuze,
a kipan qa heya; Wikoxka na-
in wo, eya.

55. Unkan nagi kin kiyorpa-
ra; unkan wancake najin hiya-
ra; unkan *Jesu* wo qu wicaxi.

56. Unkan hunkakeku kin
nihanpi: tuka taku econ kin he
uwedan okiyake xni wicaxi.

WICOWOYAKE 9.

1. Unkan *Jesu* waonspewica-
kiya akenopapi qon henan wi-
taya wicakico, qa wicowaxake,

wakanxice owasin wiciwankam
qa wowayazan asniyanpi kte
hecen wicaqu.

2. Unkan Wakantanka wawi-
dake cin he oyakapi kta, qa
wayazankapi kin asniwicayapi
kte yewicaxi.

3. Unkan hewicakiya; Ici-
mayanipi kte cin on cansagye,
qa wojuhadan, qa waneya, qa
mazaska takudan eyakupi xnipo;
qa nakun ordorda nomnom yu-
hapi xnipo.

4. Qa tuktetu kaxta tipi wan
en yaipi kinhan, hen ece yanka-
po, qa hetanhan iyopte yapo.

5. Qa tuwe kaxta iyowinnici-
yapi xni kinhan, otonwe kin he
inayapapi kinhan, nisihapi wa-

tuxekxeca onistakapi kin he ex-
katatapo; qa he wicayaotanin
kta ce, eya.

6. Unkan iyayapi, qa otonwe
iyaza yapi, qa wootanin waxte
oyakapi, qa owancaya waasni-
yanpi.

7. Unkan Herod wicaxtaya-
tapi kin he ix *Jesu* taku econ
kin owasin naron; unkan, Jan
kini ce, apa eyapi.

8. Qa apa ix, Elias hi ce, eya-
pi, qa apa tokeca ix, Wannakaja
waayatapi qon henan etanhan
wanji kini ce, eyapi, on etanhan
Herod token wacin yuza tanin
xni.

9. Unkan Herod heya; Jan
pa kin he bawaksa ce; tuka de
tuwe ca on taku decekceca na-
waron he? eya. Unkan he wan-
yake kta cin.

10. Unkan wahoxiyapi kin
henan wannan hdiipi qehan, taku
token econpi kin owasin *Jesu*
okiyakapi. Unkan *Jesu* ewica-
hdaku, qa narmannan icuonpa
otonwe wan Betsaida eciyapi
makoskan tawa kin he ekta i.

11. Unkan oyate kin sdocapi
qehan, ihakam eyaya: unkan
Jesu iyowinwicakiye, ɓa Wa-
kantanka wawidake cin he iwo-
wicakiyake, ɓa tonan wayazan-
kapi kin henan asniwicaya.

12. Unkan wannan riayet-
aye qehan, akenopapi qon upi,

qa heciyapi; De makotahedan ekta unyakonpi ce; hecen wicota kin tokan yewicaxi wo; hecen otonwe qa ihdukxan makoce wanke cin henan ektakta yapi; qa taku yutapi oiçidepi, qa iwan-kapi kta ce, eyapi.

13. Tuka hewicakiya; Niye wo wicaqupo, eya. Unkan heyapi; Oyate denakeca woyute opewicakicaton unyanpi xni ehantanhan, aguyapi zaptan qa hogan nopa henannan unhapi ce, eyapi.

14. Wicaxta kektopawinge zaptan ecetupi naka heyapi. Unkan waonspewicakiye cin hewicakiya; Wikcemnan zaptan-ptan ptaptaya iyotang wicakiyapo, eya.

15. Unkan ecen econpi, qa owasin iyotang wicakiyapi.

16. Unkan aguyapi zaptan qa hogan nopa qon henan *Jesu* ieu, qa yawaxte, qa yuxpaxpa, qa waonspewicakiye cin wicaqu; qa iye oyate kin wicitokam ewicakicihnakapi kte.

17. Unkan owasin wotapi, qa wipipi: unkan oxpaxpa iwicakiciyaye cin he pahipi; unkan etanhan makanopiye akenopa ojuyapi.

18. Unkan *Jesu* ixnannan wacekiya yanke çehan, waonspewicakiye cin henan om yankapi: unkan wiwicawange, ça heya;

Miye mantuwe oyate kin keyapi he? eya.

19. Unkan waayuptapi, qa heyapi; Jan Wabaptiza hee ce; eyapi; qa apa ix, Elias hee ce, eyapi; qa-apa tokeca ix, Wan-nakaja waayatapi qon henan etanhan wanji kini ce; eyapi ce, eyapi.

20. Unkan hewicakiya; Qa nix mantuwe kehapi ka? eya. Unkan Petros waayupte, ça heya; Kristos Wakantanka etanhan kin he niye ce, eya.

21. Unkan ninan owicakiye, ça wicaxta kin tuwedan okiyake xni wicaxi, qa heya;

22. Wicaxta Cihintku kin taku otakiya on ito iyotanhan iyekiye kta ce, qa wicaxta tokapapi, qa wawayuxnapi itancanpi, qa wowapi kagapi kin henan reyata iyeyapi, qa țeyapi kta ce: unkan anpetu iyamni kinhan kini kta ce, eya.

23. Unkan owasin hewicakiya; Tuwe miyahna u wacin kinhan, waipiçida, qa anpetu otoiyohi cansusbeca kin kiçin, qa miyahna u kta ce.

24. Tuwe kaxta wiconi kin hduhe wacin kinhan, togerpekiye kta ce; tuka tuwe kaxta miye on wiconi kin togerpekiye cinhan, he e hduhe kta ce.

25. Wicaxta togerpeiçiya, qa ix tokan erpeyapi heca wanji

aaka kin eca owancaya ohiiçiye
eyax, taku ecin on tanyan un
ta he?

26. Tuwe kaxta miye, qa mi-
ie kin wowixtenmanyen cinhan,
wicaxta Cihintku kin he iye, qa
Atkuku, qa wahoxiye wakan
waxtepi kin henan wookitanin
tawapi kin he tohan yuha hi
kinhan, ix eya *wicaxta kin* he
wowixtenye kta ce.

27. Tuka awicakehan hecici-
yapi; Den najinpi apa Wakan-
tanka wawidake cin he tohan u
wanyakapi xni kin hehanyan
tapi kte xni ce, eya.

28. Unkan wicoie kin denan
iyohakam anpetu xahdogan ce-
tu, unkan *Jesu* Petros, Jan, Ja-
kob henan ewicayaku, qa wa-
cekiye kte paha wan ekta i.

29. Unkan wacekiye cor, ite
kin tokeca hihde, ça wokoyake
kin ska qa wiyatpatpa.

30. Unkan inyun, wicaxta
nopa kici wohdakapi: unkan
Moxe Elias kici henan eepi:

31. Henan wokitaninyan hi-
najinpi, qa *Jesu* Jeruxalam ekta
te cin he iwohdakapi.

32. Unkan Petros, qa om un-
pi qon henan ninan ixtimapi:
unkan kiktapi qehan, *Jesu* wo-
okitanin kin, qa wicaxta nopa
om najinpi qon henan wanya-
kapi.

33. Unkan *wicaxta nopa qon*

Jesu erpeya iyayapi cor, Petros
heciya; Waonspekiye cin, den
unkanpi e waxte ce, qa tipi
yamni ito unkagapi kta ce; wan-
ji niye nitawa kta ce, qa Moxe
wanji tawa, qa Elias wanji tawa
kta, eya. Unkan taku eye cin
sdotkiyece xni.

34. Unkan heya ican, ma-
rpiya wan *en* u, qa aohanziwica-
ya: unkan wikopapi.

35. Unkan marpiya qon etan-
han wicaho wan hinape, ça heya;
Micinkxi waxtewakidake cin he
de e ce; he anagoptanpo, eya.

36. Unkan wicaho qon atanin
xni qehan, *Jesu* ixnannan najin.
Unkan iye iyakitedan he yuha
unpi, qa taku wanyakapi qon
anpetu kin henan en wicaxta
kin tuwedan okiyakapi xni.

37. Unkan ianpetu qehan,
paha qon eciyatanhan wannan
hdi pi ca, oyate ota *Jesu* itkoki-
papi.

38. Unkan inyun, wicota kin
etanhan wicaxta wanji heya ni-
yan; Waonspekiye cin, ceciciya
ce, micinkxi kin atonwan wo;
micinca hecedan ce:

39. Unkan inyun, woniye
wan yuza eca, ihnuhannan xica-
howaya ece; qa yurderdeca, qa
hecen minitaga apaxdiya, qa
onxiya kuwa, qa kitan se ayu-
xtan ece.

40. Unkan waonspewicayaki-

ye cin cewicawakiye, ça napeye wicawaxi; tuka okitpanipi ce, eya.

41. Unkan Jesu waayupte, ça heya; Wicoicage wowicada codan, qa icuonpa un kin de tohan kinhan om ciunpi, qa iyotanhan iyemayakiyapi kta he? Nicinca kin den hdou wo, eya.

42. Unkan u kin hepiya, wakanxice cin makata erpeye, ça yurderdeca. Unkan Jesu woniye xape cin kixice, ça hokxiyopa kin asniye, ça atkuku kin kicu.

43. Unkan Wakantanka to waxake rince cin on owasin inihanpi. Tuka *Jesu* taku token econ qon on owasin inihanpi ican, waonspewicakiye cin hewicakiya;

44. Wicoie kin denan noge oiyorpeyapo; wicaxta Cihintku kin he wicaxta kin nape oiyo-rpewicayapi kta ce, eya.

45. Tuka iapi kin he okarnigapi xni, qa anawicakirmanpi; qa hecen iyukeanpi xni: unkan wicoie kin on iwangapi kte cin itonpapi.

46. Unkan *waonspewicakiye* cin wanji tukte iyotan kte cin he hdokinicapi.

47. Unkan tawacinpi kin he Jesu iwicayukan; unkan hokxiyopa wanji icu, qa iye iyokihe ehde, qa hewicakiya;

48. Tuwe kaxta hokxiyopa kin de micajeyan eyaku kinhan, he miye e emanyaku ce; qa tuwe kaxtamiye emanyaku kinhan, he umanxi kin he e eyaku ce; hecen wanji tukte nicistinpidan kin he e tanka kta ce, eya.

49. Unkan Jan waayupte, ça heya; Waonspekiye cin, tuwe nicajeyan wakanxice napewicaya wanunyakapi, unkan denounpapi xni kin on etanhan te-unrindapi ce, eya.

50. Unkan Jesu heciya; Terindapi xnipo; tuwe unkipajinpi xni kin he unkicicapi ce, eya.

51. Unkan *Jesu* wankan eyakupi kte cin he wannan iyehantu qehan, Jeruxalam ekta ye kte rinca.

52. Unkan kohan wahoxiyapi kin heca yewicaxi. Unkan yapi, qa Samariya wicaxta tonwan-yanpi kin wanji en ipi, qa *Jesu* wiyaya wakicihnakapi.

53. Unkan *Jesu* Jeruxalam ekta ye kta sece cin on etanhan *Samariya wicaxta otonwepi kin en u kte cin* iyowinkiyapi xni.

54. Unkan waonspewicakiye cin Jakob Jan kici he wanyakapi qehan, heyapi; Itancanka kin, Elias econ qon he iyecen unkix econkupi, qa marpiya kin eciyatanhan peta kun u, qa rurnarwicaye unxipi kte wacanni ka? eyapi.

55. Unkan ihduhomni, qa wicakixice, ça heya; Tawacin toniketupi kin sdonyakiyapi xni ce.

56. Wicaxta Cihintku kin wicaxta kin tewicaye kte on hi xni ce; tuka niwicakiye kte e on hi ce, eya. Unkan otonwe wan tokeca ekta yapi.

57. Unkan canku ohna yapi ican, tuwe heciya; Itancanka kin, tokiya kaxta de cinhan ciyahnna mde kta ce, eya.

58. Unkan Jesu heciya; xongidan kin waxon tonpi, qa marpiya okinyanpi kin henan wahorpi tonpi, tuka wicaxta Cihintku kin iyex pa kin tukten iwanke kte cin ee kax yuhe xni ce, eya.

59. Unkan *Jesu* wanji tokeca heciya; Miyahna u wo, eya. Tuka heya; Itancanka kin, ate ito tokaheya wakire mde kte cin fyowinmankiya wo, eya.

60. Unkan Jesu heciya; 'Tapi kin ça wicayuhapi kin he iye henan wicakirapi kta ce; tuka niye kin ye, ça Wakantanka wawidake cin he yaotanin wo, eya.

61. Unkan wanji tokeca nakun heya; Itancanka kin, ciyahnna waun kta ce; tuka ito tokaheya wahde, ça wati kin ohna yankapi kin henan ehake wanwicawahdake kte cin iyowinmankiya wo, eya.

62. Unkan Jesu heciya; Wicaxta kin tuwe mariyumdu wannan yuze, ça hehan hinankaha hakikta kinhan, he Wakantanka wawidake cin *en ope kte cin* iyecece xni ce, eya.

WICOWOYAKE 10.

1. Unkan taku kin henan iyo-hakam, Itancanka kin toktokeca wikcemnan xakowin cajewicayate, ça iye otonwe tonan ekta ye kte cin, qa tokiya kaxta ekta ye kte cin, henan kohan ektakta nomnom yewicaxi.

2. Hecen hewicakiya; Awicakehan woksapi kin tankaya, tuka rtanipi kin e tonannan ee; he on etanhan woksapi Itancan kin, he iye rtanipi kin heca woksapi kin en yewicaxi kte cin he icekiyapo.

3. Yapo; inyun, tarincaska xonktokeca wicehna unpi kin, he iyecen yecixipi ce.

4. Mazaska opiye, qa wojuhadan, qa hanpa henan yuha yapi xnipo; qa tahepi wicaxta kin tuwedan okiyapi xnipo.

5. Qa tuktetu kaxta tipi wan en tin idadapi kinhan, tokaheya, Wicowaxte tipi kin den un nuwe, eyapo.

6. Qa wicowaxte cihintku kin en un kinhan, wicowaxte nita-wapi kin en iyahe kta ce; qa *en*

un xni kinhan, en nichihipi kta ce.

7. Qa tipi kin he en ece yankapo: rtani kin he wowiyuwin kicupi kin he hecetu ee; he on etanhan taku token niçupi kin he ece yutapo, qa yatkanpo. Tiyaza yapi xni po.

8. Qa tuktetu kaxta otonwe wan en yaipi qa iyowinniciyapi kinhan, taku enicihnakapi kin he ece yutapo.

9. Qa wayazanka en unpi kin henan asniwicayapo, qa heyapo; Wakantanka wawidake cin he kiyadan nihiyohipi ce, eyapo.

10. Qa tuktetu kaxta otonwe wangi en yaipi qa iyowinniciyapi xni kinhan, otonwe kin he canku kin en hdipo, qa heyapo;

11. Nitaotonwepi watuxekxeca ountkapapi kin he e kax itkom unnicicatatapi ce; tuka Wakan-tanka wawidake cin he kiyadan nihiyohipi kin he sdotkiyapo, eyapo.

12. Tuka heciciyapi ce, Anpetu kin he en otonwe kin he teriya un kte cin he Sodom aoptenya un kta ce, eya.

13. *Unkan ake heya*; Corazin woteri niciyanka ce! Bet-seda woteri niciyanka ce! niyepi kin en wicoran xaxxakeca econpi qon henan Turos qa Sidon henan en ecen econpi unkanx, iye wanankaja xinanwo-

juha on kagapi heca inpi, qa carota ohna iyotankahan iyope-çi-yapi kta tuka ce.

14. Tuka wayacopi kin ekta niye teriya yaunpi kte cin he Turos Sidon kiei aoptenya unpi kta ce.

15. Qa niye Kapernaum, yuwankan marpiya ekta aniyampi kin, kuya wakanxice tipi kin ekta iyaye niyanpi kta ce, eya.

16. *Unkan hewicakiya*; Nix tuwe ananigoptanpi kin, he miye e anamangoptan ce; qa nix tuwe wartenidapi xni kin, he miye e wartemanda xni ce; qa mix tuwe wartemanda xni kin, he umanxi kin he e warteda xni ce, eya.

17. Unkan wikcemnan xakowinpi qon wopidaya hdipi, qa heyapi; Itancanka kin, nicaje kin eciyatanhan wakanxicapi kin iyepi kax anaungoptanpi ce, eyapi.

18. Unkan hewicakiya; Marpiya kin eciyatanhan wakanhdi hinrpaye cin he iyecen Satan hinrpaya wanmdaka ce.

19. Inyun, wicowaxake ciçupi ce; qa hecen wamduxka kin qa skorpion henan awicayahanpi kta, qa tōka kin tokerin waxakapi kin he isanpa ciçupi kta ce; qa tokerinca exta takudan ksuweniyanpi kte xni ce.

20. Takomni, woniye kin he nan ananigoptanpi kin he on

etanhan xni, tuka marpiya kin ekta caje oniwapi kin he ex on iyuxkinpo, eya.

21. Unkan he ehan Jesu cante mahen iyuxkin, qa heya; Ate, marpiya maka ahna on Itancanka *yaun* kin, niye taku kin denan ksapapi, qa wayupikapi kin henan anawicayakirbe, ça hokxiyoqopa kin heca sdyewewicaya-kiye cin, he pidamanyakiya ce; he Ate iyonicipi on etanhan hecetu rinca nunwe, eya.

22. Atewaye cin he taku owasin yuhemankiya ce; Cihintkuyapi kin he tuwe kin wicaxta kin tuwedan sdoce xni; Ateyapi kin he iye ixnannan *sdotkiya* ce; qa Ateyapi kin he tuwe kin he Cihintkuyapi kin iye qa ix tonan owicakiyake kte cin henannan *sdocapi* ce, eya.

23. Unkan waonspewicakiye cin ekta ihduhomni, qa narmannan heya; Taku wandakapi kin henan wicaxta tonan wanyakapi kin henan yuwaxtepi.

24. Heciciyapi ce, Waayatapi kin wicaxtayatapi ko ota taku wandakapi kin henan wanyag cinpi, tuka wanyakapi xni; qa taku nayaronpi kin he naron *cinpi*, tuka naronpi xni, eya.

25. Unkan inyun, wicoope aiapi kin heca wanji najin hiya-ye, ça wawiyutanye, ça heciya; Waonspekiye cin, token ecamon

qa owihanke wanin wiconi ohimiçiye kta he? eya.

26. Unkan *Jesu* heciya; Wicoope en toketken owapi ka? Toketken dawa he?

27. Unkan waayupte, ça heya; Itancanka Wakantanka nitatawa kin he nicante kin ocowasin, qa nitaniya wakan ocowasin, qa nitowaxake kin ocowasin, henakiya on *token oyakihi* hecen waxteyadake kta ce; qa niye token *wacin en* niçihduza hecinhan, he iyecen nikiyedan unpi kin *wacin en wicaduze* kta ce, eya.

28. Unkan *Jesu* heciya; Tanyan waadupta ce; ecen econ qa yani kta ce, eya.

29. Tuka iye ihdaowotannan wacin, unkan Jesu heciya; Unkan mikiyedan un kin he tuwe hecinhan? eya.

30. Unkan Jesu waayupte, ça heya; Wicaxta wan Jeruxalam etanhan ye, ça Jerico ekta iyaya; unkan wamanupisa kin wicehna iyaye çehan, wokoyake kin kipi, qa taopi, qa țecajeyan erpeyapi.

31. Unkan wawayuxnapi kin heca wanji wanur hiyaya; unkan wanyake çehan, uman eciyatanhan hiyaya.

32. Unkan Lewite heca wanji ix eya hehan i qehan, atonwe, ça uman eciyatanhan hiyaya.

33. Tuka Samariya *wicaxta*

heca wanji icimani un; unkan *wicaxta* wanke cin en hi: unkan wanyake çehan, onxida,

34. Qa en i, qa oo kin pakirte, ça wihdi minixa ahna en okaxtan ca, iye taxonke kin akan yankekiye, ça tipi wan en ahi, qa yuha yanka.

35. Unkan ihanrannan wannan ye kte çehan, mazaska nopa akan ehdaku, qa tipi tawa kin he qu, qa heciya; Yuha yanka wo, qa de isanpa tonan yahdusote cin waku kinhan ciçu kta ce, eya.

36. Iho hecen henan yamnipi kin, wamanupisa wicehna iyaye ciqon he tukte wanji ikiyedan un idukean ka? eya.

37. Unkan, Wanji onxida qon he e ce, eya. Unkan *Jesu* hehan heciya; Ye, ça iyaeinyan econ wo, eya.

38. Unkan wannan iyoptapi ican, otonwe wan en *Jesu* i; unkan winorinca wan Marta eciyapi: unkan he iye ti kin en *Jesu* tin kico.

39. Unkan Marta tankaku wan Mari eciyapi: unkan ix eya *Jesu* siha kin en iyotanke, ça oie kin naron *yanka*.

40. Tuka Marta e ninan taku ota ecakicon, qa *Jesu* ekta hi, qa heciya; Itancanka kin, mixnannan taku ecamon kte mitanka erpeye imanyaye cin he en ewa-

canni xni he? hecen omankiye xi ye, eya.

41. Unkan *Jesu* waayupte, ça heciya; Marta, Marta, taku ota yakicande wacanni, qa on nagiyeniçiya ce:

42. Tuka taku wanjidan *on tanyan unpi* ce; qa Mari ix oxpa waxte kin he wannan karniga ce, qa tuwedan ikikcu kte xni ce, eya.

WICOWOYAKE 11.

1. Unkan *Jesu* tukten wacekiya yanka, unkan ayaxtan ca, waonspewicakiye cin wanji heciya; Itancanka kin, Jan waonspewicakiye cin henan cekiyapi onspewicakiye ciqon, nix eya iyecen onspeunkiyapo, eya.

2. Unkan hewicakiya; Waeeyakiyapi kinhan, kaken eyapo; Ateunyanpi marpiya ekta nanke cin, nicaje wakan nunwe. Wawiyadake cin hiyohi nunwe. Marpiya kin ekta nitawacin econpi kin, he iyecen maka akan econpi nunwe.

3. Anpetu otaiyohi woyute kin unqupo.

4. Qa wicoran xice cin henan unkicicajuju miye; unkix eya tonan xicaya unkokiranyanpi kin henan owasin wicunkicicajujupi ce. Qa wowiyutanye kin en unkayapi xnipo; tuka taku xice

cin etanhan unkiyuxpapo, eyapo, eya.

5. Unkan hewicakiya; Niye-pi kin wanji tuwe kodayayapi, qa hanye cokaya ekta yaipi, qa heyakiyapi; Koda, aguyapi yamni omanqu wo:

6. Mitakoda wanji icimani hi, tuka takudan yunwakiye kte mduhe xni ce, ehapi kinhan,

7. Hehan iye timahen tanhan waayupte, ça heye kta he? Nagiyemanye xni wo; tiyopa wannan natakapi, qa micinca om mahen imunka ce: nawajin, qa ciçu kte owakitpani ce, eye kta he?

8. Heciciyapi, He kodaniyanpi kin on etanhan najin, qa niçupi xni qeyax, ninan yakitanpi kin he on etanhan najin, qa tonan yacinpi kin henan niçupi kta ce.

9. Qa heciciyapi, Wadapo, qa waniçupi kta ce; waakitapo, qa waiyeyayapi kta ce; *tiyopa* kato-topo, qa niciyurdokapi kta ce.

10. Tonan wadapi kin, henan owasin wawicaupi eçe; qa tuwe waakita ca, waiyeya eçe; qa tuwe *tiyopa* katoto kinhan, kiciyurdokapi kta ce.

11. Niyepi kin wanji nicinca yukanpi, qa aguyapi nicidapi ehan, inyan wan yaqupi niceca he? qa ix hogan da kinhan, wamduxka wan yaqupi niceca he?

12. Qa ix witka wanji da e-

han, skorpion heca wanji yakipazopi niceca he?

13. Hecen nix nixicapi kin, nicincapi taku waxtexte wicayapupi kte cin he onnispepi ehan-tanhan, ix iyotan marpiya Ateyayapi kin tonan Woniye Wakan kidapi kinhan wicaqu kta ce, eya.

14. Unkan *Jesu* wakan xice wanji tankan iyayeya, unkan ia okitpani. Unkan wakan xice cin wannan tankan hinape çehan, ia okitpani qon hehan ia; unkan oyate kin inihanpi.

15. Tuka āpa heyapi; Beelzibub wakanxice itancan kin he eca eciyatanhan wakanxice napewicaya ce, eyapi.

16. Qa apa toktokeca ix hna-yanpi kta e, Marpiya eciyatanhan wowapetokeca *Jesu* kidapi.

17. Tuka tawacinpi kin he *Jesu* sdonwicaya, unkan hewicakiya; Wowawidake tonan yuakipapi kicipajinpi kin henan owasin atakunixni aya eçe; qa tipi wanji yuakipam kicipajin ca, jujuwahan eçe.

18. Qa Satan ix eya yuakipam kicipajin ehantanhan, wowawidake tawa kin he token ecin ecen he kta he? Beelzibub wakanxice itancan kin he eca eciyatanhan wakanxice napewicawaya kehapi kin he on etanhan *hepa* ce.

19. Unkan miye Beelzibub eciyatanhan wakanxice napewicawaya ehantanhan, niye nicincapi kin henan tuwe eciyatanhan napewicayapi he? hecen iyepi kin niciyukcanpi kta ce.

20. Tuka miye Wakantanka napcupe kin on wakanxice napewicawaya ehantanhan, Wakantanka wawidake cin he awicakehan nihiyohipi ce.

21. Wicaxta wan waxake ça wipe ton ti awanhdake cinhan, hecen woyuha tawa kin waxteya hiyeya ece.

22. Tuka wanji ikapeya waxake tatpe hi, qa ktedan kinhan, tawipe wacinkiye ciqon he ikeu ca, waki ece.

23. Tuwe micica xni kin he mankipajin, qa tuwe kici miciwapahi xni kin he wayumdeca ece.

24. Woniye xapa wanji wicaxta wan etanhan wannan hinapa ca, puspuze cin iyooptepe ya wooziiçiye akin mani ece; tuka iyeye xni ca, heya ece; Wati etanhan wahinawape ciqon he ekta ake ito wahde kta ce, eya ece.

25. Unkan en hdi ca, wannan kahintapi qa ayucopi iyekeya ece.

26. Ca, hecen toki ye, ça woniye toktokeca iye kin isanpa wicaxtapixni xakowin ewicaya-

ku, qa henan en yapi, qa otipi: hecen wicaxta kin he otokahe kin isanpa oehake kin ekta xicaya *un ece*, eya.

27. Unkan henan hecekcen eya ican, wicota kin etanhan winorinca wan heciya; Wicitpi etanhan inicage cin, qa aze dazoke cin henan yuwaxtepi ce, eya niyan.

28. Unkan *Jesu* heya; Han, tuka tonan Wakantanka oie kin naronpi, qa ecen econpi kin henan ex wicayuwaxtepi ce, eya.

29. Unkan oyate kin wannan kata himniciyapi qehan; hewicakiya; Wicoicage kin de xica ce: wowapetokeca akitapi, tuka wowapetokeca takudan wicaqupi kte xni ce; Jonas waayate ciqon wowapetokeca kin hecedan.

30. Ninewi oyate kin Jonas wowapetokeca yuhapi qon, he iyecen wicoicage kin de wicaxta Cihintku kin wowapetokeca yuhapi kta ce.

31. Woyaco kin ekta itokaga wicaxtayatapi winorinca qon he wicoicage kin de itkom nawicajin, qa wicayakunze kta ce: he iye makoce owihanketa tanhan Solomon wicoksape kin naron hi; unkan inyun, wanji Solomon ikapa den un ce.

32. Woyaco kin ekta Ninewi wicaxta kin henan wicoicage kin de om nawicajinpi, qa wicaya-

kunzapi kta ce; he iye Jonas wowicakiyake cin on iyopeiçiyapi; unkan inyun, wanji Jonas ikapa den un ce.

33. Wicaxta kin tuwedan pet-
ijanjañ wannan ideya ca, narmanan ehde xni, qa ix ohna wi-
yutapi kin wanji iyahdapxinyan hnake xni; tuka petijanjañ ihupa
wan akan ehde ece: qa hecen tonan en hipi kinhan ojanjañ kin
wanyakapi kte.

34. Wicatancan ijanjañ kin he wicixta kin ee ce; hecen ni-
ixta kin hecetuwanjica ca, ix eya nitancan kin owancaya ijan-
jañ ojudañ ece: tuka niixta kin xica ca, nitancan kin ix eya otpa-
za ojudañ ece.

35. Hecen ijanjañ en niun kin he otpaze kte xni e wakta wo.

36. Hecen nitancan kin owancaya ijanjañ ojudañ, qa tuktedan
oxpa otpaze xni ehantanhan, petijanjañ wan yerya ideiyoyam-
niyan kin he iyecen nitancan kin owancaya ijanjañ ojudañ
kta ce.

37. Unkan heya cor, Parise kin wanji *Jesu* kico: unkan en
i, qa wote kte iyotanka.

38. Unkan *Jesu* wote xni itokam ihdujaja xni kin he Pa-
rise qon-wanyake çehan, inihan.

39. Unkan Itancanka kin heciya; Niye Parise kin miniya-

ikan wakxica ko, akapatanhan duskapi; tuka mahenta tanhan wakipi, wicoran xice ahna on onijupidan.

40. Winitkotkopike cin, akapatanhan un kin he tuwe kaga hecinhan, he ix mahen un kin nakun kage xni he?

41. Tuka yatonpi kin etanhan taku wicaqupi kin he ex econpo; qa taku owasin nici-
skapi kta ce.

42. Tuka niye Parise kin, nix peji ocaje owasin etanhan iwikcemnanmnan wicayaqupi; tuka wicoecetu Wakantanka waxtedakapi kin ahna acaya-
kxinpi kin he on woteri niciyan-
kapi ce! denan ito ecen ecanonpi kte cin he hecetu, qa uman kin aduxtanpi kte xni tuka ce.

43. Niye Parise kin omniciye tipi oyanke tokapa, qa iciyo-
pekiciyapi kin en wayuonihan-
yan oniciyapi kte cin henan waxteyadakapi kin he on woteri niciyankapi!

44. Wowapi kagapi, qa Parise wanaçirmanpi kin, nix wicaxta hnakapi akapatanhan tanin xni hiyeye ça wicaxta kin sdoce xni ecen amanipi kin he nicecapi kin on etanhan woteri niciyankapi ce! eya.

45. Unkan hehan wicoope aiapi kin heca wanji waayupte, ça heciya; Waonspekiye cin,

hecen eha ca, unkix eya ienun-yahdepi ce, eya.

46. Unkan *Jesu* heya; Wicoope aiapi kin, nix eya waqin qinpi terike qinwicayakiyapi; tuka niyepi kin napsukaza wanjidan kax on waqin kin dutanpi xni kin on etanhan woteri niciyankapi ce!

47. Waayatapi wicahnakapi kin henan niye yakagapi, qa atewicayayapi kin ix henan wicaktepi kin on etanhan woteri niciyankapi ce!

48. Atewicayayapi oranyanpi qon iyowinwicayakiyapi e awicakehan nihduotaninpi ce; he iye henan wicaktepi e wicaka, qa niye wicaxta hnakapi kin wicayecagapi ce:

49. Heon ix eya Wakantanka toksape kin heya; Waayatapi qa wahoxiyapi heca ekta yewicawaxi kta ce; unkan apa wicaktepi, qa onxiya wicakuwapi kta ce:

50. Hecen maka kagapi kin ehantanhan waayatapi we papsunpi kin he owasin wicoicage kin de iwicawangapi kte.

51. Abel we kin hetanhan uye, ça Zacarias tipi wakan ahna wayuxnapi kin en okitahedan iyatakuninpi qon, he we kin oiyahdeya awicakehan heciciyapi ce, He wicoicage kin de iwicawangapi kta ce.

52. Niye wicoope aiapi kin, nix wosdonye iyurdoka yutokan edakupi, qa niye ohna idadapi xni, qa tonan ohna iyayapi kte cin henan anawicayaptapi kin on etanhan woteri niciyankapi ce! eya.

53. Unkan henan heceken ewicakiye çehan, Parise kin *Jesu* taku ota eyekiyapi kta e ninanrin nagiyeyapi:

54. He *Jesu* iyapepi, qa taku enapeye cinhan hecen yukam eyakupi, qa iyaonpapi kte.

WICOWOYAKE 12.

1. Unkan icunhan wicota rinca akicihanpi kta hecen ahimniciye çehan, *Jesu* waonspe-wicakiye cin henan hewicakiya; Ito tokaheya Parise onaporye tawapi kin he itonpapo; wana-içirmanpi kin he e ce.

2. Taku akarpetonpi qa yuzamnpi kte xni wanica ce: qa nakun taku anarmanpi qa yuotaninpi kte xni wanica ce.

3. Hecen otpaza ehna taku token ehapi kin he anposkantuya naronpi kta ce; qa onarbe tipi kin ohna wicanoge kin en token ehapi kin he tipi akan ieyanpahapi kta ce.

4. Qa kodamanyayapi kin, nix heciciyapi ce; Wicatancan ktepi qa sanpa takudan okihipi

xni kin henan kowicakipapi
xnipo.

5. Tuka tuwe koyakipapi kte
ein he ito kanyehan ociciyakapi
kte: Tuwe wicakte, qa hehan
wakanxice tipi kin en erpewica-
ya okihi kin he eca kokipapo:
han, He eca kokipapo, eciciya-
pi ce.

6. Zitkadan zaptan mazaska
nopa iyopewicayapi xni he? qa
Wakantanka henan wanjidan
kax akiktunje xni.

7. Tuka niyepi kin paha ee
kax owasin niyawapi ce. Hecen
wikopapi xnipo; zitkadan ota
isanpa niyawapi ce.

8. Qa nakun heciciyapi ce;
Tuwe kaxta wicaxta kin wicito-
kam miye mayaotanin kinhan,
wicaxta Cihintku kin Wakan-
tanka wahoxiye wakan tawa kin
henan itokam *wicaxta kin* he
yaotanin kta ce.

9. Tuka tuwe wicaxta kin
wicitokam miye wicamanda xni
kinhan, Wakantanka wahoxiye
wakan tawa kin henan itokam
wicaxta kin he wicadapi kte
xni ce.

10. Qa tuwe kaxta wicaxta
Cihintku kin itkom wicoie wan-
ji eciye cinhan, kicieajujupi kte;
tuka tuwe Woniye Wakan wao-
xtehda kinhan, kicieajujupi kte
xni.

11. Unkan omniciye tipi kin

en anihipi, qa wicaxtayatapi
wicowaxakxake ko ekta *anhipi*
kinhan, toketken waadutapi kte
cin he awacinpi xnipo.

12. Woniye Wakan kin he
iye hehantudanrin toketken eha-
pi kta nicece cin onspeniciyapi
kta ce, eya.

13. Unkan wicota kin etan-
han wanji heciya; Waonspekiye
cin, misunka woyuha yuakipam
apa mix maqu kta keciya wo,
eya.

14. Unkan heciya; Wicaxta
kin, niwankam wiyukcan qa
wapamni *manyaduhapi* kte cin
tuwe mankaga he? eya.

15. Unkan hewicakiya; Wa-
ktapo, qa wakonpi kin itonpapo;
taku iyakiçuya tonpi kin on
wicani xni ce, eya.

16. Unkan wiyacinpi wan
ecen ewicakiya, unkan heya;
Wicaxta wan wijica, unkan ta-
maga kin taku ota icarya:

17. Unkan cante mahen he-
cin; Waimicage cin tukten we-
hnake kte cin mduhe xni ce;
hecen token waran kta hwo?
ecin

18. Unkan heya; E, kaken
e ecamon kte; Tankan wopiye-
waye cin henan wahdujuju, qa
tanktankaya wakage, ça waimi-
cage cin, qa woyuha mitawa kin
henan owasin en owehnake
kta ce.

19. Qa mitaniya wakan kin hewakiye kte; Howo, mitaniya taku onota yehnake cin he waniyetu ota oiyahde kta ce; ito oziiciye, ça wote, ça wayatke, ça wiyuxkin wo, eya.

20. Tuka Wakantanka heciya; Winitkotkoke cin, hanyetu kin de nitaniya wakan kin inicupui kta ce: hecen wayehnake cin hena hehan tuwe tawa kta he? eya.

21. Tuwe woyuha kihnaka tuka Wakantanka ekta wijice xni kin he he kicica ce, eya.

22. Unkan waonspewicakiye cin hewicakiya; Hecen on heciyapi ce, Yanipi kin on taku yatapi kte cin, qa ix tancan kin taku kodakapi kte cin, henan en ewacinpi xnipo.

23. Wicani kin he woyute ikapa ce; qa wicatanan kin he ix wokoyake ikapa ce.

24. Kangi kin henan iwicayukeanpo; he iye wojupi xni, qa woksapi xni, qa wopiye nicapi: unkan Wakantanka henan wo wieuqu ece. Warupakoza kin isanpa niyawapi xni he?

25. Qa niyepi kin awacinpi kin on wicixpa wanjidan kax nihduhanskapi wanji oyakihipi ka?

26. Iyotan cistinan kin he oyakihipi xni ehantanhan, uman

kin tokeca ecin en ewacannipi he?

27. Peji rea kin henan toke-
tken icaga hecinhan he iyukcanpo. Henan rtanipi xni, qa wakahmunpi xni; tukax, Solomon tokerin okitanin exta denan wakoyakapi kin iye hecen wakoyake xni, eciciyapi ce.

28. Hecen Wakantanka peji anpedehan magata hiyeya, qa heyakecinhan petan erpeyapi kin he e kax wokoyake qu ehantanhan, kitannan wicayadapi kin, nix iyotan wokoyake niçupi kte xni he?

29. Qa taku yatapi qa datkanpi kte cin he ihnihdapi xnipo; qa nakun waceṭunhdaya wacin yuzapi xnipo.

30. Maka oyate kin henan owasin hecen ihnihdapi ece; qa nix henan codan yaunpi kte pica xni e niyatepi kin sdotkiya ce.

31. Tuka Wakantanka wawidake cin he ex ihnihdapo; qa taku kin denan owasin koya niçupi kte.

32. Optayedan kin, wikopapi xnipo. Ateyayapi wawidake cin he nix niçupi kta e iyokipi ce.

33. Taku yatonpi kin he wiyopekiyapo, qa warpanicapi kin wawicakuppo, qa wojuha kukaka aye kte xni qa marpiya ekta woyuha owihanke aye kte

xni hehan oiçidepo: heciya wamanusa tuwedan kiyadan u xni, qa wamduxka kin wayuxicapi xni.

34. Woyuha tukten niciyan-kapi hecinhan, ix eya nicantepi kin en un kta ce.

35. Ipiyagkiton unpo, qa pet-ijanja kin ideyahan ekihdipo:

36. Qa wicaxta wicayuhapi kin wicayuhe cin he kiciyuzapi kin eciyatanhan hdi kte cin ape hiyeya, qa hecen ku, qa tiyopa hdatoto kinhan, wancake kiciyurdokapi kte; iho henan iye-wicacanya unpo.

37. Wicayuhe cin hdi kinhan; ookiye kin tonan wakta unpi iyewicakiye cin, henan wicayuwaxtepi ce; awicakehan heciciyapi ce, Wicayuhe cin iye ipiyagkiton, qa ookiye kin henan wote kte iyotangwicakiye, ça u, qa owicakiye kta ce.

38. Hecen inopa waktapi kin iyehan hdi, qa ix iyamni waktapi kin iyehan hdi, qa ecen econ yanka iyewicakiye cinhan, ookiye kin henan wicayuwaxtepi ce.

39. Qa de sdonypo; Tipi tawa kin wamanusa kin tohan hi kte cin sdotkiya unkanx, wakta yanke ça ti kin kiciyurdokapi kte cin he anawicapte kta tuka ce.

40. He on nix eya wiyaya yankapo; wicaxta Cihintku kin

he tohan awacannipi xni kin iyehan u kta ce, eya.

41. Unkan Petros hehan *Jesu* heciya; Itancanka kin, wiyacinpi kin de unkixnannan unkoyakidakapi, qa ix owasin wicayaka he? eya.

42. Unkan Itancanka kin heya; Ookkiye wanji waawanyagkiyapi kin he wayupike, ça okiksape cinhan, yuhe cin tiwahe kin yuhekiye kta ce; qa hecen iyehan hanyan wowicaqu ece kte cin he tukte e hecinhan?

43. Itancan kin ku, qa taokiye wanji hecen econ yanka iyekiye cinhan, he e yuwaxtapi ce.

44. Awicakehan heciciyapi ce; Taku token tawaye cin he owasin yuhekiye kta ce.

45. Tukax, ookiye kin he cante mahen, Itancan kin tehan hdi kte xni ce, ecin, qa wicaookiye qa winyanookiye kin henan awicape, ça wote, ça wayatke, ça witkoçiye cinhan,

46. Ookkiye kin he anpetu wan yuhe cin hdi ape xni, qa sdotkiye xni hehan hdi, qa kicakse, ça wacətunhdapi kin henan opeya unkiye kte.

47. Qa ookiye wanji yuhe cin tawacin kin sdoca tuka wiyaya içihnake xni, qa ecen econ xni kinhan, he ota apapi kta ce.

48. Tuka tuwe sdoce xni kinhan, he ix apapi kte cin iye-

cen oranyan exta tonannan apa-pi kta ce. Tuwe taku ota qupi kinhan, he e taku ota iwangapi kte; qa wicaxta kin tuwe taku ota yuhekiyapi ca, he iyotan ota kicapi kta ce.

49. Peta kin maka akan iya-yewaye kte wahi ce; qa wannanx ideyapi ehantanhan toke-then wacanmi kta he?

50. Tuka baptizapi wanji on manbaptizapi kta ce; qa he tohan micixuxtaupi xni kin hehanyan cantowatpani ce.

51. Maka akan wicowacin en kiciyuzapi wicawaqu kte wahi kecannipi ka? Hiya, ecieiyapi ce; wicooyumdeca kin he ex ee kta ce.

52. Detanhan tokata yeye cin tipi wanjidan zaptan otipi kta ce, qa oyumdecapi kte; uman eciiyatanhan nopapi, qa uman kin ix yamnipi hecen kici kici-pajinpi kta ce.

53. Atkuku kin he iye cihintku kin ix atkuku kin kipajin kta ce; qa hunku kin ix cunwintku kin kipajin, qa cunwintku kin ix hunku kin kipajin kta ce; qa kunku kin ix takoxku kin kipajin, qa takoxku kin ix kunku kin kipajin kta ce, eya.

54. Unkan nakun oyate kin hewicakiya; Wiyorpeyata tanhan marpiya wanji wankan u wandakapi ca, wancake, Maga-

ju kta ce, ehapi: unkan ecetu ece.

55. Qa itokaga tate uya ca, Odidite kta ce, ehapi: unkan eecen hiyohi ece.

56. Wanaicirmanpi kin, nix marpiya ite kin maka ko idukeanpi kte cin oyakihipi; tuka tokeca ecin nakaha kin idukeanpi xni?

57. Han, niye cinka tokeca ce wicoecetu kin idukeanpi xni he?

58. Tokaniyan kin kici wicoope awanyake cin ekta de cinhan, niyuxpapi kte cin tahepi akita rinca wo; okini he wiyukean kin ekta niçu, qa wiyukean kin ix *kosanta* akicita kin ekta niçu, qa hecen kaxka nihnakapi nunce.

59. Hecieiyace, Sukaza ehake rince cin he tohan yecu xni kin hehanyan hetanhan yahdicu kte xni ce, eya.

WICOWOYAKE 13.

1. Unkan en opapi qon apa Pilatus Galila wicaxta heca wepi kin woxnapi kiei icicahiye ci-qon, he *Jesu* okiyakapi.

2. Unkan *Jesu* waayupte, ça hewicakiya; Henan hecen eawicaonpi kin on etanhan Galila wicaxta kin henannan wicoran xicapi ecannipi he?

3. Hiya, eciciyapi ce; tuka icunhan *Jesu* omniciye tipi kin niyepi kin iyopeniçiyapi xni ohna waonspekiye çehan, ehantanhan, nix eya owasin iye-
cen nitakunipi kte xni ce.

4. Qa ix Siloam conkaxke 11. Inyun, winorinea wan akexahdogan awicahinrpaye, ça waniyetu akexahdogan hehan- wicakte qon, Jeruxalam en unpi yan wayazanke, ça tancan kin qon hehannan iyotan wicoran wannan pako icu, qa toka ihdu- owotanan xni unkan he en opa.
xicapi ecannipi he? 12. Unkan *Jesu* he wanyake

5. Hiya, eciciyapi ce; tuka çehan, kico qa heciya; Wino- niyepi kin iyopeniçiyapi xni rinca, waniyazanke cin etanhan ehantanhan, nix eya owasin iye- nicipuxkapi ce, eya.
cen nitakunipi kte xni ce, eya.

6. Unkan wiyacinpi kin de 13. Unkan nape kin ahnaka, unkan wancake owotannan icu, qnakin ecen ewicakiya; Wicaxta qa Wakantanka yaonihan.

7. Unkan hastanhanka iyuwi 14. Unkan anpetu wakan icunhan *Jesu* waasniyan kin on maga kicanye cin he heciya; etanhan omniciye tipi idake cin Can kin de ekta omaka yamni he cante ptanyan; unkan wa- wannan waskuyeca ode wahi, ayupte, ça oyate kin hewicakiya; tuka ogedan wanmdake xni ce, Wicaxta kin rtanipi kte cin an- kawanka wo, tokeca ecin maka petu xakpe yukan ce; hecen yuxagya han he? eya. anpetu kin henan en upo, qa

8. Unkan waayupte, ça heci- 15. Unkan Itancanka kin wa- ya; Itancan kin, omaka kin de ayupte, ça heciya; Nix wanani- nakun ayuxtan wo, ecen ohomni çirbe cin, anpetu wakan icunhan xonktanka, qa ix xonka xonxon- maka waqe, ça watuxekxeca nan nitawapi kin henan owasin wicayakihtuxkapi, qa mini ya- wahnake kta ce: tkewicakiyapi kin ekta awicada- pi xni he?

9. Qa hehan waskuyeca icar- 16. Unkan winorinea kin de ye cinhan, hecen waxte kta ce; Aberaham eunwintkuwicaye cin qa hecon xni kinhan, hinankaha wanji ee; unkan inyun, Satan hehan yahdawanke kta ce; eya wannan waniyetu akexahdogan hehanyan kaxka hnaka ce; he ce, eya.

10. Unkan anpetu wakan

ex anpetu wakan icunhan ito ki-yuxkapi kte xni niceca he? eya.

17. Unkan henan hecen eye çehan, kipajinpi qon owasin ixtecapi; unkan wokitaninyan taku econ qon henan owasin on iyuxkinpi.

18. Unkan *Jesu* heya; Wakantanka wawidake cin he taku e imdacin kta he?

19. Sinape sukaza wanji iye-ceca ce: He wicaxta wan icu, qa maga tawa kin en iyorpeya; unkan icage, ça can tanka aya; unkan marpiya okinyanpi kin adetka kin en wahorpi kagapi, eya.

20. Unkan ake heya; Wakantanka wawidake cin he taku e imdacin kta he?

21. Winorinca wan onaporye icu, qa *aguyapi* mdu iyutapi yamni en ohna anarman; unkan owasin ecen napoge cin he iye-ceca ce, eya.

22. Unkan *Jesu* otonwe qa otonwe ciqadan iyaza ye, ça waonspekiya: unkan Jeruxalam etkiya ya.

23. Unkan tuwe heciya; Itancanka kin, niwicakiyapi kte cin henan tonnannanpidan hecinhan? eya. Unkan hewicakiya;

24. Tiyopa cistiyedan kin he ohna yapi kte rincapo; heciyapi ce, Ohna yapi kte akitapi, qa okitpanipi kte cin ota ce.

25. Tipi tawa kin tohan wanan najin hiyaye, ça tiyopa kin ecen ikikcu, qa itankan nayajinpi, qa tiyopa yakatotopi, qa Itancan, Itancan, unkiciyurdoka miye, ehapi; qa iye waayupte ça, Tonitanhanpi kin sdonwaye xni ce eniciyapi kinhan, hinankaha ehapi kta ce;

26. Nanke cin en wauntapi, qa waunyaatkanpi ce; qa nix ocanku unkitawapi kin ohnahna waonspeyakiye ciqon, ehapi kta ce.

27. Tuka iye heye kta; Tonitanhanpi kin sdonwaye xni, eciciyapi ce; wicoecetu xni yakagapi sa kin, owasin mitanhan iyayapo ito, eye kta ce.

28. Aberaham, Isak, Jakob, qa waayatapi kin owasin, henan Wakantanka wawidake cin en opapi tohan wandakapi, qa niyepi kin tankan iyayenianpi kinhan, wicaceya hihdakokokapi ahna yuke kta ce.

29. Wiyohiyanpata, wiyorpeyata, waziyata, itokaga, hena-kiya eciyatanhan au, qa Wakan-tanka wawidake cin en hiyotan-kapi kta ce.

30. Unkan inyun, ehake yakonpi kin henan etanhan tokaheyapi kta ce; qa tokaheyapi kin henan etanhan ehake yakonpi kta ce, eya.

31. Unkan anpetu kin he

ehān Parise kin etanhan tuwewe *Jesu* ekta hipi, qa heciyapi; Tankan ye, ça detanhan ya wo; Herod nikte kta ce, eyapi.

32. Unkan hewicakiya; Ya-po, qa xongidan kin he heciyapo; Anpetu kin de, qa heyakecinhan inyun, wakanxice napewicawaye, ça waasniwaye kta ce; qa iyamni anpetu kinhan, manyuceetupi kta ce, *eya ce*, eyapo.

33. Takomni, anpetu kin de, qa iyamni anpetu kin behanyan ito mawani kta ce; ecax Jeruxalam itankan waayate wanji te kte pica xni ce.

34. Jeruxalam, Jeruxalam, waayatapi kin henan wicayakte, qa niye ekta uwicaxipi qon henan inyan on wicayakiinpi ce; ecaljehan anpao hotonnan wan rupahu kin ordateya cinca kin wicatapahi kin, he iyecen niye nicinca kin wicacicipahi kta, tuka yacinpi xni.

35. Inyun, yatipi kin tuwe-dan ohna yanke xni erpeniciyapi ce. Unkan awicakehan heciyapi ce; Tuwe Itancanka kin cajeyan u kin, he yawaxtepi nunwe; tohan ehapi xni kin hehanyan wanmanyadakapi kte xni ce, *eya*.

WICOWOYAKE 14.

1. Unkan *Jesu* Parise itancan wanji ti kin en anpetu wakan

icunhan wote kte tin iyaya; unkan Parise kin awanyag kuwapi.

2. Unkan inyun, wicaxta wan dropsi ececa *Jesu* itokam yan-ka.

3. Unkan *Jesu* wicoope aiapi kin, qa Parise kin henan hewicakiya; Anpetu wakan icunhan waasniyanpi kte cin iyowinwicakiyapi he? *eya*.

4. Unkan ininan hiyeya. Unkan *Jesu* wicaxta qon eyaku, qa asniye, ça hdexi.

5. Unkan waayupte, ça hewicakiya; Niyepi kin wanji tatan-ka qa ix xonka xonxonnan ya-tonpi, qa anpetu wakan icunhan makordoka wan ohinrpaye cinhan, wancake hdicuyakiyapi xni naceca he?

6. Unkan ayuptapi kte cin okitpanipi.

7. Unkan wicakicopi kin henan oyanke tokapa kin he ece karnigapi *Jesu* wanyake çehan, wiyacinpi wan ecen ewicakiye, ça heya;

8. Tuwe tohan kiciyuzapi kin ekta nicopi kinhan, oyanke tokapa kin en iyotanke xni wo; okini nikapeya kinihanpi wanji kicopi nunce:

9. Kinhan, sakim nicopi kin he u, qa, Wicaxta kin de kiyu-kan wo, eniciye cinhan, hehan hinankaha wowixtenya oyanke

hakakta kin he e ekta idotanke kta ce.

10. Tuka nicopi kinhan ye, ça oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta ce; hecen om wota idotanke cin henan niyuonihanpi kte.

11. Tuwe kaxta ihduwankan-tuya kinhan, he e yuhukun iya-yeyapi kta ce; qa tuwe ihduhukuye cinhan, he e yuwankantuya ayapi kta ce, eya.

12. Unkan hehan kico qon he heciya; Tohan wiyotanhan wotapi, qa ix rtayetu wotapi yakage cinhan, kodawicayaye, ça nihunkawanji, qa takuwicayaye cin, qa nikiyedani wijinya unpi kin, henan wicakico xni wo; ix ake okini nicopi, qa hecen nicicajupuni nuncce.

13. Tuka wotapi wan yakage cinhan, warpanicapi, qa huha ksawahanpi, qa huxtepi, qa ixtagongapi kin, henan wicakico wo;

14. Qa niyuwaxtepi kta ce: henan nicicajupuni kte cin okitpanipi nakax, owotanpidan kinipuni kte cin ekta nicicajupuni kta ce, eya.

15. Unkan opeya wota yan-kapi kin etanhan wanji *Jesu* he-nan hecen eya naron qehan, he-ciya; Wakantanka wawidake cin

en tuwe aguyapi yute kta hecinhan he e yuwaxtepi ce, eya.

16. Unkan hehan *Jesu* heciya; Wicaxta wan rtayetu wotapi wan tanka kage, ça wicota wicakico.

17. Unkan wannan wotapi kte cin iyehantu qehan, taokiye kin hewicakiye kte yexi; Upo, taku owasin wannan wiyaya hi-yeya ce, eye kte.

18. Unkan owasin okunwan-jidan ihdatokanpi. Tokaheya kin he heciya; Maka oxpa opewaton, qa ito wanhdag mde kta ce: ceciciya ce, owape kte xni ce, kecanmankin wo, eya.

19. Unkan wanji tokeca heya; Tatanka tazaptan opewaton ce; ito iwicahdute mde kta ce: ceciciya ce, owape kte xni ce, kecanmankin wo, eya.

20. Unkan wanji tokeca *akex* heya; Winorinca wan mduza ce; hecen wau kte cin owakitpani ce, eya.

21. Unkan hecen ookiye qon ku, qa yuhe cin eyapi kin ece-ken okiyaka. Unkan hinanka-ha tipi tawa kin xinhda, qa taokiye qon heciya; Koyaran wo, qa otowwe canku kin ekta ye, ça warpanicapi kin, huha ksawahanpi, huxtepi, ixtagongapi kin, henan den awicau wo, eya.

22. Unkan ookiye qon heya; Itancan kin, ehe cin he wannan

ecen econpi ce; tuka naharin okan ce, eya.

23. Unkan Itancan kin ookiye qon heciya; Ocanku rince cin, qa marinataka ektakta ye, ça uwicakiya wo, hecen wati kin ojudan kta ce.

24. Heciciya ce; Wicakicopi qon wanjidan kax wowahe cin etanhan oxpadan yutapi kte xni ce, eya.

25. Unkan wicokcota *Jesu* om yapi; unkan ihduhomni, qa hewicakiya;

26. Tuwe ekta manhi, qa atkuku, hunku, tawicu, cinca, sunkaku, tawinortin kin, henan qa iye ni kin he ex koya xicekida xni ehantanhan, waonspewicawakiye cin wanji ee kta exta okitpani ce.

27. Qa tuwe kaxta cansusbeca kin kiçin, qa miyahna u xni ehantanhan, waonspewicawakiye cin wanji ee kta exta okitpani ce.

28. Niyepi kin wanji conkaxke yakagapi kte kecannipi ehantanhan, ito tokaheya idotankanpi, qa yahduxtanpi kte cin *mazaska* iyenat yatonpi hecinhan, he iyahdukecanpi xni niceca he?

29. Hecanonpi xni kinhan, okini oahehde kin he wannan eyahnakapi, qa yahduxtanpi kte cin oyakitpanipi kinhan, tonan

wanyakapi kinhan owasin inirapi, qa heyapi nunce;

30. Wicaxta kin de taku kage kta tuka hecen hduxtan kte cin okitpani ce, eyapi kte.

31. Qa nakun wicaxtayatapi wan wicaxtayatapi tokeca azuye kte cinhan, ito tokaheya iyotanke, ça iye *wicaxta* kektopawinge wikcemnan wicayuhe cin henan wicaxta kektopawinge wikcemnan nopa om econpi okihipi kta hecinhan he ikiksape xni niceca he?

32. Qa okihipi kte xni kinhan, hecen naharin icitehanyan yan kapi kin *kohan* tuwe ekta yexi, qa kiciyuwaxte xi ece:

33. Iho he iyecen niyepi kin tuwe taku token yuhe cin owasin tpagan xni ehantanhan, waonspewicawakiye cin wanji ee kta exta okitpani ce.

34. Miniskuya e waxte ce; tuka miniskuya woskuye kin en un xni ehantanhan, taku ecin on skuya kagapi kta he?

35. Mâga qa watuxekxeca paha kin umannan on waxte xni ce; tuka tankan erpeyapi ece. Tuwe noge winaron yukan hecinhan naronpo, eya.

WICOWOYAKE 15.

1. Unkan hehan wamnayanpi qa wicoran xicapi kin, henan

owasin *Jesu ie* naronpi kta e kiyadan ahi.

2. Unkan Parise kin qa w-wapi kagapi kin, henan wakigepi, qa heyapi; Wicaxta kin de wicoran xicapi kin heca ewicayaku, qa om wota ece, eyapi.

3. Unkan Jesu wiyacinpi kin de ecen ewicakiya;

4. Unkan heya; Niyepi kin wanji tarincaska opawinge wicaduhapi, qa wanji nicitaninpi xni kinhan, hecen wikcemnan napciwanka qa sanpa napciwanka kin, henan makotahedan kin en awicayahduxtampi, qa tanin xni qon he e tohan iyeyakiyapi xni kin hehanyan oyakidepi xni niceca he?

5. Qa tohan wannan iyeyakiyapi kinhan, wiyuxkinyan hiyete akan ayakionpi ece.

6. Qa wannan tiyata yakipi ca, kodaniyanpi, qa nikiyadan unpi kin, henan witaya wicayecopi, qa hewicayakiyapi ece; Mici iyuxkinpo, tarincaska mankitanin xni qon he wannan iye-wakiya ce, ehapi ece.

7. Iho he iyececa wicoran xice wanjidan kax iyopeiçiya eca, on marpiya ekta iyuxkinpi kta ce; qa wikcemnan napciwanka qa sanpa napciwanka owotannan, qa iyopeiçiyapi kte cin iyecece xni unpi kin; henan on iyecen iyuxkinpi kte xni ce.

8. Qa nakun winorinea tuwe mazaska wikcemnan yuhe, ça wanji togerpekiye cinhan, hecen petijanjan ideye, ça tipi kin kahinte, ça tohan iyekiye xni kin hehanyan okide xni niceca he?

9. Qa tohan wannan iyeikiya ca, kodawicaye cin, qa kiyadan unpi kin, henan witaya wicakico, qa heya ece; Mici iyuxkinpe; oxpa togerpewakiye ciquon he wannan iyewakiya ce, eya ece.

10. Iho he iyececa, Wicoran xicapi kin heca wanjidan kax iyopeiçiya ca, on Wakantanka wahoxiye wa an tawa yukanpi kin en iyuxkinpi ece, eciciyapi ce, eya.

11. Unkan heya; Wicaxta wan cihintku nopa:

12. Unkan hakakta kin he atkuku kin heciya; Ate, woyuha mitawa kte cin he micu wo, eya. Unkan woyuha kin yuakipam wicaqu.

13. Unkan iyohakam anpetu tonannan, unkan cihintku hakakta qon he owasin witaya tpahi, qa itehanyan makoce wan ekta icimani ya: unkan hen xiran oranyanpi kin on taku yuhe cin owasin hdutakuninpi.

14. Unkan owasin wannan hdusote çehan, makoce kin he en wicaakiran rinca; unkan hiankaha wicakija.

15. Unkan make kin hen unpi kin wanji ti kin ekta i, qa om yanka: unkan he maga kin ekta kukuxe wo wicaqu kte yexi.

16. Unkan kukuxe woyute kin he ex on wipiiçiye wacin; tuka tuwedan wicaxta kin woqu xni.

17. Unkan wannan içiksuye çehan, heya; Ate tancan opewicaton kin heca tonan wicayuha hwo? qa henan aguyapi iyakiçu-ya yuhapi; tuka miye qe wote-ktehdapi kin on atakunixni a-manyan ce.

18. Ito nawajin, qa ate ekta wahde, ça hewakiye kta ce; Ate, marpiya itkom qa niye nakun nitokam xicaya owaranmda ce:

19. Qa detanhan cincamanyaye kte cin iyemancece xni ce; tancan opewicayaton kin he ex wanji iyececa mankaga wo, epe kta ce, eya.

20. Unkan najin hiyaye, ça atkuku kin ekta ki. Naharin itehan ku atkuku kin wanhdaka; unkan onxikida, qa iyang ye, ça poskin hduze, ça itputaka.

21. Unkan cihintku kin heciya; Ate, marpiya itkom, qa niye nitokam xicaya owaranmda ce, qa detanhan cincamanyaye kte cin iyemancece xni ce, eya.

22. Tuka atkuku taokiye kin hewicakiya; Xinan iyotan waxte kin he eca aupo, qa inkiyapo;

qa mazanapcupe wan nape kin en iyekiyapo, qa hanpa ohekiyapo;

23. Qa ptejincadan cemyapi kin he den akupo, qa ktepō; qa wauntapi, qa unkiyuxkinpi kta ce:

24. Micinkxi kin de ça, unkan kini ce; tanin xni, unkan iyeyapi ce, eya. Unkan hinan-kaha iyuxkinpi.

25. Unkan cihintku tokapa qon he magata un; unkan tikiyadan ku ca, dowanpi qa wacipi naron.

26. Unkan ookiye wanji kipan, qa toketken he kapi hecinhan he iwanga.

27. Unkan heciya; Nisunka hdi; unkan ni un, qa zaniyan hdi kin on etanhan niyate ptejincadan cemyapi qon he kikte ce, eya.

28. Unkan hecen xinhda, qa tin kihde wacin xni: hecen atkuku qon tankan hiyu, qa ce-kiya.

29. Unkan atkuku qon itkom heciya; Inyun, waniyetu ota wannan waociciye, ça iyae cin tohini kawape xni ce; tukax, kodawicawaye cin om imduxkin kta e tohini tacincadan wanji manyaqu xni ce:

30. Tuka nicinkxi witkowinpi kin om woyuha nitawa kin temniciye cin de hdi ca, wancake

ptejincadan cemyapi kin he yecicaça ce, eya.

31. Unkan heciya; Cinx, ohiniyan mici yaun, qa taku token mduhe cin henan niye nitawa ce.

32. Nisunka kin de ça, unkan kini ce: tanin xni, unkan iyeyapi kin on etanhan ito cante unwaxtepi, qa unkiyuxkinpi kte cin he hecetu ce, eya ce, *Jesu* eya.

WICOWOYAKE 16.

1. Unkan *Jesu* waonspewicakiye cin nakun hewicakiya; Wicaxta wijica wan; unkan *wi*, *caxta* wan waawanyagkiya: unkan he yuhe cin woyuha kin yutakunin ce, keya okiyakapi.

2. Unkan kico, qa heciya; De toketu ka? taku eniciyapi nawaron kin de? waawandake cin he ito ohdaka wo; henaxta aduxtan kta ce, eya.

3. Unkan waawanyake cin he hehan cante mahen hecin; Token waran kta hwo? waawandake cin he manyuhe cin imieicu ce: unkan marqapi kin owakitpani, qa timantayapi kin he imaxteca ce.

4. E, kaken e ecamon kta ce; qa hecen reyata iyemanyanpi kinhan, tipi kin en tin hiyumankiyapi kta ce, ecin.

5. Unkan hecen yuhe cin tonan ikicazopi qon owasin wicakico, qa tokaheya kin he heciya; Manyuhe cin tonan naharin yecu xni he? eya.

6. Unkan, Wihdi iyutapi opawinge ce, eya. Unkan heciya; Koyarannan wowapi nitawa kin ehdaku, qa iyotanke, ca wikcemnan zaptan e okiwa wo, eya.

7. Unkan wanji tokeca hehan heciya; Qa nix tonan naharin yecu xni he? eya. Unkan, Aguyapisu iyutapi opawinge ce, eya. Unkan heciya; Wowapi nitawa kin ehdaku, qa wikcemnan xahdogan e okiwa wo, eya.

8. Unkan waawanyake oran owotannan xni kin he okiksamyaecon kin on etanhan Itancan kin yaonihan: ecax maka kin de cincawicaye cin iwicacage cin en iyoyanpa cincawicaye cin isanpa ksapapi ce.

9. Unkan heciyapi ce; Woyuha owotanna xni kin on taxaitku içicagapo; hecen tohan niye oncihipi xni kinhan, iye tipi owihanke kte xni en tin hiyuniciyapi kta ce.

10. Tuwe taku iyotan cistinān on wicaka hecinhan, he e taku ota nakun on wicaka ce; qa tuwe taku iyotan cistinān kin on owotannan xni hecinhan, he e

taku ota kin nakun on owotan-nan xni ee.

11. Hecen woyuha owotan-nan xni kin he on wicayakapi xni ehantanhan, wicake cin he tuwe ecin yuheniciyapi kta he?

12. Qa wicaxta tokeca wanji taku tawa kin on wicayakapi xni ehantanhan, niye nitawapi kin he e tuwe ecin niçupi kta he?

13. Ookiye kin tuwedan yuhe cin nopa wao wicakiye kte cin okitpani ce; uman kiyuxe, qa uman kin ix wacin en yuze kta ce: qa ix uman ihakta, qa uman kin ix wartedaxni kta ce: Wakantanka qa mammon, henan sakim waoyakiyapi kte cin oya-kitpanipi ce, eya.

14. Unkan Parise wakonpi kin, henan hecekeen naronpi; unkan *Jesu* wowirayapi.

15. Unkan hewicakiya; Wicaxta kin wicitokam ihdaowo-tanpidan kin he niyepi ce; tuka Wakantanka nicante ozepi kin he sdonniyanpi ce: ecax wicaxta kin ekta taku taku rinca dapi kin, he e Wakantanka wartedaxni ce.

16. Jan *hi* qon hehanyan wicoope, qa waayatapi henan *yukan*; tuka hehantanhan Wakantanka wawidake cin he oya-kapi; unkan wicaxta owasin en opapi kte rinca.

17. Wicoope oowa kin wanjidan kax ecetu xni hihda e terika ce, qa marpiya maka ko tokan iyaye kte cin he ex aoptetu ce.

18. Tuwe kaxta tawicu erpekiye, ça wanji tokeca yuze cinhan, he e inakicirmanpi kin ecen econ ce: qa hihnaku erpekiye eiqon, he tuwe kaxta yuze cinhan, he *nakun* inakicirmanpi kin ecen econ ce, eya.

19. Unkan *ake heya*; Wicaxta wanji wijica, unkan woko-yake stan, qa miniruha zibzipedan heca ece koyake, ça anpetu owasin tanyan un.

20. Unkan wicaxta warpanica Lazaros eciyapi tancan owanca-ya rdirdi ca, he tatiyopa kin en eonpapi:

21. Wicaxta wijica ahna wotapi tawa kin etanhan oxnaxna hiirpaye cin, henan yunkiyapi kta hecin? ahna xonka kin en ahi, qa ordirdi kin sdipapi.

22. Unkan warpanica kin ça; unkan wahoxiye wakan kin heca Aberaham maku kin en ayapi. Wicaxta wijica qon ix eya ça; unkan rapi.

23. Unkan wakanxice tipi kin en kakix yanke çehan, wankan etonwe, ça tehan tanhan Aberaham wanyaka; unkan maku kin ohna Lazaros yanka.

24. Unkan *heya niyan*; Ate

Aberaham, onximankida wo, qa kin eciyatanhan wanji kini qe-yax, nakun wicadapi kte xni ce, eya ce, eya.

25. Tuka Aberaham heciya; Cinx, yani qon ekta taku waxte-xte duha; unkan Lazaros taku xikxice yuha he kiksuya wo; tuka dehan nakaha iye kin kicanptapi, qa nix kakixniyanpi ce.

26. Kokta unkiyotahedan kaksiza wan tanka hdepi ce; qa hecen tonan deciyatanhan niye ekta ye wacinpi kex, okitpanipi ce; qa nakun heciyatanhan den ekta unhipi kta *kex* okitpanipi ce, eya.

27. Unkan heya; Hecece cinhan, ate, ceciciya ce, ate ti kin ekta yexi wo :

28. Misunka zaptan ce; henan wowicakiyake kta ce; ix eya okini wokakije kin den upi nunce, eya.

29. Unkan Aberaham heciya; Moxe qa waayatapi kin, henan wicayuhapi ce; henan ex anawicagoptanpi xta xni, eya.

30. Unkan heya; Hiya, ate Aberaham, tapi kin eciyatanhan wanji ekta wicai unkanx, iyopeiçiyapi kta tuka ce, eya.

31. Unkan heciya; Moxe qa waayatapi kin, henan anawicagoptanpi xni echantanhan, tapi

kin eciyatanhan wanji kini qe-yax, nakun wicadapi kte xni ce, eya ce, eya.

WICOWOYAKE 17.

1. Unkan hehan *Jesu* waonspewicakiye cin hewicakiya; Wonahnaye kin u kte xni pica xni ce; tuwe eciyatanhan he u kinhan, he e woteri kiciyanka ce !

2. Denan eikeistinpidan kin tuwe wanji nahnayan kaga hecinhan, he inyan wiyukpan wanji tahu kin en napinkiyapi, qa miniyowanca kin oi Yorpeyapi unkanx, eex waxte kta tuka ce.

3. Itoniçipapo; Nisunka xicaya ecanicon kinhan kixica wo, qa iye iyopeiçiye cinhan, kiciçajuju wo.

4. Qa xakowin akihde anpetu wanjidan xicaya ecanicon, qa xakowin akihde anpetu wanjidan niye ekta ihduhomni, qa Iyopemiçiya ce, eniciye cinhan, hecen yecicajuju kta ce, eya.

5. Unkan wahoxiyapi kin henan heyapi; Itancanka kin wicaundapi kin he unkiçiyusanpa miye, eyapi.

6. Unkan Itancanka kin heya; Sinape sukaza wan iyecen wicayadapi unkanx, sukamin can kin de, Hute ihdumnan, qa miniyowanca kin en oiçi ju wo,

eyakiyapi ehan, ananigoptanpi kta tuka ce.

7. Niyepi kin wanji nitaokiye maka yumdu, qa ix wanuyanpi wiranwicakiya yanka duhapi, qa tokexta maga kin eciyatanhan hdi kinhan, Howo, ye, ça wote kte iyotanka wo, ehapi niceca he?

8. Kaken eex ehapi kte xni he? Taku yutapi kin wiyaya micihnake, ça ipiyagkiton, qa omankiya wo; qa mix tohan wawate, ça wamdatke cinhan, iyohakam nix ito wayate, ça wadatke kta ce, ehapi nunce.

9. Hecen ookiye kin he token econ yaxipi kin, ecen econ on etanhan, Pidamayakiya ce, eyakiyapi kta he? Hepce xni ce, eya.

10. Nix eya iyecen taku token econ nixipi kin, owasin ecen duxtanpi kinhan, heyapo; Ookiyewakamnapi xni kin heuncapi ce; ecen iconkupi nicece cin he econkupi ce, eyapo, eya.

11. Unkan *Jesu* Jeruxalam ekta ye çehan Samariya qa Galila cokaya iyopta.

12. Unkan otonwe wan en i qehan, wicaxta wikcemnan lepros ececapi itkokipapi, qa itehan hinajinpi:

13. Unkan heyapi; *Jesu* Wanspekiye cin, onxiunda miye, eya niyanpi.

14. Unkan wanwicayake çehan, hewicakiya; Wawayuxnapi kin ekta wicayapo, qa wan-yagiçiyapo, eya. Unkan yapi kin tahepi asnipi.

15. Unkan wanji wannan asni sdotkiye çehan, ihdamna, qa hotankakiya Wakantanka yaonihan:

16. Qa *Jesu* siha kin en ite kin makipuskin erpeiçiye, ça, Pidamayakiya ce, eciya. Unkan Samariya wicaxta kin he heca.

17. Unkan *Jesu* waayupte, ça heya; Wikcemnan asnipi xni he? tuka napeiwanka kin henan tokiya unpi he?

18. Wakantanka yaonihan kte hdipi kin, tuwedan iyeyapi xni ce; oyate tokeca etanhan kin de ixnaka ce, eya.

19. Unkan heciya; Najin, qa iyaya wo, wicayada kin he asniniyan ce, eya.

20. Unkan Parise kin ix Wakantanka wawidake cin he tohan hiyohi kta hecinhan, he *Jesu* iwangapi qehan, waayupte, ça hewicakiya; Wakantanka wawidake cin he wowanyake on hi xni ce.

21. Qa nakun, Inyun, de e ce! qa ix, Ka e ce! eyapi kte xni ce: wanyakapo, Wakantanka wawidake cin he mahen niunpi ce, eya.

22. Unkan waonspewicakiye cin hewicakiya; Anpetu wan hiyohi kta ce, qa wicaxta Cihintku anpetu tawa kin wanji wanyag yacinpi tuka wandakapi kte xni ce.

23. Qa, Den wanyakapo! qa ix, Kan wanyakapo! eniciyapi kta ce; wiciyahna yapi xnipo, qa owicapapi xnipo.

24. Wakanhdi marpiya ihukuya tokiyatanhan wiyatpa u, qa marpiya ihukuya uman eciyatanhan iyahde kin, he wicaxta Cihintku anpetu tawa kin en iyecece kta ce.

25. Tuka ito tokaheya taku ota on iyotatanhan iyekiye kta ce, qa wicoicage kin reyata iyekiya-pi kta ce.

26. Unkan Noe anpetu tawa qon en toketken wanke ciqon, he iyecen wicaxta Cihintku anpetu tawa kin en wanke kta ce.

27. Noe wata kin en okipe ciqon anpetu kin hehanyan wotapi, qa wayatkanpi, qa tawicutonpi, qa hihnatonpi; unkan minitan qon u, owasin owihankewicaya.

28. Qa nakun Lot anpetu tawa qon en ix eya iyececa, wotapi, qa wayatkanpi, qa wope-tonpi, qa wiyopeyapi, qa wojupi, qa ticagapi;

29. Tuka Lot Sodom etanhan tankan hinape ciqon anpetu kin

he e rinca en marpiya kin eciyatanhan peta, mazakan noge iyu-wintapi kin ahna hinhe, ça owasin owihankewicaya.

30. Wicaxta Cihintku kin yuotaninpi kte cin anpetu kin he en iyecece kte rinca ce.

31. Anpetu kin he en tuwe tipi kin akan yanke, ça tawarpayeca kin timahen hiyeye cinhan, kun ku, qa ehdaku xni wo; qa tuwe magata un kinhan, ix eya *tiyata* ku xni wo.

32. Lot tawicu qon he kiksuyapo.

33. Tuwe kaxta oni kin hdu-tehan akite cinhan, togerpekiye kta ce; qa tuwe kaxta oni kin togerpekiye cinhan he e hdutehan kta ce.

34. Heciciyapi ce, Hanyetu kin he en nopa owinja wanjidan akan wankapi, qa uman eyakupi, qa uman kin ix erpeyapi kta ce.

35. Nopa akiptan wokpan yankapi, qa uman eyakupi, qa uman kin ix erpeyapi kta ce.

36. Nopa magata unpi, qa uman eyakupi, qa uman kin ix erpeyapi kta ce, eya.

37. Unkan itkom heciyapi; Itancanka kin, tuktetu ka? eyapi. Unkan hewicakiya: Tukten tancan wanka ca, hen wamdi kin kawitaya imniiciyapi eee, eya.

WICOWOYAKE 18.

1. Unkan wiyacinpi wan ecen ewicakiye, ça heya; Wicaxta kin ito ohiniyan wacekiyapi, qa iyakiçonipi kte xni ce.

2. Otonwe wan en wicoope iyukean wanji un; unkan Wakantanka kokipe xni, qa nakun wicaxta kin en ewicatonwe xni.

3. Unkan otonwe kin he en wiwazice wanji un; unkan wicoope iyukean kin ekta hi, qa heya; Mankipajin kin he tomiçiön ye, eya.

4. Unkan tokaheya econ wacın xni; tuka ocim cante mahen heya; Wakantanka kowakipe xni, qa nakun wicaxta kin en ewicawatonwe xni qeyax,

5. Wiwazice kin de nagiye-manye cin on etanhan ito toweçiön kta ce; okini ohini hecetu ke u kinhan, wacin iyokixin-manyan nunce, eya.

6. Unkan Itancanka kin heya; Wicoope iyukean oran owotan-nan xni ie cin he naronpo.

7. Unkan Wakantanka tonan wicakarnige, ça anpetu hanyetu ko cekiyapi kin, henan tehan towicakiciön xni qeyax, ocim econ kte xni he?

8. Heciciyapi ce, Ihnuhan-nanrin towicakiciön kta ce. Takomni, wicaxta Cihintku kin he tohan hi kinhan, maka akan wowicada iyeye kta he? eya.

9. Unkan apa iye oran owotannan içidapi, qa tokan kin wartewicadapi xni kin, henan wiyacinpi kin de ecen ewicakiya;

10. Wicaxta nopa tipi wakan kin en wacekiya ipi; unkan uman Parise, qa uman kin ix wamnayanpi kin heca.

11. Unkan Parise kin ixnannan najin, qa wacekiye, ça heya; Wicaxta tokan kin wakipisa, qa oran owotanpidan xni, qa inakicirmanpi kin ecen econpisa kin iyemancece xni; qa wamnaye cin de ee kax iyemancece xni kin on etanhan Wakantanka pidamanyakiya ce.

12. Miye anpetu wakan okitahedan nopa akiranmiçiye, ça taku token tawawaye cin owasin etanhan iwikecmnanmnan wicawaqu ece, eya.

13. Unkan wamnaye cin ix itehanyan inajin, qa ixta ee kax wankan marpiya kin ekta ikikcu xni; tuka maku kin ohna açiipe, ça heya; Wakantanka wicoran manxica ce; onximanda wo, eya.

14. Heciciyapi ce, *Ehake* kin de iyex yaowotanpidan tiyata ki, qa uman qon he e xni ce: qa tonan ihduwankantuya kinhan, henan owasin yuhukun iyayewicayapi kta ce; qa tuwe ihduhukuye cinhan, he e yuwan-kan ayapi kta ce, eya.

15. Unkan hokxiyoqopa kin nakun *Jesu* wicayutan kta e kahipi; tuka waonspewicakiye cin he wanyakapi qehan, wicakixicapi.

16. Tuka *Jesu* wicakico, qa heya; Hokxiyoqopa kin ekta manhipi kte cin iyowinwicakiyapo, qa terindapi xnipo; Wakantanka wawidake cin he heca etanhan ce.

17. Awicakehan heciciyapi ce, Tuwe kaxta hokxiyoqopa wanji iyececa Wakantanka wawidake cin ieu xni ehantanhan, toketu kaxta en ope kte xni ce.

18. Unkan *wicaxta* iwicadake cin wanji wiwange, ça heya; Waonspekiya waxte kin, token ecamon, qa owihanke wanin wiconi ohimiçiye kta he? eya.

19. Unkan *Jesu* heciya; Tokeca ce waxte emanyakiya? wanjidan waxte ce; he Wakantanka ee.

20. Woahope kin henan sdon-yaya: Inakieirmanpi kin econ xni wo. Tinwicakte xni wo. Wamanu xni wo. Tuwedan oitoxniyan en aye xni wo. Niyate nihun kici ohowicakida wo, eya.

21. Unkan heya; Macistinan ehantanhan henan owasin ahowapa ce, eya.

22. Unkan *Jesu* henan naron

qehan, heciya; Taku wanji naharin iyotpaniyan *yaun* ce; taku token yaton kin henan owasin wiyopekiye, ça warpanicapi kin wicakipamni wo; qa marpiya kin ekta woyuha duhe kta ce; qa miyahna u wo, eya.

23. Unkan he nakiron qehan, wijica rince cin on etanhan wacin iyokixica rinca.

24. Unkan ninan wacin iyo-kixice cin he *Jesu* wanyake çehan, heya; Wowijice tonpi kin henan Wakantanka wawidake cin en yapi kte cin terika ce:

25. Qa wicaxta wijica wanji Wakantanka wawidake cin en ye kte cin terika, qa kamel heca wanji tanhinxpaciqadan ordoka kin ohna ye kte cin eex aoptetu ce, eya.

26. Unkan tonan he naronpi qon heyapi; Hecen tuwe ecin ni kta he? eyapi.

27. Unkan heya; Wicaxta kin ekta taku econ pica xni kin, he Wakantanka econ pica ce, eya.

28. Unkan Petros heya; Inyun, unkix taku owasin untpaganpi, qa niyahna unyakonpi ce, eya.

29. Unkan hewicakiya; Awicakehan heciciyapi ce, Wicaxta kin tuwe ti kin, qa hunkakewicaye cin, qa hunkawanjitku, qa tawicu, qa cinca, henan wanji

Wakantanka wawidake cin on tpagan kinhan,

30. He e henan iyakapeya taku ota dehan nakaha yuze kta ce, qa tokata kin ekta owihanke wanin wiconi yuze kta ce, eya.

31. Unkan akenopapi qon ewicayaku, qa hewicakiya; Inyun, Jeruxalam ekta unyanpi, qa waayatapi qon wicaxta Cihintku kin on toketken owapi qon, owasin eeen yuxtanpi kta ce:

32. Qa he oyate tokeca wicakupi kta ce; qa ixtenyapi, qa wawicanksiksiya kuwapi, qa atagoxapapi kta ce:

33. Qa kapsinpsintapi qa tɛyapi kte; unkan anpetu iyamni kinhan, kini kta ce, eya.

34. Unkan ecaca okarnigapi xni, qa oie kin de anawicakirmanpi, qa toketken kapi kin sdocapi xni.

35. Unkan Jerico ikiyedān wannan u qehan, wicaxta wan ixtagonge canku icahda wadada yanka.

36. Unkan wicota ahiyaye cin he naron qehan, he token kapi hecinhan he iwanga.

37. Unkan Jesu Nazaret etanhan kin he eca hiyaya ce, eya okiyakapi.

38. Unkan heya niyan; Jesu Dawid cihintku kin, onximanda wo, eya.

39. Unkan tokahanpi qon kixicapi, qa ininan yanke *xipi*; tuka he on iyotan, Jesu Dawid cihintku kin, onximanda wo, eya niyan.

40. Unkan Jesu inajin, qa *Wicaxta* kin he mankaupo, eya: unkan wanan kiyadan u qehan wiwange, ɕa heya;

41. Token ecacion kte yacin ka? eya. Unkan heya; Itancanka kin, watonwe kta *wacin* ce, eya.

42. Unkan Jesu heciya; Tonwan wo, wicayada kin he niniyan ce, eya.

43. Unkan wancake tonwe, ɕa *Jesu* iyahna hiyu, qa Wakantanka yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1. Unkan Jesu Jerico en i, qa etoopteya ya.

2. Unkan inyun wicaxta wan Zakeyus eciyapi; unkan wamnanpi itancan kin he e: unkan wijica.

3. Unkan Jesu tuwe kin hecinhan he wanyag akita; tuka tancan ptecedan nakax, wicota kin on toka okini xni.

4. Unkan tokata iyang ye, ɕa sukamore can wan *Jesu* eeen ye kte cin, wanyake kta e he adi.

5. Unkan Jesu wannan ehan i qehan, wankan etonwe, ça wanyaka; unkan heciya; Zakeyus koyarannan kun ku wo, qa anpetu kin de yati kin en ito manke kta ce, eya.

6. Unkan koyaran, qa kun ku, qa iyuxkiyan iyowinkiya.

7. Unkan he wanyakapi qehan, owasin iapi, qa heyapi; Wicaxta wan wicoran xice om wote kte iyaya ce, eyapi.

8. Unkan Zakeyus najinhan inajin, qa Itancanka kin, inyun, woyuha mitawa kin hanke hecen warpanicapi kin wicawaqu, qa wicaxta kin tuwe oitoxniyan taku iwecicu hecinhan, topa akihde wecu kta ce, eya.

9. Unkan Jesu heciya; Aberaham cincawicaye cin he wanji ee, on etanhan anpetu kin de wanikiyapi kin tipi kin de hiyohi ce.

10. Qa wicaxta Cihintku kin taku atakunin qon, he akite, ça nikiye kta e hi ce, eya.

11. Unkan henan becekeen naronpi qehen, *Jesu* wannan Jeruxalam ikiyedani un, qa Wakantanka wawidake cin he wannan kohannan hiyohi kta ecinpi kin, on etanhan wiyacinpi wan ecen ewicakiya.

12. Unkan heya; Wicaxta ihdawa wan wowawidake ton,

qa ku kta e, makoce wan itehan ekta ya.

13. Unkan taokiye wikcemnan wicayuhe cin, henan wicakico, qa mazaska wikcemnan wicaqu, qa hewicakiya; Tohan wahdi xni kin hehanyan wope-tonpo, eya.

14. Tuka taoyate kin wartedapi xni, qa tuwe iyahna yexipi, qa heyapi; Wicaxta kin de unkidakapi kte uncinpi xni ce, eyapi.

15. Unkan wowawidake ton, qa hdi qehan, taokiye mazaska wicaqu qon, henan wopetonpi kin on tonan wannan hdamnanpi hecinhan, he sdotkiye kta e, Wicakicopo, eya.

16. Unkan tokaheya kin he u, qa heya; Itancan kin, mazaska wan nitawa qon, he wannan mazaska wikcemnan kamnan ce, eya.

17. Unkan heciya; Hao, oo-kiye niwaxte ce; taku tonannan rinca on wicayake cin on etanhan, ito otonwe wikcemnan idaka wo, eya.

18. Unkan iyokihe kin he u, qa heya; Itancan kin, mazaska wan nitawa qon, he wannan mazaska zaptan kamnan ce, eya.

19. Unkan ix eya heciya; Nix otonwe zaptan idaka wo, eya.

20. Unkan wanji tokeca u, qa heya; Itancan kin, inyun,

mazaska wan nitawa wanapin ohna yuha waun kin, he de e ce;

21. Qa wicaxta nixake cin, on kocicipa ce; taku eyahnake xni kin, he ece edaku; qa wowaju xni kin he ece duksa ce, eya.

22. Unkan heciya; Ookiye winicaxtaxni kin, nii kin eex eciyatanhan ciyukcan kta ce; Wicaxta manxake, ça taku ewe hnake xni kin he ece emdaku, qa wowaju xni kin he ece mduksa e sdonyaya ce.

23. Hecen tokeca ce mazaska mitawa kin he iciyopekiciyapi kin en ade xni he? qa hecen waku kin ekta mitawa kin akam wicaqupi kin ahna weca kta tuka ce.

24. Unkan hen najinpi kin henan hewicakiya; Mazaska he ikikcupo, qa mazaska wikcemnan yuhe cin he e qupo, eya.

25. Unkan heciyapi; Itancan kin, he wannan mazaska wikcemnan yuha ce, eyapi.

26. Qa heciyapi ce, Tonan taku yuhapi kin, henan owasin wawicaqupi kta ce; qa tuwe wayuhe xni kinhan, taku yuhe cin ee ikikcupi kta ce.

27. Tuka tkamanyanpi iwi-cawadake kte cinpi xni qon he nan den awicakupo, qa mitokam wicaktepo, eya ce, eya.

28. Unkan *Jesu* hecen eye çehan, tokata ye, ça Jeruxalam etkiya ya.

29. Unkan Betpage, qa Beta-ni en paha wan Oliwe eciyapi kin, he wannan ikiyedan ehan i qehan, waonspewicakiye cin e-tanhan nopa yewicaxi, qa heya;

30. Niyotakunzapi otonwe wanke cin en yapo, qa tokaheya en yaipi kinhan, xonkeincadan tohini tuwe akan yanke xni kaxka hdepi wan iyeyayapi kta ce; kiyuxkapo, qa akupo.

31. Qa, Tokeca ce yakiduxkapi he? tuwe eniciyapi kinhan, Itancanka kin de ito cin ce, e *heconkupi* ce, eyapo, eya.

32. Unkan yewicaxi qon ecen yapi; unkan ewicakiye ciqon iyecetu iyeyapi.

33. Unkan xonkeincadan ki-yuxkapi ican, tawayapi qon hewicakiyapi; Tokeca ce he yakiduxkapi he? eyapi.

34. Unkan, Itancanka kin he de ito cin ce, eyapi.

35. Unkan *Jesu* kahdipi; unkan wokoyake kin xonkeincadan airpeyapi, qa *Jesu* akan yankekiyapi.

36. Unkan *Jesu* ye cin tahepi canku ohna wokoyake kin hdu-mdayapi.

37. Unkan ikiyedan Oliwe paha kin apamahde iyayapi kin hehan wannan i qehan, waon-

spewicakiya wicota qon, owasin wicowaxake wicoran wanyakapi qon owasin on etanhan hinanka-ha iyuxkinpi, qa hotankakiya Wakantanka yatanpi, qa heya-pi;

38. Wicaxtayatapi Itancanka kin cajeyan u kin, he yuwaxtepi ce. Marpiya kin ekta wowaxte, qa iyotan wankantuya kin ekta wookitanin un nunwe, eyapi.

39. Unkan Parise wicota kin en opapi qon apa heciyapi; Waonspekiye cin, waonspewicaya-kiye cin wicakixica wo, eyapi.

40. Unkan *Jesu* waayupte, qa hewicakiya; Heciciyapi ce, Denan ininan hiyeya unkan, inyan kin wancake enapeyapi kta tuka ce, eya.

41. Unkan wannan ikiyedan u, qa otowwe wanyake çehan, aceye, qa heya;

42. Niye kin anpetu nitawa kin de ex en taku on niwaxte kte cin he sdonyakiye çex! tuka wannan icinanan ixta on wanyahdake kte xni ce.

43. Kaken hiyonihi kta ce; Tókaniyanpi kin nihdukxan maka qapi, qa okxan niyankapi, qa ohomni ohiniyan anapte nanijinpi kta ce;

44. Qa makata erpeniyanpi, nicinca onihnakapi kin henan koya, qa inyan nopa icitakihna wanke xniyan erpeniyanpi kta

ce: nihiyohipi tuka sdonyakiye xni kin he on etanhan kta ce, eya.

45. Unkan tipi wakan kin en tin iyaye, qa tonan ohna wiyo-peyapi, qa wopetonpi qon, henan tankan hinapewicakiye, qa hewicakiya;

46. Tipi mitawa kin he wacekiye tipi heca; tuka niye owamanupi yakagapi ce, eya owapi ce, eya.

47. Unkan anpetu iyohi tipi wakan kin ohna waonspekiya. Tuka wawayuxnapi itancanpi, qa wowapi kagapi, qa oyate kin en wicaxta ihdawapi kin, henan *Jesu* çeyapi kte akitapi:

48. Tuka oyate kin owasin oie naronpi kte rinçe cin on etanhan, token ranpi nun tanin xni.

WICOWOYAKE 20.

1. Unkan anpetu kin henan waji en *Jesu* tipi wakan kin ohna oyate kin waonspewicakiye, ca woetanin waxte kin he oyake çehan, wawayuxnapi itancanpi, qa wowapi kagapi, qa wicarincapi kin, henan ekta ahi,

2. Qa okiyapi, qa heciyapi; Tukte wicookihi on denan dekeen ecanon ka? qa wicookihi kin de tuwe e niçu hecinhan, unkokiyakapo, eyapi.

3. Unkan itkom hewicakiya; Mix eya taku wanji iciwangapi kta ce; qa amanyuptapo:

4. Jan wicabaptiza qon, he marpiya kin eciyatanhan, qa ix wicaxta kin eciyatanhan, he uman tukte hecetu ka? eya.

5. Unkan iye iyakitedan iapi, qa heyapi; Marpiya kin eciyatanhan ce, unkeyapi kinhan, Kinhanx, tokeca ce wicayadapi xni? eye kta ce;

6. Tuka wicaxta kin eciyatanhan ce, unkeyapi kinhan, oyate kin Jan waayate heca e wicadapi nakax, iye owasin inyan on unkiinpi kta ce, eyapi.

7. Unkan waayuptapi, qa, To-kiyatanhan kin ecen unkoyakapi kte cin unkokitpanipi ce, eyapi.

8. Unkan Jesu hewicakiya; Mix eya tukte wicookihi on denan decekcen ecamon kin nakun ociciyakapi kte xni, eya.

9. Unkan wiyacinpi kin de ecen ewicakiya: Wicaxta wan hastanhanka iyuwi maga wan oju, qa markicanyanpi kin heca owicaqu, qa makoce wan itehan ekta ye, ça tehan en un kte.

10. Unkan wannan iyehantu qehan, taokiye wanji hastanhanka iyuwi maga waskuyeca kin etanhan qupi kta e, markicanyanpi qon ekta yexi; tuka markicanyanpi qon kaxtakapi, qa cokadan hdexipi.

11. Unkan ake taokiye wanji tokeca yexi; unkan ix eya kaxtakapi, qa xikxicaya kuwapi, qa cokadan hdexipi.

12. Unkan akex iyamni wanji yexi; unkan ix eya taopi, qa tankan iyayeyapi.

13. Unkan hastanhanka iyuwi maga tawa kin heya; Token waran kta hwo? Micinkxi wixtewakidake cin, he eca yewaxi kta ce: okini he wanyakapi kinhan, yuonihanpi nunce, eya.

14. Tuka markicanyanpi kin he wanyakapi qehan, iye iyakitedan iapi, qa heyapi; Tawaye kte cin he de e ce; hopo, unktepi kta ce; qa hecen unkix tawanyanpi kta ce, eyapi.

15. Hecen hastanhanka iyuwi maga itankan iyayeyapi, qa ktepi. Hecen hastanhanka iyuwi maga tawa kin toketken ecawicaon kta he?

16. Ito ku, qa markicanyanpi kin henan owihankewicaye, ça hastanhanka iyuwi maga kin he token wicaqu kta ce, eya. Unkan he naronpi qehan, heyapi; Hecetu xni ce, eyapi.

17. Unkan Jesu awicatonwe qehan, heya; Tipi kagapi kin inyan reyata iyeyapi qon, he eca wannan okarmin kin itancan kin ee ce:

18. Qa tuwe kaxta inyan kin he ahinrpaye cinhan, karugapi

kta ce; qa ix inyan kin tuwe kaxta ahinrpaye cinhan, he e pamdu kta ce, eya owapi qon, he toketken kapi ka hecinhan? eya.

19. Unkan wawayuxnapi itancanpi, qa wowapi kagapi kin, henan he ehan *Jesu* iyarpayapi kta cinpi; tuka oyate kin kowicakipapi: wiyacinpi ecen eye cin, he iye wicaka e sdotkiyapi.

20. Unkan awanyag kuwapi, qa wanjikxi iye owotannan kunzapi, qa *Jesu* iwanyakapi kte yewicaxapi; hecen oie kin iyarpayapi, qa wookihi kin en qupi kte.

21. Unkan henan wiwangapi, qa heyapi; Waonspekiye cin, niye tanyan iyae, ça waonspeyakiya ce; qa tuwedan en eyatonwe xni: tuka Wakantanka ocanku tawa kin he awicakehan onspewicayakiya e sdonunniyanpi ce.

22. Iho Kesar wamnayanpi kin unqupi, qa ix unqupi kte xni, uman tukte hecetu hecinhan? eyapi.

23. Unkan wayupiya hnaye wacinpi kin, he *Jesu* iwicayukean, qa hewicakiya; Tokeca ce manyahnayanpi he?

24. Mazaska ito wanji mankipazopo. Akan owapi, qa wakagapi kin de tuwe tawa he? eya. Unkan ayuptapi, qa heyapi; Kesar tawa ce, eyapi.

25. Unkan hewicakiya; Kesar taku tawa kin henan Kesar kicupo, qa Wakantanka taku tawa kin henan Wakantanka *kicupo*, eya.

26. Unkan oyate kin wicito-kam oie kin iyarpayapi kte cin okitpanipi, qa waayupte cin, he on inihanpi, qa ininan hiyeye.

27. Unkan Saduke wicakini kte cin he wicadapi xni kin, heca tuwewe en upi, qa wiwanga-pi, qa heciyapi;

28. Waonspekiye cin, Moxe wowapi unkicagapi qon he deceptu; Wicaxta kin tuwe hunkawanjitku tawicuton, qa cinca nice ecen te cinhan, iye hunkawanjitku tawicu qon hduze, ça cinca icarkiciciye kta ce, eya owa ce, eyapi.

29. Unkan hecen hunkawan-jinkiciyapi xakowin: unkan tokaheya qon he tawicuton, qa cinca nice ecen ta.

30. Unkan iyokihe qon he hehan hduza; tuka cinca nice ecen ta.

31. Unkan iyamni qon hduza; qa xakowinpi qon owasin hecen hduzapi, qa ecen tapi; unkan cinca nicapi.

32. Unkan ehakedan winorinca ix eya ta.

33. Iho hecen wicakini kte cin ekta xakowin hduzapi qon,

henan tukte wanji tawapi kta he? eyapi.

34. Unkan Jesu waayupte, ça hewicakiya; Maka kin de einca kin tawicutonpi, qa hihnatonpi:

35. Tuka tonan makoce kin he en opapi kte cin, qa wicate cin etanhan kinipi kte niceca wicadakapi kin henan tawicutonpi xni, qa hihnatonpi xni ece:

36. Qa nakun ake wicate kte pica xni; tuka henan wahoxiye wakan kin om akidewiacecapi ce; qa wicakini kin he henan cinca kin on etanhan Wakantanka cineawicaya ce.

37. Unkan wicate cin henan kiniwicakiyapi kte cin, he Moxe kaex canyuraka kin ekta niçiya-otaninpi; Aberaham Wakantanka tawa, qa Isak Wakantanka tawa, qa Jakob Wakantanka tawa, Itancanka kin eciye ciquon, he ehan.

38. Qa tapi kin henan Wakantanka kin tawapi xni; tuka ni unpi kin henan tawapi ce: qa owasin iye on nipi ce, eya.

39. Unkan wowapi kagapi kin wanjikxi hehan heciyapi; Waonspekiye cin, tanyan eha ce, eyapi.

40. Unkan he iyohakam wi-wangapi kte cin tuwedan tawa-tece xni.

41. Unkan hewicakiya; He token on Kristos Dawid cihintku eciyapi he?

42. Odowan wowapi kin en Dawid iye rinca heya; Itancanka kin Itancanka mitawa kin heciya; Mietapa kin akan imanyo-tanka wo,

43. Ecen tokaniyanpi kin he-nan siha oahe cicage kta ce, eya ce, eya.

44. Heeen Dawid Itancanka eciya; hecen token on cihintku-ye kta he? eya.

45. Unkan hehan oyate owa-sin naron hiyeye cin en, *Jesu* waonspewicakiye cin hewicakiya;

46. Wowapi kagapi kin iton-wicapapo; he iye xinan hanskaska in omanipi, qa iciyopekici-yapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, henan hecekcen cinpi:

47. Qa wawizice tipi kin temyapi, qa token wanyakapi kte cin on wocekiye kin yatehanhanpi ece, henan ix iyotan teriya wicakunzapi kta ce, eya.

WICOWOYAKE 21.

1. Unkan *Jesu* wankan eton-we, ça wicaxta wijicapi kin womnaye opiye kin en ohna taku

wicaqupi kin erpeya ayapi wan-
yaka.

2. Unkan wiwazice warpani-
ca wanji, ix eya kaxpapidan no-
pa en erpeya e wanyaka.

3. Unkan heya; Awicakehan
heciciyapi ce, Wiwazice wa-
rpanica kin de ixnannan ota en
erpeya ce.

4. Denan owasin taku iwica-
kiciyaye cin, he e Wakantanka
taku qupi kin en erpekiyapi ce;
tuka *wiwazice* taku ton xni kin,
ix taku on ni kte yuha owasin
en erpekiya ce, eya.

5. Unkan apa ix tipi wakan
kin inyan waxtexte, qa taku wi-
caqupi kin on ayucopi kin, he
cajeyatapi qehan, heya;

6. Anpetu hiyohi kta ce, qa
en taku wandakapi kin denan
inyan nopa icitakhna wanke
xniyan erpeyapi kta ce, eya.

7. Unkan wiwangapi, qa he-
yapi; Waonspekiye ein, tohan
kinhan henan hecetu kta he? qa
henan hecetu kte cin wannan
iyehantu ce taku on sdotkiyapi
kta he? eyapi.

8. Unkan heya; Ihnuhan ni-
hnayanpi kin; qa ota micajeyan
upi, qa, Kristos he miye ce, qa
wannan ecadan iyehantu kta ce,
eyapi kte; tuka hecen wiciya-
hna yapi xnipo.

9. Tuka okicize owodutaton-
pi ko cajeyatapi nayaranpi kin-

han, nihinciyapi xnipo; qa ite
tokakeya henan hecekeen hiyohi
kta ce, tuka owihanke kin hin-
yanrinke kte xni ce, eya.

10. Unkan hehan hewicaki-
ya; Oyate kin iyakipam kicipa-
jinpi kta ce:

11. Qa otakiya maka-kin ni-
nan xkanxkan, qa wicaakiran,
qa makoxikxice, qa wokokipe
wowanyake, qa marpiya kin
eciyatanhan wowapetoktokeca,
henan hecekeen yuke kta ce.

12. Tuka taku kin denan
owasin itokaptu micaje kin on
etanhan iyanirpayapi, qa xicaya
nicuwapi, qa omniciye tipi, ka-
xka wicahnakapi tipi ko en ani-
yanpi, qa wicaxtayatapi wicaxta
iwicadakapi kin ko wicitokam
aniyanpi kta ce:

13. Qa he oniyakapi kta ce.

14. Hecen icantekiçonpo; qa
toketken waaduptapi kte cin he
kanyehan awacinpi xnipo.

15. Qa wicai wan wicoksape
ahna ciçupi kta ce; qa hecen
tókaniyanpi kin tuwedan tóka
iennihdepi kte xni, qa iyakape-
niyanpi kte xni ce.

16. Qa hunkake wicayayapi,
qa hunkawanjin wicayayapi, qa
takuwicayayapi, qa koda wica-
yayapi kin, henan e wiyopeni-
yanpi kta ce; qa apa teniyanpi
kagapi kta ce:

17. Qa micaje kin on etanhan

wicaxta kin owasin niciyuxepi kta ce.

18. Tuka paha kin wanjidan kax awinitukapi kte xni ce.

19. Wacinnitankapi kin on nitaniya wakanpi kin hduhapo.

20. Jeruxalam ihdukxan ozu-ye yankapi wandakapi kinhan, ihangyapi kte cin he wannan kiyadan e sdon-
yapo:

21. Kinhan, tonan Juda en unpi kinhan reyaka kin ekta najicapo; qa tonan cokaya unpi kinhan tankan inapapo; qa okxan makoe wanke cin tonan en yakonpi kinhan en kipi xnipo.

22. Tokiçonpi anpetu kin henan ee ce; qa hecen taku token owapi qon henan owasin ecen yuxtanpi kta ce.

23. Tuka anpetu kin henan en tonan ihduxakapi qa tonan hoxin azinwicakiyapi kin henan woteri wicakiciyanke kta ce! qa maka kin akan wokakije tanka wanke kta ce; qa wocanniye oyate kin de awicaun kte.

24. Qa mazasagye ope kin on wankahanpi kta ce; qa oyate kin owasin ektakta wayaka awicahdapi kta ce; qa oyate tokeca Jeruxalam naatinzapi kte, ecen oyate tokeca kin taku iye-
wicakicihantu kta ce, eya.

25. Qa wi, qa hanyetuwi, qa wicarpi kin, henan ektakta wotawapetoktokeca yuke kta ce;

qa maka akan oyate kin yazan-
hda, qa wicotoketu tanin xni, hecen yuke kta ce; qa miniyowanca otaja kin sa wanke kte:

26. Qa wicaxta kin kopa, qa maka akan taku hiyohi kte cin he ape hiyeye cin, henan on cante toki wicayanka tanin xni kta ce; qa marpiya wowaxake kin hu-
huzahе kte.

27. Qa hehan wicaxta Ci-
hintku kin marpiya wan ahna wicowaxake, qa wicookitanin tanka, henan yuha u wandakapi kta ce.

28. Qa denan decekcen aye cinhan, pa yuwankan icupo, qa wankan etonwanpo; qa openi-
citonpi kin he wannan kiyadan u ce, eya.

29. Unkan wiyacinpi wan ecen ewicakiya: Suken can, qa can kin owasin, henan wanyakapo;

30. Canwapa para ca, mdo-
ketu wannan ikeyedan niye cin-
ka wandakapi, qa sdon-
yayapi ece.

31. Iho he iyececa taku kin denan iyecetu wandakapi kin-
han, Wakantanka wawidake cin he wannan kiyadan un e sdon-
yapo.

32. Awicakehan heciciyapi ce, Wicoicage kin de tokan iyaye xni, ecen owasin iyecetu kta ce.

33. Marpiya kin maka ahna token econpi, qa *Jesu* token iyaye kta, tuka mioie kin teyapi kte cin he akitapi, qa e token iyaye kte xni ce. oyate kin kowicakipapi.

34. Unkan itoniçipapo; okini 3. Unkan akenopapi qon tukten wotapi, qa witkopi, qa etanhan wanji Judas Iskariot wiconi kin de awacinpi kin, eciyapi; unkan he e Satan tan- henan on nicantepi kin niyuxa- can mahen iyaya. kapi nunce; qa hecen sdonyaki- wayapi xni ecen anpetu kin he nihiyohipi kte.

35. Maka ite kin akan yakon- pi kin owasin wohmuke wan iyecen wicahiyohi kta ce.

36. He on ohiniyan waktapo, qa wacekiyapo; hecen taku hi- yohi kte cin denan owasin icuom idadapi, qa wicaxta Cihintku kin itokam nayajinpi kte cin iyececa niyawapi kta ce, eya.

37. Unkan anposkantuya tipi wakan kin en ohna waonspeki- ya; unkan hanyetu qehan, tan- kan hdiçu, qa paha wan Oliwe eciyapi kin en yanka.

38. Unkan harannan rinca oyate kin owasin *Jesu* oie na- ronpi kta e tipi wakan kin en ahi.

WICOWOYAKE 22.

1. Unkan aguyapi naporyapi xni yutapi woacaxxin eciyapi kin, he wannan ecadan iyehantu kte.

2. Unkan wawayuxnapi itan- canpi, qa wowapi kagapi kin,

henan token econpi, qa *Jesu* teyapi kte cin he akitapi, qa oyate kin kowicakipapi.

3. Unkan akenopapi qon etanhan wanji Judas Iskariot eciyapi; unkan he e Satan tan- can mahen iyaya.

4. Unkan he toki ye, qa wa- wayuxnapi itancanpi, qa akicita itancanpi kin, henan om wo- hdaka; unkan token econ, qa *Jesu* wicaqu kte cin he kapi.

5. Unkan iyuxkinpi, qa ma- zaska qupi kta keciyapi.

6. Unkan wicada, qa wicota qon en unpi xni ican, *Jesu* wi- caqu kte akita.

7. Unkan aguyapi naporyapi xni, qa woacaxxin ito ktepi kte cin wannan iyehantu.

8. Unkan Petros, qa Jan he- niyos *Jesu* yewicaxi, qa heya; Yapo, qa woacaxxin kin wiya- ya unkicihnakapo, qa untapi kta ce, eya.

9. Unkan heciyapi; Tukten wiyaya unhnakapi kte yacin ka? eyapi.

10. Unkan hewicakiya; Oton- we kin en yaipi kinhan, inyun, wicaxta wan wakixkokpa mini ohnaka yuha itkonicipapi kta ce; iho hecen iye tukten tin kihde einhan, iyahna yapo.

11. Qa tipi tawa kin heyaki- yapi kta ce; Waonspekiye cin heniciya ce; Wotapi tipi ohna

woacaxin kin he waonspewica-wakiye cin om wate kte cin he tukte e he? eya ce, ehapi kta ce;

12. Kinhan, wankan tipi wan tankaya, qa ayucopi e nicipazopi kta ce; hen wiyaya hnakapo, eya.

13. Unkan yapi, qa toketken ewicakiye cion ecen iyeyapi: unkan woacaxin kin wiyaya hnakapi.

14. Unkan wannan iyehantu qehan, Jesu wahoxiyapi akenopa qon om iyotanka.

15. Unkan hewicakiya; Man-kakije kte cin he itokamya woacaxin kin de untapi kte cin ninan wacin qon.

16. Qa heciciyapi ce; Tohan Wakantanka wawidake cin ekta yuecetupi xni kin, hehanyan detanhan ake wate kte xni ce, eya.

17. Unkan miniyatkan kin he icu, qa wopida wocekiye ecen eye, ça heya; De icupo, qa kicipamnipo.

18. Qa heciciyapi ce, Wakantanka wawidake cin he tohan hiyohi xni kin, hehanyan hastanhanka iyuwi waskuyeca hanpi kin etanhan mdatke kte xni ce, eya.

19. Unkan aguyapi kin icu, qa wopida wocekiye ecen eye, ça yuxpaxpa, qa wicaqu, qa

heya; Mitancan niyepi kin on wicaqupi kin, he de e ce: de miksuya econpo.

20. Unkan miniyatkan kin ix eya wotapi iyohakamya wicaqu, qa heya; Mawe niyepi kin on papsunpi kin, en okodakiciye teca kin, he miniyatkan kin de ee ce.

21. Tuka inyun, wiypemanye kte cin he nape kin ahna wotapi kin akan miciun ce.

22. Unkan wicaxta Cihintku kin token kicunzapi qon ecen iyopta e wicaka; tuka tuwe he wiyopeya hecinhan he wicaxta kin woteri kiciyanka ce! eya.

23. Unkan hinankaha iye iyakitedan tukte wanji hecon kte cin he ikiciwanr yeyapi.

24. Unkan tukte wanji iyotan yawapi kte cin he nakun kdokinicapi.

25. Unkan hewicakiya; Oyate kin wicaxtayatapi wicayuhapi kin henan ix iwicadakapi, qa tonan wicookihiya owicakiran-yanpi kin henan oranwaxtepi ewicakiyapi ece.

26. Tuka nix henicecapi kte xni; tuka niyepi kin ekta tukte wanji tokapa kinhan, he e hakakta kin iyecece kta ce.

27. Wota yanke cin, qa wautankiyapi kin, henan uman tukte iyotan hecinhan? wota yanke cin he e xni he? tuka ni-

cipi waun kin wayutankiyapi kin he om iyakidecen waun ce. qon ehan, taku wanjidan kax iniciyotpanipi he? eya. Unkan, Hiya, eyapi.

28. Wawiyutanmanyampi kin en kici manunpi kin he niyepi ce. 36. Unkan hehan hewicakiya; Tuka nakaha tuwe mazaska ojuha ton kinhan, ehdaku kta ce; qa wojuhadan nakun: qa tuwe mazasagye nice cinhan, wokoyake tawa kin wiyopekiye, ça heca wanji opeton kta ce.

29. Qa Atewaye cin he wawawidake wan manqu kin, he iyecen ciçupi. 37. Qa heciciyapi ce, Wico-ran xicapi kin heca opeya yawapi ce, eya owapi qon, he ito miye kin en ecen yuxtanpi kta ce; qa miye kin on taku kin henan ito ecetu kta ce, eya.

30. Qa hecen wowawidake mitawa kin en ahna wotapi mitawa kin ekta wayatapi, qa wadatkanpi kta ce; qa wicaxtayatapi oyanke kin heca akantkan iyotankapi, qa Israel wicoun akenopapi kin, henan wicadacopi kta ce, eya.

31. Unkan Itancanka kin heya; Simon, Simon, Satan niyuhe, ça aguyapisu iyecen niyucan kta ecin tuka ce. 38. Unkan heyapi; Itancanka kin, wanyaka wo, de mazasagye nopa ce, eyapi. Unkan hewicakiya; Henakeca ce, eya.

32. Tuka wicayada kin he iyotpani kte xni e ceciciciya ce; qa tohan nix niyuhomnipi kinhan, nihunkawanji wicahduwaxaka wo, eya. 39. Unkan tankan hdicu, qa Oliwe paha kin ekta i ece qon, he ake ekta ya; unkan waonspe-wicakiye cin ix iyahna yapi.

33. Unkan *Simon* heciya; 40. Unkan wannan ehan i qehan, hewicakiya; Wowiyutanye kin en idadapi kte xni e cekiyapo, eya.

Itancanka kin, kaxka wicahnakapi tipi wicoçe ko en nici mde kta e wiyaya waun ce, eya. 41. Unkan wicicuonpa inyan ekta erpeyapi kin hehan cen i; unkan canpexka makehde yanke, ça wacekiye, ça heya;

34. Unkan heya; Petros heciciya ce, Anpetu kin de anpao hotonnan hoton xni, ecen yamni akihde sdonmanyaye cin he anayakirbe kta ce, eya.

35. Unkan hewicakiya; Ma- 42. Ate hecen nitawacin hecinhan, miniyatkan kin de mi- ciyutokan wo; tukax, miye mitawacin kin he e xni ce, miye

zaska ojuha, qa wojuhadan, qahanpa, henan codan yecixipi

nitawacin kin he e ecen econpi etapa kin eciyatanhan noge kin nunwe, eya. kaxpa.

43. Unkan wahoxiye wakan kin heca wanji marpiya kin eciyatanhan hiyohi, qa yuwaxaka.

44. Unkan ninanrin yazanhda qehan, iyotan wokitanyan wacekiya: unkan temni kin he we oxbuye tankinkinyan makata hinrpaya se ececa.

45. Unkan wacekiye ciqon hetanhan wannan najin hiyaye, ça waonspewicakiye cin en wicahdi qehan, wacin iyokixicapi kin on ixtibe hiyeya iyewicakiya.

46. Unkan hewicakiya; Tokeca ce nixtinapi? najinpo, qa wacekiyapo; okini wowiyutanye kin en idadapi nunce, eya.

47. Unkan iahan ican, inyun, wicota; unkan akenopapi kin etanhan wanji Judas eciyapi qon, he eca wicitokam u, qa Jesu iputake kta e kiyadan hiyohi.

48. Tuka Jesu heciya; Judas, wicaxta Cihintku kin he oiputake wan eciyatanhan wiyopeyaye kta he? eya.

49. Unkan *Jesu* om unpi qon henan taku toketu kte cin he wannan wanhdakapi qehan, heciyapi; Itancanka kin, mazasagye kin on waaunpapi nun he? eyapi.

50. Unkan wanji wawayuxna itancan taokiye wanji ape, ça

51. Unkan Jesu waayupte, ça heya; Hehan iyowinwicakiyapo, eye, ça noge kin yutan, qa asniyan.

52. Unkan hehan Jesu wawayuxnapi itancanpi, qa tipi wakan kin en itancanpi, qa *wicaxta* tokapapi en au qon, henan hewicakiya; Mazasagye can ko yuha wamanusa wanji tatpeyapi se yaupi he?

53. Anpetu iyohi tipi wakan kin ohna opeya ciunpi qon ehan, tuwedan nape kin itkom hiyumanyakiyapi xni; tuka dehan nakaha kin he niye nitawapi, qa otpaza wowaxake kin, eya.

54. Unkan yuzapi, qa yusayapi, qa wawayuxna itancan ti kin ekta ayapi. Unkan Petros itehan ihakam ya.

55. Unkan itankan tipi kin en cokaya cetipi, qa ptaya iyotankapi qehan, Petros ix eya wicehna iyotanka.

56. Unkan petkahda iyotankahan yanka ca, wikoxka wan wanyake, ça opakirte, ça heya; Wicaxta kin de ix eya he kici un tuka ce, eya.

57. Unkan anakirbe, ça, Winorinca kin he sdonwaye xni ce, eya.

58. Unkan iecadan wanji tokeca wanyaka; unkan heya; Nix

eya henitanhan ce, eya. Unkan Petros heya; Wicaxta kin, he-mantanhan xni ce, eya.

59. Unkan hetanhan wihiya-yedan waneadan hdi hehanyan cen; unkan *ake* wanji tokeca a-wicakehan yaŋinze, ça heya; Galila wicaxta kin he de heca ce on etanhan awicakehan ix eya he he kici un tuka ce, eya.

60. Unkan Petros heya; Wicaxta kin, token ehe cin sdonwaye xni ce, eya. Unkan hecehnannan iahan ican, anpao hotonnan hoton.

61. Unkan Itancanka kin ihduhomni, qa Petros atonwan. Unkan Itancanka kin, Anpao hotonnan hoton xni, ecen yamni akihde anamanyakirbe kta ce, eciye cigon, oie kin he kiksuya.

62. Unkan Petros tankan kihde, ça ninanrin ceya.

63. Unkan wicaxta Jesu yus-yankapi qon henan ix *Jesu* irarapi, qa apapi.

64. Unkan ite kin wannan akarpetonpi qehan, ite kin ohna apapi, qa wiwangapi, qa heyapi; Waayata wo; he tuwe ca anipa he? eyapi.

65. Qa taku toktokeca *nakun* ota itkom waoxtehdaya eciyapi.

66. Unkan wannan anpao qehan, oyate kin en tonan tokapapi, qa wawayuxnapi itancanpi, qa wowapi kagapi kin, henan

mniiçiyapi, qa wohdakapi kin en *Jesu* yusayapi,

67. Qa heyapi; Kristos he niye hecinhan unkokiyakapo, eyapi. Unkan hewicakiya; Ociciyakapi exta wicayadapi kte xni ce.

68. Qa wieiwangapi exta amanyaduptapi kte xni, qa amanyaduxtanpi kte xni ce.

69. De iyobakam wicaxta Cihintku kin Wakantanka towa-xake etapa kin eciyatanhan akan iyotanka wandakapi kta ce, eya.

70. Unkan owasin heyapi; Hecen Wakantanka Cihintku kin he niye he? eyapi. Unkan hewicakiya; He miye kehapi ce, eya.

71. Unkan heyapi; Iye i kin eciyatanhan unkiyepi rinca wannan naunronpi ce; hecen tokeca ecin sanpa wayaotaninpi unko-depi kta he? eyapi.

WICOWOYAKE 23.

1. Unkan wicota kin owasin najin hiyayapi, qa Pilatus kayapi.

2. Unkan hinankaha wiyaon-papi, qa heyapi; De oyate kin owicayuxice, ça Kesar wamnayanpi qupi kin he tirinda iyeunyanpi ce; unkan iye Kristos, wicaxtayatapi wan heca keiçiya ce, eyapi.

3. Unkan Pilatus wiwange, ça heya; Juda Wicaxtayatapi kin he niye he? eya. Unkan ayupte, ça heya; Niye ecen eha ce, eya.

4. Unkan Pilatus wawayuxnapi itancanpi, qa oyate kin henan hewicakiya; Wicaxta kin de taku oihduxice iyewaye xni ee, eya.

5. Unkan hecen iyotan wohitipike, ça heyapi; Oyate kin owodutatonwicaya ece, qa Galila etanhan Juda makoce kin owancaya dehan oiyahdeya waonspekia ece, eyapi.

6. Unkan Galila *cajeyatapi* Pilatus naron qehan, heya; Wicaxta kin de Galila wicaxta kin heca he? eya.

7. Unkan Herod taoyate kin hetanhan e Pilatus wannan sdoce qehan, wancake Herod ekta iyayeya. Herod ix eya he ehan Jeruxalam en un.

8. Herod Jesu on taku ota naron on etanhan wannan wanaakaja tanhan wanyake kta ein nakax, wanyake qehan, ninan iyuxkin; qa taku wakan wanji econ wanyake kta kecin.

9. Unkan otakiya wiwanga; tuka takudan ayupte xni.

10. Unkan wawayuxnapi itancanpi, qa wowapi kagapi kin, henan *en* inajinpi, qa wohitiya wiyaonpapi.

11. Unkan Herod ozuye wicaxta wicayuhe cin om takuda xni, qa irara kuwa, qa xinan wan ayucopi in kiye, ça ake Pilatus ekta iyayeya.

12. Unkan anpetu kin he en Herod Pilatus kiei kiciyuwaxtepi; he itokamya tokakiciyapi.

13. Unkan Pilatus wawayuxnapi itancanpi, qa itancanwicakiyapi, qa oyate kin henan witya wicakico qehan, hewicakiya;

14. Wicaxta kin de oyate kin owicayuxice wan iyacinyan manyakhipi; unkan nitokam iwanmdaka, tuka inyun, wiyayaonpapi kin he iyeeeca takudan xica iyewaye xni ce.

15. Hiya, Herod nakun ekta yecixipi; unkan inyun, te kte cin iyececa takudan ecakicon xni ce;

16. Heecen wakapsinpsinte, ça wakimduxke kta ce, eya.

17. Wotapi kin he ican, toketu kaxta wanji wicakiciyuxke kta naka *heya*.

18. Unkan owasin okunwanjidan heya niyanpi; De tokan aya wo, qa Baraba he e unkiciyuxka miye, eyapi.

19. Unkan he otonwe kin en wokipajin kage, ça tinwicakte on etanhan kaxka wicahnakapi tipi kin en ohnakapi.

20. Unkan hecen Pilatus Jesu

kiyuxke wacin *on* ake *ecen* ewi-cakiya.

21. Tuka heya niyanpi; Ici-pawer okatan miye, icipawer okatan miye, eyapi.

22. Unkan *ake* iyamni hewi-cakiya; Tokeca ce tukte ecin taku xica econ he? On etanhan te kte cin iyececa takudan iyewaye xni ce; hecen waka-psinsinte, ça wakimduxke kta ce, eya.

23. Unkan hotankakiya kitanpi, qa icipawer okatanpi kta e kapi; unkan iye hopi kin wayuxnapi itancanpi kici *Pilatus* iyakapeyapi.

24. Unkan kapi qon ecen econpi kta e Pilatus kiconza.

25. Unkan wokipajin kage, ça tinwicakte qon, he e wicaki-ciyuxke, ça iye tawacinpi kin *ecen econpi* kta e Jesu wicaqu.

26. Unkan tokan yus ayapi qehan, Kurene wicaxta wan Simon eciyapi makoce kin eciya-tanhan u; unkan he yuzapi, qa cansusbeca kin he Jesu iyahna qin kta e airpeyapi.

27. Unkan oyate kin wicota rinca winorinca ko iyahna yapi, qa waxinhda aceyapi.

28. Tuka Jesu ihduhomni, qa hewicakiya; Jeruxalam cunwin-tkuwicaye cin, miye amanceya-pi xnipo; tuka niyepi kin aïçi-

ceyapo, qa nicincapi kin *awica-kiceyapo*.

29. Qa inyun, anpetu kin hi-yohi kta ce, qa en heyapi kta; Hokxin yuhapi xni, qa wicitpi tohini cincaton xni, qa aze tohini waazinkiyapi xni kin, henan wopida ce, eyapi kte.

30. Unkan hehan hinankaha reyaka kin heciyapi kte; Unka-hinrpayapo, qa paha kin, Unka-karpapo, eciyapi kta ce.

31. Qa can teca wan denan decekceen econpi ehantanhan, can xeca wan token econpi kta ce? eya.

32. Unkan wicoran xicapi to-ktokeca nopa nakun wicaktepi kta e Jesu kici yus awicayapi.

33. Unkan wicapahu eciyapi kin wannan ehan ipi qehan, hen Jesu icipawer okatanpi, qa wicoran xicapi qon henan uman Jesu etapa wapatanhan, qa uman kin ix catka wapatanhan nakun *icipawer owicakatanpi*.

34. Unkan Jesu hehan heya; Ate wicakicicajuju wo; taku to-konpi kin sdotkiyapi xni ce, eya. Unkan oeconnan eciya-tanhan wokoyake kin pamnipi.

35. Unkan oyate kin oparta najin hiyeye. Unkan Itanean-wicakiyapi ix eya henan kici Jesu irarapi, qa heciyapi; To-kan niwicaya ece qon, Kristos Wakantanka karnige cin he e

hecinhan, iye niiçiya exta xni, eyapi.

36. Unkan akicita kin ix eya irarapi, qa en au, qa miniskuya kipazopi, qa heyapi;

37. Juda wicaxtayatapi kin he niye hecinhan, niiçiya wo, eyapi.

38. Unkan iwankaptu owapi kin he Greek, Latin, Hebrew, henakiya oowa kin on owapi: unkan, JUDA WICAXTAYA-TAPI KIN HE DE E CE, eya owapi.

39. Unkan wicoran xicapi owicakatanpi qon, uman Jesu xixicaya taku eciye, ça heya; Kristos he niye hecinhan, nix niiçiya wo, qa unkix *nakun* ni- unyanpo, eya.

40. Tuka uman qon itkom kixice, ça heya; Wokunze kin he e rinca en oyapa ce; unkan Wakantanka koyakipe xni he?

41. Qa unkiye kin hecetu ecen ecaunkonpi qa unkoran qon he owotannan hdajuju unkiyapi; tuka wicaxta kin de takudan ecinxniyan econ xni ce, eciya.

42. Unkan he eca Jesu heciya; Itancanka kin, wowawidake nitawa kin en yahdi kinhan, miksuya wo, eya.

43. Unkan Jesu heciya; Awicakehan heciciya ce, Anpetu kin dehan wicowaxte makoce kin en mici yaun kta ce, eya.

44. Unkan hehan wannan wiyotanhah hehantu cen; unkan witakinyan yanke cin hehanyan makoce kin owancaya aotpa- za.

45. Qa wi kin otpas icu, qa tipi wakan kin en miniruha on- naptan kin he cokaya okinarde- ca.

46. Unkan Jesu hotankakiya hoyekiye, ça heya; Ate ninape en ohna minagi kin ocihnaka ce, eya: unkan hecen eye çehan, ça iyaya.

47. Unkan akicita opawinge wicayuhe cin he toketken econ- pi qon he wanyake çehan, Wa- kantanka yaonihan, qa heya; Awicakehan wicaxta owotannan he de heca ce, eya.

48. Unkan oyate kin witaya he wanyag ahi qon, henan owa- sin toketken econpi qon henan wanyakapi qehan, maku kin ohnahna aicipapapi, qa kihda- pi.

49. Unkan *Jesu* sdonwicaye cin henan owasin qa winorinca Galila eciyatanhan iyahna unpi qon itehan inajinpi, qa henan opartapi.

50. Unkan inyun, wicaxta wan wahokonwicakiya heca Jo- sep eciyapi, wicaxta waxte qa owotannan;

51. He iye kin wakicunzapi, qa oranpi qon wicawicada xni.

Arimatiya, Juda otonwe tawapi kin etanhan inyan kin he wan-
wanji he hetanhan, unkan ix nan token paptanyanpi iyeyapi.
eya Wakantanka wawidake cin 3. Unkan mahen ipi, tuka
he ape un. Itancanka kin Jesu tancan kin he
iyeyapi xni.

52. Unkan he eca Pilatus e-
kta i, qa Jesu tancan kin kida.

53. Unkan kun eyaku, qa 4. Unkan on token iyukeanpi
miniruhaska opazunte, ça imnija tanin xni qehan, inyun, wicaxta
kardokapi wicaxta hnakapi wan nopa wokoyakepi kin wiyatpa-
en ohnaka: unkan he itokaptu tpa icahda nawicajinpi.

tohini wicaxta kin tuwedan en 5. Unkan kokipapi, qa ite kin
ohnakapi xni. makipuskin pamahdedan erpei-
çiyapi qehan, hewicakiyapi; To-
keca ce tapi kin wicehna niun
kin ayakitapi he?

54. Unkan anpetu wanji en 6. Den un xni; tuka kini ce.
wiyaya wahnakapi ece qon he Naharin Galila en un qon ehan
anpetu qon ee; unkan anpetu toketken eniciyapi qon he kiksuyapo.
wakan kin he wannan kiyadan yapo.

55. Unkan winorinca Galila 7. Heya ce; Wicaxta Cihin-
eciyanhan om unpi qon henan iku kin wicaxta xice napepi kin
ix eya iyahna yapi, qa wicaxta en ito qupi kta ce, qa icipawer
hnakapi kin qa tancan kin token okatanpi kta, qa anpetu iyamni
hnakapi qon henan wanyakapi. kinhan kini kta ce, eya ce,
eyapi.

56. Unkan henan kihdapi, qa 8. Unkan oie qon kiksuyapi.
pejihuta waxtemnan ihapi ko 9. Unkan wicaxta hnakapi
wiyaya hnakapi: unkan woahop- kin etanhan kihdapi, qa akewan-
pe kin ahopapi, qa anpetu waji qon henan umanpi ko owica-
kan okirpapi. kiyakapi.

WICOWOYAKE 24.

1. Unkan anpetu wakan isan- 10. Unkan wahoxiyapi kin
pa anpetu kin hanranan rinca; henan hecekeen owicakiyakapi
uncan pejihuta waxtemnan wi- qon, henan Mari Magdalen, qa
yaya hnakapi qon he wicaxta Joana, qa Mari Jakob hunku
hnakapi kin ekta yuha upi; un- qon, qa toktokeca om unpi qon
kan toktokeca *nakun* om upi. henan eepi.

2. Unkan wicaxta hnakapi 11. Unkan oiepi kin ikcekece-

ya hitonkakanpi kin iyececa dakapi, qa wicawicadapi xni.

12. Unkan hecen Petros najin hiyaye, ça wicaxta hnakapi kin ekta iyangye, ça eokasin qehan, miniruha wokoyake qon henan ixnannan ehnakapi wan-yaka; unkan henan heceksetu kin on, Denan toketu hwo! ecin qa kihde.

13. Unkan anpetu kin he en henan etanhan nopa Jeruxalam etanhan maka iyutapi wikcemnan xakpe hecetu cen, otonwe wan Emaus eciyapi ekta yapi.

14. Unkan taku hiyohi kin denan owasin kici iwohdakapi.

15. Unkan wohdakapi, qa iyukean awacinpi ican, Jesu iye rinca kiyadan u, qa om wicaya.

16. Tuka ixta on iyekiyapi kte xni wicayapi.

17. Unkan hewicakiya; Mayanipi ican, kiei woyahdakapi, qa iyoniyakapi kin de toketu he? eya.

18. Unkan uman Kleopas eciyapi qon he waayupte, ça heciya; Jeruxalam en yaun xni ce dehan en taku hiyohi kin denan sdonyaye xni he? eya,

19. Unkan hewicakiya; Taku ka? eya, Unkan heciyapi; Jesu Nazaret etanhan he e ce; he waayate heca, qa Wakantanka oyate kin ko itokam wicoie wicoran ahna on waxaka tuka ce.

20. Unkan he wawayuxnapi itancanpi qa itancanwicunkiyapi kin kici te kunzapi, qa icipawer okatanpi ce.

21. Tuka Israel opewicakiton kte cin he e unkix unkecinpi tuka; ahna heconpi kin wannan ehantanhan anpetu kin de iyamni ce.

22. Qa nakun ptaya unkanpi kin etanhan winorinca wanjikxi hanrannan rinca wicaxta hnakapi kin ekta ipi, unkan inihanunyanpi.

23. Unkan tancan kin iyeyapi xni qehan, kupi, qa heyapi; Wahoxiye wakan kin heca nakun wanwicunyakapi; unkan, Ni ce, eyapi ce, eyapi.

24. Unkan om unkanpi kin wanjikxi wicaxta hnakapi kin ekta ipi, unkan winorinca oyakapi qon iyececa rinca iyeyapi: tuka iye kin wanyakapi xni ce, eyapi.

35. Unkan hewicakiya; Winitkotkokapi, qa waayatapi kin taku oyakapi qon henan owasin wicayadapi kte cin cante nihunkapi xni ce!

26. Kristos dena decekcen ito kakije, ça wokitanin tawa kin en ye kte cin he hecetu xni niceca he? eya.

27. Unkan hecen Moxe tokaheya, qa hehan waayatapi owasin iye kin on wowapi ka-

gapi qon henan owasin wicakiciyaaxdaya.

28. Unkan otonwe ekta yapi qon he wannan ikiyedan ehan ipi qehan, iye sanpa ye wacin kunza.

29. Tuka iyakapeyapi, qa heyapi; Om unyankapo; wannan rtayetu aya ce, qa wi kin kuceyedan yanka ce, eyapi. Unkan en i, qa om yanke kte.

30. Unkan om wota yanke çehan, aguyapi eyaku, qa yawa-xte, qa yuxpaxpa, qa wicaqu.

31. Unkan ixta kin wicakiciyukawapi; unkan iyekiyapi: unkan atanin xni iyaya.

32. Unkan hekiciyapi; Canku kin ohna wounkiyake, ça wowapi kin unkiciyuzamni qon ehan, cante kin unkata xni he? eyapi.

33. Unkan ocowasin najin hiyayapi, qa Jeruxalam ekta kipi, qa akewanji kin qa tonan om unpi qon henan witaya yankapi iyewicayapi, qa heyapi.

34. Itancanka kin ehanqon kini ce, qa Simon wannan wanyaka ce, eyapi.

35. Unkan canku kin ohna toketketu qa, aguyapi yuxpaxpa kin on iyekiyapi qon, henan hecekcen owicakiyakapi.

36. Unkan hecen eyapi ican, Jesu iye rinca wicacokaya hina-

jin, qa hewicakiya; Wicowaxte om niunpi nunwe, eya.

37. Unkan inihanpi, qa koki-papi, qa wanagi wan wanyakapi kecinpi.

38. Unkan hewicakiya; Tokeca ce iyonixicapi he? qa tokeca ce cante mahen taku ceñunyahdapi?

39. Minape misiha ko de miye rinca e wanmanyakapo: manyutantanpo, qa wanyakapo; cerpi huhu ko waton wandakapi kin wanagi wan iyecen ton xni ce, eya.

40. Unkan hecen eye çehan, nape siha ko wicakipazo.

41. Unkan wowiyuxkin kin on naharin wicadapi xni, qa, Toketu hwo! ecinpi qehan, hewicakiya; Den taku yutapi duhapi he? eya.

42. Unkan hogan oxpa ceguguyapi tormaga canhanpi oxpa ahna qupi.

43. Unkan icu, qa wicitokam yuta.

44. Unkan hewicakiya; Naharin om ciunpi qon ehan, wicoie ociciyakapi qon he de e ce; Moxe wicoope tawa, qa waayatapi, qa odowan kin, henakiya en miye on taku token owapi qon owasin ecen yuxtanpi kta ce, eya.

45. Unkan hehan wookarnige

kin wicakiciyuzamni, qa hecen wowapi kin okarnigapi kte.

46. Unkan hewicakiya; Kaken owapi, qa Kristos kaken kake, qa anpetu iyamni kinhan kini kte cigon he hecetu ce.

47. Qa hecen iye cajeyan wicoiyopeiçiye qa wicoran xice wicakicicajujupi kin henan Jeruxalam en tokaheya, qa hehan oyate kin owasin rin ecen yaotaninpi kte.

48. Qa taku kin denan wanyakapi kin he niyepi ce.

49. Unkan inyun, Atewaye cin taku iwahowicaye cigon he eca uciciciyapi kta ce: tuka to-

han wankanta tanhan wicowaxake yuhenic iyapi xni kin, hehanyan Jeruxalam otonwe kin en ece yankapo, eya.

50. Unkan tankan Betani hehanyan awicaya: unkan wicakiyugate, qa wicayawaxte.

51. Unkan wicayawaxte cor, yutokan ewicakiciyakupi, qa wankan marpiya kin ekta ayapi.

52. Unkan wakanyan ohodapi, qa wopida tanka yuha Jeruxalam ekta kipi;

53. Qa ohiniyan tipi wakan kin en ohna ece hiyeye, qa Wakan tanka yatanpi, qa yawaxtepi. Hecetu nunwe.

WOOTANIN WAXTE
JAN OWA QON HE DEE.

THE GOSPEL OF JOHN,

IN THE DAKOTA LANGUAGE;

Translated from the French,

BY MR. JOSEPH RENVILLE, SR.

WICOWOYAKE 1.

1. Otokahe ekta Wicoie kin hee; Wicoie kin he Wakantanka kici un, qa Wicoie kin he Wakantanka kin ee.

2. Otokahe ehantanhan najin Wakantanka kici un kin hee:

3. He eciyatanhan taku owasin kagapi qa taku kin token tanhan takudan kagapi xni.

4. Wiconi kin iho hee. Wiconi kin he wicaxta iyojanjan kin iho hee.

5. Iyoyanpa kin hee otpaze cin en omdesya un tuka otpaze cin he iyowinkiyapi xni.

6. Wicaxta wan Jan eciyapi e Wakantanka wakiconze qa u xi.

7. Hi kin he wayuotanin hi, iyoyanpa kin oyake kta, hecen

on taku owasin iye eciyatanhan wowicada kta.

8. Iyoyanpa kin he iye xni, tuka iyoyanpa kin he yaotanin kta e u xipi.

9. Iyoyanpa rincake cin hee, wicaxta owasin toka wicatonpi ehantanhan iyoyanpa wicaye cin hee.

10. Iyoyanpa kin he oyate owasin en un qa Iyoyanpa kin he oyate owasin wicakaga tuka oyate kin sdonyapi xni.

11. Tipi tawa kin ekta wicahi tuka iyowinkiyapi xni.

12. Tona iyowinkiyapi kin hena Wakantanka cinca wicaya yakonpi kta e okihi wicaya, tona iye caje wicadapi kin hena.

13. We eciyatanhan wicatonpi xni, qa nakun wicaxta tawa-

cin kin eciyatanhan xni; Wakantanka tawacin kin hecedan eciyatanhan wicatonpi.

14. Wicoie kin he wicacerpi kagapi, unkiyepi kin en ounye; wowicake waxteya un. Wootanin tawa kin wanunyakapi, wootanin kin he Cihintku ixnana icaga Atkuku eciyatanhan u kin he iyececa.

15. Jan taku yaotanin kin he he ka, Wake ciqon he dehantu; mihektam u kin he iye iyotan, he iye wakan.

16. Oxungye wowaxte on wicowaxte he iye eciyatanhan unkiye owasin unkiyepi.

17. Wokiconze kin he Mowis wicaqu, tuka wowicake wicowaxte kin he Jesus Mesiya wicaqu.

18. Tohini Wakantanka kin tuwedan wanyakapi xni; tuka Cihintku ixnana icaga Atkuku maku ohna un kin he sdonye unkiyepi.

19. Jan wootanin waxte oya-ke ciqon wanna dehantu; Jerusalem etanhan Juda oyate Woxnapi kagapi Lewi wicaxta ko ekta ye wicaxipi qa, he tuwe kin oihdake xipi.

20. Tuka Jan hee oihdake xni qa wohdake wicakiya; Mesiya he miye xni, eya wowicakiyaka.

21. Unkan, Ecin tuwe niye

he, eciyapi. Eliya he niye he, eciyapi. Tuka, He miye xni, ake eya. Wicaxta wokcan kin henica he. Tuka ake, Hiya, eya.

22. Qa, Ecin tuwe niye kta, eciyapi: Tuwe deciya unku xipi hecinhan hoxi wicunkakipi kta e heunniciyapi, qa tuwe niye atayedan he.

23. Unkan, Rewoskan wicaho hotanin kin he miye, Jehowa canku tawa kin yumdaya wo, Esayas wicaxta wokcan eye ciqon hee.

24. Tona he en u wicaxipi qon he hena Parisiyan hetanhanpi.

25. Ecin tokiyatanhan baptem wicayaqu he; Mesiya he niye xni, kehe, ça, Eliya he niye xni, kehe, ça, wicaxta wokcan kin he niye xni, kehe cin; hena tokiyatanhan yaka he.

26. Unkan Jan hecen ewicakiya; Miye mini on baptem wicayaqu, tuwe nayajinpi kin cokaya najin tuka sdonyayapi xni;

27. He iye iyotan tuka mihektapa tanhan hi, tahanpe kin wakiyuxdoke kta exta owakihi xni.

28. Hena taku kin Betabara Jordan wakpa kin icahda econpi, he en Jan baptem wicaqu.

29. Anpetu iyokihe hehan

Jesus Jan najin kin etkiya u qa Jan wanyaka unkan hecen eya, Wakantanka amnos tawa kin hee, he oyate wartanipi tokan erpeye kte cin ee.

30. He wake ciqon hee; Wicaxta wakan wan iyotan mihektam hi kta ce, epe ciqon wana hee.

31. Mix eya sdonwaye xni tuka mini on baptem wicawaqu wahi, Juda oyate ekta yuotaninpi kta e hecamon.

32. Hehan ake Jan kaken yaotanin, Marpiya kin eciyatanhan Woniya qon he eca wakiyedan optaye karya kutkiya u he wanmdaka qa hiyahdeye ça hinajin.

33. He tuwe kin sdonwaye xni tuka mini on baptem wicaqu maxi qon he omakiyaka; Tohan marpiya kin eciyatanhan Woniya kin kutkiya ye ça tuwe iyahdeye cinhan he iye Wokonze Wakan on baptem wicaqu kta.

34. He wanmdaka e on mdaotanin; Wakantanka Cihintku kin hee.

35. Ihankayetu hehan Jan taokiye nom om en najin,

36. Jesus omani wanyaka, unkan, Wakantanka Cihintku qon dee, eya.

37. Unkan taokiye kin napin Jesus cajeyan ie cin he naronpi qa Jesus ihakam yapi.

38. Jesus icicawin iyokipta, unkan ihakam yapi, unkan ihdamna qa, De taku ayakitapi he ewicakiya. Unkan ix, Itancan tukte en yati he, eyapi.

39. Upi qa taku wanyaka po, ewicakiya. Unkan kici hdapi, tukte en ounye cin ehan ipi unkan ehan wiyotanhan inaxdoka qa hetanhan anpetu kin he ihuniyan kici en yakonpi.

40. Andre, Simon Inyan sunkaku he uma ee Jan ie naronpi qa Jesus ihakam yapi.

41. Unkan Andre Simon Inyan cincu qon he tokaheya wanyaka unkan, Mesiya he sdayapi eyapi kin iyeunyanpi, eya okiyaka.

42. Qa Jesus ekta ai; unkan Jesus wanyake ça, Jona cihintku Simon niye ee, eciya; Kepas eniciyapi kta he Inyan eyapi, eciya.

43. Ihankayetu kin hehan Jesus Galile heciya ya, unkan Pilipos wanyaka, unkan, Miham u wo eciya.

44. Pilipos Betsada hetanhan, nakun Andre Simon kici hetanhanpi.

45. Pilipos Natanael akipa unkan heciya, Mowis wokonze en owa qon, qa wicaxta wokean cajeyatapi qon he wanna iyeunyanpi, unkan Josep cihintku Jesus Nazaren etanhan qon hee.

46. Nazaren etanhan taku waxte wanji u naceca he, Natanael eya. Unkan Pilipos, U qa wanyaka wo, eciya.

47. Jesus Natanael u kin wanyaka unkan, Israel wicaxta rincaka wan dee, wicahnaye wanin un, Jesus eya.

48. Unkan Natanael heya, Tokiyatanhan sdonmayaya he. Unkan Jesus heya, Pilipos nico qon he itokam can ihukuya nayajin qon hen wanciyaka.

49. Unkan Natanael heya, Itancan Wakantanka Cihintku Juda oyate Wicaxtayatapi kin he niye.

50. Unkan Jesus, Can ihukuya nayajin wanciyaka epa, unkan heon wicayada, eex nakun tokata taku tanka wandake kta, eciya.

51. Qa nakun heciya, Wowicake, wowicake eciyatanhan heciciyapi, Tokata marpiya kin yuzamnipi qa Wakantanka taokiye kin wankantkiya yapi qa ake kuntkiya upi qa Wicaxta Cihintku kin en himniciye kta e wandakapi kta.

WICOWOYAKE 2.

1. Anpetu iciyamni kin hehan Galile makoce en otonwe wan Kana eciyapi hen kiciyuza-pi omniciye kagapi; Jesus hun-ku en opa.

2. Jesus nakun taokiye om en kicopi.

3. Unkan mini xa owasin hdarepapi unkan Jesus hunku kin, Mini xa wanna henakeca, cihintku eciya.

4. Unkan Jesus, Winorinea icitohanyan unyakon he, eciya, naharin iyemicihantu xni.

5. Unkan hunku kin wayutan wicakiyapi, He tokerin eniciyapi owasin ecen ecom, ewicakiya.

6. Inyan wakixkokpa xakpe en han, he ohna Juda oyate ihdujajapi kta e hdepi.

7. Jesus hena ke ça, Mini ojudan okaxtan po, ewicakiya. Unkan ojujudan okaxtanpi.

8. Hehan, Onge etanhan icu-pi qa tipi kin den itancan kin he kaya po, Jesus ewicakiya. Unkan ecen eonpi.

9. Tipi en itancan onge ya-tkan unkan he mini tuka mini xa icar yapi kin uta (he tokiya-tanhan kin sdonye xni tuka wayutan wicakiyapi mini akupi qon hena sdonyapi) unkan itancan kin tawieu ton qon kico.

10. Qa heciya, Wicaxta eca mini xa waxteka tokaheya yatke wicakiye ciqon qa hehan aopte-tu ehake yatke wicakiye ciqon; niye togye ecanonke, aoptetu kin e tokaheya yatke wicayakiye ça waxte kin he ehake yatke wicayakiya.

11. Galile makece kin hen Kana otonwe he en Jesus toka taku wapetokeca econ qa wan-yag wicaya; en tokaheya taokiye kin taku inihan wicaya econ, he tawootanin kin ee; unkan hehan taokiye kin yukcanpi qa wicadapi.

12. Hehan hunku sunkaku taokiye ko owasin om Kapernaum en i qa en anpetu tonana un.

13. Anpetu wan en Juda oyate woxnapi ece kin he wanna kiyedan, heon etanhan Jerusalem heciya Jesus i.

14. Unkan tipi wakan kin en wicaxta kin eya tatanka tarinea wakiyedan ko wiyopewicakiyapi qa maza ska ko tokiyopekiciyapi wanyaka.

15. Unkan Jesus icapsinte cikeiqadan yugaga wan kage ça on awicape ça tankan iyewicaya, tarinea tatanka ko, qa maza ska tokiyopekiciyapi qon ix owasin kada iyeya qa can wahna wotapi akan heconpi kin he nakun paa-hdapxinyan erpeya.

16. Qa wakiyedan wiyopeyapi kin ix, Dena owasin tankan iyeya po, qa Ate ti kin de wopeton tipi kagapi xni po, ewicakiya.

17. Unkan taokiye kin wowapi en kagapi qon he kiksuyapi, Yati owakiye cin he mayapote.

18. Unkan Juda oyate, Tokiya tanhan he oyakihi qa hecanon he, eciyapi.

19. Unkan Jesus, Tipi wakan kin de kawanka po, qa anpetu iciyamni kinhan ake ekicetu waye kta, ewicakiya.

20. Waniyetu wikcemna topa qa sam xakpe hehanyan tipi kin de kagapi qa yuxtanpi qon, niye nakaha anpetu iyamnina ekicetu yaye kta, kehe cin; Juda oyate kin eciyapi.

21. Tipi wakan eye cin he iye tancan kin he içica.

22. Hehan iyohakam ça tuka ake ekicetu unkan hehan taokiye kin wowapi wakan en wicoie kagapi qon qa iye atayedan ie cin koya kiksuyapi qa wicadapi.

23. Jerusalem en woxnapi icunhan en taku wapetokeca econ unkan ota wicadapi, Jesus en.

24. Tuka Jesus owasin sdonwicaye cin heon etanhan wacinwicaye xni.

25. Wicaxta kin tokecapı kin hena owasin sdonwicaye cin he etanhan tuwedan waakiciyatania cin xni.

WICOWOYAKE 3:

1. Wicaxta wan Parisiyan oyate etanhan Nikodemos eciyapi, Juda oyate itancanpi kin he wanji ee.

2. Hanyetu wan Jesus yanke ein en i qa, Itancan Wakantanka eciyatanhan wakonze wanspekiye cin he niye sdonunniyanpi, eciya: Wapetogya nioran kin tuwedan hecen okihi xni, he etanhan.

3. Unkan Jesus, Wowicake wowicake eciyatanhan heciciya, Wicaxta kin teca ni en tonpi xni kinhan marpiya kin wanyake kte xni, eya.

4. Wicaxta kin kan ehantanhan token ecin teca ni en tonpi kta he, Nikodemos eya; Ake hunku tezi kin mahen kihde ça ake teca ni en tonpi kta he token okihi kta he.

5. Unkan Jesus, Wowicake wowicake eciyatanhan heciciya, Wicaxta kin Woniya qa mini eciyatanhan tonpi xni kinhan marpiya ekta tin iyaye kte xni, eya.

6. Tuwe wicacerpi on tonpi kin he wicacerpi, qa tuwe Woniya kin eciyatanhan tonpi kin he woniya.

7. Taku eciciye cin de ihnuhan niyuxinyaye cin, Detanhan teca ni en nitonpi kta e he waka.

8. Tateyanpa kin toki yatanhan cin eca eciyatanhan ipogan eca oqo kin he nayaron tuka tokiya tanhan u kin qa tokiya ye cin he sdonnyaye xni. Wicaxta

Woniya kin eciyatanhan tonpi kin owasin hecetu.

9. Hena taku kin tokiya tanhan okihipica he, Nikodemos eya.

10. Juda oyate etanhan wanspekiye cin henica, he token de oyakihi xni he, Jesus eciya.

11. Wowicake wowicake eciyatanhan, taku unkeyapi kin de unkonspepi e he unkeyapi, Jesus eya; Taku wanunyakapi kin dena unkoyataninpi tuka wounyataninpi kin ayaktapi xni.

12. Taku maka kin detanhan ociciyakapi kin wicayadapi xni, marpiya kin ekta taku ociciyakapi kinhan hee token wicayadapi kta he.

13. Naharin tuwedan marpiya kin ekta i xni, tuwe marpiya kin eciyatanhan kuntkiya u qa hi kin he Wicaxta kin Cihintku kin hee, naharin nakun marpiya kin ekta yanka.

14. Rewoskan wanmduxka Mowis wankan ehde kin he iyeccen Wicaxta kin Cihintku kin wankan ehdepi kta.

15. Heon tuwe awacin kinhan owihanke kte xni, qa owihanke wanin wiconi yuhe kta.

16. Wakantanka oyate kin cantewicakiya heon Cihintku ixnana icage cin wicaqu qa tuwe awacin kinhan owihanke kte

xni, owihanke wanin wiconi yu-he kta.

17. Wakantanka Cihintku kin oyate wicaqu kin heon wicayaco qa owihanke wicaye kta e hecon xni, heon wicani kta e hecon.

18. Tona he wicadapi kinhan wicayacopi kte xni tuka tona he wicadapi xni kinhan hena wanna wicayacopi, Wakantanka kin Cihintku caje wicadapi xni kin he etanhan.

19. Wicayacopi kin he kake-tu; Oyate kin iyoyanpa en wicahiyohi tuka wicaxta kin otpaza e cinpi qa iyoyanpa e cinpi xni, wicoran xicapi kin heon.

20. Tuwe taku xica econ kin he iyoyanpa xice daka, iyoyanpa ikiyedan u xni, oran iyope-yapi kte cin heon.

21. Tuwe wowicake eciya-tanhan oranye cin he iyoyanpa kin en u, oran yuotaninpi kta Wakantanka eciyatanhan oranye cin heon.

22. Hetanhan Juda makoe héciya Jesus taokiye om ya, qa en om un, qa baptem wicaqu.

23. He icunhan Jan-Enon Salim ikiyadan baptem wicaqu, hen mini ota kin he etanhan. Unkan baptem wicaqupi kta e etkiya aye.

24. Hehanyan naharin Jan kaxkapi xni.

25. Taku hdokinicapi Juda

oyate wicaxta Jan taokiye om, baptem wicaqu kin he icartag-ya.

26. Unkan Jan taokiye kin Jan en ipi qa, Jordan wakpa kahda tuwe kici nayajin qa daotanin qon he wanna baptem wicaqu, unkan owasin en ece iyoptapi, Jan eciyapi.

27. Tuwedan takudan sdonye kte xni, wankan tanhan taku qupi kin hecedan taku kin sdon-ya, Jan eya.

28. Mesiya kin he miye xni ce, epa namayaronpi, tuka he itokam u maxepi, Jan eya.

29. Tuwe tawicu ton kin he hihna yanpi kin hee, hihna yanpi takodaku kin en taninyan anagoptan najin qa hihna yanpi ho kin nina iyuxkin. Taku imduxkin wanna iyecetu.

30. He iye nina icage ça miye ecetu xni amaye kta.

31. Tuwe wankan tanhan hi kin he taku owasin iwankam ounye. Tuwe maka etanhan hi kin he maka etanhan qa maka kin iyecenya oie kiton. Tuwe marpiya kin eciyatanhan hi kin he taku owasin un iyotan.

32. Taku wanyake ça taku naron kin he owasin yaotanin tuka taku yaotanin kin tuwedan wicada xni.

33. Taku yaotanin kin he tu-

wé wicada kinhan Wakantanka wicake cin yaotanin.

34. Wakantanka tuwe u xi kin he Wakantanka oie oyaka; Wakantanka Wowakan kin iyuta qu xni, ocowasin qu.

35. Atkuku kin Cihintku wachte kidake ça he etanhan taku owasin tawa kıya: Cihintku yapı kin he tuwe awacin kinhan owihanke wanin wiconi yuhe kta; tuwe Cihintku kin he awacin xni kinhan owihanke wanin wiconi wanyake kte xni qa Wakantanka wocanniye tawa kin wanna aunye.

WICOWOYAKE 4.

1. Parisiyan hecen naronpi, Itancan kin taokiye ota içicaga qa baptem ota wicaqu, Jan econ qon sam iyeya econ, unkan Itancan kin ix nakiron.

2. Jesus iye atayedan baptem wicaqu xni, taokiye kin hee heconpi.

3. Unkan Judeya makoce ayuxtan qa Galile heciya e ki.

4. Samariya he en acanku ya.

5. Qa otonwe wan Sukar eciyapi Samariya makoce en, Josep en ounye kta e Jakob atkuku qu qon he ikiyedan.

6. Jakob miniowe tawa kin he etu Jesus mdokițe hda qa

miniowe kin he ahankeya iyo-tanka. Anpetu kin he en wiyo-tanhe cin hehantu.

7. Samariya oyate etanhan winorinca wan mini huwe hi, unkan Jesus, Mini maqu wo, eciya.

8. He icunhan taokiye kin otonwe kin ekta taku yutapi ope-ton iyayapi.

9. Winorinca Samariya oyate etanhan qon hecen eya, Juda wicaxta kin henica, Samariya oyate kin hematanhan he tokeca e mini mayakida he. Juda oyate Samariya oyate kici takudan ikicitukapi wanice ciquon.

10. Wakantanka wowaxte ecanicon kin de sdonyakiya unkanx, niye mini yakida kta tuka, kinhan mini wiconi niçu kta tuka, Jesus winorinca eciya.

11. Mini kin de temahentuya hiyeya qa takudan on edaku kte xni, tokiya tanhan mini wiconi edaku kta he, winorinca kin eya, Itancan kin ke ça;

12. Jakob ate unyanpi mini kin de etanhan yatkan qa cinca kin owasin nakun qa tawanu-yanpi ko, Jakob hecon qa mini-owe kin de unqupi qon niye ini-yotan he.

13. Unkan Jesus, Tuwe mini kin de etanhan yatke cin nakun ipuza kta;

14. Qa tuwe mini waqu kte

cin etanhan yatke cin icimana ipuza kte xni. Mini yatkanpi kta wicawaqu kin he owihanke wanin wiconi iyahdeya kaduze kta, eya.

15. Unkan winorinca kin, Itancan mini kin he etanhan maqu, hecen imapuza kte xni qa-nakun icimana mini kin de huwe wahi kte xni, eya.

16. Unkan, Nihihna kico ya wo qa den kici hi wo, Jesus eya.

17. Tuka, Mihihna kin wani-
ca, winorinca kin eya. Nihihna wanica kehe cin he hecetu e ecen eha ce, Jesus eya.

18. Nihihna zaptan tuka eha-
ke hihna yaye cin de nakun ni-
tawa xni, Jesus eya.

19. Itancan, wicaxta wokcan kin henica imdukecan, winorinca kin eya.

20. Hunkake wicunyanpi pa-
ha kin de en ohoundapi kte eya-
pi, qa nix Juda oyate, Jerusalem en Wakantanka ohoundapi kta, ehapi.

21. Anpetu wan u ce, paha kin de en ohoyadapi kte xni qa Jerusalem nakun en ohoyadapi kte xni; winorinca, wicamada wo hena hecetu kte, Jesus eya.

22. Taku ohoyadapi kin he sdonayapi xni tuka hecanonpi ce. Unkiye taku ohoundapi kin he sdonunyanpi ce. Juda oyate heciyatanhan wiconi u kin hee.

23. Anpetu u kin he wanna hiyohi, tona wowicake eciyatanhan ohodapi kin hena woksape wowicake eciyatanhan Ate yapi kin ohodapi kta. Ate yapi kin he hecen woohodapi kta eye cin hee.

24. Woksape kin he Wakan-
tanka kin ee; tona ohoda kinhan hena woksape wowicake eciya-
tanhan ohoda kta.

25. Mesiya Sdayapi eyapi kin hi kta, tohan hi kinhan taku kin hena owasin unkokiyakapi kta e sdonwaya, winorinca kin eya.

26. Mesiya he miye e ociciya ce, Jesus eya.

27. He incunhan taokiye en hdipi, unkan winorinca wan kici okiciciya wanyag inajinpi unkan yuxinyayapi. Tuka wan-
jidan, He tokeca e kici iyaa he, eciyapi xni.

28. Hena hecetu unkan winorinca kin wakixkotpa erpeya kihde ça otonwe kin ekta ki.

29. Wicaxta kin wanyag u miye, oyate owasin ewicakiya. Mesiya hee seca ce. He naka tanina taku ecamon qon owasin sdonye ça omiciyaka ce, winorinca kin eya.

30. Unkan oyate kin otonwe kin etanhan tankan enanpa qa Jesus najin kin en ai.

31. He icunhan taokiye kin, Itancan wota wo, eciyapi.

32. Taku yutapi wan wata tuka sdonyayapi xni, Jesns ewi-cakiya. en un xipi. Unkan en nonpa can un.

33. Hakam tuwe wo kahi naceca ce, taokiye kin ekiciyapi.

34. Unkan Jesus heya, 'Tuwe u maxi kin he tawacin opeya token oranye maxi he taku wate cin ee.

35. Ehake wi topa kinhan taku mnaunyanpi kta ce, ehapi. Tuka mix kaken epa, Wankan etonwanpi qa m'aga kin owasin wanyaka po, wanna owasin ska qa mnayanpi kin wanna iye-hantu.

36. Tuwe taku mnaye cin he iyakiçuya ikiciyawapi kta, he owihanke wanin wiconi waskuyeca mnaye kta, hecen on tona woju qa mnakiye cin hena wi-yuxkin mnayanpi ce kta.

37. Wanji woju qa wanji mnayan, eyapi qon dee e wicakapi.

38. Niye rtayanipi xni tuka wamnayanpi he econ cixipi. Apa rtanipi unkan he rtanipi kin en niye oyapapi.

39. Winorinca kin, Token ecamon qon owasin omiciyaka ce eye ciqon heon wicaxta Samariya oyate otowwe kin he en ota Mesiya hee kin wicadapi.

40. Qa Samariya oyate Jesus en hipi qa cekiyapi, iye tipi kin

41. Ia naronpi kin hehan ota Mesiya en wicadapi.

42. Taku odaye cin he etanhan wicaundapi kin hee xni, un-kix eya naunronpi, Mesiya hee qa oyate wanikiye kte cin hee e sdonunyanpi, winorinca kin eci-yapi.

43. Inonpa can hehan Galile heciya hda.

44. Jesus iye atayedan hdaotanin, Wicaxta wokcanke cin he iye tamakoce ekta ohodapi xni, keya.

45. Galile he en i unkan Jerusalem en i kin he ehan taku econ wanyakapi kin heon etanhan tanyan iyowinkiyapi qa omniciye kagapi kin oyate en ipi hena on etanhan koya.

46. Galile en Kana otowwe kin en Jesus heci i eya mini ikceka mini xa icar ye ciqon he hetu. Unkan he en wicaxta itancan kin he wanji cihintku wayazanka en un, Kapernaum hetanhan wicaxta.

47. Wicaxta itancan kin he Jesus Judeya makoe hetanhan qa Galile hen hi naron heon etanhan, Jesus i kin en i qa cekiya, cihintku wayazanke cin te kte cin he asni ye xi.

48. Taku woyaka wapetokeca

wandakapi xni kex wicayadapi xni ece, Jesus eya.

49. Unkan wicaxta itancean kin, Itancean kuntkiya u wo, micinkxi te xni kin en itokam.

50. Unkan, Hunktiya wo, nicinkxi kin tokidan yazan xni ce, Jesus eya. Unkan wicaxta kin Jesus ie cin wicada qa ekta hda.

51. Tiyatakiya hda unkan wicaxta wowidake wicayuhe cin awicakipa unkan, Nicinkxi kin tokidan yazan xni ce, eya okiciyakapi.

52. Wi kin tohan yanka hehan tokidan yazan xni he, eya iwicawanga. Unkan, Rtanihan wiyotanhan kitanna inaxdoke cin hetanhan tokidan yazan xni, eyapi.

53. Unkan hokxidan wayazanake cin atkuku kin rtanihan wi kin hehan yanke çehan Jesus heciye ciqon hehantu e kiksuya. Tiyohnaka tawa kin iy koya wicadapi.

54. Jesus Judeya makoe etanhan Galile icicawin en hdi, wapetokeca oranye cin he icinonpa kin he hee.

WICOWOYAKE 5.

1. Hehan iyohakam Juda oyate omniciye wan kagapi he icunhan Jesus Jerusalem he en i.

2. Jerusalem en tarinca wanyanpi tiyopa kin he en ikiyadan mini kiwitayapi Betesda eciyapi zaptankiya aohanziya hdepi.

3. Aohanziya hdepi kin he en ihukuya wicaxta wayazanka ota, huxte, ixta gonga, țataka ko ota en makan hiyeya, mini xkanxkan ape hiyeya.

4. Wakantanka taokiye wan he en hi eca mini kin he xkanxkan ya ece. Tokiya yazan kin owasin tohan mini kin he xkanxkan eca tuwe tokaheya en iyorpeiçiya eca asni ece.

5. Wicaxta wan he en wanka, waniyetu itopa xahdogan hehan tanhan wayazanka.

6. Wicaxta kin he makata wanka, wanakaja tanhan wayazanka Jesus wanyaka; Anisni yacin he, eciya.

7. Mini kin xkanxkan kex tuwedan en iyorpemaye xni, wicaxta wayazanake cin Itancean kin eciya; En mde kta kex mitokam tuwe tokeca en iyeiçiya ece.

8. Najin qa owinja kiçin qa mani wo, Jesus eciya.

9. Unkan wicaxta kin akisni qa owinja kin ehdaku qa mani. He anpetu wakan icunhan.

10. Wicaxta asni yanpi qon he, Anpetu wakan icunhan owinja yeçin kin he tokiyatanhan

hecen ecanon he, Juda oyate eciyapi; ahdeyapi; Wakantanka kici aki-decen ihdawa kin heon.

11. Tuwe asni maye cin he, Owinja kiçin mani wo, emakiya, ewicakiya; 19. Unkan Jesus hewicakiya; Wowicake wowicake eciyatanhan heciciyapi, Cihintku yapi

12. He wicaxta kin tuwe he, Owinja kiçin qa mani wo, eniciya he, eciyapi. kin takudan iye cinka hecon xni; Ate ye cin taku kaga wanyaka eca hehan ix eya iyecen kaga.

13. Wicaxta asni yanpi kin he tuwe asniye cin he sdonye xni. He icunhan wicota en ehna Jesus iyaye ça icunom iyaya. 20. Wakantanka Cihintku kin waxte kidake cin heon taku econ kin heña owasin onspekiya qa nakun eex taku tokata sanpa tanka econ wandakapi kta, kinhan taku iwandakapi qa ini-nihanpi kta.

14. Hehan iyohakam tipi wakan en wicaxta kin he Jesus wanyaka, unkan, Icimana wartani xni wo, okini ake taku wanji xica sanpa tanka iyanihde nun ce, eciya.

15. Unkan wicaxta kin he kihde ça, Tuwe asniye ciqon he Jesus ee, Juda oyate owicakiyaka. 21. Wakantanka tuwe ça kex ni ye ça wiconi wicaqu ece he etanhan Cihintku kin ix tona cin kinhan ni ye ça wiconi wicaqu kta.

16. Heon etanhan Juda oyate Jesus kuwa ayapi, anpetu wakan icunhan waasniye cin heon etanhan te yapi kta e heconpi. 22. Wakantanka iye tuwedan yaco kte xni, Cihintkn kin wo-yaco qu.

17. Unkan, Ate naharin rtani he etanhan mix eya rtawani Jesus ewicakiya. 23. He etanhan owasin Wakantanka token ohodapi hecinhan he iyecen Cihintku kin ohodapi kta. Tuwe Cihintku kin ohoda xni kin he Atkuku u xi kin he nakun ohoda xni.

18. Unkan Juda oyate hehan iyotan Jesus te yapi kta sanpa akitapi, anpetu wakan botica qa nakun Wakantanka atayedan Ate ya keçiye cin heon etanhan hehan iyotan wocant-

24. Wowicake wowicake eciyatanhan heciciyapi, Tuwe mioie kin anagoptan kin he qa u maxi kin he awacin kinhan owihanke wanin wiconi yuhe kta qa woyaco en i kte xni, wanna wiconte etanhan wiconi ekta e i.

25. Wowicake wowicake e-ciyatanhan heciciyapi, Anpetu wan u qon wanna hi, wicaxta ʔa tona Wakantanka Cihintku ho kin de naron kta, ʔa tona naron kinhan hena ni kta.

26. Wakantanka iye cinka wiconi hduha, he etanhan Cihintku kin ix iye cinka wiconi hduhe kta e qu.

27. ʔa nakun wowaxake woyaco kin he nakun Cihintku qu, Wicaxta kin Cihintku kin e heon etanhan.

28. Ihnuhan hena ininihanpi kin do; anpetu wan u ʔa hi kta ce, wicaxta wicarapi kin owasin Wakantanka Cihintku ho naronpi kta.

29. Kinhan tona wicoran waxte econ kin hena hninanpapi ʔa wiconi on ikicagapi kta ʔa tona wieoran xica econ kin hena ix hninanpapi ʔa wicotakuni xni on ikicagapi kta.

30. Miye cinka taku ecamon owakitpani, taku mdaco kin hena taku nawaron kin heciya tanhan, ʔa taku mdaco kin hena hecetu. Miye mitawacin he owakide xni, tuwe u maxi kin he tawacin owade.

31. Miye mihdaotanin kin he awacinpica xni.

32. Wanji tokeca mayaotanin kin hee awacinpi kta.

33. Jan ounye cin ekta ye

wicayaxipi; unkan taku yaotanin kin wowicake kin hee.

34. Wicaxta kiciyaotaninpi kin he awakite xni; hena on yanipi kta e heciciyapi.

35. Jan he peta ijanjan oranko ʔa okitanin, unkan ecadan iyoyanpa kin he kohanna iyuxkinpi yacinpi.

36. Miye taku mayaotanin kin he Jan tawa kin sam iyeyatanka. Ate wicoran maqu hena iyecetu iyokihi makiye ʔa wicoran ecamon kin hena mihdaotanin kin hee.

37. Ate u maxi kin he mihdaotanin. Tohini itohnake wandakapi xni ʔa ho nayaronpi xni.

38. ʔa oie kin en niunpi xni, tuwe u xi kin he wicayadapi xni.

39. Wowapi kin en akita po, he en iyececa ce, heciya tanhan owihanke wanin wiconi duhapi kta hecanipi, hena mayaotanin kin ee.

40. Tuka miye en mayaupi yacinpi xni ʔa owihanke wanin wiconi duhapi kte xni.

41. Wicaxta ekta mitawootanin kin awecite xni.

42. Wakantanka taku iyokipi kin he en niunpi xni e sdonwaya.

43. Ate cajeyan wahi tuka iyowinmayakiyapi xni, tuwe iye

caje atayedan hduha hi kin hee
iyowinyakiyapi kta.

44. Niye iyakitedan nitawo-
otaninpi kin ayecitapi qa Wa-
kantanka eciyatanhan wootanin
kin ayakitapi xni, he token on
wicayadapi kta he.

45. Ate en aciyapi kta e ke-
canmakinpi xni po, Mowis he
wacinyayapi qon he iye en ani-
yanpi kta.

46. Mowis wicayadapi hecin-
han mix eya wicamayadapi kta
tuka. He miye on wowapi
kaga.

47. Wowapi en kagapi kin
hena wicayadapi xni, ecin token
mioie kin wicayadapi kta.

WICOWOYAKE 6.

1. Qa hehan Jesus Galile mde
opta iyaya.

2. Unkan oyate ota ihakam
yapi, wicaxta wayazanpika en
wapetogya oranyan wanyakapi
qon heon etanhan.

3. Tuka Jesus paha wan ekta
iyaya qa taokiye om akan iyo-
tanka.

4. Juda oyate anpetu wan en
woxnapi ece qon he icunhan
ikiyadan ihan.

5. Jesus pa yuwankan icu
unkan oyate ota yanke cin en
au wanwicayake qa Pilipos he-
ciya, Tokiya taku yutapi opeun-

tonpi qa de upi kin de wicun-
qupi kta he.

6. He yukcan kta on etanhan
heciya, token econ kte cin he
sdotkiya tuka he hecen eya.

7. Pilipos ix ito heciya, Ma-
za ska opawinge nom aguyapi
iyoheyapi qa wicaqupi exta na-
kun iyowicahi kte xni.

8. Taokiye kin wanji nakun
tokeca Simon Inyan sunkaka
Andre eciyapi he ake heciya;

9. Psin ska aguyapi zaptan
qa hogan nom hena den hokxi-
dan wan yuha tuka wicota qa
henana on token ranpica he.

10. Unkan, Owasin iyotanke
wicaxi po, Jesus eya. He en
peji ota. Wicaxta kin hena
iyotankapi unkan kektopawinge
zaptan iyecetu.

11. Jesus aguyapi kin hena
icu qa yuwakan qa taokiye wi-
caqu; unkan taokiye kin iyo-
tang hiyeye ciquon wicakipamni-
pi; qa nakun hogan tohanyan
cinpi kin he iyecen wicaqupi.

12. Imnanpi unkan hehan
taokiye hewicakiya, Oyaptapi
kin hena pahi po, hecen takudan
atakuni kte xni.

13. Unkan psin ska aguyapi
oyaptapi qon he etanhan makan-
opiye ohnaka ake nonpapi pa-
hipi.

14. Taku wapetogya Jesus
econ kin oyate kin wanyakapi

qa heon heyapi, Wicaxta wokean itancan oyate en hi kta keyapi qon he wanna dee.

15. Oyate kin Jesus icupi qa wicaxtayatapi kar wacinni e sdotkiya qa paha kin icunonpa akan ixnana iyaya.

16. Irtayetu unkan taokiye kin mde kin ektakiya yapi.

17. Wata wan en opapi qa mde kin he opta yapi, Kapernaum heciya i wacinni; otpaza tuka Jesus hehan ki xni.

18. Tateyanpa qa on nina taja.

19. Wiyutapi wikcemna nonpa sam zaptan qa ix wikcemna yamni hehanyan watopapi, wata kin ikiyadan Jesus mini amani kiyaya wanyakapi, unkan yuxinyayapi.

20. He miye ce, ihnuhan koyakipapi kin do, eya.

21. Unkan iyokipipi qa wata kin ohna iyowinkiyapi; wata he toki ye ciquon he wanna en ihuni.

22. Ithankayetu hehan wata wanica, Jesus taokiye en opapi qon hecedan e oyate wanyakapi, ehan Jesus en ope xni wanyakapi, taokiye ecedan iyayapi.

23. Jesus aguyapi yuwakan qa yutapi qon he en ikiyadan Tiberiyas eciyatanhan wata toktokeca en hipi.

24. Oyate kin Jesus taokiye

om he en yukanpi xni wanyakapi, unkan oyate kin wata kin hena en opapi qa mde kin optayapi, Jesus Kapernaum heci unkin he ekta yapi.

25. Mde kin ihunipi unkan Jesus iyeyapi, unkan, Itancan tohini den yahi he, eciyapi.

26. Wowicake wowicake eciyatanhan heciciyapi, Omayadepi kin he taku wapetokeca wandakapi kin heon hecanonpi xni, aguyapi imnahan yatapi qon e heon omayadepi, Jesus eya.

27. Taku yutapi on wicatakuni xni heon rtanipi xni po; taku yutapi on owihanke wanin wiconi hee on rtani po, he Wicaxta kin Cihintku nicupi kta; Ate yapi Wakantanka kin wanna askamton.

28. Unkan token econkupi kinhan he Wakantanka tortani kin ee kta he, eciyapi.

29. Wakantanka tortani kin he dee, tuwe u xi kin he wicayadapi kinhan, Jesus ewicakiya.

30. Unkan, Taku wapetokeca ecanon kin tukte e heon anangoptanpi qa he niye kin wicaunnidapi kta he, Jesus eciyapi; Nioran kin tukte e he.

31. Hunkake wicunyanpi kin eya wanna rewoskan mana wicaqupi qa yutapi qon he marpiya eciyatanhan aguyapi yutapi kta e wicaqupi.

32. Wowicake wowicake eciyatanhan Mowis marpiya aguyapi kin he niçupi xni, ewicakiya; Ate marpiya aguyapi wowicake kin he dee e nakaha niçupi.

33. Marpiya aguyapi kin he tuwe marpiya eciyatanhan kunkiya u qa hi qa oyate wiconi wicaqu kin hee.

34. Unkan, Eca Itancan aguyapi kin he ohiniyan unqu po, eciyapi.

35. Aguyapi wiconi kin he miye, Jesus ewicakiya; Tuwe en mau kinhan wotektehda xni un kta qa tuwe wicamada kinhan ipuza xni un kta.

36. Eya wanna wanmayadakapi tuka wicamayadapi xni e eciciyapi qon.

37. Ate tona maqu kin owasin miye en mau kta qa tuwe en mau kinhan tankan iyewaye kte xni.

38. Marpiya eciyatanhan wahi kin he mitawacin owape kte xni, tuwe u maxi kin he tawacin owecipe kta.

39. Tuwe u maxi kin he tawacin kin he dee, tona maqu kin wanjidan toki erpewaye xni, ecen anpetu ihankeya kin piya icar waye kta.

40. Tuwe u maxi kin he tawacin kin he dee, tona Cihintku yapi kin he wanyake ça

wicada kin hena owihanke wain wiconi yuhe kta, qa anpetu ihankeya kin he en piya icar waye kta.

41. Marpiya aguyapi he miye e marpiya eciyatanhan wahi ce, eye ciqon heon Juda oyate wihnupi.

42. Bex de Jesus eciyapi e Josep cihintku kin he dee sece ciqon, atkuku hunku kici sdonwiconyanpi qon: Marpiya eciyatanhan wahi ce, eye cin he token ka he.

43. Niye iyakitedan en wicahnupi xni po, Jesus ewicakiya.

44. Tuwedan iye cinka en mau kte xni, Ate u maxi qon tuwedan en au xni kinhan, qa anpetu ihankeya kin en piya icar waye kta.

45. Wakantanka eciyatanhan wicaxta kin owasin wowicakiyakapi kta ce, wicaxta wokcan kin he eya wowapi kagapi qon. Tona Ate waonspewicakiye ça anagoptanpi kin hena owasin en maupi kta.

46. Tuwedan Ate yapi kin wanyake xni, tuwe Wakantanka etanhan u kin hecedan Atku ku wanhdaka.

47. Wowicake wowicake eciyatanhan heciciyapi, Tuwe miye wowicake maye cinhan owihanke wanin wiconi yuhe kta.

48. Aguyapi wiconi he miye. | tuwe mayute cinhan miye on ni

49. Nihunkakepi kin rewo- | un kta.

50. Marpiya eciyatanhan agu- | 58. Aguyapi marpiya eciya-
yapi hi kin he dee, tuwe etan- | tanhan hi kin he dee. Nihun-
han yute cinhan te kte xni. | kakepi mana yutapi qon de iye-
cece xni, he yutapi tuka api.

51. Aguyapi ni un kin he | Tuwe aguyapi kin de etanhan
miye, marpiya eciyatanhan wa- | yute cinhan owihanke wanin
hi; tuwe etanhan yute cinhan | wiconi yuhe kta.

52. Wicaxta kin de iye cerpi | 59. Kapernaum tipi wakan
etanhan unqupi qa untapi kta | ohna Jesus hena hecen eya.

53. Wowicake wowicake | 60. Taokiye kin ota, Wicoie
eciyanhan, Wicaxta kin Cihin- | kin de terike, tuwe de okihi kta
tku cerpi etanhan yatapi xni qa | he, iyakitedan ekiciyapi.

54. Tuwe micerpi etanhan | 61. Taokiye kin iyakitedan
yute qa mawe yatke cinhan owi- | taku ekiciyapi sdonya unkan,
hanke wanin wiconi yuhe kta, | He taku e on kixdeniyanpi he,
qa anpetu ihankeya kin piya | Jesus ewicakiya.

55. Micerpi kin he woyute | 62. Wicaxta kin Cihintku
otancanke qa mawe kin he wo- | wankan un qon ake ekta kihde
yatke otancanke. | qa wandakapi kinhan taku to-
keca kta he.

56. Tuwe micerpi yute qa | 63. Woksape kin he waniye,
mawe yatke cin he mici un qa | wicacerpi token econpica xni.
mix kici waun. | Wicoie eciciyapi kin he wico-
ksape qa ni un.

57. Ate u maxi kin he ni un | 64. Tuka wanjikji he wica-
qa Ate on ni waun, he etanhan | yadapi xni. Otokahe ekta tan-
han tona wicadapi kte xni qa
nakun tuwe wiyopeye kte cin
hena Jesus sdonya.

58. He etanhan heciciyapi | 65. He etanhan heciciyapi
qon, Tuwedan iye cinka en | qon, Tuwedan iye cinka en
mau kte xni, tona Ate taku wi-
caqu henana heconpi kta eya.

66. Hecetu unkan taokiye

kin apa ayuxtanpi qa icimana ihakam yapi xni.

67. Taokiye ake nonpapi kin, Niye qe yahdapi kte xni he, Jesus ewicakiya.

68. Itancan, ecin tuwe ekta unyanpi kta he, Simon Inyan eciya; Owihanke wanin wiconi wicoie duhe cin.

69. Wakantanka wiconi Cihintku Mesiya he niye sdonunniyanpi qa wicaunnidapi.

70. Ake ninonpapi kin de niye cicarnigapi tuka wanji wakan xica yaunpi, Jesus ewicakiya.

71. Simon cihintku Judas Iskariyot he ke ça hecen eya. Ake nonpapi kin he etanhan tuka he wiopeye kte cin ee kta.

WICOWOYAKE 7.

1. Hena iyohakam Jesus Galile en un, Juda oyate te yapi kta akitapi heon Judeya makoce en un wacin xni.

2. Juda oyate anpetu en woxnapi ece kin he wanna kiya-dan aye.

3. Detanhan Judeya makoce heci ya wo, nitaokiye nioran wanyakapi kta.

4. Tuwe taku waxte econ eca narmana econ xni ece. Taku ecanon kin hena oyate owa-

sin en ihdutanin wo, sunka wicaye cin eciyapi.

5. Sunka wicaye cin nakun wicadapi xni kin he okipapi.

6. Niye qe wanna anpetu kin ehan yaipi qa wiyeya niciyan-kapi, qa miye e naharin iyemicihantu xni.

7. Oyate kin xice nidapi kte xni; wicoran xice cin he mdaotanin kin heon xice madapika.

8. Niye qe woxnapi kte cin ekta ya po. Miye qe naharin taku iyemicihantu xni, ekta mde kte xni.

9. Hewicakiye ça hehan Galile en un.

10. Sunkaku iyayapi kin iyohakam hehan ix woxnapi kte cin ekta i, taninyan i xni, narmana i.

11. Woxnapi kin icunhan Juda oyate odepi qa, Tokiya iyaya he, eyapi.

12. Qa oyate kin iapi ota on aiapi. Oyate kin apa, He wicaxta wowaxte, eyapi. Tuka apa ix heyapi, He oyate wicahnayan.

13. Juda oyate kowicakipapi heon etanhan tuwedan taku ataninyan eye xni.

14. Woxnapi kin cokaya hdoipi unkan Jesus tipi wakan ohna inajin qa wowicakiyaka.

15. Wicaxta kin de tokiya tanhan wowapi kin onspe he,

tohini onspekiyapi xni qon, Juda oyate iyakitedan ekiciyapi.

16. Wociciyakapi kin de miye etanhan xni, tuwe u maxi kin he iye etanhan.

17. Tuwe Wakantanka tawacin ecen econ wacin kinhan, mioie kin dena miye cinka hecinhan qa ix Wakantanka eciyatanhan hecinhan, sdonye kta.

18. Tuwe iye en oie içiye cin he iye ihdatan. Tuwe tokiya tanhan u xipi he ecedan okide kin hee wicadapi kta qa taku xica en un xni.

19. Mowis wokonze wan niçupi, tuka wanjidan qaex ecen oyapapi xni. Taku on ƣe mayayapi kta e ayakitapi he.

20. Tuwe ƣe niyan akita he. Wakan xica niyuhnaxkinyan, oyate kin eciyapi.

21. Wicoran wanji wakaga unkan owasin niyuxinyayapi, Jesus ewicakiya.

22. Mowis ohomni baxpapi wicoran wanna niçupi qon he iye etanhan u xni, hunkake wicayapi kin heciya tanhan u; qa anpetu wakan eca wicaxta wan ohomni bayecixpapi ece.

23. Anpetu wakan eca wicaxta wanji he iyowinkiye ƣa Mowis wokonze kaga manonpi kte xni, wicaxta wan anpetu wakan en okizi waya taku on cantamayahdepi he.

24. Wiyacinyan wayacopi xni po, wokonze e eciyatanhan wayaco po.

25. 'Te yan akitapi kin he dee, Jerusalem etanhan wanjikji heyapi.

26. Wanna kagi xni ia tuka tuwedan taku eciye xni. Wicaxta itancanpi kin wanna Mesiya kin he de eca iyeyapi he.

27. De tokiya tanhan kin sdonunyanpi; tohan Mesiya hi kinahan tokiya tanhan u kin tuwedan sdonye kte xni, eyapi.

28. Tipi wakan kin ohna Jesus hotankakiya wowicakiyaka hewicakiya, Tuwe miye kin sdonmayayapi qa tokiya tanhan wau kin he nakun. Miye cinka wahi xni. Tuwe u maxi kin he wicaka tuka sdonyayapi xni.

29. Mixnana sdonwaya, he iye etanhan wahi, he u maxi kin ee.

30. Unkan tinsa yuze wacinpipi tuka naharin iyehantu xni kin heon okitpanipi.

31. Oyate kin etanhan wicota, Hee, kecinpi. Tohan Mesiya hi kinhan de taku wapetogya econ kin he sam iyeya hecon kta he, eyapi.

32. Oyate kin iyakitedan heciciyapi he Parisiyan sdonyapi unkan Woxnapi kagapi kin he om ekiciyapi qa akicita ye wicaxipi, Jesus kaxke wicaxipi.

33. Ehake tokata wapa oci-papi waun kta, hehan tuwe u maxi kinhan heciya wahde kta.

34. Tohan amayakitapi exta iyemayayapi kte xni qa tokiya waun kin ekta yaupi kta exta oyakitpanipi kta.

35. Tokiya un kta e unkoki-tpanipi kta e heya he, Juda oyate iyakitedan ekiciyapi; Helenes oyate kin ehna eniciciya iyayapi qon heciya ye ça wowicakiyake kta he.

36. Amayakitapi kta tuka iye-mayayapi kte xni, tokiya waun kin ekta yaupi kta exta oyakitpanipi kta, he token ka he, eyapi.

37. Ehake anpetu omniciye tanka he en Jesus hotankakiya heya, Tuwe ipuza kinhan en mau qa mini yatke kta.

38. Tuwe wicamada kinhan mini rdoka mini tancan kin etanhan kaduze kta.

39. Woksape Wakan kin he ka, tuwe Jesus wicada kinhan qupi kte cin he ka; he ehan naharin Woksape Wakan kin wicaqupi xni, naharin Jesus wowan ehan i xni.

40. Oyate kin etanhan wicota, De wokcan itancan kin hee, eyapi.

41. Apa ix, He de Mesiya ee, eyapi. Mesiya Galile hen u kta he, apa ix eyapi.

42. Dawid etanhan wicoicage Mesiya hetanhan hinanpe kta, wowapi wicowoyake en eyapi qon.

43. Hetanhan oyate kin aki-pam wacinkiyuzapi.

44. Oyate kin etanhan ix kaxke wacinpi tuka tuwedan oyutan xni.

45. Akicita icicawin kipi unkan, He tokeca yakaxkapi xni he, Woxnapi kagapi qa Parisiyan eyapi.

46. Wicaxta hiyeye cin tuwedan tohini wicaxta kin he iyecen oie ye xni, akicita kin eyapi.

47. Nix nakun nihnayanpi he, Parisiyan akicita ewicakiyapi.

48. Wicaxtayatapi wanjikji qa Parisiyan ko he wicadapi he.

49. Oyate kin de wokonze yukcanpi xni he etanhan wartepi xni.

50. Nikodemos hanyetu ehan Jesus yanke cin en i qon he itancanpi kin wanji ee hewicakiya;

51. Wokonze unkitawapi kin wicaxta token oranye ça token oie ye cin ataninyan wanunya-kapi xni ocowasin yacopi kta eya he, eya.

52. Nix Galile henitanhan he, eciyapi; Wawiwanga wo, wo-

keanpi uye cin owasin tuwedan Galile etanhan xni;

53. Eyapi, qa hehan token tipi ecen otoiyohi kihdapi.

WICOWOYAKE 8.

1. Wihdi kagapi can paha en itoheya Jesus iyopta.

2. Qa hetanhan anpao sanyan hinanpe cin hehan tipi wakan en ki unkan oyate kin owasin en hiheya.

3. Unkan Wowapi kagapi Parisiyan ko winorinea wan narma ihduxaka e en kahipi qa cokata ehdepi;

4. Qa heciyapi, Itancan winorinea kin de taku narmana econ wanka icunhan iyeyapi.

5. Mowis wokonze kage cin he hecen unkekiyapi, Tona wicoran decen econ kinhan inyan on kinin katapi kta, keya. He token ehe kta he.

6. Token eye cinhan hetanhan on iyukcanpi kta on heciyapi. Tuka icunhan Jesus karin inajin qa nape kin on maka kin en wowa.

7. Tuka icunhan kixdeyapi unkan owotanna inajin qa hewicakiya, De nayajinpi kin tuwe woartani wanin un kinhan he tokaheya inyan on kinin kta.

8. Heye ça ake patux inajin qa ake maka kin en wowa.

9. Hecen ewicakiya unkan he

awakicin najinpi qa wanjikjidan tankata kinanpapi, wanakax wota he wohakakta koya owasin. Unkan winorinea cokata ehdepi qon he kicihnana Jesus onihan yanka.

10. Unkan Jesus ihduowotanana, unkan tuwedan wanyake xni, winorinea ecedan ecen najin, unkan heciya, Winorinea wiyanionpapi qon owasin toki iyayapi he; tuwedan niyaco xni he.

11. Han, Itancan, tuwedan xni, eya. Mix eya ciyaco xni, hunktiya wo, tokata yeye cin icimana wartani xni wo, Jesus eciya.

12. Jesus ake oyate kin owicakiye ça hecen ewicakiya, Oyate iyoyam wicaye cin he miye. Tuwe mihakam u kin he otpaza ehna mani kte xni, iyoyanpa wiconi hee tawa kta.

13. Niye atayedan nihdaotanin kin he wowicake xni, Parisiyan eciyapi.

14. Miye atayedan mihdaotanin qeyax mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau qa tokiya mde cin hena sdonayayapi xni, Jesus ewicakiya.

15. Wicacerpi eciyatanhan wadacopi, tuka miye qe tuwedan mdaco xni.

16. Qa tohan wamdaco kinhan wowicake eciyatanhan wamdaco kta, mixnana waun xni, Ate yapi u maxi kin he mici un.

17. Woose duhapi kin he en, Wicaxta nom waayatanin kinhan he wowicake kta, eya owapi.

18. Miye atayedan mihdaotanin qa Ate u maxi kin he mayaotanin.

19. Unkan, Niyate tukte e he, eciyapi. Sdonmayayapi unkanx Ate ix nakun sdonayayapi kta tuka; Jesus ewicakiya.

20. Tipi wakan kin en maza ska opiye he cin he en Jesus hena hewicakiya. Heca tuka tuwedan Jesus otan wacinpi xni, anpetu kin naharin kicihi xni heon.

21. Wahde kta qa omayadepi ecen woartani ehna niṭapi kta qa tokiya wahde cin heciya dapi kta exta oyakitpanipi kta, Jesus ewicakiya.

22. Iye içikte kta naceca; tokiya mde cin heciya oyakitpanipi kta eye cin he, Juda oyate eyapi.

23. Niye kun ihankeya yaunpi, tuka miye wankantuya kin hemaca; qa oyate kin denitanhanpi qa miye dematanhan xni.

24. He etanhan woartani ehna niṭapi kta, eciciyapi. Matuwe

kin wicayadapi xni heon etanhan woartani ehna niṭapi kta.

25. Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26. Taku ota eciciyapi qa ciyacopi kta: tuwe u maxi kin he wowicake qa taku emakiye cin owasin oyate kin owicawakiyaka ce.

27. Atkuku iwohdake cin he okarnigapi xni.

28. Tohan Wicaxta kin Cihintku wankan eyahdepi kinhan hehan matuwe kin sdonayayapi kta, takudan miye cinka ecamon xni, tuwe u maxi qa taku onspe-makiye cin hena ecedan ecen ecamon.

29. Tuwe u maxi kin he mici un, Ate mixnana amahduxtan xni, taku iyokipi ecen ecamon heon etanhan, Jesus ewicakiya.

30. Hewicakiya he cin icunhan apa wanna wicadapi.

31. Juda oyate kin etanhan tona Jesus wicadapi kin hena hewicakiya, Ohiniyan mitawokonze oyapapi kinhan mitaokiye ciyapi kta.

32. Kinhan wowicake kin he sdonayayapi kta qa wowicake kin niyuwarbadan kta.

33. Abereyam towicoun kin he unketanhanpi qa hecen on tohini wayaka unyakonpi xni. Token he yaka he, niyuwarba-

pidan kta ehe cin he, Jesus eciyapi.

34. Wowicake wowicake on heciciyapi, Tuwe woartani ehna un kin he wayaka un, Jesus ewicakiya.

35. Wayaka unpi eca ohiniyan tipi ohna unpi xni qa cinca kin hee ohiniyan timahen ounyan.

36. Cihintku yapi niyuwar-badan kinhan awicakehan tuwe-dan inidake kte xni.

37. Abereyam towicoun kin enitanhanpi sdonwaya tuka te mayayapi yacinpi, mioie yuhe wacanipi xni kin heon.

38. Taku Ate ti kin ekta wandake cin he ociciyakapi, qa nix niyate ti ekta taku wandakapi kin hee ecen ecanonpi.

39. Abereyam he ate unyanpi kin ee, eciyapi. Abereyam cinca kin he niyepi unkanx Abereyam oranye cin he ecen ecanonpi kta tuka.

40. Miye wimacaxta e Wakantanka eciyatanhan wowicake ecedan eciciyapi; heca tuka te mayayapi ayakitapi. Iye qe Abereyam hecen oranye xni qon.

41. Niyatepi oran kin hee ecen ecanonpi, Jesus ewicakiya. Tuwe cinca tanin xni kin heuncapi xni; ate unyanpi wanjidan unhapi, Wakantanka kin hee, eciyapi.

42. Wakantanka kin he ate yayapi unkanx waxte mayadakapi kta tuka, miye kin de Wakantanka kin hetanhan wau, miye cinka tanhan wahi xni, iye etanhan u maxi.

43. He tokeca e mioie kin oyakarnigapi xni he; iwae cin anagoptan wacanipi xni kin heon etanhan henicecapi.

44. Ate yayapi yaunpi kin he Wakanxica ee. Heon niyatepi kin tawacin iyecetu yeciciyapi yacinpi. Tin wicakte ecedan ohiniyan un qa wowicake kin en ewacin xni, hecen wowicake kin he iye kin en un xni, heon etanhan. Tona oitonxni eye cin hena iye etanhan içicage; woitonxni kin etanhan aicar içiye cin heon etanhan.

45. Tuka miye wowicake eciciyapi kin heon etanhan wicamayadapi xni.

46. Niyepi etanhan he nituwepi kta he wawartani duwicapapi kte cin he. He tokeca wowicake epe cin wicayadapi xni he.

47. Tuwe Wakantanka etanhan kin he Wakantanka oie anagoptan. Wakantanka enitanhanpi xni heon etanhan anayagoptanpi xni, Jesus ewicakiya.

48. Samariya oyate henitanhan qa Wakanxica niyuhnaxkin-yan ce unkeniciyapi qon he wi-

caunkapi, Juda oyate kin eciyapi.

49. Wakanxica mayuhnaxkin-ye xni qa Ate wahduwitan tuka wowixten mayayapi.

50. Wowitan awakite xni tuka wanji tokeca wan he iye akite ça yaco kta.

51. Wowicake wowicake eciyatanhan heciciyapi, Tuwe mioie kin de yuhe cinhan tohini wiconte wanyake kte xni, Jesus ewicakiya.

52. Wakanxica niyuhnaxkin-yan e dehan iyotan unniyukcanpi. Abereyam hee kaex ta qa wokcanpi kin hena nakun tapi, token he yaka, Tuwe mioie yuhe cinhan te xni un kta ce, ehe cin he.

53. Abereyam ate unyanpi kin hee kaex te cin, niye e iniyotan he. Wokcanpi kin nakun heepi kaex tapi, qa niye nitaku kta kecanniçin, Jesus eciyapi.

54. Miye cinka mihdatan kin he taku kte xni. Wakantanka kin he ate yayapi kehapi kin he Ate waye cin ee qa he wowitan maqu kin he iye.

55. Hee tuka tohini sdonyayapi xni, qa miye e sdonwaya. Mix eya, Sdonwaye xni ce, epe cinhan, mix eya niyepi iyecen iwaton kte xni, tuka miye sdonwaya heon etanhan oie kin tan-yan weciyuha.

56. Abereyam ate yayapi qon he iyuxkinyan mitaanpetu kin wanyaka qa he wanyake ça iyuxkinyan un, Jesus ewicakiya.

57. Naharin waniyetu wikcemna nizaptan xni tuka Abereyam wandaka keha he, Jesus eciyapi.

58. Wowicake wowicake eciyatanhan heciciyapi, Abereyam toki un kin hecinhan miye itokamya wanna heci waun, Jesus ewicakiya.

59. Hececa unkan inyan icupi qa on kininpi kta tuka Jesus na-çirbe ça tipi wakan etanhan wic-ehna tanhan tankata inanpe ça etoopteya iyaya.

WICOWOYAKE 9.

1. Jesus ye cin tahepi wicaxta wan toka tonpi ehantanhan tonwe xni un e he wanyaka.

2. Jesus taokiye kin, Itancan tuwe wartani he, wicaxta kin de atkuku, hunku, iyeka, wanji tukte wartani he, on ixta gonga, eciyapi.

3. He iye qa atkuku hunku wanji wartanipi on hecece xni, he Wakantanka oran kin e he ayutaninpi kta.

4. Tuwe u maxi kin he anpa kin en wicoran kin ecamon kta, otpaza eca tuwedan wicoran econ xni.

5. Wicaxta opeya waun kin de ecedan oyate iyoyam wicaway, Jesus eya.

6. Heye ça makata tagoxa, tage ehdaku qa upxija kage ça ixta gonge cin ixta kin en iki-cium;

7. Qa heciya, (Ye wicaxipi kin he hecen kapi,) Siloam miniowe ekta ye ça mini kin hetanhan on ihdujaja wo. Unkan ekta i qa on ihdujaja qa hdi, unkan wawanyaka.

8. Itan anog tipi kin heepi qa tona itokam wanyakapi ece qon hena, Wicaxta kin de ixta gonge ça tipi iyaza iyotang timata un qon toke he dee se, eyapi.

9. Unkan wanjikji, Han he hee ce, eyapi. Apa ix, He iye-ceceye, eyapi. Unkan hehan, He miye ce, eya.

10. Unkan, Tokiya tanhan de on niixta kin dumdaya he, eciyapi.

11. Wicaxta wan Jesus eciyapi kin he tagoxa qa on upxija kage ça ixta anokatanhan imici-un, qa, Siloam miniowe kin ekta ye ça mini on ihdujaja wo, emakiya qehan ekta wai qa mihdujaja, unkan watonwan, eya.

12. Unkan, Wicaxta kin he tukte e he, eciyapi. Sdonwaye xni ce, eya.

13. Wicaxta ixta gonge ciquon he Parisiyan en wicakaipi.

14. Anpetu wakan icunhan Jesus upxija kage ça on wicaxta kin he ixta yukawa kiya.

15. Parisiyan ix ake, Token on de ixta niyukan he, eya iwan-gapi. Upxija e ixta kin en imau-n qa mihdujaja, unkan watonwan, ewicakiya.

16. Unkan Parisiyan wanjikji, Wicaxta kin he anpetu wakan awacin xni, heon etanhan Wakantanka hetanhan xni, eyapi. Unkan apa, Taku xica eciyatanhan tuwe decen wapetogya oranyan okihi kta he, eyapi. Hecen on akipam wacin hna-kapi.

17. Nix token wacin yakiyuza he, ixta nigonga tuka ixta tonweye niye cin, ixta gonge ciquon he eciyapi. He wicaxta wakan kin heca ce, eya.

18. Wicaxta kin he ixta gonga tuka ihnuhanna tonwe cin he on Juda oyate ixta gonge ciquon he wicadapi xni, qa atkuku hunku ko wicahuwe ipi.

19. De nicincapi qa tonwe xni decen tonpi kehapi he, eya iwicawangapi; Qa ihnuhanna token nakaha tonwan he.

20. De unkiincapi tonwe xni tonpi he sdonunkiyapi;

21. Nakaha tokiya tanhan on tonwe cin de sdonunyanpi xni. Ixta yukawa kin de nakun sdonunyanpi xni; ix eya hokxike

xni kin, iye iwanga po, toketu kin he ecen eye kta ce, atkuku hunku kici eyapi.

22. Juda oyate kowicakipapi qa heon etanhan atkuku hunku kici hecen eyapi. Tuwe Jesus Mesiya hee kecin eca tipi wakan en waonapte, Juda oyate kagapi.

23. He etanhan, Iye ex hokxike xni kin, iye atayedan winungapi xni, atkuku hunku kici eyapi.

24. Ake icinonpa wicaxta ixta gonge ciquon he heciyapi, Wakantanka yawakan, wicaxta kin he taku xica e sdonunyanpi ce.

25. Taku xice cin he sdonwaye xni, qa taku wangi e sdonwaya, tonwe xni imacaga tuka nakaha watonwe cin he, wicaxta kin eya.

26. Taku tokanicon qa on ixta kin niyukawa he, ake eciyapi.

27. Wanna eya kex ociciyakapi qon, toke he nayaronpi xni he, qa ake nakun icinonpa nayaronpi yacinpi; taokiye wicaye cin he ope nihdawapi he, ewicakiya.

28. Unkan iwartedapi xni qa, Iho eca taokiye kin he niye, un-kix Mowis taokiye kin he unkiyepi.

29. Wakantanka Mowis he okiya, qa wicaxta kin dee tokiya

tanhan u kin sdonunyanpi xni, eciyapi.

30. Wicaxta kin he tokeca naka ixta mayumdaye cin tuka dukcanpi xni, he taku kin nicihnayanpi.

31. Wicaxta xice cin he Wakantanka anagoptan xni, qa tona Wakantanka yuonihan qa tawacin okicipe cin hena e Wakantanka anawicakigoptan e sdonunyanpi.

32. Wicaxta tonwe xni tonpi, tuka wicaxta wan ixta yukawa eyapi, tohini naunronpi xni.

33. Wicaxta kin de Wakantanka eciyatanhan xni unkanx taku wangi de iyececa okihi kte xni tuka, wicaxta kin eya.

34. Woartani ocowasin ehna nintonpi qon he de niye tuka wonspeunyakiyapi kta kecani, eciyapi; qa tankan iyeyapi.

35. Tankan iyeyapi kin he Jesus naron qa akipa, unkan, Wakantanka Cihintku awacani he, eciya.

36. He tuwe he, Itancan, awacami kta ce, wicaxta kin eya.

37. Wandake ca he iye e oniciya, Jesus eya.

38. Unkan, Itancan wicawada, eyaya tokam canpexka makehde inajin.

39. Oyate kin de ekta wicawahi, wicaxta tona tonwe xni

kin hena tonwe wicawaye kta yapi xni kin heon; eca kaex na-
qa tona tonwe cin hena ixta kicipapi.

gonge wicawaye kta he woyaco
kin hduha wahi, Jesus eya.

40. Parisiyan wanjikji kicica-
pi hena naronpi unkan, Unkix
eya ixta ungongapi he, Jesus e-
ciyapi.

41. Ixta nigongapi unkanx
woartani wanin yaunpi kta, tuka
yatonwanpi kehapi kin heon wo-
artani niyukanpi, Jesus ewica-
kiya.

WICOWOYAKE 10.

1. Tuwe tarinca tipi tiyopa
ohna tin iyaye xni, tiyopa icun-
onpa tanhan ti iyorpaye cin he
wabotice ça wamanon kin heca,
wowicake wowicake on ecici-
yapi.

2. Qa tuwe e tarinca tipi tiyo-
pa eciyatanhan tin iyaye cin hee
tarinca tawa wicaye cin ee.

3. Qa iye tiyopa awanyake
cin tiyopa kiciyugan eca tin hi-
yaye ça tarinca kin otoiyohi ca-
jeyan hoyewicakiya eca tarinca
kin ho kin iyekiyapi qa kawita-
ya en kici upi qa tankan wica-
hdoya ece.

4. Qa tankan owasin ipi eca
token itoheya iyopta eca tarinca
kin owasin ihakam yapi, ho iye-
kiyapi kin heon heconpi ece.

5. Qa tuwe tokeca kinhan'he
ihakam yapi kte xni, ho iyeki-

yapi xni kin heon; eca kaex na-
kicipapi.

6. Jesus henakiya anawinyan
oie wicakicaton tuka ie cin he
yukeanpi xni.

7. Tuka nakun tarinca tipi ti-
yopa kin he miye, wowicake
wowicake on heciciyapi ce, Je-
sus ewicakiya.

8. Tona mitokam hipi kin
hena waboticapi qa wamanonpi
kin hecapi, heon etanhan tarinca
kin anawicagoptanpi xni.

9. Tiyopa kin he miye, tuwe
miye eciyatanhan ti iyorpaye
cinhan he ni kta, ti iyorpaye ça
tankata inanpa eca wato tanyan
iyeye kta.

10. Wabotice cin he wama-
nonpi, tin wicaktepi, waihang-
yapi henakiya eca ece akita; ta-
rinca nipi qa takudan icakije
xni unpi kta e heca on miye
wahi.

11. Tarinca tawa wicaya wa-
xte kin he miye. Tarinca tawa
wicaya waxte kin he tarinca kin
on wiconi tawa erpekiya.

12. Qa tuwe wodota un qa
tarinca tawa wicaye xni eca xun-
ktokeca taninyan ahinanpa wan-
wicayaka eca tarinca awicayu-
xtan qa erpewicaya napa, qa he-
cen xunktokeca kin tarinca ena-
nakiya owicakamdece ça wica-
kte.

13. Odotapi un kin he wodo-

tapi un kin heon etanhan napa, qa tarinca cin xni kin heon.

14. Tarinca tawa wicaya waxte kin he miye, qa heon tarincadan kin hena sdonwicawakiya, qa ix tarinca sdonmakiyapi.

15. Ate token sdonmakiya, mix he iyecen Ate sdonwakiya, qa heon tarinca kin he iyepi on wiconi mitawa kin erpewakiya.

16. Tarincadan kin naharin apa tarinca tipi kin den un xni, heon etanhan wicahduwe mde ça miho kin naronpi kta qa tarinca tipi wanjidan kta, qa tarinca tawa wicaye cin nakun wanjidan kta.

17. Wiconi mitawa erpewakiye ça ake ewehdaku kte cin heon Ate waxte makidaka.

18. Tuwedan he maki kte xni, qa miye cinka he wicawaqu, he amduxtan kte cin owakihi qa ewehdaku kte cin nakun owakihi; Ate hecen econ makiye kte cin mduha.

19. Henakiya oie ya tuka Juda oyate akipam tawacinpi.

20. De Wakanxica yuhna-xkinye cin hetanhan ihnaxkin-yan decen oie ye cin he tokeca e anayagoptanpi he, apa eyapi.

21. Oie kin eciyatanhan taku ihnaxkinye yapi iyeece xni; taku wakan xice cin wicaxta ixta ohduteya icage cin he yukawapi okihi kta he, apa eyapi.

22. Qa hehan tipi wakan wohduze tonpi ece qon ake hehan icunhan Jerusalem en mniciyapi qa ake yuwohduze tonpi, waniyetu ehan.

23. Tipi wakan icahda Solomon omanipi tawa kin he en Jesus omani.

24. Unkan Juda oyate itan ihduxan imniciyapi qa, Mesiya he niye hecinhan awicakehan unkokiyaka po, tohanyan ihan he, woksape unhapi kin otke unyakiyapi qa unyaduzapi kin, eciyapi.

25. Wanna ociciyakapi tuka wicamayadapi xni qon; Ate caje kin eciyatanhan wicoran ecamon he onmayake cin ee.

26. Tarinca tawa wicawaye cin he oyapapi xni, he etanhan wicamayadapi xni, epe ciquon hee.

27. Tarinca mitawa kin miho kin naronpi qa hena sdonwicawakiya qa mihakam unpi.

28. Owihanke wanin wiconi wicawaqu kin he wiconte wanice kta qa minape kin etanhan tuwedan wicayuxpe kte xni.

29. Ate tarinca hena maqu kin he takuowasin sam iyeya tanka; Ate nape kin etanhan tuwedan yuxpe kte xni.

30. Miye qa Ate waye cin hecen unwanjipidan, Jesus ewicakiya.

31. Juda oyate nakun ake in-
yan icupi, on kininpi kta e he-
conpi.

32. Ate eciyatanhan wicoran
ota waxte nitkokim ecamon, ta-
ku on nakaha mayakininpi he,
Jesus ewicakiya.

33. Wicoran waxte ecanon
kin he etanhan unnicininpi xni;
winicaxta tuka Wakantanka ni-
çicaga qa wawoxteyahda he e-
tanhan heconkonpi, Juda oyate
eciyapi.

34. Woope duhapi kin en,
Taku wakan kin henicapi ecici-
yapi, qa ecen wowapi en kagapi
xni he.

35. Tuwe en Wakantanka oie
qupi kinhan heon taku wakan
eciyapi hecinhan, qa on wowapi
wakan kin erpeyepica xni;

36. Ate yapi Cihintku hdu-
wakan, qa oyate kin wicehna hi-
yu ya qa heon, Wakantanka Ci-
hintku miye ce, epe cin he,
Wawoxteyahda, emayakiyapi
he.

37. Ate oran kin iyecen eca-
mon xni hecinhan wicamadapi
xni po.

38. Wicamayadapi xni exta
wicoran ecamon kin wicada po,
heciya tanhan Ate waye cin mi-
cica qa miye Ate waye cin we-
cica, heciya tanhan sdoniyayapi
qa wicayadapi kta, Jesus ewica-
kiya,

39. Hececa tuka nakun ake
tinsa yuze wacinpi, tuka napepi
kin etanhan ihduxpa.

40. Ake hetanhan Jordan wa-
kpa kin he en Jan baptem wica-
qu ece qon he en i qa en oun-
yan.

41. Jan takudan wapetogya
ecen econ xni tuka Jan wicaxta
kin de etanhan tona oyake cin
owasin wowicake, wicota en i-
hdoipi qa heyapi.

42. He en icunhan wanjikji
wicadapi.

WICOWOYAKE 11.

1. He en opcy a wicaxta wan
Lazaros eciyapi wayazanka,
Betani otonwe hetanhan, Mariya
qa Marta tawinortin wicaye cin
nakun hetanhanpi.

2. (Mariya wihdi waxtemna
icu qa Itancan kin on sda ye ça
paha kin on siha kin kipakinta,
Mariya Lazaros hunkawanjitku
wayazanke cin hee.)

3. Tawinortin kin, Itancan
wicaxta wan waxte yadake ci-
qon wayazanka, eyapi qa hoxi
kaipi.

4. Jesus naron unkan hecen
eya, Wowayazan kin he wicon-
te ektā xni, he Wakantanka
towitan kin ee, qa heon Wakan-
tanka Cihintku kin yuwitanpi
kta.

5. Marta iye tankaku Lazaros kici Jesus waxte wicadaka.
6. Wayazanke cin naron tuka anpetu nonpa ekta ye xni yan-ka.
7. Judeya makoce ekta unhdapi kta, Jesus taokiye ewica-kiya.
8. Itancan Juda oyate inyan on nicininpi kta tuka qon, na-harin axkatudan tuka ocowasin ekta hde wacani he, taokiye eciyapi.
9. Anpetu wanjidan kex eya qon hanska, tuwe he anpetu ohiniyan mani kinhan maka kin iyoyanpa kin wanyake cin heon takudan kaxeye kte xni.
10. Tuwe hanyen mani kinhan hee taku kaxeye kta, iyo-yanpa wanyake xni kin heon, Jesus ewicakiya.
11. Taokiye kin owicakiye cin icunhan, Lazaros koda un-yanpi qon ixtima, ekta mde ça mdurice kta, Jesus ewicakiya.
12. Itancan, ixtima hecinhan he asni kta e hececa, taokiye kin eciyapi.
13. He wanna ta e Jesus heya, tuka ixtimapi heca ke-cinpi.
14. Unkan hehan ataninyan, Lazaros wanna ta, Jesus ewica-kiya.
15. He icunhan hen waun xni kin heon niyepi en wimdu-xkin, hecen on wicayadapi kta. Ho po ekta unyanpi kta.
16. Tomas Didumos eciyapi taokiye umanpi kin hewicakiya, Ekta unyanpi qa kici unṭapi kta.
17. Rapi kin etanhan itopa can hehan Jesus en i.
18. Jerusalem Betani he wi-yutapi nom icihehanyan.
19. Marta Mariya kici yu-kanpi en Juda oyate wicota ma-gaga ye wicaipi, hunkawanji-ṭkupi ṭe cin he.
20. Jesus en ya unkan Marta itkokipa qa Mariya e ti mahen iyotanka yanka.
21. Itancan den yaun unkanx mihunkawanji ṭe kte xni tuka;
22. Detanhan taku owasin Wakantanka yakida kinhan Wa-kantanka niçu kta e sdonwaya, Marta Jesus eciya.
23. Nihunkawanji ekicetu kta, Jesus eciya.
24. Eya anpetu ilankeya kin hehan ekicetu kta e sdonwaya, Marta eva.
25. Woekicetu qa wiconi kin he miye, tuwe wicamada kinhan toke rin ta exta ni kta.
26. Tuwe ni un kin he wica-mada kinhan icimana ṭe kte xni; heon wicayada he, Jesus eciya.
27. Itancan, han, wicawada, Wakantanka Cihintku makata hi kta evapi qon he niye, eciya.
28. Hena hecen eciya hehan

hde ça tawinortin Mariya anarbeyahan heciya, Itancan qon den un qa nico ce, eciya.

29. Mariya he naron iheya unkan orankoya najin hiyaye ça ekta ya.

30. Jesus otonwe kin ehan i xni ocowasin, eya Marta wanyake ciqon he en un.

31. Juda oyate Mariya kici yukanpi qa magagaya he icunhan orankoya najin iyaye cin he wanyakapi, unkan ihakam iyayapi qa, Wicaxta hnakapi ekta ceye kta e ekta ya, eyapi.

32. Jesus najin kin Mariya ehan i qa wanyake ça ihukuya canpexka makehde erpeiçiye ça, Itancan den yaun unkanx mi-hunkawanji ƙe kte xni tuka, eciya.

33. Mariya ceye cin he Jesus wanyake ça Juda wicaxta kici ipi kin hena nakun ceyapi, unkan iye atayedan comnihdazi qa irniyanyan.

34. Tokiya eyahnakapi he, eya. Unkan, Itancan ekta u qa wanyaka ye, eciyapi.

35. Jesus ceya.

36. Wanyaka po, ehan qon waxte dake rinca ce, Juda wicaxta eyapi.

37. Wicaxta ixta aohduta ee kaex yukawa wicaxta kin de ni un kiyapi okihi kta naceca, wicaxta wanjikji eyapi.

38. Ake Jesus iye atayedan comnihdazi qa wicaxta hnakapi kin en ya. He inniya ordoka ohna hnakapi qa inyan wan tanka aokaƙinƙapi.

39. Inyan kin de tokan iyeya po, Jesus eya. Wicaxta ƙe cin tawinortin Marta heciya, Itancan wanna topa can yanka e xicamba.

40. Wicayada kinhan Wakantanka towitan wandake kta ce eciciye ciqon, Jesus eciya.

41. Inyan kin-tokan iyeyapi; wicaxta ƙa wanke cin etanhan. Jesus wankan marpiya kin ekta etonwe ça, Ate ciyawaxte, namayaron kin heon.

42. Namayaron kin he sdonwakiya, wicaxta hnakapi kin de en mitan okxan najinpi kin de on he niye u mayaxi kin wicadapi kta e on hepe.

43. Hecen eye ça hehan, Lazaros nunke cin hetanhan tankata hninanpa wo, awitukadan hoyekiya qa eya.

44. Unkan wicaxta ƙe cin tankata hninanpa, siha nape ko partapi qa ite opemni tonpi kin hena ecehna. Kiyuxkapi qa ayuxtan po, iyaye kta, Jesus eya.

45. Juda wicaxta Mariya kici ipi qon hena Jesus taku econ kin he wanyakapi unkan wicota wicadapi.

46. Tuka wanjikji hdapi qa

Parisiyan ekta wicakipi qa Jesus taku econ kin he hoxi wicakakipi.

47. Unkan Woxnapi kagapi Parisiyan ko mniciyapi qa, Token econkupi kta he, eya akiiapi; Wicaxta kin he taku wapetokeca ota econ kin, eyapi.

48. Iyowinye unkiyapi kinhan wicaxta owasin wicadapi kta, kinahan Roma oyate kin den upi kta qa otonwe kin de unkasotapi qa nakun unkitaoyatepi kin hena ko.

49. Woxnapi kagapi itancan kin he Kaipas eciyapi, Takudan tanyan oyakarnigapi xni.

50. Kaken e awacanipi xni, wicaxta wanjidan oyate on te cinhan hecen on oyate kin wicate kte xni hee iyecetu kta, ewicakiya.

51. Iye etanhan on hecen eye xni, omaka kin he Woxnapi kagapi itancan kin hee on heya, Jesus oyate kin heon te kte cin he iyukeanyan heya.

52. Oyate wanjidan kte xni, qa Wakantanka cincapi omdecahe cin hena ko owasin wanjidakniya kiwitaye kta.

53. Anpetu kin hetanhan witaya akiiapi, Jesus te yapi kta he kapi.

54. Heon etanhan Juda oyate en Jesus iyotan atanin içiye xni, makoce wan rewoskan ikiyadan

han otonwe wan Epayim eciyapi he ekta ya, qa taokiye om he en un.

55. Anpetu wan en Juda oyate woxnapi kagapi wanna ikiyadan aya unkan wanna kayehan oyate ota Jerusalem en kata iheya aya, woxnapi kte cin itokam piiçiyapi kta.

56. Jesus akitapi qa tipi wakan kin ohna iyakitedan hekiçiyapi, Ex omniciye kin he en u kte xni he, eyapi.

57. Woxnapi kagapi tankapi qa Parisiyan ko wakiconzapi, tuwe Jesus wanyake cinhan yaotanin kta qa kaxkapi kta.

WICOWOYAKE 12.

1. Woxnapi kagapi anpetu kin he itokam anpetu xakpe he en Jesus Betani otonwe en Lazaros un, he wicaxta ta tuka ekicetu qon he, Jesus he en i.

2. Rtayetu wotapi kicagapi qa Marta wapamni qa kici wotapi kin he Lazaros opa.

3. Mariya wihdi wan waxtemna qa taku ota iyopeyapi, tke utapi wanjidan icu qa on Jesus siha kin sda kiye ça iye paha kin on siha kipakinta unkan ecamna kin tipi kin ojudan.

4. Simon cihintku Judas Iskariot eciyapi, taokiye kin he wanji ee, wiyopeye kte ciquon he hee;

5. He tokeca e wilhdi kin maza ska opawinge yamni iyo-
peyapi qa wowarpanica wicaqu-
pi kin hee hecetu kta tuka *decen*
ecanon, eya.

6. He wamanon heca qa maza
ska opiye yuhe ça ohna maza
ska omnayan, heon hecen eya,
wowarpanica kin icantowica-
hnake cin heon heye xni.

7. Hecen eye xni wo, anpetu
wan mahnakapi kte cin he en
amayuhe cin hee ce.

8. Tokexta wowarpenica ohi-
ni wicaduhapi kta qa niye e
ohiniyan mayaduhapi kte xni,
Jesus eya.

9. Ieunhan Juda wicaxta ota
en ipi, Jesus wanyag ipi qa La-
zaros nakun wanyakapi kta.

10. Woxnapi kagapi tankapi
Lazaros nakun ƚe ya wacinpi.

11. Juda oyate wanna apa
Lazaros he on hdureyapapi qa
Jesus wicadapi kin heon.

12. Ihankayetu kin woxnapi
kagapi kin anpetu kin en wicaxta
ota kata hiheya, icunhan Jesus
Jerusalem etkiya u naronpi.

13. Unkan owasin otoiyohi
canraka yuhapi qa itkokim ya-
pi; Hosanna, Owihanke Wanica
Juda oyate Wicaxtayatapi caje
on u kin he yawakanpi kta, pan-
yehan eyapi.

14. Xuktanka xonxona wan

Jesus iyeya unkan akan iyotan-
ka, hecen wowapi kagapi qon;

15. Ziyon cunwintku ihnu-
han koyakipe cin, wanna Wi-
caxtayatapi nitawa xunka xon-
xona cinca wan akan yanke ça
u ce.

16. Taokiye kin hecetu kte
ciqon he sdonyapi xni, Jesus
yutanpi kin he hecetu kta e ecen
wowapi kagapi qon wanna owa-
sin ecetu, unkan hehan kiks-
uyapi.

17. Wicaxta kicicapi kin o-
wasin Lazaros ƚe ça hnakapi
tuka kipan unkan ekicetu ye ci-
qon hen yaotaninpi.

18. Heon oyate kin itkokipa-
pi, taku wapetokeca tanka wan
econ naronpi kin heon.

19. Wanyaka po, takudan
ohiyayapi xni, wanna wicaxta
kin owasin *Jesus* en iwicayopta,
Parisiyan iyakitedan ekiciyapi.

20. Oyate wan Helenes ewi-
cakiyapi etanhanpi eya wanna
woxnapi kagapi icunhan itawan-
kanhde yapi qa ohodapi kta.

21. Pilipos Galile makoce
Betsada otonwe etanhan he en
ipi qa, Itancan, Jesus wanyakapi
uncinpi, eciyapi.

22. Pilipos u qa Andre oki-
yaka, qa Pilipos Andre kici Je-
sus okiyakapi.

23. Wicaxta kin Cihintku an-

petu wan en yutanpi kta eyapi qon wanna hi, Jesus ewicakiya.

24. Aguyapi su kin maka e-
kta erpeyapi te xni kinhan ixnana
un kta, te cinhan ota icar ye kta,
wowicake wowicake hecen eci-
ciyapi.

25. Tuwe wiconi kin den
waxte kida kinhan toki erpeye
kta, qa tuwe maka kin den wi-
coni xice kida kinhan hee owi-
hanke wanin wiconi ekta akpa-
tan kta.

26. Tuwe wowidag waye kta
hecinhan mihakam un kta, kin-
han tokiya wai kinhan ix ekta i
kta; qa tuwe wowidag waye kte
cin he Ate wicaxta kin he yuo-
nihan kta.

27. Token epe kta he; wan-
na minagi kin nagiyeypapi. Ate
anpetu kin de en emahdaku wo.
Tuka anpetu kin he de en on
wahi.

28. Ate nicaje kin hdutan wo.
Unkan marpiya kin eciyatanhan
wicaho wan u qa, Wanna eya
micaje kin wahdutan nakun wa-
hdutan kta, eya.

29. Wicaxta en najinpi kin
he naronpi qa, He wakinyan
hoton, eyapi. Marpiya ohnihde
heca e okiya ce, apa eyapi.

30. Wicaho kin de miye ma-
ke xni, he niye nicapi.

31. Wanna oyate wicayacopi

qa maka akan itancan kin nape
yapi.

32. Qa tohan maka kin detan-
han wankan emahdepi kinhan
wicaxta kin owasin miye en iwi-
cawacu kta, Jesus eya.

33. Wiconte kin tukte on te
kte cin he ka e hecen eya.

34. Wokonze eciyatanhan
Mesiya owihanke wanin un kta
eyapi naunronpi, token he yaka,
Wicaxta kin Cihintku wankan
ehdepi kta ce, ehe cin he; Wi-
caxta kin Cihintku kin he tuwe,
oyate kin eciyapi.

35. Iyoyanpa kin ehake cisti-
yedani nicipi un; iyoyanpa kin
en omani po, otpaze cin iyapa-
xtag niyanpi nace; tuwe otpaza
icunhan omani kin he tokiya ye
cin sdonye xni.

36. Iyoyanpa duhapi kin en
iyoyanpa kin he wicada po, he-
cen on iyoyanpa cinca niyanpi
kta ce, Jesus ewicakiya, Jesus
hecen eye ça hehan iyaye ça
inarbe wicakiya.

37. Taku wapetokeca ota econ
qa wanyag wicaya, heca tuka
wicadapi xni.

38. Esayas wokcan qon he
woyake ciqon wanna ecetu; Je-
howa rupahu yutancopidan kta
unkeyapi qon tuwe on heconpi
he qa unkoçyakapi qon tuwe wi-
cada he.

39. Esayas nakun woyake cin heon token wowicada xni he. woyaco en un; anpetu ihankeya

40. Ixta gonge wicaye ça kin heci mioie kin den enape waye cin he iye yaco kte cin ee.

49. Miye cinka decen oie waye xni. Ate yapi u maxi kin hena hecen eye makiya heon etanhan iwae cin dena owakihi.

41. Towitan kin he Esayas wanyake cin heon etanhan hena hecen ekiciya. 50. Toope kin he owihanke wanin wiconi e sdonwaya. To-

42. Itancanpi wanjikji he icunhan wanna wicadapi tuka yaotaninpi xni, tipi wakan etanhan Parisiyan nape wicayapi kte cin heon etanhan.

43. Wicaxta akantu wowitan kin he iyotan dapi qa Wakan-tanka towitan kin e iyotan dapi xni.

44. Tuwe wicamada kin he miye make xni, tuwe u maxi kin he iye ka, Jesus panyehan eya.

45. Tuwe wanmayake cin he nakun tuwe u maxi kin he wan-yaka.

46. Iyoyanpa kin he miye e maka kin de iyoyam waye kta wahi, qa tuwe wicamada kinhan he otpaza en ounye kte xni.

47. Tuwe mioie kin de naron wicada xni exta mdaco xni; wa-yacopi kin heon wahi xni, wani-yapi kin hee on wahi.

48. Tuwe erpemaye cin mi-

oie kin akta xni kin he wanna woyaco en un; anpetu ihankeya kin heci mioie kin den enape waye cin he iye yaco kte cin ee.

49. Miye cinka decen oie waye xni. Ate yapi u maxi kin hena hecen eye makiya heon etanhan iwae cin dena owakihi.

50. Toope kin he owihanke wanin wiconi e sdonwaya. To-

WICOWOYAKE 13.

1. Anpetu en woxnap i kaga-pi ece kin itokam anpetu qon wanna hiyohi he en maka kin detanhan iyaye kta, Atkuku e-ktakiya hde kta Jesus sdonkiya, apa waxte wicadaka he owihan-keta hehanyan waxte wicaki-daka.

2. Judas Iskariot Simon ci-hintku kin hee kta, Jesus wiyo-peye kte cin Wakanxica wanna he ehanna cante kin hecen ozeye kiya.

3. Wotapi ayaxtanpi kin he-han Jesus Atkuku taku owasin tawa kiye ciquon he sdonkiya un, Wakantanka eciyatanhan hi qa ake Wakantanka ekta hde kta.

4. Wotapi etanhan najin qa xina ekihnaka qa napipakinte-wan icu qa ipiyaka.

5. Qa hehan mini wakxica en okaxtan qa taakiye siha wicakiyujaja qa napipakinte wan ipiyake ciquon heon siha kin wicakipakinta.

6. Simon Inyan ehan ahi unkan, Itancan niye siha mayakidujaja kta he, *Simon* eciya.

7. Taku ecamon kin de nakaha sdonyaye xni, ihakamya de sdonyaye kta, Jesus eya.

8. Icimana siha mayakidujaja kte xni, ake Inyan eciya. Ciciyujaja xni kinhan takudan on miyecica kte xni, Jesus eya.

9. Itancan siha kin eceedan kte xni, minape pa ko ecamicon wo, Simon Inyan eya.

10. Tuwe siha kiyujajapi kinhan heceedankiya exta on tancan kin ocowasin yutecapi. Wanna nitecapi tuka owasin nitecapi xni, Jesus eya.

11. He etanhan wanji wiyo-peye kte cin he sdonkiya heon etanhan, Owasin nitecapi xni ce, ewicakiya.

12. Siha wicakiyujaja yuxtan kin hehan xina ehdaku qa hdown qa iyotanke ça, Taku tokaciconpi kin de sdonyayapi he, ewicakiya.

13. Owihanke Wanica Itancan emayakiyapi kin he wicayakapi, he miye e hehapi.

14. Owihanke mawanice ça Imatancan tuka siha ciciyujajapi

heon etanhan nix eya otoiyo hi siha kin yeciuyajapi kta.

15. Waonspeciciyapi kin he nix he iyecen ecanonpi kta e hecaciconpi.

16. Ookiye unpi kin he Itancan kin iyakapapi xni, qa tuwe u xipi kin he tuwe u xi hecinhan he ix iye kapa xni, wowicake wowicake eciyatanhan eciciyapi.

17. Taku kin he sdonyayapi kin nina pida niçiyapi qa ecanonpi kinhan waxte kta.

18. Iwae cin de owasin cicapi xni, tona cicarnigapi kin he wicawaka. Tuka wowapi en kagapi qon iyecetu kte cin wanna dehantu, Tuwe kici wawata tuka siha kin yuwankan ehdaku qa icantamahde.

19. Taku kin hena itokamya eciciyapi kinhan qa hehan ecetu kinhan hecen on tuwe miye kin sdonmayayapi kta.

20. Tuwe tokiya ye wakiye cin tuwe iyowinkiyeye cinhan he miye e iyowinmaye kta, qa tuwe iyowinmaye cinhan he tuwe u maxi kin he iyowinkiya, wowicake wowicake eciyatanhan eciciyapi.

21. Jesus hena hecen eye ça hehan toksape kin ekta iyahde içiya qa, De dukanpi kin etanhan wanji wiyopemayayapi kta e sdonwakiya, wowicake wowi-

cake eciyatanhan ataninyan eciyapi.

22. Hecen eya unkan taokiye kin owasin iyoyag wicaye ça otoiyohi opakicirta yukanpi, tuka wanji tukte ke cin he sdon-yapi xni.

23. Jesus taokiye kin wanji nina waxte kidake ciqon he eca maku kin en makan iwanka.

24. Simon Inyan he wikiyuta qa wanji tukte he wicake cin he iwange xi.

25. Unkan hehan piya rin Jesus maku kin ihukuya iwanke ça, Itanean he tuwe he, eya.

26. Wanji tukte rpanyanpi onxpa waqu kinhan hee kta, Jesus eya. Heye ça onxpa rpanye ça Judas Iskariot eciyapi Simon cihintku he qu.

27. Judas icu unkan Satan tancan kin mahen iyaya. Taku ecanon kte cin koyaran wo, Jesus eciya.

28. Wahna wotapi ihdukxan yukanpi kin eye cin he okarnigapi xni.

29. Judas maza ska opiye yuhe cin he etanhan woxnap i kta on taku opeton xi kecinpi qa taku warpanica wicaqu xi nakun kecinpi.

30. Judas rpanyanpi qu unkan icu qa hecehna tankan iyaya; wanna hehan hanyetu.

31. Judas tankan iyaya he-

han, Wanna Wicaxta kin Cihintku yutanpi qa Wakantanka iye eciyatanhan yutanpi, Jesus eya.

32. Wakantanka eciyatanhan yutanpi hecinhan hehan ix Wakantanka iye eciyatanhan atayedan hdutan kta, yutan kte cin he tokata ihan.

33. Hokxiyoqopa ehake ptenyedan ocipapi kta. Amayakitapi exta tokiya mde cin ekta yapi oyakihipi kte xni, Juda oyate hecen ewicawakiye ciqon nix ecen eciciyapi.

34. Woahope teca wan ciçup i kta, otoiyohi waxte kicida po; waxte ciciidapi kin iyecen otoiyohi waxte kicida po.

35. Heon taku owasin sdonye kta, taokiye ciyapi kin, otoiyohi iyokipi yeciyapi kinhan.

36. Itanean, tokiya de kta he, Simon Inyan eya. Tokiya mde cin ekta de kta exta nakaha oyakihi kte xni, tuka ihakamya mihektam yau kta, Jesus eciya.

37. Itanean, wiconi mduhe cin he niye on erpewaye kta owakihi kin he tokeca nakaha cihakam waun kta exta owakihi kte xni he, Inyan eya.

38. Miye on wiconi nitawa erpeyaye kta kehe cin, anpa ohotanna hoton he itokam yamni inamayatan kta, Jesus eciya.

Wiyatke ohna Ate taku maqu hinajin qa petixkanpi, unkan In-kin he mdatke kte xni he, Jesus yan ix en ope ça petixkan. Inyan eciya.

12. Juda oyate akicita tancan, akicita eyanpaha akicita ikcedan ko Jesus yuzapi qa partapi.

13. Wanji tokaheya en kaipi Annas hee omaka kin he en Wo-xnapi kagapi itancan he tunkan-ku Kaipas eciyapi.

14. Wicaxta wanjidan oyate kin en ɽe cinhan hecedan exta on hecetu kta, Juda oyate iwahokonwicakiye ciqon he Kaipas ee.

15. Inyan taokiye kin wanji kici Jesus ihakam yapi; tuka Woxnapi kagapi itancan kin he taokiye ya e sdonya. Woxnapi kagapi itancan ti kin itankan a-conkaxke he cin mahen Jesus ihakam iyaya.

16. Tuka Inyan e tankan tiyopa kin en najin. Taokiye uma, tin iyaye ciqon he, tankan hiyu qa tiyopa awanyake cin he okiye ça Inyan tin iyaye ya.

17. Winyan wowidag yapi kin heca e he tiyopa kin awanyag kiyapi, Taokiye kin he wanji niye he, Inyan eciya. Unkan, Hiya, hemaca xni ce, eya.

18. Akicita eyanpaha wowidag wicayapi ko hen najinpi, sni hdapi qa cetipi unkan he en

hinajin qa petixkanpi, unkan In-yan ix en ope ça petixkan.

19. He icunhan Woxnapi kagapi itancan Jesus wiwanga; taokiye wicaye cin heon qa ix iye woecan tawa kin he nakun.

20. Omniciye tipi etu qa tipi wakan ko en ataninyan iwae ça Juda oyate owicawakiye ça wonspewicawakiya ece qon qa takudan anawarbe xni, Jesus eya.

21. Taku on wimayanungapi he, token oie waye cin tona naronpi kin hee wiwicawanga po, he token epe cin he sdonyapi ce.

22. Heya, unkan akicita eyanpaha wan en najin qa Jesus apa qa, Unkan hecetu ecen on Woxnapi kagapi itancan kin hecen oyakiya he, eciya.

23. Xicaya iwaa hecinhan qa token epe cin he xica hecinhan yutanin wo, qa tanyan iwaa hecinhan he token e amayapa he, Jesus eya.

24. Partapi qa Annas Kaipas Woxnapi kagapi itancan ekta aye wicakiye ciqon.

25. He icunhan Simon Inyan petixkan. Unkan heciyapi, Taokiye wicaye cin he wanji niye. Tuka anakirbe ça, Hemaca xni ce, eya.

26. Woxnapi kagapi itancan kin wowidake tawa wan Inyan

noge kaxpe ciqon he takuya, Wojupi kin en kici yaun wanci-yake ciqon, eciya.

27. Tuka ake Inyan anaki-rman, unkan he icunhan anpa ohotona wan hoton.

28. Ihanrana kin hehan Kai-pas etanhan woyaco tipi en Jesus aipi. Woyaco tipi kin he en ipi xni, ihduxape kapinpi hecen woxnapi kin etanhan yutapi kte xni kin heon.

29. Pilate tankata hinanpe ça en wicau qa, Wicaxta kin de taku e iyayaonpapi he, ewicakiya.

30. Wicaxta kin de oran xice xni unkanx unnicahipi kte xni tuka, eyapi.

31. Taku e on niye eyaku po qa wayeconzapi kin eciyatanhan niye yaco po, Pilate ewicakiya. Wicaxta te yapi unkiye unkokihipi xni, Juda wicaxta eyapi.

32. Hena ee Jesus wapetog-ton qa eye ciqon wanna owasin ecetu, token wiconte on te kte cin he.

33. Woyaco tipi timahen Pilate kihde ça Jesus en au wicakiye ça, Juda oyate wicaxtaya-tapi qon he niye he, eciya.

34. Niye atayedan opiniçiye cin eciyatanhan hemayakiya qa inx tuwe tokeca hecen eye nixi, uma tukte ee he, Jesus eya.

35. Juda wicaxta hemaca he;

nitaoyate kin etanhan Woxnapi kagapi tankapi kin he iye miye en anihipi, token oyaranda he, Pilate eya.

36. Wicoxkanxkan mitawa kin he oyate kin detanhan xni; wicoxkanxkan mitawa kin he detanhan unkanx mitaoyate kin imakiyapi qa Juda oyate makaxkapi kte xni tuka. Wicoxkanxkan mitawa kin he kuya den un xni, Jesus eya.

37. Wicaxtayatapi kin heni-ca he, Pilate eya. Hecetu e ecen eha, wicaxtayatapi kin hemaca kta e on matonpi qa oyate kin de ekta wicawahi, wowicake eciyatanhan waayatanin wahi. Tuwe wowicake eciyatanhan un kinhan mioie anagoptan, Jesus eya.

38. Wowicake kin he taku he, Pilate eya. Hena hecen oie ya unkan Pilate tankata inanpe ça Juda oyate en wicaye ça, Wicaxta kin he taku xica econ takudan iyewaye xni, ewicakiya.

39. Wicoran duhapi kin heciya tanhan anpetu woxnapi kagapi ehan unkipi eca tuwe kaxka knakapi kex wakiyuxka ece qon. Juda oyate wicaxtayatapi kin de wakiyuxke cinhan hecetu kta he, Pilate eya.

40. Unkan ake owasin owan-caya panyehan, Dee kte xni,

WICOWOYAKE 14.

1. Nicantepi kin hdukinukan-pi xni po; Wakantanka kin he awacanipi, mix nakun amawacin po.

2. Ate ti kin otakiya ounyan-pi kta e yanka, he hecece xni unkanx ociciyakapi kta tuka; e- kta wahde ça owasin akta wiyeya cihnakapi kta.

3. Ekta waki qa owasin wi- yeya imduxtan qa hehan ake wahi kta qa hehan miyeci ekta yaipi kinhan en waun qa nix en yaunpi kta.

4. Tokiya mde cin he sdon- yayapi qa canku kin he nakun sdonyayapi.

5. Itancan, tokiya de cin sdon- unyanpi xni, tokiya tanhan he canku kin he sdonunyanpi kta e heha he, Tomas eya.

6. Canku wowicake wiconi kin he miye; tuwedan iye cinka Ate iyohi kte xni, miye eciya- tanhan ecedan iyohi yapi.

7. Sdonmayayapi kinhan na- kun Ate waye cin sdonyayapi kta qa wanna wandakapi qa sdon- yayapi, Jesus eya.

8. Itancan, Ate yaye cin wan- yag unyan po, hecen iunmnanpi kta, Pilipos eya.

9. Wanna wanakaja tanhan ciciya waun tuka naharin maya- nuni; Pilipos tuwe wanmayake cin he Ate waye cin wanyaka,

token he yaka he, Ate yaye cin wanyag unyan po, eha he, Jesus eya.

10. Ate waye cin he wecica qa Ate waye cin he micica kin he wicayada xni he. Wicoie eciciyapi kin dena miye cinka eciciyapi xni; Ate waye micica kin he wicoran ecamon kin hena iye he econ.

11. Ate waye cin he wecica qa Ate waye cin he micica he wicamada po, qa wicayadapi xni exta wicoran ecamon kin heon wicamada po.

12. Tuwe wicamada kin he wicoran ecamon kin hena ix iye- cen econ kta, miye qe wanna Ate ekta wahde kta, wowicake wowicake eciyatanhan eciciyapi.

13. Micaje kin on taku yada- pi kinhan ecen ecamon kta, Ate waye cin wowitan ecawecicon kta.

14. Taku wanji micaje on yadapi kinhan ecen ecamon kta.

15. Waxte mayadapika he- cinhan mitawoahope kin tanyan yuha po.

16. Ate waye cin cewakiye ça wanji tokeca nicanpta niçu qa owihanke wanin nicipi un kta.

17. Woksape wowicake kin he oyate kin he sdonyapi xni qa yuhepica xni, tohini wanyakapi

xni kin heon; tuka niye kici yaunpi qa nici unpi kte cin heon sdonyayapi.

18. Wamidenica erpeciyapi kte xni, ake cihdiyohipi kta.

19. Wanna ptenyedat kinhan oyate wanmayakapi kte xni, tuka niye wanmayadakapi kta, wani waun qa nix yani yaunpi kte cin heon.

20. Anpetu kin he en sdonmayayapi kta, Ate waye cin he wecica qa nix miyecicapi qa mix ocic'apapi.

21. Tuwe mitawoahope waxte dake ça yuhe cin he waxte madake cin ee; tuwe waxte madake cinhan Ate waye cin waxte dake wakiye ça mix waxte wadake kta qa iye eciyatanhan sdonmaye waye kta.

22. He tokeca Itancan, unkinxana sdonniye unyayapi kta he qa oyate kin sdonniyanpi kte xni, Judas (Iskariot ope kte xni) eya.

23. Tuwe waxte madake cinhan mioie kin yuhe kta qa Ate waye cin waxte dake kta qa tukten un kinhan en unhipi kta qa ti kin en kici unyakonpi kta.

24. Tuwe waxte madake xni kin he mioie kin yuhe xni. Wicoie nayaranpi kin de miye xni, Ate waye u maxi kin he iye.

25. Ocipapi kin en taku kin hena heciciyapi.

26. Wicakicanpte wan Ate waye cin micaje on u xi kta qa taku owasin onspeniciyapi kta, qa on ohiniyan amawacin niyanpi kta, taku eciciyapi kin dena.

27. Wokiyapi airpeciyapi; wookiye mitawa ciçupi: wicaxta akantu kiciçupi he iyecece xni. Nicantepi kin ekta ihnuhan taku itonyapapi qa ikoyapapi kin.

28. Wahde ça ake en ciçupi kta eciciyapi kin he wanna nayaranpi. Waxte mayadapi kinhan iduxkinpi kta; Ate waye cin ekta wahde kta epe cin he; Ate waye cin he iye mikapeya tanka.

29. Nakaha hena heciciyapi, taku kin itokam; tohan he hiyohi kinhan hehan wicayadapi kta.

30. Maka akan itancan kin wanna kiyadan u, tuka miye en takudan kihdege kte xni, he etanhan ito henana eciciyapi kta.

31. Ate waye cin waxte wakida heon taku emakiye cin owasin ecen ecawecicon, heciyatanhan oyate sdonyapi kta. Najin po, detanhan icunonpa unyanpi kta.

WICOWOYAKE 15.

1. Hastanhanka iyuwi wowi-
cake kin he miye, qa Ate waye
cin he hastanhanka iyuwi ki-
canye cin ee.

2. Adetka tona miye on wa-
skuyeca icar ye xni kin hena
yupxun. Adetka tona wasku-
yeca icar ye cin henana pakinta
qa hecen on waskuyeca ota icar
ye kta.

3. Eya wanna nipakintapi
wicoie ociciyakapi qon heon.

4. Mici un po qa mix hecen
ocipapi waun kta. Hastanhan-
ka iyuwi adetka tona wiyuwi
kici iciyahde kin hena waskuye-
ca tanyan icar ya, he etanhan
mix miyeci yaunpi kinhan wa-
skueca icar yayapi kta.

5. Hastanhanka iyuwi kin
he miye, adetka ciyapi. Tuwe
mici un qa ix kici waun kin he
waskuyeca ota icar ya; miye
kin en icunonpa yaunpi kinhan
takudan oyakhipi kte xni.

6. Tuwe mici un xni kinhan
adetka, yupxunpi qon he iye-
cen tankan erpeyapi, adetka kin
he xeca eca icupi qa peta en
aonpapi eca rurnaga ece.

7. Miyeci yaunpi qa mioie
kin he nicipi un kinhan taku
tona yacinpi kin hena yadapi
kinhan ecen ecaniconpi kta.

8. Waskuyeca ota icar yayapi
kinhan Ate waye cin nina yutan-

pi kta qa heciya tanhan taokiye
ciyapi kta.

9. Ate waye cin token waxte
makida kin he iyecen waxte ci-
cidapi; mitowaxte kin he kici
un po.

10. Mitawoahope kin he du-
hapi kinhan mitowaxte kin he
kici yaunpi kta; Ate tawoahope
mduhe cin heon towaxte kin
kici waun.

11. Taku eciciyapi kin dena
on mitowiyuxkin kin nicipi un
kta e, qa nitowiyuxkinpi kin he
ecetu niciciyapi kta.

12. Mitawoahope kin detan-
han, otoiyohi waxte yecidapi
kta, waxte cicidapi kin he iye-
cen.

13. Tuwe taku takuya on
wiconi erpekiye cin he tuwedan
wowaxte he kapeya yuhe xni.

14. Taku eciciyapi kin owa-
sin ecen ecanonpi kinhan taku-
ciyapi kta.

15. Ookiye wicayapi wanna
eciciyapi xni; ookiye yapi un
kin he Itancan ye cin taku econ
kex sdonye xni. Takuciyapi
eciciyapi; Ate waye cin tona
naron maye cin owasin sdonye
ciciyapi kin heon.

16. Niye he mayakarnigapi
xni, miye cicarnigapi qa ciyusu-
tapi qa token dapi kin wasku-
yeca icar yayapi kin he ohini-
yan ye kta; qa micaje on Ate

waye cin taku yakidapi kinhan niçupi kta.

17. Otoiyo hi waxte kieida po, he iwahokonciciyapi ce.

18. Oyate kin xice nidapika exta he itokam miye xice madapike ciqon he kiksuya po.

19. Oyate enitanhanpi kinhan oyate kin taku iye tawapi waxte kidapi kta, tuka oyate kin heni-tanhanpi xni, niye oyate kin etanhan cicarnigapi kin heon oyate kin xice nidapi.

20. Wicoie wan eciciyapi qon he kiksuya po, Ookiye yapi un kin he Itancan yuhe cin kakipe ça iyotan tanka xni. Xicaya makuwapi hecinhan nix oyate kin xicaya nicuwapi kta qa mioie yuhapi hecinhan nix nioie kin niyuhapi kta.

21. Micaje kin heon hena owasin hecen nicuwapi kta, tuwe u maxi kin he sdonyapi xni heon etanhan.

22. Wahi xni qa owicawakiye xni kinhan woartani nicapi kta tuka, tuka detanhan woartani woanapte nicapi kta.

23. Tuwe xice madake cin he nakun Ate waye cin xice daka.

24. Wicoran tuwedan hecen econ xni iyecen ecawicawecon xni unkanx woartani nicapi kta tuka, tuka wanna wanmayakapi kin heon xice madapike ça

Ate waye cin nakun xice dadapika.

25. Takudan iyaonpepica xni un xice madapika, woope yuhapi kin en wicoie wowapi en kagapi qon wanna iyecetu.

26. Wicakicanpte wan tohan Ate waye cin etanhan u waxi qa en nibiyohipi kinhan he Wowicake Woksape ee, he iye Ate waye cin etanhan qa omayake kte cin hee.

27. Nakun nix omayadakapi kta, toka ehantanhan miyahna yaunpi qon heon.

WICOWOYAKE 16.

1. Taku kin hena heciciyapi heon iyakaptapi kte xni.

2. Tipi wakan kin en iyonici pi kte xni qa nakun eex tokata yeye cin ekta te niyanpi kta econpi kta qa heon Wakantanka iyokipi yapi kta hecinpi.

3. Ate waye cin sdonyapi xni qa mix nakun sdonmayanpi xni he etanhan henakiya hecen ecanionpi kta.

4. Tohan ehan yaipi qa owasin ecetu kinhan wociciyakapi kin hena yeksuyapi kta. Opeya ciunpi kin he etanhan otokahe ekta dena eciciyapi xni.

5. Wanna tuwe u maxi hecinhan he ekta wahde kta, wanjidan, Tokiya de kta he, emayakiyapi xni.

6. Taku ociciyakapi kin dena on nicantepi kin ekta iyoniyakapi.

7. Wowicake eciciyapi, wahde cinhan heon taku iyonieipipi kta, wahde xni kinhan iniciyapi kin hi kte xni, tuka wahde ça u waxi kta.

8. Tohan hi kinhan oyate kin woartani, wokonze, woyaco, henakiya sdoney wicaye kta.

9. Wicamadapi xni kin he woartani kin.

10. Nakun wakiconzapi, Ate waye cin ekta wahde kte cin heon, qa icimana wanmayadakapi kte xni.

11. Woyaco kin he oyate kin de itancan un kin he wanna yacopi.

12. Nakun taku ota ociciyakapi naceca tuka hena e qe naharin iyohi yayapi xni nace.

13. Tohan Woksape wowicake he iye hi kinhan wowicake ecedan en owotanna ye niyanpi kta; iye atayedan ie kte xni, tuka taku owasin naron kin hena oyake kta, qa tokata ekta hena oniciyakapi kta.

14. Mayutan kte cin hee kta, taku mitawa ecedan icu qa oniciyakapi kta.

15. Taku Ate tawa kin hena mitawa, he etanhan, Tona mitawa henana icu qa oniciyakapi kta ce, eciciyapi.

16. Wanna wanmayadakapi kte xni kin axkadan ihan, qa hehan ake ikiyedan wanmayadakapi kta, Ate ekta wahde kte cin heon.

17. Taokiye kin iyakitedan hekiciyapi, He token ka hwo, Wanna axkayed an wanmayadakapi kte xni qa hen ikiyedan wanmayadakapi kta, Ate ekta wahde kte cin heon, eye cin he.

18. He token ka he, Axkayed an eye cin; he token ke cin sdonunyanpi xni, eyapi.

19. Jesus he sdoney, wiwan-gapi wacinpi kin hee; Wanna axkayed an wanmayadakapi kte xni qa hen ikiyedan wanmayadakapi kta, epe cin he, he token wake cin he otoiyohi eyeciyapi, ewicakiya.

20. Nihinniçiyapi qa yaceyapi kta, oyate kin he iyuxkinpi kta, wowicake wowicake eciciyapi; iyonieixicapi kta tuka iyonieixicapi kte cin he wowiyuxkin wan iyunwin wan en un kta.

21. Winorinca cinea ton kta eca yazan hda, wanna iyekicihantu kin heon; tuka tohan hokxiyoqopa ton eca rtani qon he kiksuye xni, wicaxta oyate kin den tonpi eca wowiyuxkin ye cin hena.

22. He iyecen nakaha iyokixin dukanpi, tuka ake wanciya-

kapi nicantepi kin wiyuxkin kta, widuxkinpi kte cin he tuwedan nicipi kte xni.

23. Kinhan anpetu kin he en takudan imayanungapi kte xni. Taku micaje on Ate waye cin yakidapi kinhan niçupi kta, wo-wicake on eciciyapi.

24. Naharin dehanyan micaje on takudan yadapi xni. Da po, iyacupi kta, wowiyuxkin ojudan niçiyapi kta.

25. Hena taku iyacinyan he-ciciyapi. Anpetu wan tokata u hehan wiyacinyan ociciyapi kte xni, qa ate eciyatanhan atanin-yan ociciyapi kta.

26. Tohan iyehantu kinhan micaje on taku yadapi kta, tuka Ate waye cin wocekiye eciciya-pi kta, epe xni.

27. Ate iye atayedan waxte nidapika, waxte mayadapike ça Wakantanka eciyatanhan wahi kin he wicayadapi kin heon.

28. Ate waye cin eciyatanhan wahi qa oyate kin de en wica-wahi. Nakaha wanna oyate kin erpewicawaye kta qa Ate ekta wahde kta.

29. Wanna wiyacinyan iyae xni, ataninyan iyaa, taokiyen kin eciyapi.

30. Taku owasin sdonnyaye ça winiwangapi exta hena token ecanon kte xni yaun e nakaha dehan wanunyakapi, he etanhan

Wakantanka eciyatanhan yahi kin he wicaundapi.

31. Nakaha wicayadapi he, Jesus ewicakiya.

32. Taku en mau qon wanna mahiyohi qa enanakiya otioyohi idadapi kta qa mixnana erpema-yayapi kta tuka mixnana waun xni, Ate waye cin he mici un.

33. Wookiye amayaduhapi kta heon etanhan hena heciciya-pi. Oyate kin de en taku wan-jikji xica en yaipi kta, heca exta mnihen içiya po, oyate kin wan-na ohiwicawaye ce.

WICOWOYAKE 17.

1. Jesus hena hecen eye ça hehan pa yuwankan icu qa marpiya kin ekta etonwan qa, Ate Nicinkxi hdutan wo, hecen on Nicinkxi kin nihdutan kta, anpetu wan u qon wanna hiyohiya ce.

2. Oyate hiyeye cin owasin nitowaxake yaqu qon he etanhan wicaxta kin owihanke wanin wiconi wicaqu kta he yaqu qon.

3. Owihanke wanin wiconi kin he detanhan, wanna den sdonniyanpi kta, nixnana Wowicake Wakantanka niye, qa Jesus Mesiya u yaxi qon.

4. Maka kin owancaya ciyutan, qa wicokicanye mayaqu qon wanna owasin wahduxtan.

5. Miye Ate mahdutan wo, wicoicage wanice ein he itokam wowitan niyeci hduha waun qon.

6. Nicaje kin oyate kin den he mayaqu qon owasin en mdatanin. Hena nitawa tuka mayaqu, nioie e qon niciyuhapi.

7. Taku mayaqu kin owasin he niye etanhan u wanna sdon-yapi.

8. Nioie mayaqu qon wanna wicawaqu qa icupi qa niye u mayaxi qa niye eciyatanhan wahi he atayedan sdonyapi qa wicadapi.

9. Wocekiye ewicaweciya, wicaxta kin hena on wocekiye eciciye xni, tona mayaqu kin hena on wocekiye eciciye, hena nitawa kin he etanhan.

10. Taku mitawa kin hena nitawa, qa nix taku nitawa kin hena mitawa, heepi en wowitan waun.

11. Wanna oyate kin dematanhan xni, qa iye e oyate kin en opeya ni unpi, qa miye wanna nitankiyadan waku kta. Ate wakan nicaje kin on dena maya-qu qon hduha wo, hecen unwan-jidan qon ix iyecen wanjidan kta.

12. Oyate kin den om waun kin he icunhan nicaje kin on wicawahduha. Mayaqu qon hena e wicawahduha, qa owasin

erpekiyapi xni, wanjidan wicaxta wayutakuni xni cihintku kin hecedan erpekiyapi, hecen wowapi en un qon wanna iyecetu.

13. Wanna nitankiyadan waku kta, oyate kin den opeya waun kin en ehake hecen eciciya, hecen on mitowiyuxkin kin iyepi en wicawakiyuxtan kta.

14. Nioie wicawaqu heon oyate kin xice wicadapika, oyate kin hetanhanpi xni heon etanhan hececa, oyate dematanhan xni he iyecen.

15. Iyepi on ceciciye cin he oyate kin detanhan ewicayahdaku kta wake xni, taku xice cin en owasin anawicayecipte kta hee waka.

16. Oyate kin de ematanhan xni kin he iyecen ix oyate kin de etanhanpi xni.

17. Wowicake nioie kin on wicayuwakan wo, he wowicake.

18. Oyate kin deci u mayaxi qon he iyecen ix oyate kin ecen ye wicawaxi.

19. Iyepi on miye cinka mi-hduwakan, hecen on wowicake eciyatanhan wakanpi kta.

20. Denana on wocekiye ewicaweciye xni, nakun tona wicoie eciyatanhan wicamadapi kin hena koya.

21. Hecen on wanjipidan kta, niye kin iyecen Ate miyecica qa mix cicica qa hecen ix unkici-

capi kta qa oyate kin niye u mayaxi kin he wicadapi kta.

22. Wowitan mayaqu qon he wanna wicawaqu, hecen on unwanjidan kin iyecen wanjipidan kta.

23. Mici yaun, mix owicawapa, hecen woyuxtan owasin unwanjipidan kta, heciya tanhan niye u mayaxi kin he oyate kin sdonyapi kta qa waxte mayakida kin he iyecen waxte wicayakida.

24. Ate kaken wacin, tokiya waun kte cin de ix dena exta yakonpi kta hena mayaqu qon; wowitan mayaqu qon he wan-yakapi kta, wicoicage kin de itokam waxte mayakida qon.

25. Ate okonwanjidan, oyate kin sdonniyanpi xni ye, tuka miye sdonciye cion, dena ix niye e u mayaxi kin he sdon-yapi.

26. Nicaje kin he sdonye wicawakiya qa nakun sdonye wicawakiye kta. Wawacinkta duza on waxte mayakida qon he dena en un kta qa hecen mix owicawape kta.

WICOWOYAKE 13.

1. Jesus taokiye kin hena hecen ewicakiye ça hehan taokiye om wakpadan wan Kedron eciyapi akasanpa tanhan wojupi wan ehna iyaya.

2. Judas wiyopeye cion he

ix nakun makoce kin he sdonya, Jesus hen taokiye om emniciya ece kin heon.

3. Judas akicita wicoun wan qa akicita tancan ko Woxnapi kagapi Parisiyan tawapi om wipe yuhapi qa petijanjan can itkonya ko yuha Jesus en yapi.

4. Jesus taku hiyahde kte cin owasin sdotkiya, itkowicakipe ça, 'Taku de oyadepi he ewicakiya.

5. Jesus Nazareyon, eyapi. Unkan Jesus, De miye, eya. Judas he wiyopeye cion ee en opa.

6. Jesus, He miye ce, eya unkan icicawin kihdapi qa makata irpayapi.

7. Ake akta iwicawanga, Taku oyadepi he, eya. Unkan, Jesus Nazareyon, eyapi.

8. De miye ce, eciciyapi qon, he miye omayadepi hecinhan dena e qe awicayuxtan po, Jesus eya.

9. Wicoie wan un qon decen on wanna iyecetu, Taku mayaqu kin wanjidan erpewakiye xni.

10. Unkan Inyan maza sagye wan yuhe ça on Woxnapi kagapi itancan ookiye wicaya wan noge etapa eciyatanhan ape ça kaxpa iyeya, ookiye unna kin he Malkos eciyapi.

11. Inyan maza sagye duhe cin he ojuha kin en iyekeya wo;

Barabbas e hee kta, eyapi. Barabbas wicaxta kin he wawicakte sa kin heca.

WICOWOYAKE 19.

1. Unkan Pilate Jesus yuze wicakiye ça kapsinsin wicakiya.

2. Akicita wapepeka wapaha wan kazontapi qa wapaha kiyapi qa xina to wan in kiyapi.

3. Qa, Juda wicaxtayatapi unniyuonihanpi, eciyapi qa nape on apapi.

4. Pilate ake tankan inanpe ça, Dee e tankan cicaupi qa taku kin he decetu, taku xica econ takudan iyewaye xni, ewicakiya.

5. Jesus wapaha kin un qa xina to kin in tokata inanpa, unkan, Wicaxta kin dee ce, Pilate eya.

6. Woxnapi kagapi tankapi heepi akicita wiciyokihe unpi ko yuwitaya wanyag iheyapi, unkan witaya, Icipawer, icipawer okatan po, panyehan eyapi. Nixnana icupi qa icipawer okatan po, miye qe taku xica econ takudan iyewaye xni, Pilate ewicakiya.

7. Wowakiconze wan unhapipi, wowakiconze unhapi kin eciyatanhan Wakantanka Cihintku keiçiye cin heon wiconçe iyahde kta, Juda oyate eyapi.

8. Pilate iapi kin he naron unkan hehan iyotan inihan;

9. Qa woyaco tipi kin timahen kihde ça, Nitokiya tanhan he, Jesus eciya. Tuka Jesus ayupte xni.

10. Amayadupte xni he. Ici-pawer onicatanpi owakihi qa ni-ci-yuxkapi nakun owakihi, he sdonyaye xni he, Pilate eciya.

11. Wankan tanhan taku kin de niçupi xni unkanx takudan on omayakihi kte xni tuka, qa tuwe niye en amahi kin he iye woartani tanka, niye nikapeya un, Jesus eya.

12. Hetanhan Pilate kiyuxkapi akita. Tuka, Hecanon kinhan Kesar takuyaye xni, tuwe iye cinka wicaxtayatapi içicage cinhan he Kesar takuye xni, Juda oyate eyapi.

13. Pilate iapi kin he naron unkan Jesus tankan yuha inanpa qa oiyotanke tawa kin he ohna kiyotanka, inyan mdaya omanipi kin en, he Heberi iapi kin etanhan Gabbata eciyapi.

14. Woxnapi kagapi itokam anpetu piiçiyapi ece kin hetu qa wiyotanhe cin lehantu; Wicaxtayatapi itancan nitawapi kin he dee, Pilate Juda oyate kin ewicakiya.

15. Icuonpa, icuonpa iye-ye ça icipawer okatan wo, panyehan eyapi. Wicaxtayatapi

nitawapi kin de icipawer owakatan kta he, Pilate ewicakiya. Unkan, Wicaxtayatapi itancan tokeca unkitawapi xni, Kesar hecedan, Woxnapi kagapi tan-kapi eyapi.

16. Unkan hehan Jesus icipawer okatanpi kta e wicaqu, Qa Jesus icupi qa ayapi.

17. Can susbeca he Jesus kicin qa Wicapahu makoce Heberi iapi eciyatanhan Golgota eciyapi he en ihdoi.

18. Icipawer okatanpi kin he-tu, wicaxta nom owicapa, itan anokatanhan ewicakdepi qa Jesus okitahedan econpi.

19. Can susbeca intpa kin en, Jesus Nazareyon Juda oyate Wicaxtayatapi Itancan, Pilate eya owa wicakiya.

20. Jesus icipawer okatanpi kin he otonwe kin en ikiyadan qa wowapi kin he Heberi iapi, Helenes iapi, Roma iapi, hena-kiya wicoie kin un owapi e Juda oyate wicota wanyaka.

21. Juda oyate etanhanpi Woxnapi kagapi tankapi kin, Juda oyate Wicaxtayatapi Itancan kin hee ce, eya owa xni wo; Juda oyate Wicaxtayatapi Itancan kin he miye heiçiye cin hee ecen owa wo, Pilate eciyapi.

22. Taku token owawa kin he wanna hecen owawa, Pilate ewicakiya.

23. Akicita Jesus icipawer okatanpi hehan ihakam tawoko-yake icupi qa wopamui tom kagapi, akicita otoiyohi kicipamni-pi qa nakun taxina icupi, xina kin he okagege wanica, wankan ihankeya kin hetanhan qa kun ihankeya kin, qa owancaya okagege wanica.

24. Qa iyakitedan hekiciyapi, Xina kin e ocowasin eunhuakapi kte xni, econkupidan qa yeun-kiyapi qa tuwe ohiye cinhan he yuhe kta. Token kuwapi kta wowapi en kagapi qon wanna iyecetu, Mitawokoyake kicipamni-pi qa mitaxina kin e oecona en yekiyapi, eyapi kin akicita ecen econpi.

25. Jesus hunku tankaku kicica, Mariya Kleopas tawicu qa Mariya Magdalene henakapi can susbeca kin icahda içihnakapi.

26. Jesus hunku wanhdaka qa en icunonpa ikiyadan taokiye wanji iyotan kidake ciqon wanhdaka, unkan, Winorinca nicinkxi kin hee ce, hunku kin eciya.

27. Qa taokiye kin ix, Nihun kin hee ce eciya. Taokiye kin hetanhan iye ti kin ekta aki.

28. Wanna taku kin owasin ecetu Jesus wanyaka qa wowapi en wokage un qon owasin iye-cetu kta, unkan, Imapuza, eya.

29. Mini xkumna wakxica

ejudan en icunhan han; mini xkumna icupi qa nakun mini iyurepe wan en oputkanpi qa peji rota hu wan icam yeyapi qa i kin en qupi.

30. Jesus wanyaka unkan mini xkumna kin icu qa, Taku owasin wanna ecetu, eya, qa pa makata iyeye ça woksape kin hiyu ya.

31. Tancan kin ecen han exta ecen anpetu wakan kinhan en he kte xni, anpetu kin he en piiçiyapi kin heca qa anpetu wakan kin he tanka yawapi; Juda oyate Pilate cekiyapi, hu kin kawegapi qa icupi kte.

32. Itan anokatanhan Jesus kici icipawer owicakatanpi qon akicita tokaheya uman hu kawegapi qa ake uman econpi.

33. Hehan Jesus ehan aipi unkan wanna ça wanyakapi heon hu kin kawegapi xni.

34. Akicita kin wanji wahu-keza wan on cuwi kin en capa, unkan we mini ko au.

35. Tuwe wanyake ça yao-tanin kin he wayaotanin kin he wowicake. Wowicake eye cin he sdotkiya qa hecen on wicayadapi kta.

36. Hena hecetu unkan wicowoyake wowapi en kagapi qon, Hu kin wanjidan kawegapi kte xni qon.

37. Qa nakun icinonpa hecen

wokage, Tuwe pardokapi kin he wanyakapi kta.

38. Hehan ihakam Josep Ari-mateya etanhan Pilate cekiya, Jesus tancan icupi kta on heciya, unkan Pilate ecen ayupta; (he taokiye wanji ee tuka anarbeya, Juda oyate kowicakipe cin heon.) En u qa Jesus tancan kin hdokiyahda.

39. He itokam Nikodemos hanyen Jesus en hi qon hee ix nakun en opa, pejihuta waxtemna ocaje nom icicahiyapi tke utapi opawinge, en yuha hi.

40. Jesus pejihuta waxtemna tancan owancaya iyapemnipi hehan iakan miniruha ska unpi, Juda wicaxta opazuntapi eca he iyecen econpi.

41. Icipawer okatanpi qon he en ikiyadan wojupi wan han, wojupi he cin he en ohna wicaxta hnakapi wan iyuxtan yanka, tuwedan he ohna oonpapi xni.

42. *Anpetu wakan itokam* en Juda oyate piiçiyapi anpetu kin he icunhan ohna wicaxta hnakapi en ikiyadan yanke cin heon Jesus tancan kin en ohnakapi.

WICOWOYAKE 20.

1. Anpetu tokaheya kin en anpao wanka naharin tanyan kamdeze xni ocowasin, Mariya Magdalene hnakapi qon ekta i

unkan inyan aonatakapi icunonpa yanka wanyaka.

2. Hececa unkan Simon Inyan hee qa taokiye wan iyotan kidake ciqon he kici inyang owicade qa, Owihanke Wanica hnakapi qon etanhan tancan kin icupi tuka tokiya ehnakapi tanin xni, ewicakiya.

3. Unkan Inyan taokiye uman qon kici tankan inanpapi qa en hnakapi qon ekta yapi.

4. Napin inyang yapi, taokiye uman qon hee duzahe qa Inyan kapa qa iye tokaheya ehan i;

5. Patux injin qa hnakapi kin aokasin, miniruha ecedan wanyaka tuka mahen iyaye xni.

6. Hehan ix Simon Inyan iyohi unkan katinyan mahen iyaya, miniruha ecedan makata yanka wanyaka.

7. Miniruha pa akan ehnakapi kin he tokeca miniruha umanpi qon hetanhan xni, he ix aiyo gepahan yanka.

8. Taokiye uman tokaheya hi qon hehan ix hnakapi kin mahen iyaya qa wanyaka unkan ix wicada.

9. Jesus te qa ake ekicetu kta, eyapi wowapi en kagapi he ehan naharin tanyan naronpi xni.

10. Taokiye kin he ihakam iye tipi ekta hdapi.

11. Hnakapi kin itankan Mariya e ecen najin qa ceya. Ceyaya patux injin qa hnakapi kin en aokasin.

12. Jesus tancan wanke ciqon itan anog, marpiya ohnihde nom taku ska ece koyakapi, uman pa wanke ciqon eciyatanhan yanke qa uman ix siha qon eciyatanhan yanka, wanwicayaka.

13. Unkan, Winorinca, taku on yaceya he, eciyapi. Unkan Owihanke Wanica mitawa tancan kin icupi qa toki ehnakapi kin sdonwaye xni, eya.

14. Heye qa hehan ihdamna unkan Jesus en najin wanyaka, tuka Jesus hee kin sdonye xni.

15. Tiawanhdag kiyapi kin heca kecin qa, Itancan he niye iyacu hecinhan tokiya eyahnake cin omakiyaka ye, ekta mde qa iwacu kta, eciya.

16. Unkan, Mariya, Jesus eya. Unkan ihdamna qa, Raboni, eya, he Itancan mitawa eyapi.

17. Ihnuhan omayadutan kin, Jesus eya; Naharin Ate ekta wai xni ee, hunktiya wo, misunka owicakiyaka wo. Ate ekta mde kta, he ate yayapi kin ee, he Wakantanka mitawa kin ee qa nix he Wakantanka nitawapi kin ee, Jesus eya.

18. Mariya Magdalene taokiye kin en wicai qa wowicakiya-

ka, Itancan kin wanyake ça hena hecen eciya, hewicakiya.

19. Anpetu kin he anpetu tokaheya kin ee irtayetu kin he en taokiye Juda oyate kowica- kipa qa aonaicitag yukanpi, en Jesus wicacokaya inajin qa, Wookiye nicipi un kte, ewica- kiya.

20. Hecen eye ça hehan nape cuwi ko wicakipazo. Taokiye kin Itancan kin wanyakapi un- kan wiyuxkinpi tanka.

21. Wookiye nicipi un nun- we, ake Jesus ewicakiya. Ate u maxi kin he iyecen mix ye cixipi.

22. Hecen eye ça hehan awi- caniya qa, Woksape Wakan icu po, ewicakiya.

23. Tona woartani wica- yecicajujupi kinhan hena wi- cakicicajujupi kta qa tona wica- yakipaganpi xni kinhan hena wicakipaganpi kte xni.

24. Ake nonpapi kin etanhan Tomas Didumos eciyapi he Je- sus hi kin he icunhan en ope xni.

25. Itancan kin wanunyaka- pi, taokiye kin eciyapi. Maza on nape en okatanpi qon he wanmdake ça nape en maza okatanpi kin en omdutan qa cu- wi nakun en omdutan qa heca- mon xni kinhan wicawada kte xni, itkom ewicakiya.

26. Anpetu ixahdogan he en ake witaya yukanpi qa tiyopa onatag han, hantuqe Tomas en opa, Jesus wicacokaya inajin qa, Wookiye nicipi un nunwe, ewicakiya.

27. Tomas mikiyadan u wo qa minape kin wanyake ça en oputkan wo, ninape kin uye ça micuwi kin en oputkan wo, oi- yanin içiye xni wo.

28. Itancan mitawa he Wa- kantanka mitawa, Tomas eya.

29. Jesus Tomas heciya, Wanmayadake cin heon nakaha wicayada. Tuwe wanmayake xni exta wicada kinhan he wo- pida tanka kta.

30. Taokiye wanyakapi en taku ota wapetokeca Jesus econ, tuka hena eqe wowapi kin de en kagapi xni.

31. Taku owapi kin dena on Jesus he Mesiya ee, Wakan- tanka Cihintku kin ee he wica- yadapi kinhan he caje kin on owihanke wanin wiconi duhapi kta.

WICOWOYAKE 21.

1. Ake hehan Jesus taokiye Tiberiyas mde icahda wanyag içiya, qa kakiya tanhan on wan- yag içiya.

2. Simon Inyan qa Tomas Didumos eciyapi qa Natanael

Kana Galile makoce kin hetanhan, qa Zebede cihintku wicayapin qa taokiye tokeca nom hena witayapi etu.

3. Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi qa wata wan en opapi, tuka hanyetu kin he takudan ktepi xni.

4. Ihanrana qehan wicihutakta Jesus najin tuka taokiye kin Jesus hee kin sdonyapi xni.

5. Hokxiyoqopa taku yutapi duhapi xni he, Jesus ewicakiya. Unkan, Han, eyapi.

6. Ho kin he wata etapa kin eciyatanhan erpeya po, etanhan iyeyayapi kta ce, ewicakiya. Unkan ecen iyorpeyapi, tuka ehaex hogan kin ota kin heon ehdakupi okitpanipi.

7. Taokiye waji iyotan kida kin hee, He Itancan kin ee ce, Inyan eciya. Itancan kin hee kin Simon Inyan hehan sdonya un tancodan xkan tuka xina ehdaku qa hdowin qa minin erpeiçiya.

8. Maka kin etanhan icanan wicixpa opawinge nom taokiye umanpi kin ege wata ohna hutata hdapi, ho kin hogan ojudan ehdapi.

9. Hutata kihunipi unkan pe-tagā akan hogan aguyapi ko yanka e wanyakapi.

10. Hogan wicayaktepi kin etanhan aku po, Jesus ewicakiya.

11. Simon Inyan ekta ye ça ho kin reyata hiyu ya, hogan tankinyanyan ece opawinge qa sanpa wikcemna zaptan qa samyamni; hogan kin ota ho kin ohnaka tuka iyurdece xni.

12. Upi qa de yuta po, Jesus ewicakiya. Taokiye najinpi kin etanhan, Tuwe niye he, eyapi kta tuka tuwedan tawaŋenye xni; Itancan hee kin he sdonyapi kin he etanhan.

13. Jesus en ikiyadan ye ça aguyapi hogan ahna icu qa wicaqu.

14. Piya ekicetu kin etanhan he iyamni taokiye kin en wanyag içiya.

15. Wotapi ayaxtanpi kin hehan, Simon Jona cihintku najinpi kin de sam iyeya waxte mayadaka he, Jesus Simon Inyan eciya. Ho, Itancan, waxte cidaka e sdonyakiye ciqon, eya. Tarincadan mitawa kin taku yutapi wicaqu wo, Jesus eciya.

16. Ake icinonpa, Simon Jona cihintku waxte mayadaka he, eciya. Ho, Itancan, waxte cidaka e sdonyakiya, eya. Tarinca mitawa kin wo wicaqu wo, eciya.

17. Ake iciyamni, Simon Jona cihintku waxte mayadaka

he, eciya. Yamni akihde, Waxte mayadaka he, eya iwange cin heon Inyan iyokixica; unkan, Itancan taku henana kin owasin yanuni xni, waxte cidake cin he sdonyaya, eya. Tarinca mitawa kin wo wicaqu wo, Jesus eya.

18. Konixka qehan niye cin-ka ipiyag yeton qa tokiya yacin eca ekta da ece, tuka tohan wini-carinca kinhan wicaxta tokeca wan nape yeyakiye kta, kinhan ipiyag nica-ton qa tokiya yacin xni exta ekta aniye kta, wowicake wowicake eciyatanhan eci-ciya.

19. Inyan wiconŋe kin tukte on Wakantanka yutan qa ŋe kte cin he Jesus ka e heya. Hecen eye cin hehan ihakam, Miyahna u wo, eciya.

20. Inyan hakikta unkan tao-kiye iyotan kidake ciqon hee wicihektam u e wanyaka, rtaye-tu wotapi icunhan Jesus maku

kin ipahin wanke ɕa, Itancan tuwe e inanitan kta he, eye ciqon hee;

21. Inyan wanyaka unkan Jesus heciya, Itancan de ix taku e akipe kta he.

22. Ake tohan wahi kte cin hehanyan decen un kte cin he etanhan initokeca he; niye mi-yahna u wo, Jesus eciya.

23. He etanhan hunkawanjin kiciyapi kin en, taokiye kin he ŋe xni un kta, kecinpi. 'Te xni un kta e Jesus hecen ke xni; Ake wahi kte cin hehanyan ni un kta exta he etanhan initokeca he, eye ciqon.

24. Taku kin hena taokiye kin he yaotanin qa wowapi en kaga, qa taku yaotanin kin he wowicake kin e sdonunyanpi.

25. Nakun taku ota Jesus econ, tuka nakun hena owasin otoi-yohi kagapi exta oyate hi-yeye cin wowapi kagapi kte cin he yuhapi kta epce xni.

ITANCAN TAWOCEKIYE KIN.

Ate unyanpi marpiya ekta nanke cin; Nicaje kin wakan dapi kte; Nitokiconze kin u kte. Marpiya ekta token nitawacin econpi kin, maka akan hecen econpi nunwe. Anpetu kin de taku yutapi unqu po; qa waunrtanipi kin unkicicajuju po, unkix iyecen tona ecinxniyan unkokiciranyanpi hena iyecen wicunkicicajujupi kin. Taku wawiyutanyan un kin he en iyaye unyanpi xni po, qa taku xica etanhan eunhdaku po. Wokiconze kin, wowaxake kin, wowitan kin, henakiya owi-hanke wanin nitawa nunwe.

AYER

Dakota

-26-

